



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



THE GIFT OF
Mr. Henry C. Hoskier



BS
2290
.G84



IO. IACOBI GRIESBACHII

BS
227
.G84

OPUSCULA ACADEMICA.

E D I D I T

IO. PHILIPPUS GABLER.

VOLUMEN I.

V I E N A E,

SUMTIBUS ET TYPIS FR. FROMMANNI.

MDCCCXXIV.

BS
2290
G84

gift
Henry C. Hoskins
7-3-29
2v.

P r a e f a t i o.

Io. Iacobi Griesbachii commentationes academicas, tam Halae, quam Ienae scriptas eius esse generis et pretii, ut non facile ab alio, eo quidem, quo conscriberentur, tempore, melius elaborari potuissent, inter omnes harum rerum peritos constat. Quare mirum non est, collectionem harum commentationum, quae singulae aegre, quae communis scriptorum academicarum sors est, pararentur, diu fuisse desideratam. Hic enim vir celeberrimus tanta erat doctrinae copia praeditus, tantaque ingenii vi et alacritate a natura instructus, ut, quicquid inprimis in re critica et exegetica N. T. scriberet, novam libris sacris lucem accenderet. Nec mirum. Naturam enim aequae ac fortunam adeo fautricem habuit, ut, quanta in singulis plerumque vixprehendantur singula naturae et fortunae beneficia, tanta in Eo amice coniuncta essent omnia. Unicus erat filius optimorum parentum, *Conradi Caspar. Griesbachii, Pastoris*

Moeno-Francofurtani (antea Gissensis et Butisbacensis), viri integerrimi et pro temporis ratione bene docti atque editis nonnullis soceri, *Io. Iacobi Rambachii*, Theologi Halensis et Gissensis celeberrimi, libris haud inclaris, eiusque coniugis, *Rambachii*, praeceptoris et fautoris, filiae, matronae erectioris indolis, quae inter feminas patriae ingenii et doctrinae vi emineret, atque multarum rerum, etiam linguarum, graecae et latinae, peritae. Tales parentes et probi et ipsi bonis nutriti literis non poterant non de filio unico recte formando admodum esse solliciti, atque, cum res eorum lautioris essent conditionis, nullis parcere sumtibus, quo novus quasi orbi literato redderetur *Rambachius*; sed plus effecit cura parentum adiuta quidem a natura, quam maxime fautricem nactus esset filius. Nam nepos *Io. Iacobus Griesbachius* maior evasit avo *Io. Iacobo Rambachio*. Iactis enim feliciter linguarum doctrinarumque fundamentis, atque bene haustis, quibus aetas iuvenilis in scholis impertiri solet, literarum elementis, per integrum fere septem annorum spatium in tribus academiis, Tubingensi, Halensi et Lipsiensi, scholas Theologorum aliorumque doctorum tum temporis celeberrimorum ita frequentavit,

ut universum literarum doctrinarumque, praesertim divinarum, ambitum complecteretur. Inprimis *Io. Salom. Semleri* institutione et consuetudine, atque accurate cognitio illius libris se totum dedit studio tum historiae christianae, tum textus et sensus Novi Foederis recte constituendi. Quamobrem finitis studiis academicis per biennium peregrinationes instituit, non solum quo urbes hominesque videret, sed potius ut codices N. T. manuscriptos inspiceret et inter se conferret, atque examinandis variis codd. lectionibus criticam sibi compararet facultatem. Quod quidem consilium tam feliciter perfecit in Anglia et Gallia, adiutus praesertim tum miro ingenii acumine atque iudicandi sollertia, tum benevolentia virorum doctorum, qui ei aperirent thesauros bibliothecarum Londinensium, Oxoniensium, Cantabrigiensium et Parisinarum, ut Halam vix ex itinere reversus novam crisi N. T. speciem indueret, et haud ita multo post in re critica N. T. praeceptor Germaniae evaderet. Etēnim iam A. MDCCLXXI in dissertatione, *de codicibus quatuor Evangeliorum Origenianis*, pro impetranda venia docendi publice ventilata tale exhibuit copiosae et accuratae eruditionis criticae cum ingenti ingenii acumine coniun-

ctae specimen, quale antiquior aetas in eiusmodi periculis iuvenum theologorum a multis inde annis, si forte excipias *Moshemiani* ingenii primitias, vix viderat. Atque post tres annos *Griesbachius*, tum triginta demum annos natus, novum, idque gravissimum periculum subiit edendae novae recensitionis textus Nov. Test. cum additis selectis variis lectionibus atque notis criticis. Sed has omnes difficultates sibi obiectas tam feliciter superavit, ut non modo omnium eruditorum oculos, qui in his rebus aliquid videre iure suo credebant, in se converteret, verum etiam post triginta adeo annos, quibus ad perfectam iudicii critici maturitatem pervenisset, perpauca modo haberet, quae in *textu* editionis secundae mutaret aut emendaret. Quo factum est, ut, pie defuncto *Io. Georgio Walchio*, theologo celeberrimo, eo ipso tempore (A. MDCCLXXV), quo volumen alterum editionis suae criticae Nov. Test. in lucem prodiiisset, Ienam evocaretur in locum b. *Walchii* suffectus. Unde nova lux huic literarum officinae adfulsit; nam cum doctrina accurata facultatem etiam clare et perspicue docendi alios ita coniunxit, ut cum plaust omnium tam historiam ecclesiae christianae exponeret, quam singulos Nov. Test. libros in-

interpretaretur. — Itaque omnia viro docto ex voto evenerunt, et brevi quidem tempore magnam nominis celebritatem adeptus est. Quae laeta Viro sors non facile, saltem non tam cito, obtigisset, nisi ingenii praestantia rerum externarum prosperitatem adiunctam sibi habuisset tant fidam et perpetuam comitem, ut, quibus opus esset, ad itinera rei criticae promovendae causa instituenda, sumtus impendere posset, atque semper haberet, unde magnam librorum optimorum supellectilem sibi comparare posset, nilque sane deesset, quod in prosequendis studiis divinis humanisque eundem maxime sublevaret. Unde factum est, ut, quicquid scriberet, eo saltem tempore, quo scriberet, optimum in suo genere esset. Quare valde dolendum est, talem virum, qui omnibus doctrinae theologiae praesidiis satis munitus omnem rem theologicam, inprimis historicam et exegeticam, eximie promovere potuisset, tot tantisque aliis negotiis ac laboribus, iisque a studiis theologicis longe diversissimis adeo obrutum fuisse atque distentum, ut nihil restaret temporis, quod ad proferendos et amplificandos doctrinae theologiae fines in illustrandis et emendandis singulis illius capitibus consumeret. Multum quidem profuit

vir perspicacissimus saluti publicae et rebus
 oeconomicis tum academiae, tum oppidi agri-
 que Ienensis, tum terrarum Vimariensium
 omnino, iudicandis et subducendis rationibus,
 imo componendis novis calculis, aequae ac con-
 siliis saluberrimis. Nec displicuere viro, quo
 esset animo ad imperandum et prono et ido-
 neo, nec angustioribus literarum theologia-
 rum cancellis circumscribi se passo, negotia
 publica a senatu academico, qui ordinis pro-
 vincialis iure fruitur, ei collata. Attamen va-
 riis his iisque haud raro molestis laboribus
 tantopere obrutus erat vir celeberrimus tan-
 tamque fecit temporis iacturam, ut, accedente
 praesertim infirma, eaque diuturna, valetudi-
 ne, qua quovis fere anno variis conflictatus in-
 commodis languesceret, per integrum trigin-
 ta annorum, et quod excurrit, spatium praeter
 compendiolum theologiae dogmaticae popularis
 nihil publici iuris faceret, quod aetatem ferret,
 quam symbolas criticas et novam editionem
 Nov. Test. graeci cum adparatu critico coniun-
 ctam, atque annuas prolusiones festales, quam-
 vis eundem semper per quadraginta fere annos
 cyclum scholarum historicarum, exegeticarum,
 criticarum et hermeneuticarum servasset, nec
 aliarum praelectionum theologicarum onus si-

bi imponi passus esset, quam quas ab initio habendas sibi sumsisset.

Eo maioris autem pretii habendae sunt prolusiones academicae Viri summi, quod in iis solis publica extant egregiae, quam prae se ferebat, quamque in scholis ad vitae usque finem cum plausu auditorum profitebatur, scientiae historicae et exegeticae documenta. Prostat quidem in tabernis librariis collectio programmatum pentecostalium, eorumque critici argumenti, ab anno inde nonagesimo quarto praeteriti saeculi ad undecimum hujus saeculi annum, duabus particulis comprehensa, quae commentarium criticum in Evangelia Matthaei et Marci continent; sed, quae antecessere, opuscula academica nondum sunt iunctim typis excusa. Quae quum singula post tantum temporis intervallum aegre nunc possint comparari, atque nonnulla modo in promptuarium libellorum academicorum ab *Kuinoelio* eiusque sociis editum sint recepta, quamvis omnia a viris doctis magni aestimentur: possidendae integrae horum opusculorum collectionis mirum non est permultis enatum fuisse, imo palam significatum desiderium; cui tandem cessit b. *Griesbachii* vidua, matrona honestissima, redemptore quidem *Frommanno*, viro lite-

rarum amantissimo, earumque promovendarum studiosissimo. At *Griesbachius*, ὁ μανάγης, prae nimia modestia nihil cogitans de colligendis et amplificandis libellis suis academicis nullam eorum reliquit congeriem; quo factum est, ut *Griesbachii* vidua, quum me, ut libellos hos ederem, rogasset, pusillum modo fasciculum commentationum mihi adferret, quarum nulla haberet emendationes aut notulas a b. Viri manu adpersas, praeter unam, philosophicam quidem *de fide historica*, quas etiam textui aut inserui, aut, tanquam notulas, subieci. Itaque complendum a me erat *syntagma* commentationum tum e meis ipsius copiosis, tum cura *Frommanni*, qui, quae adhuc deessent, aliunde pararet. Quae quum omnia tandem plene ac perfecte essent parata, id egi potissimum, ut singulae commentationes secundum ordinem chronologicum disponderentur, atque prelo commissae sine vitiis operarum, sive olim sive nunc demum commissis, prodirent, exceptis ultimis prolusionibus, quae iam antea vivo adhuc *Griesbachio* sub commentarii critici in Evangelia *Matthaei* et *Marci* nomine denuo typis fuerant excusae. Quem quidem laborem sane molestum eo libentius suscepi, quod non solum ex eadem b. *Griesbachii* patria urbe es-

sem oriundus, verum etiam per integros tres annos scholae suae alumnus, earundemque disciplinarum theologicarum, quas *Griesbachius* tractabat, inprimis exegeticarum et criticarum, adsiduus cultor, imo per octo annos collega in ordine theologorum Ienensium, denique post obitum illius successor in primo ordinis loco. Quare cum voluptate opus arduum adgressus in duo volumina distributum ante duos fere annos absolvi, quamvis hoc onus sexagenario potius quam septuagenario mihi impositum optassem. Restabant modo praeter praefationem uberiores, quos promiseram, excursus, quibus in singula commentationum *Griesbachianarum* capita pro aetatis nostrae ratione latius excurrere animus erat, ut lectores nostri, si compararent *Griesbachii* commentationes cum additamentis meis, haberent aliquam totius argumenti a b. *Griesbachio* suo quidem tempore egregie tractati summam. At, eheu! interceptus fui ab illo inde tempore a perficiendo hoc opere, tum aliis negotiis academicis, inprimis devoluto in me hoc ipso anno (MDCCCXXII) summi magistratus onere gravissimo, tum gravi morbo, quo sub finem februarum eiusdem anni auctumnalium vehementer adeo corripere, ut ab omni, acriori qui-

dem, virium contentione in meditando et scribendo interdicerer.

Quapropter etiam nunc, ubi editio horum opusculorum diutius differri nequit, mihi abstinendum est ab elaborandis prolixioribus, quae promiseram, additamentis, ne vires a fracta valetudine mihi relictas scholis meis, quibus a multis inde, iisque plus quam quadraginta, annis vivere soleo, temere prae-ripiam, nec editionem commentationum b. *Griesbachii* academicarum typis iam dudum exscriptarum longius retineam. Missó igitur ἐπιμετρώ illo promisso, cura mea nunc coercenda est angustioribus describendarum breviter commentationum ipsarum finibus, additis nonnullis observationibus, quas aequi bonique consulant lectores, suosque in usus, prouti libuerit, convertant, rogo. Nec aegre ferent hanc, promissorum quidem, cum adhuc integra esset valetudo, additamentorum meorum, si qua est, iacturam ingenii Griesbachiani fautores et admiratores, qui curas magni illius viri academicas, non meas qualescunque, desiderant. Si qui autem sint, qui desiderant, occasio forte offertur explendi huius desiderii in edendis meis ipsius opusculis academicis Altorfinis et Ienensibus, quae secundis quidem

curis, si Deus vitam viresque concesserit, emendanda atque amplificanda molior. —

Primum hoc volumen sex continet commentationes Griesbachianas, quarum *prima* exhibet *locos theologicos ex Leone Magno collectos*, quam dissertationem historico-theologicam defendit iuvenis vix viginti trium annorum sub moderamine *Io. Sal. Semleri*, A. MDCCLXVIII. Erat autem haec commentatio, quae plus quam decem plagulas complet, exquisitae doctrinae, magnae diligentiae et acris ingenii testis locupletissimus, sive ipsam in textu ipso tractationem, sive notas subiectas spectes; atque hae primitiae eius iam erant generis, ut certum proderent futurae Viri magnitudinis augurium. Nemo enim, qui historiam dogmatum christianorum accuratius perscrutari velit, egregia hac symbola ex Leonis M. locis theologicis carere potest, iisque ex epistolis et sermonibus illius Viri, orthodoxiae in ecclesia latina studiosissimi ac tenacissimi, tam accurate collectis et rite digestis ac illustratis, ut tota orthodoxiae latinae, quinto quidem p. C. N. saeculo, indoles ac forma plane possit ex hac dissertatione intelligi. Dolendum modo est, *Griesbachium* brevitatis studio ductum, cum haec dissertatio fines ta-

lium scriptionum academicarum iam longe superasset, plures Leonis M. locos v. c. de sanctorum intercessionibus eorumque invocatione, de poenitentia atque satisfactione, de confessione privata, de meritis bonorum operum, aliisque similibus praetermisisse, nec invenisse aemulos, qui aliorum, quos vocant, Patrum tertii, quarti et quinti saeculi, qui admodum inclaruerunt et magna gaudebant auctoritate, locos theologicos ex operibus eorum simili ratione exciperent et illustrarent, si excipias *Roesslerum*, qui in egregia *bibliotheca Patrum* accurate quidem, sed breviter, atque secundum ordinem librorum, non ipsorum locorum theologicorum, dogmata horum doctorum ecclesiasticorum adumbravit. Multo magis dolendum est, b. *Griesbachium* post has primitias historiam dogmatum commendasse quidem accuratius excolendam, sed non ipsum neque libris peculiaribus, neque in scholis exposuisse aut adjuvisse. Caeterum de *Leone M.*, episcopo romano, strenuo hoc orthodoxiae romanae defensore, atque gloriae et supremae auctoritatis sedis romanae cupidissimo conferri merentur inter recentiores *Io. Andr. Cramer*, *Fortsetzung III. d. Bossuët. Einleit. in d. Gesch. d. Welt u. d. Religion p. 612. sqq. Can.*

Fr. Gottl. Schoenemanni bibliothec. Patr. Lat. nor. Tom. II. p. 861 sqq. *I. Chr. Frid. Wundemann* Gesch. d. christl. Glaubenslehren, Th. I. p. 90. sqq. *Io. Matth. Schroeckh* christl. Kirchengeschichte, Th. XVII. p. 30. sqq. 130 sqq. et *Henr. Phil. Conr. Henke* opuscula academica p. 61. sqq. —

Secunda commentatio, quam b. Auctor sub finem eiusdem anni MDCCLXVIII. prae-
side I. Fr. Stiebritzio Halae defendit pro sum-
mis in Philosophia honoribus rite capessendis
agit de fide historica ex ipsa rerum, quae nar-
rantur, natura iudicanda. Qua quidem disser-
tatione alteram quasi partem egregiae *Ernestia-
nae* commentationis: de fide historica recte ac-
stimanda (cf. *Io. Aug. Ernesti* opuscula philolo-
gica critica. ed. 2. Lugd. Batav. 8. 1776. p. 64
sqq.) exhibuit, vel potius, quod *I. A. Ernesti*
paucis modo attigerat (l. c. p. 93 sq.), *I. I. Gries-
bach* fusius atque accuratius exposuit. Nam
fides historica (quod hic ipse recte monuit in
dissert. §. 1.) duobus nititur fundamentis: quo-
rum alterum, historiae proprium, ea sub se
veritatis signa comprehendit, quae a *testium*
dexteritate atque sinceritate repetuntur; alterum,
omnibus literarum disciplinis quodammodo
commune, ea complectitur, quae ex *ipsorum*

factorum, quae traduntur, natura duci posse videntur. Ista *externa veritatis criteria*, e quibus *testium* auctoritatem aestimare solemus, seu *historica I. A. Ernesti* in illa dissertatione *de fide historica* copiose et eleganter enucleavit; haec autem *interna veritatis criteria*, quae ex rerum ipsarum natura et indole, earumque possibilitate, probabilitate interna, quae a testimonio non pendet, aut denique necessitate eo consilio sumuntur, ut per ea argumentorum historicorum auctoritas vel confirmetur, vel infringatur, quae *philosophicorum* nomine veniunt, quorum cognitio exquisitior magni est momenti, accuratius in hac ipsa dissertatione exponenda sibi sumsit *Griesbachius*, quum ante eum nemo hoc argumentum copiose satis et accurate, uti decet, tractasset. Versatus autem est vir acutissimus quam diligentissime in tractando et exhaustiendo hoc argumento, ut haec commentatio non possit non, uti historicis omnino, ita theologis inprimis graviter commendari, tum in theologia dogmatica philosophice tractanda, tum in omni re critica, tum in historia ecclesiastica a fabulis repurganda, tum denique in recte iudicandis narrationibus in ipso N. T. traditis. Plerumque enim theologi, quasi re bene gesta, sibi ipsi plaudere

solebant, modo in expendenda dexteritate et sinceritate testium regulas ab *Ernestio* in illa commentatione praescriptas diligenter observassent. —

Tertia huius voluminis commentatio inscripta est: *dissertatio critica de codicibus quatuor evangeliorum Origenianis. Pars prima* *); quam *Griesbachius* d. VIII. m. Octobr. MDCCCLXXI pro impetranda venia docendi Halae defendit ipse praeses, respondente *Frid. Andr. Stroth*, tum semin. theol. regii Seniore. — Haec dissertatio facile princeps est in primo hoc volumine; nam non modo amplam demonstravit in ea *Griesbachius* accuratae ac multiplicis doctrinae copiam, verum etiam operosam lectionum Origenianarum investigationem; qua familiaritate cum omnibus ac singulis *Origenis*, viri *κρίνωτατος*, operibus contracta *fundamenta* iecit novae suae theoriae Critices textus graeci N. T. Nondum quidem *duplicis*, eiusque vetustissimae, *recensionis*, quam vocant, *alexandrinae* et *occidentalis* expressis verbis mentionem fecit in hac commentatione (hoc potius tres demum post annos egit vir acutissimus et de maioribus subinde

*) *Pars secunda* non prodiit, saltem non seorsim.

artis criticae incrementis sollicitus, in primae editionis [Hal. 1774.] textus graeci librorum historicorum Nov. Testam. eiusque partis *prioris praefatione* p. XVI.); imo retulit adhuc (p. 309. sq.) cod. D. (Cantabrig.) ad subsidia critica reperiendae lectionis Origenianae s. *alexandrinae*, quamvis tertio demum loco repouenda, cui paucos post annos *primum* locum adsignavit in constituendo textu recensiois *occidentalis*. Attamen viam iam aperuit inveniendi textum N. T. antiquissimum, docendo primum et copiose, Origenem non confecisse *recensionem* textus sibi peculiarem, sed usum modo fuisse pluribus iisque optimis codicibus, deinde diligenter monendo, quanta cautione opus sit in conferendis Patrum operibus ad detegendam veram, quam quisque sequutus sit, locorum N. T. lectionem. Denique sub finem huius dissertationis (p. 305 sqq.) disserit, breviter quidem sed accurate, de *fōnte*, ex quo Origenianarum lectionum notitia peti possit, longe quidem ab iis, quibus usus esset Origenes ipse, quosque hactenus commonstrasset, dissito licet uberrimo; esse enim codices quosdam, qui mirifice cum allegationibus Origenianis conspirent, quorumque igitur ope reperiri possent lectiones Origenis, etiam in locis N. T.

ab eo non allegatis. Quinam hi libri sint, et quonam affinitatis gradu codices Origenianos attingant, fusius docere voluit, in *secunda* huius dissertationis parte. Haec quidem nunquam in lucem prodiit; nihilo tamen secius *Griesbachius* stetit promissis. Nam in *symbolis criticis*, tam tom. prior. (Hal. 1785. 8.) quam tom. poster. (Hal. 1793. 8.) hos codices omnes A. C. D. L. 13. 69. etc., quos in bibliothecis Angliae et Galliae, ubi delitescunt; singulos examinaverat atque inter se comparaverat, cum multis aliis, tam copiose et accurate ab omni parte descripsit, atque gradus affinitatis adeo subtiliter investigavit, familiasque, ad quas quisque pertineat, designavit, ut viro critico cuique, qui alios libros manuscriptos examinare atque inter se conferre velit, exemplo esse possit. Per multa enim tum in conferendis codicibus, tum in iudicandis eorum familiis rectius vidisse virum acutissimum antecessoribus suis, *Millio*, *Bengelio*, *Wetstenio* ac *Semlero*, atque criseos N. T. studium non modo apud nos denuo excitasse, sed eidem etiam novam induisse faciem, inter omnes constat; etsi *Hugium*, virum praestantissimum, nostra aetate in digerendis codicum familiis statuendoque iis pretio nonnulla rectius

vidisse *Griesbachio*, lubens concedam. Sed his alius locus erit opportunior. Huic loco aptius fuerit monere, *Griesbachium* opinionem in hac dissertatione p. 243. expressam, atque diu servatam, nempe: „in scriptionibus Origenianis „*omnibus eundem* Novi Testamenti textum laudari,“ sub finem vitae reiecisse ipsum. Ipse enim non modo fatetur in *Commentarii critici partic. II.* (Ien. 1811.) *praef.* p. V. „*Origenem diverso tempore usum esse duobus diversis Marci exemplaribus, uno alexandrino, altero occidentali;*“ verum etiam idem evidenter probasse (p. IX—XXXX:) sibi videtur.

Quarta huius voluminis primi commentatio *de historiae ecclesiasticae nostri saeculi usibus sapienter accommodatae utilitate* conscripta erat a *Griesbachio*, ut hac praefatione invitaret ad audiendam orationem suscepti in academia Ienensi publici muneris [Professoris theologiae ordinarii] causa a. d. VI. Iul. MDCCLXXVI. recitandam. Erat hoc programma, quo libertas iudicandi de rebus theologiacis valde commendatur, peropportunum isti temperi, quod suos alebat *Goetzios*, *Benneros*, aliosque coecos propugnatores antiquarum opinionum; sed et nostra aetas, quae *Harmisios* habet, haud exiguos fructus ex docta hac

prolusione percipiet, quamvis pro necessitate temporis in enarranda historia ecclesiastica nonnulla aliter nunc sint informanda, alia addenda. Semper enim, recte monente *Griesbachio*, in rerum narrandarum delectu et modo narrationis ratio habenda est eius, quo vivimus, temporis, quo certius genuina Iesu Christi religio commendetur, veritatis ac virtutis studium acuatur, et pacis concordiaeque amor alatur. Itaque in hoc programme disquiritur, qua ratione rerum inter Christianos gestarum narratio eius quo vivimus temporis utilitatibus inservire queat. Inter fructus, qui e iusta factorum ecclesiae christianae cognitione ad nos redire possunt, *primo* loco commemoratur, quod praecipitem novandi libidinem reprimat; maxima enim hominum pars, in rebus praecipue sacris, antiquis et a maioribus acceptis unice delectantur et pro his pertinacissime pugnant; id quod Novatianorum exemplo, qui Catholicis rectius vidissent, dilucide illustratur. *Deinde* historia rerum in ecclesia christianâ gestarum nos admonet, ne antiquiorum doctorum vestigiis nunquam non inhaerendum esse arbitremur, novaque omnia, hanc ipsam ob causam, quia nova sunt, spernamus aut aversemur: theologia enim novis mutationi-

bus quovis fere saeculo obnoxia fuit. Ii modo, qui historiarum plane ignari sunt, somnare solent de constanti systemate theologico; quare historia ecclesiastica ad liberalem veri inquisitionem nos reddit aptiores. — Porro historia ecclesiastica inservire potest moliminibus eorum, qui novatores et reformatores novelli vulgo audiunt, *sobrie ac moderate* iudicandis; modo summam religionis christianae ab iis quaestionibus, quae eam plane non attingunt, rite distinguamus. Id quod in controversia Ariana exemplo epistolae *Constantini M* ad *Alexandrum*, Alexandriae episcopum, et ad *Arium* probe attendendo, nec non in controversia Eutychniana literis episcoporum Pamphiliensium, atque in lite Pelagiana exemplo Zosimi, episc. rom., bene illustratur (p. 338 sqq. coll. p. 355 sq.). — Praesertim nostra aetate non negligenda sunt, quae *Griesbachius* de *rationalismo* Origenis (p. 343 sqq.) nec non de vario modo salutarem mortem I. C. cogitandi inter veteres christianos (p. 348 sqq.) atque de systemate orthodoxo variis modis et artibus sensim sensimque enato (p. 359 sqq.) fusius disse-rit. Quae si probe pensitamus, historia ecclesiastica etiam nos docet, quomodo adversus eos, qui a doctrina, quae orthodoxa inter nos censetur,

aberrare videntur, gerere nos debeamus. Egre-
gie hoc illustratur exemplo controversiarum
Arianarum, Nestorianarum et Eutychianarum,
inprimis *detestabili* asperitate Patrum Chalce-
donensium (p. 364 sqq.). — Denique historiae
ecclesiasticae studium animum ipsum salubri-
ter commovere, eumque tam pacis, concor-
diae, mutuaeque tolerantiae studio imbuere,
quam violentiae omnis horrore replere valet.
Commemoratur h. l. exemplum amicae collatio-
nis *Dionysii* Alexandrini cum Chiliastis, et
proferuntur debacchationes *Hieronymi* contra
Helvidium, Iovinianum et Vigilantium (p. 369
sqq.). Intelligimus teste historia, vehementer
errare eos, qui omnes a doctrina orthodoxa re-
cedentes levitatis impietatisque accusant, fon-
tesque errorum in pravo errantium animo pra-
visque eorum consiliis positos esse arbitran-
tur, quod illustratur exemplo Origenis (p. 373
sq.). Nemo igitur, qui cognoscendae historiae
eccl. liberalem impendit operam, ad haereseos
vocabulum vel haeretici appellationem trepida-
bit, aut sacro quasi horrore contremiscet. —
Ex hoc argumento programmatis breviter hic
adumbrato facile intelligimus nostra etiam ae-
tate illud esse lectu dignissimum. Dolendum
modo est, b. auctorem brevitatis studio, quum

haec prolusio schediasmatis academici limites iam esset transgressa, impeditum fuisse, quo minus sub finem viam monstraret, qua ratione tractari debeat historia ecclesiastica, ut fructus supra enumerati percipi ex eius studio queant.

Commentatio quinta et sexta huius voluminis de vera notione vocabuli $\piνευμα$ in cap. VIII, epist. ad Romanos exhibent duo programmata pentecostalia A. MDCCLXXVI et MDCCLXXVII. — Quum voc. $\piνευμα$ in N.T. libris saepius obvium ad vocabula $πολυσημα$ pertineat, b. auctor in duplici hac prolusione id egit, ut ex contextu orationisque $συναφεια$ atque diligenti phrasium a Paulo adhibitarum inter se comparatione vim ac potestatem vocabuli $\piνευμα$ saepe in hoc capite VIII. epist. ad Romanos recurrentis erueret et, quantum fieri posset, brevissime declararet. — Primum in prolusione priori explanatur nexus sententiarum, atque genuina lectio tum v. i. omittendis verbis: $μη κατα σαρκα περιπατουσιν, αλλα κατα πνευμα$, (p. 382 sq.) tum v. ii. legendo: $δια το ενοικουν αυτου πνευμα$, idoneis de causis criticis (p. 395 sqq.) textui vindicatur. Deinde in prolusione posteriori collatis et recte explanatis commatibus 9. — 27 huius capitis

VIII. eundem sensum πνευματος aequae ac in antecedentibus comm. 1—8. admittendum esse merito sumitur. Quare b. Auctor iure suo statuit: το πνευμα significare in hoc capite novam illam atque ad legis divinae praescriptum conformatam mentis indolem, quae per Evangelium, quo tanquam instrumento suo in emendandis hominum animis utitur Spiritus sanctus, procreatur. — Praeterita illa tempora si spectes, quibus haec scripserat Griesbachius, ubi plerumque πνευμα etiam hoc capite VIII. ep. ad Rom. personam Spir. S. denotare existimabatur, bene meritus est Auctor, aliter informans sensum totius illius capitis; nam de persona Spir. S. hoc loco plane non est cogitandum. Sed si universum sententiarum Paullinarum nexum consulas, mea quidem sententia το πνευμα modo significat vim divinam in Christianis se exserentem ad excitandum et alendum sensum pietatis et virtutis christianae, modo hunc sensum pium et honestum ipsum, tanquam fontem omnium a Christianis probe ac recte, sancte et honeste factorum. Principium enim illud divinum, et sensus ipse divinus a Deo profectus non semper accurate ab Apostolo distinguuntur; utrumque enim est illud θεiov in veris Christianis conspicuum, Sed fusius de his

disserere non est huius loci. Caeterum in gravissima hac quaestione de vera vi ac potestate voc. πνεύματος, inprimis in epistolis Paullinis, haud abs re erit cum iis, quae a b. *Griesbachio* egregie hoc loco dicta sunt, diligenter conferre, quae in doctis *Koppii*, *Mori*, *Noesselti*, *Ammonii*, aliorumque clarorum nostri temporis interpretum libris hac de re bene observata legimus. — Tantum de commentationibus in hoc Vol. I. contentis! In reliquas *Griesbachii* prolusiones academicas ad Vol. II. typis iam excusum hoc ipso anno, volente Deo, copiosius sum praefaturus. Scripsi Ienae, a. d. XVI. m. Febr. MDCCCXXIV.

Io. Phil. Gabler.

Conspectus Vol. I.

Praefatio editoris. pag. I—XXVI.

I. Dissertatio historico-theologica locos theologicos collectos ex Leone Magno, Pontifice Romano, sistens. p. 1—166.

II. Dissertatio de fide historica ex ipsa rerum, quae narrantur, natura iudicanda. p. 167—226.

III. Dissertatio critica de codicibus quatuor Evangeliorum Origenianis. Pars prima. p. 227—317.

IV. Programma de historiae ecclesiasticae nostri saeculi usibus sapienter accommodatae utilitate. p. 318—377.

V. Programma I. de vera notione vocabuli *πνευμα* in cap. VIII. epist. ad Romanos. p. 378—400.

VI. Programma II. de vera notione vocabuli *πνευμα* in cap. VIII. epist. ad Romanos. p. 401—418.



I.

Dissertatio Historico-Theologica

Locos theologicos collectos ex Leone magno

Pontifice Romano sistens.

Quam sub moderamine

Ioannis Salomonis Semleri

D. Febr. MDCCLXVIII. Eruditorum examini sub-
mittet auctor

Ioannes Iacobus Griesbach

Moeno-Francofurtensis. S. C. L.

Section 1.

Quae est praeparatoria.

§. I. Cum omnes fere partes eruditionis theologi-
cae luculenter possunt e libris antiquissimarum, quos
patrum appellatione veneratur christiana ecclesia,
doctorum, illustrari; tum vero inprimis multiplex
est et incredibilis, quae ex his descriptionibus ad dog-
maticam theologiam afferri potest utilitas. Sed ne-
scio quid sit, quod inde ab eo tempore, quo ma-
iores nostri communionem Romani Pontificis dese-

Griesbachii O. a. I.

A

ruerunt, plerique nostrarum partium theologi, qui aliquid studii in patrum lectione consumserunt, in hoc potissimum elaborandum sibi esse putaverint, ut demonstrarent, longius abesse pontificios a vetustissimorum christianorum doctrina quam nos: pauciores vero id egerint, ut quascunque patrum dogmaticas sententias notatu digniores, nulla aut consensionis aut discrepantiae habita ratione, recenserent. Equidem is non sum, qui priores illos reprehendam, id consilii sectantes, quod in polemico loco sua utilitate eo tempore non caruit; at nostrae tamen aetati magis convenire arbitror liberalia illorum studia, qui patrum sententias ita colligunt, ut illarum ortus atque successiones, et incredibilis in rebus dogmaticis, definiendis antiquiorum theologorum varietas, salubriter perspicui queat. Utilitas enim, quae e librorum a patribus conscriptorum lectione ad nos redit, non tam in eo posita est, ut illorum temporum ac hominum opiniones et decreta, quae his scriptionibus continentur, sancte retineamus et posteris fideliter tradamus, quam in eo potius, ut tum inspiciamus tanquam in speculum in praeteritorum seculorum monumenta, atque ex aliis sumamus exemplum nobis, et discamus, quid nostra hac aetate facti usus sit; tum praeterea, ut iustam nobis comparemus de dogmatum theologicorum natura et indole iudicandi facultatem. Nulla vero via, si qua est alia, qua ad hunc finem perveniri possit, brevior est ea, quam ineunt qui patrum volumina ita versant, ut observent, quo tempore, qua occasione, et a qui-

bus primum exposita fuerint singula dogmaticae disciplinae capita; quid ab aliis postea additum sit aut immutatum; quae quasi genealogia uniuscuiusque dogmatis fuerit ¹⁾; quibus argumentis quodque vel confirmatum sit vel impugnatum, et quae sunt huius generis reliqua. Quae qui penitus cognita habet atque perspecta, non poterit non rectius quam alii statuere de ipsa christianae religionis indole, quae quum ex Dei consilio ad omnes homines pertineat, subtilibus illis sententiis nequit contineri ac absolvi, quae, ut haud mediocrem ingenii culturam atque eruditionem variam ponunt, ita ab iis intelligi non possunt, quibus denegavit vel vitae tenuior ratio eam facultatem.

§. 2. Cum itaque in animum induxissem edere aliquod vitae academicae a me adhuc actae rudimentum; e LEONIS MAGNI, Pontificis Romani, scriptis visum est nonnulla, quae ad doctrinae christianae historiam pertinent, ita proponere, ut eorum maxi-

1) Sed non poterit ista sententiarum theologicarum genealogia satis accurate describi, nisi ratio simul habeatur geographiae dogmaticae. Nempe aliis in regionibus atque provinciis cogitandi docendique ratio, quod ad unum alterumve dogma, plerumque diversa erat ab ea, cui aliorum locorum homines adsueta erant. Unaquaeque fere provincia quasdam habebat peculiare *εἰδησις* et *νομήματα* nonnulla sibi propria. Sic v. c. Eutychetis de Christo opiniones Aegyptum, Augustini vero placita Africam potissimum redolent. Sed iusta utilissimae rei enarratio adhuc in *desideratis* habetur.

me rationem sequeretur, qui dogmaticis magis quam polemicis usibus inservire student. Excerptam igitur ex LEONIS M. epistolis atque sermonibus ea, quae maxime idonea videbuntur, ad demonstrandum, quid ille de nonnullis fidei christianae capitibus senserit; conferam inter se accurate omnes eiusdem argumenti locos, et servabo, quantum fieri poterit, ipsa auctoris verba atque disciplinae formulas. Comparabo cum his, sicubi in rem esse videbitur, scripta aliorum patrum; sive illi in aliqua dogmatis cuiusdam definitione, nostro seculo minus usitata, concinant auctori nostro, sive in alia omnia discedant ²⁾. His denique nonnullas, ut res feret, adspersam observationes.

§. 3. Quod autem LEONI prae aliis operam meam, qualiscunque sit, dicaverim, nemo facile, ut spero, vituperabit. Tanta enim semper auctoritate apud catholicos christianos, et orientales et occidentales, valuit Noster, ut vix maior esse possit. Celeberrimam praesertim illam, quam ad *Flavianum* dedit epistolam, in qua incarnationis mysterium dilucide exponitur et contra haereticos defenditur, summis laudibus ad coelum ab orthodoxis evectam

2) Egrègie in hoc negotio me adjuverunt, quae summe *Ven. FRAESER* e scriptis Patrum dogmaticis collegit in introductione ad *b. Baumgartenii* theol. polem.; quo tamen adminiculo ita usus sum, ut auctorum libros a *Viro incomparabili* laudatos ipse evolverem, ne alienis tantum, quamquam optimis, oculis vidisse dici possem.

esse, non solum quam plurimae ad **LEONEM** datae multorum litterae, verum etiam plurimum conciliorum decreta abunde testantur, in quibus semper honorifica huius scriptionis mentio habetur, eiusque auctor columna praedicatur et illuminator ecclesiae, firmamentum orthodoxae fidei, apostolicorum dogmatum defensor, apostolia ipse coaequandus etc. Quid? quod haec epistola, quam concil. *chalconense*. universale communem quamdam appellat columnam adversus perverse sentientes, tam in romana ecclesia, quam in aliis et italicis et gallicis coetibus eo tempore, quo Jesu Christi adventus celebrari solet, publice lecta est; id quod e pluribus *Lecctionariis* libris satis antiquis recte colligitur. Recentiori etiam aetate multos fuisse, qui lectione scriptionum, quas **LEO** elucubravit, delectarentur, dubium esse nequit, cum inde ab anno 1470 aut 1471 plus minus vicies eius opera typis sint excussa ³⁾. Quanti Romana hodie quoque ecclesia cum

3) Epistolae praeterea saepius, magna saltem ex parte, et seorsim editae, et in collectionibus conciliorum, epistolarum decretalium etc. recusae sunt. Ego vero utrorumque operum editione, quae curantibus *Petro* et *Hieronymo* fratribus *Balleriniis*, Presbyteris Veronensibus, prodiit Venetiis 1753 tribus tomis fol. in qua ad multorum praestantissimorum codicum fidem meliores saepe lectiones inductae, spuria scripta a genuinis sollicito separata, et adnotationes, satis plerumque utiles, tam ad **LEONIS** textum, quam ad *Quenellii* dissertationes hic recusae adiectae sunt. Pluribus de hac editione egit S. V. **ERNESTI**, litterarum omnium de-

faciat, nuper ipse *Benedictus XIV.* Pontif. Max. demonstravit, qui anno 1754. ecclesiastica lege, de apostolicae potestatis plenitudine, proprium *Doctoris titulum* atque *cultum* ei decrevit. Quid plura? Non est quod ad testimonia, satia plerumque dubia atque suspecta, provocemus, cum, res ipsa loquatur, et iustis rationibus probari possit, attentae consideratione sollicitaeque discussione, prae multis aliis illius temporis *scriptionibus*, dignos esse magni huius Pontificis libros. Incidit enim in ea tempora, quibus ob imperii Rom. statum valde perturbatum ecclesiae quoque conditio satis erat misera, quam vero perpetua doctorum dissidia multo adhuc reddiderunt deteriorem. Quare non solum disciplinam ecclesiasticam admodum corruptam diligenter et severe regere conatus est LEO, verum etiam pugnare cum oportuit cum haereticis quam plurimis, qui vel ante eius Episcopatum innotuerant, ut Manichaei, Pelagiani, Nestoriani, Priscillianistae, alique; vel eo tempore, quo Romanae ecclesiae ipse praefuit, ex-

cus, in biblioth. theol. vol. 4. pag. 579. et 867. Sequor vero in excitandis auctoris locis seriem sermonum et epistolarum ad temporis rationem ab his, quos laudavi, editionibus emendatam. Libros II, *de vocatione omnium gentium*, epistolam ad *Demetriadem*, *breviarium adversus Arianos*, *sacramentarium* quod LEONINUM vulgo dicitur, et nonnullas epistolas ac homilias, a *Quesnellio* aliisque LEONI attributas, in subsidium non adhibebo, quia omnes has *scriptiones* huic Pontifici suppositas esse eruditis fere omnibus hodie est persuasissimum.

orti sunt, Eutyches scilicet cum suis sequacibus. His omnibus mira animi alacritate et incredibili constantia se opposuit, auctoritatemque doctrinae, antiquitus traditae, contra novatorum molimina masculè defendit, additis praeterea novis atque accuratioribus, quibus haereticae opiniones excluderentur, dogmatum determinationibus. Quanta, vero in eo fuerit prudentia, rerum usu acquisita, quanta ingenii vis, quanta eruditionis doctrinaeque pro illorum temporum ratione ⁴⁾ copia, quantum denique orationis flumen ⁵⁾; facili negotio omnes intelligent, qui eius scripta vel leviter attigerint.

§. 4. Quamvis vero ad praestantissimas has animi dotes, quibus forte omnes suos antecessores

4) Sermonis graeci aequae ac hebraici sum rudem fuisse, non est quod quis magnopere miretur, cum a latinis patribus tantum non omnibus linguarum studia neglecta esse constet.

5) Dicendi quidem admirabilem copiam, ut fas est, laudamus; nimium vero illud studium, quod nil nisi ornamenta quaerit, periodorum concinnitatem sectatur, et argutias, antitheses ac verborum lusus ita venatur, ut aut sensus evadat admodum implicatus, aut sub nigris atque sonoris verbis ieiunae lateant et humiles sententiae; hoc, inquam, a quo non semper sibi cavet LEO, excusare non ausim. Insigne afferam frigidioris allusionis specimen. „Irruerunt, scribit de Judaeis, Juda duce Christum captivum trahentibus, in lumen verum filii tenebrarum, atque, utentes fasciis atque laternis non evaserunt infidelitatis, suae noctem, quia non intellexerunt leonis auctorem.“ Serm. 59. I.

longe antecederet, accederet vitae ratio tam bene composita, ut plerique LEONIS successores ex eo exemplum sumere potuissent, ipsis rei que christiane saluberrimum: tamen accidit homini, qui Magnus appellari meruit, quod mortaliis omnibus usu solet evenire, ut laudentur ab his, tulpentur ab illis. Iuvabit, nisi omnia me fallunt, potiora cognoscere, quae vitio vertuntur pontifici, qui ab ipsis romanae curiae asseclis optimo cuique romanae sedis praesuli aequiparatur. Rem paucissimis expediemus. Primum, reprehensoribus non caruit animus eius elatus atque superbus, nimiumque ipsius studium romanae sedis dignitatem et auctoritatem non dicam mordicus defendendi, sed quoquo modo, pro re nata, adaugendi. Et profecto, quicquid etiam ad LEONIS purgationem adducant eius defensores, candidi tamen iudices non poterunt negare, iusto arrogantius adversus *Hilarium*, Arelatensem episcopum, doctrina et virtute ornatissimum, se gessisse eum in disceptatione, cui depositio *Celidonii*, et ordinatio alterius episcopi in *Projecti* locum, ab *Hilario* procuratae, ansam praebuerunt ⁶⁾.

6) Causam pro *Hilario* dixit *Quesnellius* in dissert. V. LEONIS operibus adiecta; LEONIS vero patrocinium post alios in se susceperunt editores nostri, *Ballerinii*, a partium studio non prorsus alieni, in animadversionibus illi dissertationi adiunctis. Cum vero altioris indaginis sit tota haec res, quam ut paucis absolvi queat, neque ad dogmaticam historiam, quam e LEONE illustrare conabimur, ex ista lite quicquam lucis accedat: controversiam

Neque magis excusari possunt tum legatorum, qui chalcedonensi concilio LEONIS nomine intererant, arrogantes conatus, tum LEONIS molimina, quibus illum concilii huius universalis canonem infringere ausus est, qui Constantinopolitano Patriarchae *τῶ ἰσὶ πρεσβείᾳ* cum Romano episcopo, secundum post hunc locum, et ius Metropolitanos Ponticae, Asiaticae et Thracicae dioeceseon, et episcopos harum dioecesium, qui sunt inter barbaros, ordinandi, annuente Marciano Imperatore, decreverat. Ut primum illam legem rescivit homo nimium sibi suaeque sedi tribuens, coelum terramque miscuit, neque tantum apud se valere passus est, aut Imperatoris auctoritatem summa humanitate temperatam, aut orientalium preces, ut canonem, qui suo honori adversari videbatur, assensu suo firmaret. Ex qua impotenti LEONIS pertinacia non solum orta est per-

hanc intactam relinquimus. Sed si vel maxime dare hoc vellem, iure meritoque Hilarii moliminibus se opposuisse Nostrum: nihilo tamen secius eum vituperaverim, quod per totam fere concertationem quam plurima ediderit documenta animi, turbulentis et irae et superbiae affectibus commoti, quodque saepissime insanam paene prodiderit cupiditatem, ecclesiasticae suae potestatis fines ita dilatandi, ut caeteri episcopi omnes summo Romanorum antistitum imperio penitus subiicerentur. Licet autem speciem induat hominis, qui b. Petri auctur dignitatem et proprio suo honori minus studet quam gloriae et auctoritati suae sedis, animi tamen insolentioris vituperationem non effugit.

petua quaedam cum *Anatolio* Constantinop. episc. simultas, et suspicio apud nonnullos de orthodoxia concilii, cuius decreta Romanus episcopus ex parte irrita declaraverat; verum etiam, quod maxime dolendum est, totius illius schismatis, quod non sine magno reipublicae christianae detrimento orientalem ecclesiam ab occidentali in perpetuum scinxit, ex eo tempore fuerunt funeata auspiciis. Sed non est, quod diutius his immoremur, cum remotiora sint a fine nobis proposito. Supersedemus itaque plura recensere eius molimina, quae sicut Rom. episcopo- rum potentiam mirifice auxerunt, ita luculenter de eius superbia animoque, christiano episcopo minus digno, testantur.

§. 5. Interim suppeditant tamen haec observationem in dogmatum christianorum historia pertractanda non prorsus inutilem. Quemadmodum nempe doctrinae puritas non statim infert morum sanctitatem, ita etiam ex moribus bene compositis non magis consequitur doctrinae castitas, quam ex vitae turpitudine doctrinae simul corruptio cogi potest. Constat enim inter omnes, quibus praeconceptae opinioniones non omnem mentis aciem praestrinxerunt, haereticos (hoc nomine cum aliis utimur,) innume- ris execrationibus ab orthodoxia oneratos, non raro adversarios suos, quantum ad vitae integritatem, longo post se intervallo reliquisse. Quodsi vero dog- matum veritatem iudicare liceret ex eorum mori- bus, qui primi ea clarius exposuerunt, accuratius de- finiverunt, studiosius propugnarunt, et secus sen-

tientes anathematizarunt, actum profecto esset de multis, quae pie adhuc retinuerunt, et ab adversariorum objectionibus vindicarunt orthodoxi, dogmatibus. Quotus enim quisque est, qui multorum *ὁρθοδοξῶν* et sanctissimorum, si placet, patrum vitam et res gestas sine indignatione legere possit, si modo mendaces laudes a veris discernere didicerit. In conciliis autem celeberrimis, ne iis quidem exceptis, quae fidem optime exposuerunt eiusque definitiones verissimas sanxerunt: qui, bone Deus, clamores, quae turbae, quae factiones, aemulationes, simultates, quae mutuae episcoporum accusationes, calumniae, fraudes, quae denique in eos, qui haereseos accusati erant, durities et violentia! Non eo animo haec a nobis prolata hic sunt, ut dogmatum ibi ab illis hominibus stabilitorum veritas in dubium vocetur: sed hoc tamen facile intelligitur, omnia et auctoritatis et antiquitatis praeiudicia sedulo esse abiicienda, nec quicquam ob patrum et conciliorum decreta, aut antiquitatis consensum esse credendum, quod ex Scriptura S. aliisque certis humanae cognitionis principiis derivari aut confirmari aequaleat. Sed redeamus ad LEONEM.

§. 6. Sicut propter fastum, et incredibilem cupiditatem, romanae sedis dignitatem et iura amplificandi, reprehenditur a multis, ita etiam culpatur, quod iniquum se praebuerit *erga haereticos*. Duo sunt, quae vitio ei vertuntur: alterum est, quod erronea atque scelera illis *affinxerit*, a quibus erant alienissimi, alterum, quod capitalia supplicia in haereticos

ticos constituta suo assensu comprobaverit. Ad prius quod attinet, negari omnino non potest, eam fuisse olim plerorumque orthodoxorum iniquitatem, ut omnium, qui ab ipsis dissentiebant, famam variis obtrectionibus inquinarent, eosque et opinionum absurdissimarum et turpissimorum flagitiorum falso arguerent. Ostendemus infra multos a LEONE errores tam Nestorio quam Eutychi immerito tribui, qui non nisi per consequentias longe ductas ex hypothesis, ab his hominibus assertis, elici possunt. Sed alia est caussa, ad quam animum hic intendimus.

Nempe doctissimus *Beausobrius* postquam in historia critica Manichaeismi tom. 2. pag. 725. seq. multum operae posuisset in evincenda falsitate horrendi illius criminis, quod Manichaeis a nonnullis obiiicitur, qui eos spurcissimae obscoenitatis in eucharistiae celebratione reos esse, memoriae prodiderunt, inde a pagina 752 id agere incipit, ut LEONIS M. testimonia, quibus nefandi illius sceleris veritas probari videtur, eludat. Nimirum saepe commemorat LEO mysteria a Manichaeis celebrata, quae, cum summa in eis sit obscoenitas et turpitudine, non mereantur sacra nuncupari, sed exsecramenta, et quae verecunde ex parte debeant praetermitti, ne casti offendantur auditus; in Manichaeos tamquam in sentinam confluisse statuit, quicquid in omnibus haeresibus saerilegum sit atque blasphemum; legem huius sectae esse contendit mendacium, diabolum religionem, sacrificium turpitudinem.

Inprimis vero epist. 7, I. 13, 16. et serm. 16, 4. narrat, Romae in frequenti episcoporum et presbyterorum consessu, cui interfuerit etiam pars senatus ac plebis, ipsorum, qui omne facinus perpetrarunt, ore et consona confessione reseratum esse illud quoque scelus, quod eloqui verecundum sit. Praesto fuisse in iudicio puellam, ut multum decennem, duas mulieres quae sceleri ipsam praeparaverint, adolescentem vitiatorem puellae, et episcopum detestandi criminis ordinatorem. Tanta autem diligentia investigata esse omnia, ut nihil minus credulis, nihil obtrectatoribus relictum sit *ambiguum*, neque quemquam debere arbitrari, *dubiae famae* et incertis opinionibus creditum esse. *Beausobrius* ad infringendum hoc testimonium eo usque progreditur pag. 756. ut aperte *LEONEM* fraudis insimulet, pio hoc consilio commissae, ut Manichaeorum haeresis facilius extirparetur. „Qui pourroit m'assurer, inquit, qu'il ne se sert point d'instrumens „préparez pour jouer une *comédie*, dont le but étoit „pieux. — Supposons, que *LEON* — se sert de „certaines personnes, qui, sûres de leur grace, s'avoueroient coupables des crimes imputez aux Manichéens, afin d'en faire rejaillir la peine sur la „secte 7).“ *LEONIS* fama turpiori vix macula ad-

7) Nimio studio iniurias a Manichaeis repulsandi *Beausobrius* interdum abripi se patitur, ut iniurius ipse ait in catholicos Manichaeorum adversarios. Insigne huius rei documentum invenisse mihi videor, *hist. critiq. vol. 1.*

• spergi poterat hac, quam consilii pietas eluere neutiquam potest. Negari quidem nequit, catholicos interdum artificijs haud admodum absimilibus usos esse adversus haereticos. Verum enim vero LEO-NEM MAGNUM ab hoc crimine absolvendum esse putamus. Nam, I. non satis certum est, quod tamen *Beausobrius* occupat, loqui LEO-NEM de dete-

p. 256. „Pour refuter les superbes prétentions de Manichée (in Manete apparuisse Spiritum S. promissum a Christo paracletum) l'Evêque de Rome (LEO MAGNUS) allé-gue à son peuple, que *Manas est venu de cette partie du monde qui ne peut recevoir l'esprit de vérité*. Voilà le S. „Esprit bien borné, et les *Peuples d'Orient* bien disgraciez. „Je n'aurois pas, crû, qu'un Evêque, à qui l'on donne le „fastueux titre de *Grand*, eût pû dire un si impertinent „mot etc.“ Irrisionem profecto et contemtum commeruisset LEO, ni negasset orientales populos posse Spiritum S. accipere. Sed si placuisset Viro doctissimo LEONIS textum paulo attentius inspicere, benignius, nisi omnia me fallunt, de illis verbis iudicasset. Sic enim LEO: Serm. 76, 7. — „ille Spiritus veritatis quem *mundus* non accepit „impiorum“ — (et paucis verbis interiectis) „Manichaeo „ne hoc quidem tribui potest, quod vel exiguam divinae „inspirationis acceperit portionem: quoniam et hic de „*ILLA mundi* existit parte, quae non potest Spiritum ve- „ritatis accipere.“ Scilicet de mundo impiorum (κακοῦν, ut Christus ipse dixit, loh. 14, 17.) ut etiam recte monent *Ballerinii*. Hic de *orientalibus* provinciis (cette partie du monde,) nec vola adparet nec vestigium. Quodsi itaque ne tanto quidem viro omnem omnino reprehensionem effugere contigerit, nos, si quid forte parum accurate exposuerimus, veniam eo facilius impetraturos esse speramus.

eta turpi ista eucharistiae distributione, cuius mentionem fecerant iam ante LEONEM Clemens hierosol. et Augustinus. Obscoenitates crepat LEO atque turpitudines. Audio. Sed plura sunt obscoenitatis genera. Quis vero credat, LEONEM sedulo sibi cavisse, ne unum verbulum adderet, quo indicaret, loqui se de ista in eucharistia turpitudine, sacpe Manichaeis iam objecta, ab ipsis vero semper negata. Cur non profitetur publice, de hoc facinore certiore iam se esse factum, per ipsorum Manichaeorum indubia testimonia? Nonne mirum est, LEONEM ita obscure semper loqui? „De sacris, inquit, eorum, quae apud illos tam obstoena sunt, quam nefanda, quod inquisitioni nostrae dominus manifestare voluit, non tacemus.“ serm. 16, 4. Jam ergo quilibet exspectat a LEONE aliquod istius rei manifestum indicium. At nihil profert praeter narrationem de puella ista decenni; de eo autem crimine, de quo Beausobrius agit, ne verbulum quidem. Sacrificii etiam turpitude, cuius mentio ibidem fit, si vel maxime huc referatur, tamen non recensetur a LEONE inter ea, quae coram iudicibus a Manichaeis confessis patefacta sint. Commemoratis iis sceleribus, de quibus ex Manichaeorum confessione liquido constabat, utebatur forsitan orator Augustini auctoritate, aut incerta vulgi fama, ad exaggerandam coram plebe haereticorum infamiam, qui summa sua flagitia, diversa tamen ab iis de quibus nos disputamus, ipsi detexerant. II. Si etiam concedatur, miseros illos fassos esse hoc ipsum

de quo quaeritur facinus, tamen non est quod a LEONE eos emios atque conductos esse dicamus. Ipsi enim Manichaei, ut alia praetereamus, non negaverunt, esse homines, qui nefarium istud scelus admittant; sed hoc tantum negarunt, *Manetis* eos esse asseclas. *Catharistas* eos esse, non Manichaeos, licet de Manichaeis ortos, constanter asseverarent. vid. *Moshemii Commentar. de rebus Christ. ante Const. M.* p. 894. et quae ibi ex *Augustino de haeresibus* cap. 46. afferuntur. Quod si vero plures erant Manichaeorum sectae, id quod *Beausobrius* concedit, a perditissimis quibusdam hominibus, Manichaeorum nomen prae se ferentibus, omnem suspicionem amovere velle, non minus iniquum esse videtur, quam omnes omnium temporum ac locorum Manichaeos eorundem criminum reos agere velle. Lubenter *Beausobrio* largior, a dogmatibus omnium primis, quae stabilivit *Manes*, prorsus abhorrere eiusmodi impuritatem. Hoc vero non sufficit ad accusandum LEONEM de malitiosae Manichaeisque funestae fraudis crimine.

§. 7. Superest ut de *poenis*, quas, instigantibus aut saltem consentientibus clericis, ab *haereticis* sumunt Magistratus politici, aliquid dicamus. Solet enim LEO iis annumerari, qui istiusmodi comprobando crudelitatem, indoli christianae religionis prorsus contrariam, malo posteritati exemplo praeiverunt. Provocant, qui Nostrum hanc ob rem reprehendunt, praesertim ad eius epistolam 15, ubi de *Priscillianistis* agit et eos laudat principes, qui hanc

haeresin ita detestati sunt, ut eius auctorem cum plerisque discipulis *legum publicarum ense* prosternerent. „Profuit, inquit, ista districtiò ecclesiasticae lenitati, quae etsi sacerdotali contenta iudicio; *cruentitas refugit ultiones*, severis tamen christianorum principum constitutionibus adiuvatur, dum ad spiritale nonnumquam recurrit remedium, qui timet corporale supplicium.“ Ut melius intelligatur hic locus, observari debet, Priscillianistas a LEONE non solum *errorum maxime impiorum*, sed aliorum etiam *scelerum* accusari. Per eos enim, *contra humanam societatem*, curam honestatis atque pudoris omnem auferri, coniugiorum copulam solvi, simulque *divinum ius humanumque* subverti arbitratus est. Quorum scelerum si rei fuissent, gravi omnino poena affici meruissent. Si igitur de *iure* hic quaeratur, neque *facti* veritas, quae valde dubia est, indagetur, nihil fere erit in LEONIS sententia, quod graviori dignum sit reprehensione. Nihil enim fieri potest iustius, quam ut crimina, quae salvam esse humanam societatem non sinunt, a civili puniantur magistratu; Sacerdotes autem ipsi a cruentis abhorreant ultionibus. In eo autem longius a vero abest Noster, quod per legum severitatem haereticos vere ac salubriter corrigi, et ad fidei sanitatem reduci posse existimat. Nemo profecto, qui humanum ingenium considerare, et ad actiones hominum attendere solet, ac causas, quae ad agendam impellere possunt humanos animos, investigare didicit, unquam sibi, persuadebit, solis *comminationibus* aut

poenis externis eo adigi posse homines, ut sincere ac sine fuco, et mente ipsa emendata, ad frugem redeant. Sed multo magis humani intellectus, quin ipsius quoque veritatis indoles, obstat, quominus ad *veri intelligentiam* et erroris oppositi internam *convictionem* per vim ac poenae metum adducatur quisquam. Suppliciorum itaque utilitas ad solam spectat publicam quietem, quam qui nec docendo nec agendo infestat, neque leges, quibus publica salus nititur, migrat, illum, sive haereticus sit sive catholicus, ab omni poena civili immunem esse, ius fas est. Concordant maxima ex parte cum hoc de Priscillianistarum caussa iudicio, ea quae de Monachis Palaestinis scribit Noster epist. 118. qui, Eutychianis partibus faventes, post concilium chalcedonense civitates atque ecclesias seditionibus conturbarunt, et ne a caedibus quidem improbas manus abstinuerunt. Praecipit itaque LEO, *sacerdotalis auctoritatis* esse, monachis praedicandi aliquam contra fidem licentiam non praebere; ad *imperialem* vero pertinere potestatem, ut perturbatores ecclesasticae *pacis* et *reipublicae* severius coerceantur, et in quieti disciplina revocentur; abstinendum tamen esse ab eorum *sanguine*. Bene sententiam hic dicit LEO. Eiusmodi enim homines civilibus subiacent poenis, non quatenus alias quam orthodoxi amplectuntur opiniones, sed quatenus leges civiles, rempublicam perturbando aut evertendo, migrant. Si qui vero publici religionis administri ea dogmata in vulgus spargant, quae ipsam quidem religioni

christianae arcem invadunt, publicae vero salutis nullum afferunt detrimentum, ii ab officio suo, ecclesiastico iure, recte depelluntur. Alibi denique passim epist. 84, 3. 109, 2. 156, 6. docet LEO, pertinaces haereticos (v. c. Eutychem et Eutychianos) exilio esse mulcandos atque e civitatibus expellendos, ne alii talium contagio polluantur; transferendos autem esse eos in ea loca, in quibus nullum cum sociis possint habere commercium, ut simpliciores ad sanitatem mentis, remoti a suis magistris, facilius revocentur. Haec vero cum ad principum iura potius pertineant, quam ad clericorum officia, non est quod addamus aliquid, nisi hoc, illos parum laudabiles fuisse quondam episcopos, qui delatores magis egerunt, quam publicos ministros ac suasores saluberrimae atque λογικης religionis, quae omnium hominum felicitatem intendit. Reprimenda quidem erat eorum audacia, qui factionibus comparatis publicam religionem temere impugnabant, sed his non adnumerandi nec in exilium eiiciendi erant, qui de aliqua eruditionis theologiae parte, ipsam religionis summam, quae animum a vitiis seiungit, et virtutis amorem adiuvat, aut parum aut omnino non attingente, paulo aliter quam οἱ πολλοί sentiebant. Quodsi vero LEO acerbius iusto nonnumquam contra haereticos declamaverit, eosque nimis duriter tractandos esse decreverit, tamen laudari haec eius moderatio debet, qua correctis ab haeresi, erroremque suum propria voce ac subscriptione condemnantibus, veniam statim concedi pacisque gra-

tiam tribui voluit; epist. 28, 6. 30, 2. 71. 79, 2. 80, 2. " ut ecclesia Dei nullum sentiat damnum, cum et resipiscens possit recipi, et *solus debeat error excludi.*" epist. 32.

S e c t i o II.

Quae proponit locos de scriptura sacra et traditione.

§. 8. Jam in rem, quam pertractandam nobis summus, ingredientes, primo quid LEO de fidei principio senserit, et ex quibus fontibus scientiam de Deo rebusque divinis hauriendam esse putaverit, dispiciemus. Igitur quotiescunque aliqua in cognoscenda veritate impediamur obscuritate, non ad nosmetipsos, sed ad scripturae s. auctoritates nos recurrere, et ad promerendum intelligentiae lumen in sacrarum novi et veteris testamenti paginarum latitudine laborare nos iubet, ep. 28, 1. 2. quoniam ab evangelica apostolicaque doctrina ne uno quidem verbo liceat dissidere ep. 82, 1. Sed eundem LEONEM traditionibus etiam, (quas hic non expresse scripturae addidit.) in rebus fidei non minus, quam in ecclesiasticae disciplinae oeconomia, magnam tribuere auctoritatem, postea videbimus. Quod itaque ad *scripturam sacram* attinet, veritas eius et divina origo ubique pro concessis atque probatis a LEONE ponuntur. Formulæ hac in re utitur variis, quarum præcipuae hæc fere sunt: indubitatum esse auctoritatem sacrarum narrationum; s. 52, 1. Sufficere

verae fidei scire quis doceat in sacris libris ep. 164.
 2. Docere autem ibi Spiritum s. ep. 15. praef. firmissime nos debere credere, in divinis libris nullum esse mendacium, etiam si nondum liquide aliquod valeamus scripturarum capere sacramentum; serm. 66, 1. Scripturam denique sacram *divinitus esse inspiratam* s. 34, 4. 72, 1. 76, 7. Ex postrema autem, quam attuli, locutione haud satis certo efficitur, L E O N E M omnes istas propositiones, quas nos sub hac formula (quam non ex romano stilo ecclesiastico haurire solemus,) cogitatione complecti consuevimus, animo et mente concepisse. Saepissime enim de conciliis, de constitutionibus patrum, de imperatoribus, de se loquens, *divinae inspirationis* mentionem facit. Sic Patres illos 318. qui Nicaeae convenisse dicuntur, *divinitus inspiratos* ep. 114, 2. canonesque ab his, *Spiritu Dei* instruyente, conditos, nulla in parte esse solubiles ep. 104. 3. 106, 2. pronuntiat. De *chalcedonensi* synodo similia profert. ep. 145, 1. *Leoni imperatori*, per inhabitantem Spiritum Dei satis instructo, negat ullum errorem posse illudere ep. 162, 3. Eundem imperatorem putat ex Dei inspiratione ratihabitionem concilii chalcedonensis decrevisse ep. 148. *Pulcheria*q etiam, *Augustae*, religiosam a Deo inspiratam laudat sollicitudinem ep. 84, 1. Ipse noster Pontifex epistolam suam 16. Deo inspirante scriptam esse testatur; Sermonem autem ad populum de incarnatione Verbi habiturus palam proficitur, se non de facultate sua confidere, sed de inspiratione divina praesumere, ut aliquid, quod au-

dientes aedificet, promere possit s. 25. In hisce sententiis omnibus *inspiratio* accipitur significata plane diverso, ab eo longe augustiori, qui in theologorum scholis cum θεοπνευστίας vocabulo hodie coniungitur. Cum vero neque huius phraseos LEONINAE, *Scriptura sacra est divinitus inspirata*, vera vis ac potestas satis accurate possit definiri, quia plures ei significatus subiici possunt; neque e caeteris, quas de divina sacrorum librorum origine atque auctoritate protuli, sententiis certi quid colligi queat, praeterquam quod scriptura fidei sit regula hominibus a Deo praescripta, eaque certissima, cui assensum, etiam si rerum rationes ac modum non perspiciant⁸⁾, praebere debeant firmissimum, a qua vel minimum recedere nefas sit: ex ipsius LEONIS verbis atque sententiis diiudicari satis nequit, utrum omnes dogmaticas istas atque magnificas iam habuerit de inspiratione verborum aequae ac rerum ἐννομίας,

8) De abusu disputationum atque rhetoricationum in rebus fidei, egregius est LEONIS locus, ep. 164, 2. ubi statuit Christi evangelium huiusmodi artibus non indigere. Quae ibi praecipiuntur in se spectata recte quidem sunt dicta; sed bonis argumentis LEO malam defendit causam. Cogit enim ex illis, non licere, cum haereticis disputare, neque retractare ea, quae semel concilii alicuius auctoritate stabilita sunt. Verum satius forte fuisset, haereticos a LEONE etc. prorsus non curari, quam auctoritatibus humanis, decretis, mandatisque tam amplum locum factum, ad eos, si placet, corrigendos, qui non nisi argumentis atque rationibus ad veritatis agnitionem poterant liberaliter adduci.

quas in recentiorum theologorum libris fere omnibus copiose invenimus expositas; an vero cum seculorum crescente numero, notionum etiam sententiarumque theologicarum ambitus in hoc fidei capite, aequè atque in aliis, fuerit auctus.

§. 9. Evicta sacrarum litterarum divina auctoritate, nihil acriorem diligentiorumque curam desiderat, quam ut ii libri, quos canonicos vocare solent, ab *apocryphis* recte discernantur, ne humani ingenii foetus, scriptis divinitus inspiratis admisceantur. *Manichaei* in primis atque *Priscillianistae* LEO-
NIS tempore multis scriptionibus utebantur, quae vel apostolorum nomen praese ferebant, vel eorum doctrinam et historiam copiosius continere dicebantur, quae vero a Catholicis dudum tamquam spuriae erant reiectae. *Turibius*, Asturicensis, in epistola ad *Idacium* et *Ceponium* ?), aetus memorat *Thomae* et *Andreae* et *Iohannis*, itemque memoriam apostolorum. Ad hos maxime libros respicere videtur LEO, cum epist. 15, 15. ad eundem *Turibium* apocryphas scriptiones non solum interdicendas, sed etiam penitus auferendas esse atque ignibus concremandas, decer-

9) Ediderunt eam et *Quesnellius* et *Ballerinii*, post LEO-
NIS epistolam 15. Nonnulla de libris apocryphis in ea perperam narrari, monuit iam *Beausobrius* in *hist. critiq. de Manichée* tom. I. p. 402. 415. qui etiam ex testimoniis *Turibii*, atque auctoris *Synopseos*, quae exstat inter *Athanasii* opera, recte docet, non omnes narrationes de Christi Apostolorumque rebus gestis, in huiusmodi scriptionibus occurrentes, falsas esse aut plane confictas.

nit. Non quidem negat esse in iis nonnulla, quae speciem habeant pietatis, attamen vel haec nunquam vacua esse venenis existimat; cum per fabularum illecebras hoc latenter operentur, ut rerum mirabilium narratione seductos laqueis cuiuscunque erroris involvant. Non plane assentior LEONI, cum s. 34, 4. consilium, quo huius generis scripta apostolorum aliorumque celeberrimorum virorum nominibus conficta sunt, illud fuisse putat, ut veritatis adversarii errorum suorum commenta iis munire, hominesque simplices facilius decipere possent. Certe quidem ex his libris, quos ad hoc usque tempus studiosissime occultatos fuisse dicebant eorum admiratores, haurire se iactabant reconditam caeterisque mortalibus ignotam sapientiam¹⁰): quibus illecebris quam plurimi, ut fit, allici se patiebantur, ut ad impostorum partes transirent. Sed de nonnullis tamen apocryphis libris paulo aliter sentiendum est, cum vix de omnibus affirmari possit, haereticorum malitiae originem eos debere¹¹). Nimirum multa sine dubio Christi

10) Vide laudatam epist. Turibii cap. 4. et Origenis homil. 1. in Lucam, qui testatur, legisse se apocrypha evangelia; „ne quid ignorare videremur propter eos, qui se putant aliquid scire, si ista cognoverint. „ edit. de la Rue tom. 3. p. 933.

11) Ad hoc genus pertinere Beausobrius l. c. p. 453. putavit evangelium secundum hebraeos, illud secundum aegyptios (quod tamen Hieronymus in prooemio commentarii super Matth. iis accenset evangeliiis, quae a diversis auctoribus edita, diversarum haereseon fuere principia) et

miracula atque dicta ii, qui praesentes tum fuerunt, memoria retinebant. Haec vario consilio a nonnullis collecta et litteris utcumque mandata sunt; idque non ita multo post Christi discessum e terris iam factum esse, non solum a veri specie non abhorret, verum etiam e *Lucae* I, 1. colligi quodammodo potest ¹²). Additum est postea apostoli aut viri aliquis apostolici nomen, ut maior istarum narratio-

praedicationem Petri, quas scriptiones non malas quidem et haereticas fuisse, at iusta tamen auctoritate caruisse contendit. *His Gravius in spicilegio Patr. sec. I. p. 72.* etiam *apocalypsin Petri* annumerat, quam scriptionem *Sozomeni* adhuc tempore in quibusdam ecclesiis Palaestinae die Parasceves lectam esse, docet e *Sozom. lib. 7. c. 19.* Exaratae fuerunt, ut *Hieronymi* I. c. verbis utar, ab iis hominibus, qui magis ordinare narrationem, quam historiae texere veritatem *sine spiritu et gratia Dei* conati sunt. Prorsus singulare fuit illius presbyteri consilium, de quo *Tertullianus de baptismo* c. 17. narrat, composuisse eum sub Pauli nomine *Acta Pauli et Theclae*, fraudis autem convictum respondisse, id se amore Pauli fecisse.

12) *Hieronymus* iam ista *Lucae* verba ita intellexit in *prooem. comm. in Matth.* et ante eum *Origenes* in *hom. I. in Lucam*, qui, „conati sunt, „inquit, latentem habet accusationem eorum, qui absque gratia Spiritus S. „ad scribenda evangelia prosilierunt.“ Pertinent etiam ad hanc causam, quae *Origenes* in *Prooem. in canticum* de apocryphis observavit; ubi pronunciat, multa vel ab apostolis vel ab evangelistis exempla esse prolata, quae evidenter ex apocryphis (vet. testam.) desumpta sint. Eos enim Spiritu S. repletos scivisse, quid assumendum ex illis sit scripturis, quid refusandum. tom. 3. p. 36.

num sit ad alios auctoritas. Non omnes autem primitus statim eo animo scriptae sunt, ut dogmatum quorundam falsorum probatio inde peti posset, quamquam mox deinde ad hos accommodatae sint usus. Ii scilicet inter Christianos, qui a caeteris in re ad religionem pertinente dissentiebant, hos libellos, si hypothesi adamatae favere videbantur, avidè, ut sunt homines, arripiebant; alii, ut infirmarum alias sententiarum aliquod haberent praesidium, ea addebant, quae suae causae utilia putabant, istis quae minus placebant mutatis aut plane omissis¹³⁾; alii denique, caeteris scelestiores, eiusmodi libros ipsi conscribere et sub apostolorum nomine publicare ausi, iisque ad decipiendos alliciendosque homines abusi sunt; quod in primis a coryphaeis sectarum recens ortarum fa-

13) Sic ortae sunt procul dubio duae illae *Actuum Andreae* recensiones, quarum alteram omnes repudiant, alteram vero *Bellarminus* et *Natales Alexander* cum aliis quibusdam pontificiis defendunt. Vid. *Beausobre* I. c. p. 400. Utra genuina, utra adulterata sit, id ad hanc causam nullus est momenti, cum illud tantum affirmem, utramlibet esse a quadam Christianorum parte ad confirmandas suas opiniones immutatam. Forsitan etiam duplex illa *Ignatianarum epistolarum* recensio inventis huiusmodi studiis suam debet originem. Quid? si utraque, quae nobis supereat, recensio dicatur paraphrasis esse epistolarum *Ignatii* genuinarum, plane deperditarum? Non desunt enim in utraque interpolationum ac immutationum vestigia. A diversis Christianorum sectis, quarum altera tamen multo audacior fuit altera, concinnatae videntur diversae editiones.

atum esse existimo. Sed fuisse etiam e catholicorum partibus, qui tales fraudes (pias vocant) admitterent, res ipsa loquitur. Unde enim *canones*, unde *constitutiones Apostolorum*? etc.

§. 10. Alius sed valde similis criminis circa Scripturam S. commissi accusantur a LEONE idem, de quibus hactenus egimus, haeretici. „*Manichaei*, inquit, ipsas evangelicas et apostolicas paginas, quaedam auferendo et quaedam inserendo, vitiarunt.“ S. 34, 4. Et de *Priscillianistis* Ep. 15, 15 idem se scribit veracium testium relatione compertisse, et multos corruptissimos eorum *codices*, qui *canonici* titularentur, invenisse. „Unde si quis, ait, episcoporum sub *canonicorum* nomine eos *codices* in ecclesia permiserit legi, qui *Priscilliani* adulterina sunt emendatione vitiiati, haeticum se noverit indicandum.“ Laudanda est omnino LEONIS cura, qua ut eiusmodi *codices* e christianorum manibus eriperentur, prospexit; si quidem ista omnis causa bona fide sua et veritate non caret. Nam, quod ad Manichaeos attinet, non desunt viri eximia eruditione conspicui, qui negent, ipsum Scripturae textum ab his haeticis esse corruptum. I. A. Fabricius in *cod. apocr. N. T. vol. I. p. 306.** ad Photii testimonium provocat, et LEONIS verba, quae laudavimus, intelligi vult de libris apocryphis sub apostolorum nomine scriptis, quos a Manichaeis lectos fuisse satis constat. Sed dubito fore multos, qui huic interpretationi, quae vim inferre videtur toti orationis seriei, calculum suum adiciant. LEO enim ita

rationatur: quia divinae pietatis magnum sacramentum omnibus sanctarum scripturarum testificationibus est nuntiatum, (ad 1 Tim. 3, 16. videtur alludere,) quia *universa* eis obsistunt, et quia V. T. aeque ac *novum* eorum errores confutat: ideo 1) V. T. respuunt 2) N. T. violarunt 3) et apocryphos libros sibi confinxerunt. Etiam Beausobre in *hist. crit. vol. I. p. 341.* „Les Manichéens, ait, soutenoient, „que les livres du N. T. avoient été alterez, mais „ils ne les alteroient pas.“ Quodsi autem verum est, credidisse Manichaeos, Orthodoxorum codices fuisse vitiatos¹⁴⁾, incredibile non est, curasse eos, ut corruptis libris medica manus adhibeatur. Quum vero documenta historica LEONE antiquiora, quantum ego sciam, afferri possint nulla, quae rem *verisimilem* efficiant certam: lectori iudicium est relinquendum; qui tamen monendus est 1) ut orientales atque antiquiores Manichaeos probe distinguat ab occidentalibus et posterioribus. 2) Ut ne tantas existimet a Manichaeis factas Scripturae interpolationes, quantis Marcion alique eam pervertisse dicuntur. 3) Ne ob criminis atrocitatem arbitretur esse illud incredibile. Certe ex orthodoxis etiam nonnulli libros sacros emendare, hoc est corrumpere, ausi sunt, iam primis post Christum seculis. Neque coniuncta

14) Dubitari de hac re nequit, si perpendantur *Fausti* professiones, quae leguntur apud *Augustinum contra Faustum*, passim, v. c. libr. 32.

est necessario et semper sacrarum litterarum talis corruptio cum animi impietate maloque consilio.

§. 11. De Scripturis divinis, inquit LEO, non licet aliter sapere, quam b. apostoli et patres nostri didicerunt atque docuerunt. Ep. 82. 1. Quodsi vero penes *traditionem* arbitrium est et ius et norma Scripturam interpretandi, neque lectoribus proprius usus atque liberale exercitium ingenii conceditur, sed ista librorum sacrorum explanatio, quae superiorum temporum indoli bene conveniebat, nunquam non quasi sacrosancta reverenter est retinenda: statuendum etiam erit, per eandem patrum *παράδοσιν* omnia Christianae religionis dogmata ita aeternis legibus esse definita, ut nobis, qui tempore sumus posteriores, nihil supersit, quam ut fideliter memoriae tradamus maiorum nostrorum de Deo rebusque divinis praecepta. Vehementer placuisse LEONI eiusmodi domestica decreta, vel ex eo facile colligi potest, quod his assertionibus sedis Romanae auctoritas mirifice et confirmetur et augeatur ²⁵). Nam si vera

25) Iam in aliorum, antiquiorum etiam, Patrum scriptis reperimus hanc traditionum venerationem. Ipse *Origenes* in praefat. librorum *de principiis*: Servetur, inquit, ecclesiastica praedicatio (a qua tamen distinguit ea, in quibus amatores sapientiae habere possunt, in quo ingenii sui fructum ostendant,) per successionis ordinem ab apostolis tradita, et usque ad praesens in ecclesiis permanens: illa sola credenda est veritas, quae in nullo ab ecclesiastica et apostolica discordat traditione. *Oper. Tom. I. p. 47.* Vide praeterea *Irenaeum contra haereses libr. 3. cap. 2. 3. 4.* cuius sententias

sunt, quae LEO affirmat, S. 4, 2. quod Romanam sedem ipse Apostolorum princeps fundaverit Petrus, et quod huic viro tale potentiae consortium a divina dignatione concessum sit, ut quicquid cum eo caeteris Apostolis commune est, nunquam nisi per ipsum et cum ipsius participatione illis conferatur, multa autem ille acceperit solus (quae omnia nituntur satis recenti occidentalium traditione): dubitare profecto non licebit, quin illa traditio, quam Romana ecclesia a suo conditore accepit, eo magis sit aliarum ecclesiarum *παράδοσις* anteponenda¹⁶⁾,

de traditione collectas et moleste exaggeratas invenies in edit. *Massueti* dissert. praevia 3. artic. 3. pag. CXIII. Conferendus etiam est *Tertullianus* tum in libro *de corona* c. 3. et 4. in quo tamen magis de ritibus sacris, quam de ipsa doctrina christiana agit; tum in primis in libro *de praescriptionibus* passim, ubi non solum traditioni quae fit per litteras, sed ei etiam patrocinator, quae *viva*, ut aiunt, *voces* ad posteros propagatur. conf. cap. 21. Patet vero ex his aliisque scriptoribus, antiquiores etiam Patres non tantum in rebus quae ad disciplinam ecclesiasticam pertinent, sed etiam in *causis fidei* ad traditionem (suorum doctorum) provocasse: cum ipsa liberalis interpretationis, praecipue N. T., et christianae cognitionis alia adiumenta locum nondum haberent.

16) Eximie *Irenaeus adv. haer.* l. 3. c. 3. maximae et antiquissimae et omnibus cognitae, a gloriosissimis duobus apostolis Petro et Paulo Romae fundatae et constitutae ecclesiae traditionem laudat. Ad hanc, ait, ecclesiam, propter potiore principalitatem necesse est omnem convenire ecclesiam, hoc est, eos qui sunt undique fideles, in qua semper ab his, qui sunt undique, conservata est ea, quae

quo magis caput ignobilioribus membris, et fons limpidissimus rivulis praestat ex ipso deductis. Traditionis itaque nomen interponens, suae sedis lau-

est ab apostolis, traditio. p. 175. Coniecit S. V. PRAESIDES (vol. 2. polem. Baumgart. introduct. pag. 97.) ex hoc aliisque similibus locis, non Irenaeum illum Lugdunensium seculo secundo episcopum, sed alium serierem Romano episcopo addictum hominem, illorum librorum, qui sub Irenaei nomine feruntur, auctorem aut interpolatorem esse; quod nos quidem hoc loco in medio relinquimus. Sed convertemus tamen hanc observationem in rem nostram. Nempe si Irenaeus talia iam carmina de romanae sedis praerogativis proferat, Romani certe praesules ab illis non abhorruisse putandi sunt: sin vero libri isti ex impotenti in episcopum Rom. studio subornati aut interpolati sint, liquido apparet, quid sit quod Romani, et in primis LEON. traditionis auctoritatem ita vehementer urgeant. Hoc scilicet nomine quicquid ipsis lubeat hominibus obtrudere poterant. Quid? quod tota illa fabula de Petro, primo Romanorum episcopo, nullo nitatur, nisi traditionis fundamento. Unum addimus, quod S. V. PRAESIDIS coniecturae non nihil roboris addere videtur. Episcopi Mediolanenses LEONI scribunt: (epistola nobis 97, 2. 3.) invenisse se eius epistolam ad Flavianum omnibus sensibus convenientem, quos b. Ambrosius (mediolanensis) de incarnationis domini- cae mysterio suis libris; Spiritu S. excitatus, inseruerit. „Quia (aiunt) omnia maiorum fidei, nobis antiquitus traditae, tota puritate conveniunt — placuit omnibus (in Synodo congregatis) ut eos, qui impie de incarnatione sentiunt, — suo etiam consensu, auctoritatis vestrae (LEONIS) praecedente sententia, damnatione congrua persequerentur.“ Tantum abest, ut traditionem suam ad Romanorum trutinam pensaverint, ut potius celeberrimam illam LEONIS

sunt, quae LEO affirmat, S. 4, 2. quod Romanam sedem ipse Apostolorum princeps fundaverit Petrus, et quod huic viro tale potentiae consortium a divina dignatione concessum sit, ut quicquid cum eo caeteris Apostolis commune est, nunquam nisi per ipsum et cum ipsius participatione illis conferatur, multa autem ille acceperit solus (quae omnia nituntur satis recenti occidentalium traditione): dubitare profecto non licebit, quin illa traditio, quam Romana ecclesia a suo conditore accepit, eo magis sit aliarum ecclesiarum παραδοσεις anteponenda¹⁶⁾,

de traditione collectas et moleste exaggeratas invenies in edit. *Massueti* dissert. praevia 3. artic. 3. pag. CXIII. Conferendus etiam est *Tertullianus* tum in libro *de corona* c. 3. et 4. in quo tamen magis de ritibus sacris, quam de ipsa doctrina christiana agit; tum in primis in libro *de praescriptionibus* passim, ubi non solum traditioni quae fit per litteras, sed ei etiam patrocinatur, quae *viva*, ut aiunt, *voco* ad posteros propagatur. conf. cap. 21. Patet vero ex his aliisque scriptoribus, antiquiores etiam Patres non tantum in rebus quae ad disciplinam ecclesiasticam pertinent, sed etiam in *causis fidei* ad traditionem (suorum doctorum) provocasse: cum ipsa liberalis interpretationis, praecipue N. T., et christianae cognitionis alia adiumenta locum nondum haberent.

16) Eximie *Irenaeus adv. haer.* l. 3. c. 3. maximae et antiquissimae et omnibus cognitae, a gloriosissimis duobus apostolis Petro et Paulo Romae fundatae et constitutae ecclesiae traditionem laudat. Ad hanc, ait, ecclesia propter potiore principalitatem necesse est omnes venire ecclesiam, hoc est, eos qui sunt undique, qua semper ab his, qui sunt undique, con-

et ad soliditatem fidei pertinentes ¹⁷⁾, prava cuiusquam interpretatione violentur.“ Denique Ep. 89. „catholicam fidem, instruite nos Spiritu Dei, PER sanctos Patres a beatis apostolis didicimus“ coll. Ep. 94. Monet porro, sacrilegium esse, si a traditionibus Patrum vel in exiguo aliquo devietur, Ep. 157, 3. eumque impium esse haereticum, qui ab iis discrepet; Ep. 165, 10. in eadem enim, quae ab omnibus tenetur, credulitate persistendum, Ep. 27. nullam autem penitus disputationem cuiusquam retractationis esse admittendam. Ep. 94. Quia vero Eutychiani LEONIS praedicationem a doctrina atque intelligentia patrum deviare iactitabant, Ep. 109, 3. nihil ei magis curae cordique fuit, quam ut suspicionem istam a se amoveret, ostenderetque, se nihil aliud praedicare, quam quod SS. Patres toto orbe docuerint. Ep. 165, 10. 115, 1. 131, 1. Hoc ut omnibus eo certius persuaderet, collegit ea testimonia Patrum, quae a nonnullis epistolae 28 ad Flavianum, ab aliis vero epistolae 165 ad Leonem Imp. subiiciuntur.

Haec quae ex LEONE de ista causa excerpti, sufficere possunt ad mentem ipsius perspicendam. Plenius autem ista refutare, nec consilium meum permittit, nec libelli modus. Addam potius alias quasdam observationes de toto isto, quod iam tractamus, argumento.

17) Αἱ διατυπώσεις τῶν προσηυητῶν πατέρων, αἱ θεοῦ τὴν ἰσχὺν ἔχουσαι, καὶ εἰς τὴν τελειότητα τῆς πίστεως ἀνηκούσαι
Griesbachii O. a. L.

§. 12. Quemadmodum supra §. 9. non omnes apocryphorum librorum narrationes confictas esse ostendi, sic etiam non omnia decreta, quae apostolicarum traditionum nomine venditabantur, falsa et serius conficta mihi videntur. Datur *traditio vere apostolica*, quae ex illis apostolorum collocutionibus, quas coram instituerunt, suam duxit originem. Nam primi isti religionis christianae administri aut nulla unquam verba fecisse ad populum, nullaque cum familiaribus et discipulis suis instituisse dicendi sunt colloquia, praeter ea, quae in Actibus Apostolorum et eorum epistolis leguntur; aut profecto illud concedi debet, quod Apostoli in sermonibus et quotidianis et publicis multa uberius exposuerint, quae quasi primoribus tantum labris in scriptis suis attigerant. Quis vero dubitet, quin tantorum virorum discipuli haec, quae a magistris acceperant, memoria saepe repetierint, et ad alios propagaverint, praesertim cum ipsi etiam crebros de religione christiana sermones habere, doctrinamque apostolicam plenius exponere deberent, ubi nihil eos poterat magis commendare, quam magistrorum mentio saepius injecta¹⁸⁾. Quae cum ita sint, negari non potest, mul-

18.) Pluribus posset exemplis confirmari, Patres, catholicos etiam, saepe provocasse ad apostolorum et Christi ipsius sententias ἀγράφους, de quarum indole, utrum genuinae sint nec no, difficile interdum nunc est iudicium. Epsi vero fabulae nonnunquam nobis obtrudantur, quorum v. c. narrationem Irenaei L. 5. C. 33. de millenario Christi

tas olim pervulgatas fuisse apostolorum veras sententias, quas viri divinitus inspirati, cum ad aeternam beatitudinem consequendam scitu omnes necessarie non essent, nunquam litteris mandaverunt. Haec carmina vel ad ecclesiasticam disciplinam pertinebant vel ad *fidei* et christianae doctrinae modum¹⁹). De

in terris regno refero; nihil tamen obstat, quo minus verae ad posterum eodem modo propagatae sint istorum virorum sententiae, cum dubitari nequeat, multa ab iis et dicta et facta esse, quae litteris non sunt mandata. Extant in *Grabii* spicil. patr. Sec. I. pag. 12. et in *Fabricii* codice apocr. N. T. tom. I. pag. 321. multa Christi dicta ἀγχα, ex codicibus nonnullis N. T. et ex antiquissimorum Patrum scriptis collecta, quae nemo facile omnia reiiciet. Sed quid multa? Paulus, qui Christum in terris ne ipse quidem audierat, usus est Act. 20, 35. sententia Salvatoris, quam nullus habet evangelistarum. Et Iohannes cap. 21, 25. testatur, multa alia, praeter ea quae ipse scripserit, fecisse (cur non etiam dixisse?) Christum. Nihil igitur ex falsis quibusdam traditionibus colligi potest, praeter hoc, quod circumspectione opus sit et examine, antequam eiusmodi carmina pro veris et genuinis habeantur. Quamobrem non magis mihi obijci possunt, quam illa, de qua mox agam, traditionum contrarietas, qua factum est, ut ab utrisque saepe partibus in causae suae patrocinium allegata sint apostolorum decreta non scripta.

19) Addi solet *traditio exegetica*, ex maiorum placitis de locorum Scripturae S. difficultatum interpretatione praecipiens. Sed nobis non veri simile videtur, ipsos apostolos tales iam praecivisse exegeses, cum et ordinariorum doctorum hoc potius esset munus, et evangelica atque apostolica scripta eo tempore in nullorum fere manibus essent,

illis certum est, ea non ubique eadem fuisse, quia pro varia hominum locorumque conditione variam

quam quibus ab auctoribus primitus destinata fuerant; his autem hominibus, omnium circumstantiarum gnaris, vix difficilis esse potuerit eorum explicatio. Si vel maxime quorundam Scripturae S. locorum aliqua expositio, ab apostolis coram instituta, ad posteros sit transmissa, ea tota ad Vetus Testamentum pertinet. Quò verb consilio ad V. T. testimonia provocaverint interdum Christus et apostoli, e novi Test. libris patet. Operam dabant Iudaeis, quos adhibitis V. T. auctoritatibus ad meliorem religionem, quam primis lineis in hebraicis iam libris designatam esse ostendebant, manu quasi ducebant. Novi test. libros interpretari presbyterorum potissimum erat, qui pro varia et ingenii et consilii ratione *variae*, interdum satis ineptae, exegeseos auctores erant, donèc catholici, Conciliorum adversus haereticos celebratorum atque symbolorum ibi conditorum occasione, arctiorem inirent societatem. Cum in his Conciliis, a quibus ne Spiritum S. quidem abesse iactabant, multa Scripturae loca communi consensu adversariis opponerentur, eodemque tempore maiorum sedium, in primis Romanae, accresceret dignitas, factum est, ut sequenti tempore plerique fere in eadem concinerent dicti alicuius explicatione, a Patribus accepta posterisque tradenda, ob eximiam tamen linguarum ignorantiam aliquantum semper in peius mutata. Sed illud merito optimus quisque miretur, vel post litterarum instaurationem non defuisse homines, qui licet alta voce contra traditionis auctoritatem declamare soleant, nonnullas tamen interpretationes, praeter antiquitatem simul SS. Patrum ignorantiam spirantes, fideliter retinuerint. Illud sane extra dubitationis aleam positum est, omnem istam *καταβολήν* exegeticam nec certum habere auctorem nec modum.

apostoli cultus externi formam observandam praeceperunt; unde antiquissimis iam temporibus diversa in ecclesiis erat disciplinae ratio. De his autem, quae ad fidem pertinent, maior esse videtur difficultas. Nam multis vix placere me puto, si diversitatis, quae inde a primis seculis in his etiam rebus observatur, causam in varietate quadam traditionis apostolicae verae, (de hac enim loquor) adeoque in diversis quodammodo apostolorum sententiis effatisque quaerendam esse dicam. Quamvis enim neque semper theopneustiae dono gavisi sint apostoli, neque per illud auferatur ea, quae in omni natura finita necessario ponenda est, varietas, qua ut quisque acriori subactiorque ingenio est, ita caeteros minus exercitatos et percipiendi celeritate, et iudicandi soliditate et ratiocinandi subtilitate antecellit: timeo tamen, ut desint omnino, qui omnem sic inspirationis divinae auctoritatem infringi clament. Aliam insistam viam, qua ostendam, quomodo traditiones vere apostolicae potuerint tantae opinionum varietati ansam praebere; ut v. c. iudaizantes Christiani ad Petri auctoritatem continuo provocarent; gnostici vero his Pauli doctrinam opponerent; utrique vero suam opinandi rationem apostoli alicuius exemplo comprobare putarent.

Certum est, eos, qui primi christianae religioni se addixerunt, homines fuisse adultos, innumeris imbutos opinionibus atque *évvoais*, quae vel ex veteris religionis consuetudine, vel ex philosophandi exercitatione, vel ex toto vivendi genere altius men-

tibus inhaerebant, quam ut penitus ex illis potuerint evelli. Hinc semper aliquid religioni christianae omni, hinc etiam non parum traditionibus apostolorum admistum est. Cum vero hoc, quod addabatur, non haberet stabilem atque certam aliquam rationem, necessario etiam ipsarum traditionum interpretationes, quae ad ἐννοίας istas accommodabantur, a se invicem discreparunt. Accedebat, quod Apostoli ubique locorum non ipsi adesse potuerint, et quod haud contemnendus ecclesiarum numerus traditiones non nisi interventu multarum aliarum ecclesiarum, quarum unaquaeque ex sua cogitandi consuetudine aliquid intulerat, acceperit. Hinc istarum praecipue urbium traditionibus, tanquam omnium minime interpolatis, maximus habebatur honor, quarum sedes episcopales ab ipsis apostolis erant fundatae. Iam si illud addas, quod nonnulli doctores, etiam ex iis, quos Catholicos fuisse omnes agnoscunt, propria quaedam secuti sint studia atque instituta, cum v. c. alii Iudaeis e V. T. alii gentilibus e philosophorum scriptis, alii denique haereticis ex traditione paterna se opposuerint.²⁰⁾ si

20) Gregorius Nyssenus in *λογος κατηχητικος* in praef. edit. lat. Frontonis Ducae, Parisiis 1605. pag. 411. aperte profitetur, alium *διδασκαλίας τροπον* convenire Iudaeis, alium graecis, alium Anomoeis, Manichaeis etc. omnibus tribuere aliquid debere sapientem doctorem. Praeclare haec dicta sunt, et exemplo, quod apostoli praeiverunt, conveniunt.

addas, quod episcopi aemula contentione de sedium suarum dignitate concertarint et traditionibus ecclesiarum suarum ad praerogativas varias obtinendas abusi sint; quod praeterea ecclesiae nondum arctiori communionis quasi necessariae vinculo iunctae fuerint; et quod denique primis istis temporibus, cum plurimae ecclesiae vix unum aut alterum novi Test. librum haberent, ad institutionem oralem maxime recurrere debuerint: facile videbis, unde inter ipsos etiam Catholicos ortae sint istae traditionum immutationes. De haeticis enim sermo nobis non est. Cum itaque ne catholicae quidem ecclesiae stabilis sit atque firma traditio, et tam variae immutationum causae extiterint; neque argumentis exceptione maioribus possit probari, ullam esse ecclesiam, quae acceptam ab ipsis apostolis traditionem incontaminatam servaverit: nulla plane potest esse universae istius παραδόσεως ad nos auctoritas.

§. 13. Hoc autem non obstat, quominus affirmare ausim, vix ulla re externum ecclesiasticae societatis vinculum validius contineri, quam traditionis cuiusdam genere. Nam de eo non dubitari potest, quin opus sit ad populum, ex doctoris ore pendentem, certa quadam publicae doctrinae forma, quae si cuiuslibet doctoris arbitrio subiacere permittatur, neque certo sit definita atque praescripta, numquam homines, saltem ut nunc sunt, in societatem aliquam se cogi patientur. Quamvis itaque neque exercitationes vetentur liberae conscien-

tiae iure uti in cogitandis rerum christianarum *Agoyis* iisque connectendis, neque doctores publici cogi possint, ut per omnia secula unam atque eandem omnes sententiam, iisdem verbis concipiendam iisdemque argumentis semper confirmandam, consecrent: illud tamen vel ex historia christiana certum est, maiorem istum coetum, si uno eodemque tempore varius sit publicus doctrinae modus, statim in plures partes minores secedere, generaliiori vinculo sublato. Ad has itaque discordias vitandas non minus quam ad dissentientes haereticosque dignoscendos et a docendi munere arcendos, opus est quasi trutina quadam, ad quam non modo examinentur ii, qui sacro coetui praeficiuntur, ne doctoris provinciam nanciscantur inquieti homines, qui a publice receptis opinionibus abhorrentes facile turbas ciere possint; sed ad quam etiam ipsi sacrum rerum publici adiutores ea expendere debeant, quae plebi proponunt, ne vel ipsi imprudentes discordiarum semina spargant. Sed scriptura S. dicis, sola est fidei regula. Audio. Certe nihil licet quicquam credere, quod cum ea non consentiat, nec docere quod ab ea discrepet, cum quicquid de Deo rebusque divinis statuendum est, id omne vel ex ipsa totum hauriri, vel ad eius normam curate debeat examinari. Sed prior recurrit difficultas. Haeretici aequae ac doctrinae purioris assertores ad Scripturae S. decreta provocant; et cum scriptura, quamquam in exponendis rebus ad salutem cognitu necessariis sat plana omnibus sit atque perspicua,

passim tamen aut secum ipsa dissentire, aut plures sensus admittere videatur, nec semper liqueat, quis tamquam unice verus sit amplectendus: utrique suam sententiam vel plane e Scriptura S. sumtam, vel cum ea consentientem esse contendunt. Ad eos itaque, quos constitui, fines (externos) necessaria est, ut dixi, norma aliqua doctrinae publicae. Iam, ut ad id, quod volumus, veniamus, haec norma apud veteres christianos erat traditio ²¹⁾, non quidem ea tantum, quae verbo propagatur, sed etiam quae a patribus litteris iam erat consignata; quorum scriptis, additis conciliorum decretis, potissimum utebantur, quando demonstrare volebant, se esse catholicos. Hinc LEO Noster (qui alias saepe provocat tantum ad legis doctrinam, propheticas voces, evangelicas auctoritates et apostolicas litteras ep. 15, 12. 28, 1. etc.) cum primum falsae doctrinae, Nestorianismi in primis, argueretur, statim ad patrum suffragia sibi recurrendum esse putavit, ut ipsorum testimoniis ostenderet, catholicis se esse adnumerandum; illos autem qui secus sentiant a communione ecclesiae esse excludendos. Nec aliter sane agere potuit, cum haeretici suas sententias verbis e Scriptura S. desumptis aequae exprimerent, atque purioris doctrinae vindices. Ad traditiones Patrum necessario erat recurrendum.

21) Conferendus de hac re omnino est *Tertullianus* de praescript. haeret. cap 15. seqq.

S e c t i o III.

complexa doctrinam de Christo.

§. 14. Progredimur ad gravissimam difficillimamque doctrinae revelatae partem, nimirum ad articulum de mediatore inter Deum hominesque, *Christo*. Cum vero in nullo fidei christianae capite explicando confirmandove magis elaboraverit LEO, quam in hoc, quo totius religionis nostrae fundamenta continentur; neque ulla fuerit illius temporis haereticorum, in hac doctrinae salutaris parte a veritate recedentium, secta, quam magnus noster Pontifex masculine non impugnaverit: facile quilibet intelligit, libelli academici modum me esse transgressurum, si omnia, quae de Christo e LEONIS scriptis colligi possent, plena enumeratione exhibere et verbosiori explicatione persequi vellem. Dabo tamen pro virium mearum mediocritate operam, ut missis plerisque notioribus et auctori nostro communibus cum omnibus puriora divinarum litterarum dogmata sequentibus nihil praeteream eorum, quae aut rariora sunt et a nostrae aetatis opinionibus aliquantum discrepant, aut nonnihil saltem facere possunt ad historiam huius doctrinae plenius cognoscendam, ad facilius, rectiusque diiudicandas de hac causa controversias, et ad promovendam liberalem eruditionis theologiae indolem. Illud autem in limine statim monendum esse censeo, plerasque auctoris nostri sententias de Christo oppositas esse erroribus Euty-

chianorum, nonnullas etiam Nestorianorum placitis. Operae itaque pretium erit, curatius inquirere, quam potissimum in re a veritate deflectere existimaverit LEO utriusque haereseos coryphaeos. Sic enim facili negotio quilibet perspiciet, utri haereticorum sectae opposita sint singula scriptoris nostri decreta.

§. 15. Quod itaque ad Nestorium attinet, culpatur ille a LEONE, quod Mariam hominis tantummodo ausus sit praedicare genitricem, et in conceptione eius et partu (si ad Mariam matrem concipiendi et pariendi refertur ministerium,) nullam Verbi et carnis factam unionem (ένωσιν) crediderit²²): Quia

22) Nestorius abhorrui omnino a plerisque, quos LEO ei obiecit erroribus. Sic Mariam non hominis tantummodo genitricem, sed Emmanuelis matrem in anathematismo I. Harduin. collect. Conc. tom. I. p. 1298. et Christiparam, Harduin. p. 1411. nuncupat. Quia aliqui sanctam virginem Θεοτοκον tantummodo nominabant; alii εὐαγγελιστρίαν, ideo, dicit p. 1332. se vocasse eam Χριστοτοκον, ut hoc nomen utrumque manifeste significaret; concessisse etiam se testatur, ut pie genitrix Dei nominaretur, propter unionis rationem, quae facta est ex ipso vobum angeli principio, quas de conceptione locutus est. Quin manifeste p. 1334. declarat, sanctam virginem esse Dei genitricem ideo, quia illud templum, quod in ea ex Spiritu S. creatum est, Deitati erat unitum. conf. p. 1552. De unionis autem confitetur p. 1282. esse filii deitatis corpus templum, et templum secundum summam quamdam et divinam unitum coniunctionem, (κατ' ἀκράτητα καὶ διακρίτως ἡνωμένον συναΐαν.) Confer. quae p. 1333. de unionis ineffabili duarum naturarum in utero virginali dicuntur.

filius Dei non ipse factus sit hominis filius, sed creato homini sola se dignatione sociaverit. S. 28, 5. Accusatur porro ep. 30, 1. quod dominum Iesum Christum de matre virgine hominem solum asseruerit natum²³), et deitatem verbi ab assumti (per verbum) hominis substantia separaverit; ep. 35, 1.²⁴) et quod denique docuerit, Mariam sine Deitate concepisse hominem, qui creatus a spiritu s. postea²⁵); sit susceptus a verbo, ep. 59, 5. duabus scilicet personis distinctis atque divis²⁶), ut non esset filius homi-

23) Concedit Nestorius p. 1411. *Deum Verbum* (id est reduplicative Christum quatenus Deus est) ex Christipara virgine processisse (προελθαι): monet tamen Scripturam nusquam affirmare, *Deum* esse ex virgine genitum; semper eam praedicare hoc de Iesu Christo, filio, Domino. Aliud enim, inquit, est simul esse cum nato et aliud nasci. Si cum his conferantur quae Cyrillus ipse scribit in epist. Synod. ad Nestor.: „in ipso utero cum“ carne unitus (filius Dei, Deus) generationem carnalem sustinuisse dicitur, „carnis, suae nativitatem tanquam propriam sibi faciens;“ apparet, parum abfuisse Nestorium a Cyrilli sententia.

24) Si quis, ait Nestorius, p. 1299. non secundum coniunctionem unum dixerit Christum — anathema sit. Statuit vero συναφειαν sive coniunctionem indivisam non secundum naturas (φυσικην) sed secundum dignitatem filiationis; quoniam illi unitus est, qui in principio filius erat. p. 1414.

25) Sed conf. quae diximus not. 22.

26) Fatetur Nestorius p. 1279. impassibilem et passibilem substantiam ἐν μοναδικῇ προσώπῳ, itemque naturarum εἰς ἑνὸς προσώπου συναφειαν.

§. 16. Haec sufficere possunt de Nestorio; accedamus ad oppositam *Eutychianorum* haeresin, de qua plura sunt notanda.

27) Nestorius p. 1414. aperte negat se duos filios inducere, et p. 1334. Deum et hominem *unum* filium confitetur.

28) *Nestorius* anathemat. 3. eos anathematè ferit, qui non secundum coniunctionem unum Christum dicunt, aut ex utraque substantia unam filii connexionem negant.

29) Non mirum est, sic locutum esse hominem, qui sibi persuadebat, plurimos gravissimos errores in verbis latere Eutychie. Haud paulo tamen rectius huius rei pondus aestimat *Marcianus* imp. in epist. ad Archimandritas et Monachos habitantes in Aelia, Harduin. l. c. tom. 2. p. 670. „Vobis harum rerum (doctrinae de duabus naturis) examinationem facere non congruit, qui τῆς ἐπὶ τοῖς λήπτε-
τητα intelligere nequitis. „

ritate, (cuius impietatis accusabatur Eutyches) negetur etiam corporea passio: ep. 28, 5. vacuari per hanc haeresin existimabat salutis nostrae singulare sacramentum, et totum quod credimus in vanitatem et mendacium per eam converti putabat. ep. 88, 2. Perperam pleraque haec a LEO NE dicuntur. Certe eae, quas Eutyches *vere* defendit, opiniones, nec christianae religioni nec symbolo apostolico tam aperte et omnino repugnant, ut Eutyches sciens et volens symbolo contradixerit.

II. Docet LEO non fuisse *Eutychem* huius *haereseos auctorem* errorisque inventorem, sed olim a patribus in praecedentibus haereticis eam, cui Eutyches subscripsit, sententiam, damnatam iam esse atque destructam ep. 79, 1. 88, 2. Innuit quidem LEO eos potissimum aut *Manichaeorum* aut *Apollinaristarum* errores, quos in dictis *Eutychis* latentes deprehendisse sibi visus est: verum etiam de quibusdam sententiis, quibus revera et aperte usus est celebris iste archimandrita, praesertim de eo ipsius efato, quo post *ἐνσάρκωσιν* duas in Christo naturas esse negavit, recte dici potest, non esse eas novas aut antea inauditas phrases. Eiusmodi a nonnullis antiquioribus doctoribus christianis usurpatae sunt elocutiones, ut ab Eutychianorum decretis non longe abesse et ipsi videantur. Neque id a solis factum est haereticis, sed ab iis quoque, quos orthodoxos a doctrinae puritate nominare solent. *Eutyches* ipse doctrinae suae patronos laudat *Iulium*, *Felicem*, *Athanasium* et *Gregorium* ep. 21, 1. Adnotant ad

hunc locum *Ballerinii*; *Acephalos* (*Severianos*) in collatione Constantinopoli habita anno 533. eorundem patrum, *Iulii*, *Felicitis*, episcoporum Romanorum, *Athanasii*, *Cyrilli*, *Gregorii Thaumaturgi* ac *Dionysii Areopagitae* testimonia, veluti Eutychianae sententiae faventia, opposuisse; sed ea pleraque ab Apollinaristis olim conficta esse, catholicos respondisse: vid. Hard. tom. 2. p. 1159. Certe contra *Iulii* testimonium, quod Eutychis epistolae ad LEONEM M. subiectum legitur, dudum a viris doctis tam valida prolata sunt argumenta, ut omnes fere in eo nunc concinant eruditi, *Iulii* tantum nomen adscriptum esse fragmento, quod *Apollinarem* auctorem habet. Sed dubiis in hac causa testimoniis non opus est. Nam ab omnibus, qui non plane hospites sunt in historia dogmatum, nec totos se praeconceptionibus opinio- nibus regendos permittunt, facile impetrabimus, ut nobis concedant: ante Nestorianas atque Eutychianae controversias dogma de duarum naturarum in Christo unione nondum fuisse tam accurate atque definite explicatum, quam post istas lites motas. Antea enim, cum suo tempori et suis hominibus inservirent doctores, tot de ea re *ἐννοιαί* et phrases neque necessariae erant neque exsistebant, quam sequentibus temporibus; eas autem, quibus adspici erant religionis ministri, libere coniungebant. Licet enim in eo omnes convenirent catholici, quod unus Iesus Christus simul hominis sit et Dei filius, nulla tamen lege ecclesiastica disertis verbis constitutum erat; quid de unionis duarum naturarum ratione et

modo credendum sit. Accidit itaque in hac sentiendi libertate, ut nonnulli Patres easdem fere sequerentur ideas aut certe, ne nimis videamur difficiles, easdem formulas, quas postea prae caeteris elegit atque defendit *Eutyches*. Ne temere hoc affirmare videar, provoco, quia spatium mihi non permittit plura colligere, ad ea quae **PRAESES GRAVISSIMUS** adnotavit ex *Gregorii Nysseni* scriptis in *Introduct. in Pol. Baumg.* vol. III. p. 209. seqq. et 236. 237. Non ignoro, posse ex antiquiorum patrum scriptis colligi locutiones, quae catholicorum dogmata confirmare videntur; fateor etiam ingenue, eosdem patres, qui minus accurate aut orthodoxe interdum loquuntur, aliis in locis propius ad orthodoxam accedere doctrinam: sed ex ipsa hac auctorum inconstantia concludo, istis temporibus nihil certi de his rebus fuisse definitum. Parum profecto accurate rem mente conceperant ii, qui eam verbis expresserunt tam variis atque diversis, ut fere vix divinando, quid sibi voluerint, sagacissimus quisque interpret assequi possit ³⁰⁾. Evenit quidem his scriptionibus idem, quod sacris litteris contingere solet, ut multi lectores proprias suas sententias in eis et quaerant et inveniant. Sed invenusta sunt ista studia. Omnis enim interpretatio historica esse debet.

30) De variis interpretandae scripturae, cum de Christo loquitur, hypothesibus, amplissimus superest requirendi locus; quasdam quasi lineas praeivit S. V. **PRAESES** in apparatu ad N. T. interpretationem pag. 138. seqq.

§. 17. III. Ea est Pontifex noster animi moderatione, ut miserum istum septuagenarium senem non tam ex versutia aut veritatis odio, quam ex imperitia incautaque simplicitate errasse pronunciet. Ep. 30. 1. 31. 1. 32. 2. Quam ob rem veniam ei concedendam, *communioneque* sui ordinis illi reformatam esse decernit, modo omnia, quae male senserat, viva voce et subscriptione damnare non recuset. Ep. 30. 2. Atamen illud vitio ei vertit, ep. 28. 1. quod *sapientioribus doctioribusque* (episcopis scilicet) *non cesserit* (presbyter et monachus) ³¹). Verum enim vero in synodo Constantinop. *cesserat* aliis. Ibi enim concilii sententiam amplectitur his verbis: „Quis vestra sanctitas hoc dicit, dico — Usque ad hanc horam metuebam dicere — quoniam autem vestra Sanctitas permittit et docet, dico — et sequor patres. Neque autem inveni manifeste hoc explanatum, neque omnes patres dixerunt.“ Harduin. coll. conc. T. 2. p. 163. 166. Et ab ipso LEONE laudatur, ep. 23. 2. quod paratus sit ad corrigendum, si quid in se inventum fuerit, quod reprehensione sit dignum.

IV. Neque praetermitti debet id, quod in omnibus fere controversiis theologicis similiter observare licet, multas Eutychi erroneas tribui sententias, quae

31) Sine dubio etiam illud LEONI admodum displicuit, quod Eutyches in Synodo Constantinop. declaraverat, solas scripturas scrutari, tanquam firmiores atque meliores sanctorum patrum expositionibus. Harduin. II. 142. et 136.

nonnisi ratiocinationum, interdum longius repetitarum adminiculo, ex verbis eius vix cogi possunt, Quod ut pateat non inutile quidem esset praecipuas formulas ex paucis ipsius quae ad nos venerunt decretis dictisve colligere: sed ne nimis multus sim in hac re, missis istis ³²⁾).

V. Eam in medium proferam *errorum Eutychis recensionem*, quam in binis suis ad LEONEM litteris suppeditat *Flavianus* ep. 22. et 26. Sic autem ille: „*Eutyches* — antiquam impii *Valentini* et *Apollinaris* reparat sectam — dicens: dominum nostrum I. C. non oportere confiteri *de* (ἐκ) *duabus* naturis post humanam susceptionem.“ Haec parum accurate dicta in altera epist. 26. sic exprimuntur: „Ante incarnationem quidem salvatoris nostri duas naturas esse, μετα δε την ένωσην, μιαν Φύσιν γεγενεσθαι. Verum omnino est, dixisse Eutychen, ἐκ δυο Φύσεων γεγενεσθαι τον κυριον ημων προ της ένωσης, μετα

32) Speciminis loco ex professione fidei, quam Eutyches adiunxit epistolae 21. ad LEONEM, (in qua, Deum testem invocans, multis atque gravissimis verbis queritur de insidiis et factionibus adversariorum, perniciem sibi machinantium, adeo, ut etiam de vita periclitetur) unum exscribam locum: „ipse, inquit, qui est verbum Dei, descendit de coelo sine carne, et factus est caro in utero sanctae virginis ex ipsa carne virginis, incommutabiliter et inconvertibiliter, sicut ipse novit et voluit. Et factus est, qui est semper *Deus perfectus* ante secula, idem et *homo perfectus*.“ Nihil poterat dici rectius, si verborum ineptam sedulitatem non amamus.

δε την ένωσην μιαν Φυσιν, confessum eum esse. Harduin. l. c. tom. 2. p. 165. Alio etiam loco, p. 142. statuit, post incarnationem esse *unam* naturam, eamque Dei incarnati et inhumanati. Sed dixerat simili modo Cyrillus, non oportere intelligere duas naturas, sed *unam* Dei Verbi incarnatam, idque testimonio Athanasii confirmaverat. p. 127. Ad hunc Cyrillum ut et ad Athanasium atque Gregorium eiusdem sententiae adsertores, provocat etiam Dioscorus, in conc. chalco. et palam testatur se cum patribus efici, quorum dogmata defendat. In libris se habere affirmat eorum testimonia p. 131. Ipse etiam Flavianus in exemplo fide p. 7. profitetur quidem Christum post incarnationem έν δυο Φύσεσι, έν μιᾷ ὑποστάσει (una subsistentia: sed in collatione catholicorum cum Severianis p. 1165. legitur: in una substantia) και έν ἐνὶ προσώπῳ ένα Χριστόν, eosque damnat qui δυο ὑποστάσεις aut δυο πρόσωπα annunciant; sed addit: unam Dei Verbi Φυσιν, incarnatam tamen et inhumanatam, dicere non negamus, eo quod ex ambabus unus atque idem sit dominus. Dioscorus cum Aegyptiis aliisque Eutychis sequaciibus, ita statuit μιαν Φυσιν, ut physica unio, quam Nestorius impugnaverat, omni conatu defenderetur, et δυο ὑποστάσεις negarentur. Nam ὑποστάσιν multi eo tempore non distinxisse videntur a Φύσει. In Ephesina Ληστροικῇ Seleucus Amasiae Hellenoponti episc. anathematizat τοὺς εἰς δυο φύσεις, ἢ δυο ὑποστάσεις, ἢ δυο πρόσωπα μετὰ την ένωσην διατρεχόντας τὸν κυρίον. Harduin. tom. 2. p. 216. Plane eadem paulo ante dixerat Basilius ep.

Seleuciae Isauriae. p. 213. Recte itaque dici potest, eum praesertim fuisse Aegyptiorum errorem, quod ἐνσφυσίαν non tribuerint humanae naturae propriam, sed omnem agendi vim in divina natura, quam ideo solam Φύσεως nomine insignire solebant, positam esse arbitrati sint. Utrum vero ipsius etiam Euty-
chis eadem fuerit mens idemque consilium, dum μίαν φύσιν Dei incarnati assereret, id quamvis veri speciem habeat, vix tamen poterit satis tuto definiri. Haec vero de una ἐνσφυσία hypothesis ab omnibus etiam iis defendi debuit, qui τὸν λόγον animae rationalis locum in Christo obtinuisse arbitrati sunt, qua opinione inde ab antiquissimis temporibus permulti ducebantur patres. conf. S. V. PRAEISIDIS introduct. ad Baumg. Polem. tom. II. p. 118.

Pergit Flavianus ep. 26. in recensione errorum Euty-
chis: „Quod ex Maria ortum est corpus domini non esse nostrae substantiae neque humanae materiae (ἀνθρώπου φύματος); sed humanum (ἀνθρώπινον) quidem — non tamen consubstantiale nobis, nec ei, quae illum peperit secundum carnem³³). Eadem ep. 22. sic explicantur: — „neque carnem Domini consubstantialem nobis esse, tanquam ex nobis assumptam, et unitam Deo verbo secundum

33) Sed in Synodo Constantinop. anno 449. habita, iuramento confirmare spondet Iohannes presbyter, Eutychen dixisse: Consubstantialem quidem Dominum esse matri, sed non habere eum consubstantialem nobis carnem. Hard. Tom. 2. p. 190.

subsistentiam (καθ' ὑπόστασιν); — virginem quidem, quae eum peperit, secundum carnem consubstantialē nobis esse, ipsum autem Dominum non summissee ex ea carnem nobis consubstantialē; sed Domini corpus non esse quidem corpus hominis (σῶμα ἀνθρώπου), humanum autem (ἀνθρώπινον) corpus (esse), quod ex virgine est.“

VI. Rationem, cur hactenus non dixerit corpus Domini et Dei nostri consubstantiale esse nobis, hanc affert ipse Eutyches: „quoniam ipsum corpus Dei confiteor. Non dixi corpus hominis corpus Dei: humanum autem corpus est, quoniam ex ipsa virgine incarnatus est Dominus. Si autem oportet ut dicatur ex virgine et consubstantiale nobis, et hoc dico.“ Harduin. Tom. 2. p. 166. Quum praeterea Eutyches Christum nomet perfectum hominem, incommutabiliter et inconvertibiliter factum ex ipsa carne virginis, quae nobis consubstantialis est: nihil aliud videtur dicere voluisse, quam quod Dominus non merus sit homo, neque corpus eius vere humanum et ex matre sumtum sit corpus vulgare meri hominis et τοῦ τυχόντος, sed Θεανθρώπου³⁴). Qui videtur addendum esse hoc, quod humanitas Christi habuerit neque propriam hypostasim sive subsistentiam ne-

34) Cum concessisset patribus Constantinopoli congregatis, Christum nobis esse consubstantialē, addit: Non (sic) dico consubstantialē, (quasi simul) negans, quod ipse sit filius Dei. Timuit igitur ne posita hac ὁμολογία tolleretur divinitas salvatoris.

que ἐνσφυσίαν, adeoque nec propriam Φύσιν. Σαφὲς enim existit ἐν τῇ Φύσει τοῦ Λόγου qui caro factus est, id est, ex Eutychis mente, qui carnem in suam Φύσιν (ὑποστάσις dicenda erat ex catholicorum sententia) recepit. Hinc etiam intelligitur, quid sit quod Eutychiani Christum concedant esse ἐκ δυο Φύσεων, negent ἐν δυο Φύσεσι. Si haec est vera Eutychis sententia, patebit postea admodum iniquum fuisse LEONEM in erroribus adversario suo adfin-gendis, a quibus hic aberat longissime; eundemque ubique fere contra larvas pugnasse.

§. 18. VII. Caeteri quidem haeretici plerique erraverunt ex arrogantia et nimia de se suaque per-spiciacia praesumptione, aut ex animi levitate linguae-ve securitate, ad quam postea pertinacia plerumque accessit: Sed *Eutyches*, si errasse dicendus est, ex immodica verecundia, nimiaque ancipitum locutio-num fuga, et exorbitanti Nestorianismi speciem vi-tandi studio, in errorem incidisse videtur. Profite-tur ipse, se non audere de natura tractare Dei Verbi, aut adimere vel addere verbum contra fidem Nicae-nam, ep. 21, 1. Alia flexibilis atque obsequentis animi documenta iam proposuimus. Quid? quod haec' ob rem maxime in Synodo Constant. ἐνδημουσῇ anno 448. damnatus sit, quia noluit *anathema* dicere iis, qui contraria sentiunt. Hanc veram fuisse cau-sam, cur damnationis sententia adversus Eutychem lata sit, Constantinus diac. in concil. quod Constan-tinopoli anno 449. celebratum est (ad examinanda synodi praecedentis acta, quae corrupta esse a non-

nullis dicebantur) clare atque manifeste asserit. Hard. tom. 2. p. 202 seqq. Idem etiam ex ipso LEONE M. discere possumus: „Bene coeperat a sua persuasione discedere Eutyches. — Sed cum anathematizando impio dogmati noluisset praeberè consequum, intellexistis eum in sua manere perfidia, dignumque esse, qui iudicium damnationis exciperet.“ Ep. 28, 6. Ac si quis gesta prioris synodi Constantinopolitanae sub Flaviano 448. habitae relegat (ibid. pag. 166. seqq.), dubitare non poterit, omnibus fere in rebus Eutychen cessasse Flaviano, atque iis quae a Synodo credenda proponebantur, assensum prae-buisse. Sed cum Synodus postularet, ut anathematizaretur omne dogma, quod contrarium sit iis, quae paulo ante lecta fuerant: Eutyches quidem profitebatur, eadem se dicere, quae synodus doceat; quoniam vero in acripturis nondum invenerit manifeste hoc, de quo quaerebatur, explanatum, neque omnes patres idem viderint, non posse se aliter sentientes exsecrari. „Si vero anathematizavero, ait, vae mihi est, quod patres meos anathematizo.“ Quibus auditis exurgens Synodus clamabat: *anathema ipsi*; quem clamorem mox sententia excepit, qua de dignitatis et officii gradu deiectus ex communione sacra exterminatus est. Sed quando Eutychen, hominem probum verique amantem, ex nimio Nestorianos errores vitandi studio errasse contendimus, non id hic agimus, ut contraria statuamus iis, quae S. V. PRAESES in *Selectis capitibus histor. eccles. tom. I. p. 244. seqq.* adnotavit, sedulo compositionem videri hanc fabu-

lam, quam *Eutyches* in Alexandrinae sedis honorem egerit. Nos quidem sententiam, quae pugnabatur, ab ipsa pugna distinguentes sub prima controversiae initia *Eutychen* arbitramur bona fide professum esse ea, quae necessario credenda esse putavit; an vero hac aemper fuerit animi constantia ut in neutram partem inclinaret, et vacuus esset ab amicitia et odio, de eo nihil plane definimus. Alios autem ad istam causam abusos esse *Eutychis* sententia, extra dubitationis aleam fere positum est. Certum etiam est, satis cito *Eutychen* ipsum (qui infensum sibi *Eusebii* Dorylaeensis animum penitus noverat, et forsitan *Flavianum* quoque propius quam nos cognitum habebat,) adiisse et *Theodosium* Imp. et *LEONEM* M. aliosque. Ad praefectos etiam monasteriorum Constantinop. scriptas dedisse fertur chartas, ipsorum subscriptiones ambiens. Harduin. tom. 2. pag. 151 seqq. Quis itaque dubitet, Alexandrina quoque praesidia sibi ipsum quaesivisse? Aptè itaque cohaerent ea, quae S. V. PRAESES l. c. pluribus exponit, cum his quae nos de ortu erroris *Eutychiani* modo disputavimus. Nimirum *Theodosius* Imp. adversus *Nestorium* huiusque sectatores insigne conceperat odium; eximie contra favebat acerrimo *Nestorii* adversario, *Cyrillo* Alexandriae episcopo, eiusque fautoribus (inter quos eminebat *Eutyches*) ac successori *Dioscoro*. Facile nobis persuademus, *Chrysaphium*, eunuchum, illiberalibus studiis Imperatorem in hasce partes magis magisque traxisse, nullamque praetermisisse eam occasionem, *Nestorii* re-

liquias penitus opprimendi, Alexandrinorum vero auctoritatem adaugendi. Quid vero poterat accidere exoptatius opportuniusque ad utrumque istum finem obtinendum, quam error Nestorianismo e diametro oppositus, quem errabat Eutyches, vir modestia atque temperantia multos post se reliquens istius aetatis clericos. Quid itaque mirum est, Theodosium Augustum, non minus quam Alexandrinos, ex partibus stetisse Eutychis? Quem cum impugnaret Flavianus Constantinopolitanus, Chrysaphio sine dubio exosus, fieri non potuit, quin indice Dioscoro Alexandrino, qui eunuchi artibus praeses erat constitutus in Ephesina *Ἀγσρεμῇ*, Flavianus causa caderet, et vinceret Eutyches, ad Cyrilli ac Athanasii Alexandrinorum antistitum auctoritates provocans, et Nestorii, Constantinopolitani quondam episcopi, sententiis incredibili animi fervore se opponens. Dioscorus enim, homo ferox atque factiosus suaeque sedis praerogativis magis consulens quam religionis puritati, non tantum Constantinopolitanos praesules odio prosequabatur capitali, verum etiam Cyrillo aliisque, qui ante ipsum Alexandrinae sedi praefuerant, Eutychianaeque sententiae favere videbantur, deditus erat atque emancipatus. Antecessorum vero famam atque memoriam in Eutyches violari arbitrabatur. Etiam Flavianum (licet in Synodo Constantinopol. sic se gesserit, ut leni in Eutychen animo fuisse videatur,) ab omni partium studio liberum pronunciare non ausim. Minus forte favebat Alexandrinis non solum, sed etiam Eutychi, doctrinam Cyrilli

Alexandr. sequenti; praesertim cum Ensebius Dorylaeensis, Eutychis delator totiusque litis sator, acri quotidie incitatione episcopi animum inflammaret; Monacho autem hoc damnato, Aegyptiorum etiam quodammodo imminui videretur auctoritas. Hanc suspicionem eo confirmari putamus, quod in concilio Constantinop. anno 449 habito, professus est Magnus, silentiarius: ante synodum Eutychis damnationem sibi esse ostensam; et studuisse praeterea Flavianum evitare Expraefecti, Consulis et Patricii Florentii, praesentiam in synodo; huiusque rei hanc eum obtendisse causam, quod forma iam data et damnatus sit Eutyches, quoniam secundo vocatus non obediit. Harduin. Tom. 2. p. 211. Sed antequam ter evocatus erat accusatus, nulla contra eum actio, ex canonicarum regularum praescripto, locum habere poterat. Potuisset haec omnia, quae de hac re breviter disseruimus, pluribus roborare testimoniis, quae verò brevitatis studio missa fecimus.

§. 19. VII. Omnes istos errores, quorum Flavianus Eutychen insimulat, (vide num. V.) LEO pro concessis ponebat, et adversarium convictum iam esse iudicabat; ipse etiam passim uberius eos interpretabatur, et varias inde eliciebat consequentias. Sed audiamus LEONEM ipsum, attendamusque, quomodo Eutychis mentem explicet. Tam impie, inquit, duarum naturarum ante incarnationem unigenitus Dei filius fuisse dicitur ab Eutyches, quam nefarie, postquam Verbum caro factum est, natura in eo singularis asseritur. Ep. 28, 6. E priori pro-

positione concludit, hoc habuisse Eutychen persuasum, animam, quam Salvator assumpsit, prius in coelis esse commorantem, quam de Maria Virgine nasceretur, sibi que Verbum in utero eam copularet; hac quidem in re Origenem eum esse secutum, ep. 35, 3. Posteriorem vero elocutionem ita interpretatur, quasi Eutyches id dicat unitione effectum esse, ut ex duabus naturis una remaneret, nullatenus alterius existente substantia scrm. 28, 5. Alibi vero declarat, adversarium statuere, Christum veram carnem de matre non summissee, nec nostri illum generis corpus habuisse, sed divinitatis eius et carnis unam esse naturam; et hinc efficere conatur, eum credidisse Dominum nostrum I. C. et falsum hominem et Deum passibilem; ep. 102, 3. unde porro deducit, eum et *Apollinaris* esse et *Manetis* asseclam. ep. 109, 3. ³⁵⁾ Triplicem autem nobis narrat LEO

35) *Eutyches* in ep. 21. ad LEOREM data, disertis verbis non modo *Apollinarem* et *Manetem*, verum omnes etiam generatim haereticos, usque ad magnum *Simonem*, anathemate percutit. De *Simone* vero tradunt veteres, negasse eum veram Iesu Christi humanitatem; docuisse vero hominem audacissimum, se esse eundem Iesum, qui non vere sed putative tantum in Iudaea passus sit. conf. *Irenaeus* L. I. c. 23. Quum itaque inter *Eutychis* errores recenseri, quanquam falso, soleat sententia de phantastica et simulata Christi passione, videri posset nonnullis, deliberato consilio *Simonis* mentionem inferri. Sed quoniam eo tempore, quo scripta est illa epistola, (mox post synodum Constantinop. 448.) *Eutyches* huius erroris, quantum quidem ex

Apollinaristarum errorem, quippe qui docuerint, de-
esse Christo sive animam, sive mentem rationalem,
sive carnem; carnem enim non de foemina sumtam,
sed factam esse de Verbo in carnem converso atque
mutato. Ep. 59, 5. Hoc tertium dogma delegisse
Eutychen arbitratur; quasi negata humanae carnis
atque animae veritate totum Christum unius asserere
ret esse naturae, tanquam Verbi Deitās ipsa se in
carnem animamque ita converterit ³⁶), ut concipi
ac nasci — crucifigi ac mori — divinae tantum es-
sentiae (naturae) fuerit; ep. 165, 2. Quod autem
formam servi gessit Christus et nostri similis fuit
— id quandam naturae nostrae fuisse imaginem,
non veritatem ep. 31, 1. Christum simulatorie om-
nia egisse nec humanum in ipso corpus, sed phanta-
sticam corporis speciem oculis apparuisse cernen-
tium ³⁷); Ep. 126, 2. 165, 2. hinc corporeas Christi

actis concilii colligi potest, nondum accusatus fuisset, re-
ctius anathema Simoni ideo dictum ab eo esse creditur, ut
ab omnibus, quotquot inter christianos fuerunt, haeresibus
se abhorrere testaretur. Nam primo loco numerari solet
a patribus Simon inter haereticos N. T.; nec desunt ex recen-
tioribus etiam multi, qui omnibus haeresibus signa eum
praetulisse existimant; quamquam apertus christianae religi-
onis hostis potius dicendus sit quam haereticus.

36) Hoc si statuit *Eutyches*, non potuit asserere ani-
mam Christi prius existisse quam cum Verbo copularetur.
Utrumque enim simul dici nequit nisi ab homine mente
capto.

37) Attamen manifeste profitetur *Eutyches* ep. 21, 3.

actiones simulatorii fuisse phantasmatis. ep. 59, 1. Et sic in *Manichaei*³⁸⁾ et *Marcionis* insaniam transire *Eutycken* censet ep. 165, 2. Alio vero loco, ep. 59, 3. ostendit, *Arianæ* etiam perversitati multum suffragari hanc impietatem, quæ Verbo Dei humanam negat inesse naturam, ut dum humilitatem in Dei maiestate fastidit, aut falsam in Christo asserat imaginem corporis, aut omnes actiones eius et passionem corporeas Deitatis potius fuisse dicat, quam carnis, — ut aut passa sit Deitas, aut mentita sit veritas. Ep. 59, 3. Imo in *Photini* iam perfidia dam-

Verbum in veritate, non in phantasmate hominem factum esse.

38) Negavit quidem haeresiarcha iste et duas in Christo naturas, et veras eius passiones. Quamquam vero, quod ad errorem de una natura attinet, *Eutyches* quodammodo cum illo conveniat, immerito tamen *Manichæis* accensetur, quos certe miser ille senex duces sibi non legerat. Sed facillime sic invidia opprimebatur *Eutyches*. Cæterum *Manetis* verba, quæ nobis post *Photium* exhibet I. A. *Fabricius* in bibl. græc. Lib. V. cap. 1. p. 284. digna sunt, quæ hic transcribantur. Τῶν Γαλιλαίων, inquit *Manes*, in epist. ad *Oden*, δύο φύσεις ὀνομαζομένων ἔχουσιν τὸν χρεόν, πλατὺν καταχρῶμεν γέλωτα, οὐκ αἰδομένων, ὅτι ἡ οὐσία τοῦ φωτός ἑτέρα οὐ μίγνυται ὅλῃ. ΑΛΛ' ἔγω αἰραίνης, ἐνωθῆναι ἑτέρα οὐσίᾳ μὴ δυναμένη, καὶ δοκῇ ταῦτα συνήφθαι etc. Et in epist. ad *Zebenam* contendit, simplicem naturam non mori, ac umbram carnis non crucifigi. Μίαν οὖν ἔχων θμείβει τὴν φύσιν καὶ ἐνεργεῖαν τὸ φῶς etc. Nestoriani itaque non minus in *Manichæi* insaniam transiisse dicendi essent quàm *Eutycheiani*.

natum esse Eutychen, narrat serm. 96, 2. Quis vero non videt, argutis ubique uti LEONEM. Certe ita philosophatur de adversarii sui opinionibus, ut vix ipse satis perspectam habuisse videatur istius mentem; et talia ex eius verbis cogit consectaria, quae Eutyches nunquam concessit, sed a sua sententia plane diversa esse constanter professus est. Hoc sane pro certo affirmari potest, LEONEM Eutychis de Christo placita non ad eam formam revocasse, quae sibi ubique constet, sed ita varie eius locutiones cum coniunxisse, ut ex iis, aliis in locis aliter expositis, varios errores eliceret. Sic verbi causa ep. 109, 2. Manichaeismi et Apollinarismi simul, epistola 165, 2. autem alterutrius tantum erroris eum accusat, hac usus ratiocinatione: Si ab *Apollinaris* perversitate desciscit, ne convincatur Deitatem passibilem sentire, non dubie in *Manichaei* transit insaniam.

§. 26. Sufficere haec possint ad declarandum, contra quos, et quo potissimum consilio in scriptis suis de incarnatione verbi agat LEO: iam videbimus, qua ratione hoc fidei caput exposuerit ipse. Quam vero omnes fere sequentes christiani doctores eius vestigia presserint, non multa quidem occurrent, quae cum doctrina recepta in varietate sint et dissensione; nihilo secius tamen operae pretium erit, fontem ipsum paululum degustare, ex quo caeteri plerique orthodoxae doctrinae vindices hausserunt. Ob rerum autem, quas sub articulo de Christo completi solemus, incredibilem copiam atque variam in-

dolem, certas constituam earum classes, ut omnia meliori ordine procedant. Agam itaque primo de argumentis, quibus duas in Christo naturas evincit; tum nonnulla notabo de incarnatione, per quam ambae naturae intime sunt unitae; his addam nonnulla de unionis statu; deinde de exinanitione atque exaltatione salvatoris dicendum aliquid erit; finem vero sectionis faciet tractatio de munere atque provincia Christi, quam ita instituam, ut primo agam de hypothesei eorum, qui per Christum redemptos nos esse statuunt a dominatione diaboli, deinde vero de reconciliatione ac satisfactione per salvatorem facta pauca dispuem, et postremo de unionem hominum cum Christo mediatore aliquid notem.

§. 21. Theses, quod Iesus Christus sit verus Deus et verus homo innumera fere *argumenta* a theologis omnium temporum proposita sunt, quae tamen non omnia eandem habent probandi vim. Quamvis enim non numero sed pondere aestimanda sint, multa tamen precario afferri solent prorsus *futilia*; nonnulla etiam leviora, quamquam non plane inepta. Minor semper eorum fuit numerus, quae ita ad rem extra omnem dubitationem ponendam idonea sunt, ut omnis evellatur scrupulus ex animis eorum, qui rerum rationes attentius scrutari didicerunt. Nec omnibus temporibus eadem conveniunt argumenta, sed missis antiquioribus nova interdum quaerenda sunt. Hoc etiam de iis argumentis observari licebit, quibus LEO M. utriusque naturae in Christo veritatem evincere conatus est, quae

quanta fieri potest brevitate recensebimus. Et divinitatem quidem Iesu Christi ut probet, ad plures provocat sacrarum litterarum auctoritates, quarum potiores sunt, Luc. 2, 49. 3, 22. (epist. 16, 2.) Matth. 3, 17. 16, 16. Ioh. 1, 1. seqq. 10, 30. (ep. 28) Rom. 9, 5. Christus — qui est super omnia Deus, benedictus in secula. (ep. 24, 9.) Ioh. 5, 26. (ep. 165, 8.) Ioh. 14, 9. qui videt me, videt et Patrem. Ariani itaque (sic argumentatur Noster) dum filii maiestatem non viderunt, patris quoque gloriam non cognoverunt, sed imperfectam putarunt generantis essentiam, quae ad habendum quod non habuit generando profecit. (serm. 25, 3.) Matth. 17, 5. praesens quidem erat in filio pater; sed ad commendandam proprietatem utriusque personae filium splendor, patrem vox nunciavit. (serm. 51, 6.) Praeter haec scripturae s. testimonia satis bene et orthodoxe exposita, laudatur etiam a LEONE *symbolum* et apostolicum ³⁹⁾ et nicaenum. (ep. 28, 2. 124, 8. 165, 3.) Ex *historia* quoque vitae rerumque gesta-

39) Hoc symbolum, quod Christiani recitabant sacramentum baptismi recipientes, ep. 124, 8. duodecim apostolorum totidem sententiis signatum esse, et solo ipsius gladio omnes haereticorum opiniones detruncari posse statuit. ep. 31, 4. Prior illa fabula dudum est explosa; posterius autem, quod de usu symboli additur, falsum est. Oppositum est hoc symbolum Iudaeis atque gentilibus, neutrquam haereticis, qui inter ipsos christianos oriebantur. Postea vero e. c. Nicaeae, novae additae sunt contra haereticos definitiones.

rum Iesu Christi, divinam eius naturam disci posse monetur. Deum enim arguunt partus virginis, voces angelorum, et, praeter alia multa, adoratio etiam magorum, qui thus Deo, myrrham homini, aurum obtulerunt regi, scienter divinam humanamque naturam in unitate venerantes. serm. 31. 2. et 34, 3. (Impetrare a me non possum, ut haec munera putem Christo a magis esse oblata ad haec indicanda mysteria. Partus etiam virginis et angelicus cantus opus. aliquod divinum extraordinarium annunciant; Deum natum esse hominem non per se evincunt.) Divinitatis quoque documenta sunt innumera, quae I. C. patravit, *miracula*. Eandem alia quoque demonstrant *salvatoris gesta*. Homo enim non potuisset v. c. Samaritanae largiri aquam vivam, nec omnia elementa tremefacere; („pendente enim in patibulo creatore, universa natura congemuisset, et crucis clavos omnia simul elementa senserunt,“ serm. 7, 4. *Duritiacule haec dicta sunt.*) Nec paradisi portas homo potuisset fidei latronis aperire, nec clausis ad discipulos ianuis introire, nec flatu suo dare Spiritum S., ac donato intelligentiae lumine sanctarum scripturarum pandere occulta etc. ep. 28, 124. 165. serm. 65. Facile tamen intelligitur non magnam esse horum, quae ultimo loco recensui, argumentorum ad probandum vim, nisi simul ostendatur, Iesum virtute sua propria haec omnia effecisse. Posset etiam hic mentio fieri istius argumentationis, qua ostenditur, non potuisse Christum

sufficere ei, cui destinatus erat, operi perficiendo, nisi verus fuisset Deus: sed de hoc infra.

§. 22. Ad *humanam naturam* quod attinet, per multis utitur LEO argumentis, ad probandam eius in Christo veritatem, quam *Eutyches* negare videbatur. Primo quidem multa laudat *Scripturae S. dicta* v. c. Matth. 1, 1. Rom. 1, 1-3. Gen. 22, 18. coll. Gal. 3, 16. Ies. 7, 14. c. 9, 6. Ioh. 1, 13. *Verbum — habitavit in nobis*: h. e. in ea carne quam assumpsit ex homine, et quam spiritu vitae rationalis animavit. (Sic solent omnino antiquiores plerique hunc locum interpretari, graeci et latini, nec sine omni specie,) coll. Proverb. 9, 1. *aedificat sibi sapientia domum*. Gal. 4, 4. Ioh. 14, 28. *Pater maior me est*; quod LEO cum plerisque patribus postnicaenis de natura Christi humana, dissentientibus tamen non paucis aliis, intelligi vult, indeque colligit, serm. 77, 4. Christum maiorem esse se ipso. Luc. 24, 39. 1 Ioh. 5, 4-8. Hic paulo accuratius dabimus totam LEO-MINI sermonis seriem. „Qui christianam, ait, suscipit fidem (de Iesu Christo vero perfectoque homine) videat, quae natura in crucis ligno pependerit, et (ad fidem suam confirmandam) intelligat, unde sanguis et aqua fluxerit, ut ecclesia Dei et lavacro rigaretur et poculo. Audiat et beatum Petrum apostolum. praedicantem, quod sanctificatio spiritus per aspersionem fiat sanguinis Christi. Legat eiusdem verba 1 Petr. 1, 18. Beati quoque Iohannis testimonio non resistat 1 Ioh. 1, 7. et 5, 4 sqq. *haec est victoria, quae vincit mundum etc. et spiritus est,*

qui testificatur, quoniam spiritus est veritas; quia tres sunt, qui testimonium dant, spiritus, aqua et sanguis, et tres unum sunt. 40) Spiritus utique sanctificationis, et sanguis redemptionis, et aqua baptismatis, quae tria unum sunt, et individua manent, nihilque eorum a sui connexione seiungitur: quia catholica ecclesia hac fide vivit, hac proficit, ut in Christo Iesu nec sine vera divinitate humanitas, nec sine vera credatur humanitate divinitas." (ep. 28.) Subobscura est haec interpretatio, qua ex istis verbis argumentum pro humana Christi natura ducitur, ita tamen, ut cum ea divinam unitam esse naturam ex eodem Iohannis dicto simul ostendatur: Mihi qui-

40) Est hic locus alicuius ponderis in critico huius dicti examine. Haec enim celeberrima epistola 28 ad Flavianum non ex tempore, sed praevia diuturna meditatione, neque parum diligenter, sed summo studio conscripta; et praeterea in concilio chalced. universali tot episcopis, et tam variis provinciis, praesentibus, praelecta est, actisque synodalibus inserta. Accedit, quod satis magnam peritiam et Iohanne exscripserit LEO, hoc uno commate omisso, quod tamen ad rem non minus pertinet, quam versus quintus, qui totus recitatur. In iis scilicet, quae textui Iohannes statim a LEONE subiunguntur, divinitatis Christi aequae fit mentio ac humanitatis. Caeterum hac occasione generatim notamus, multa posse e LEONIS colligi scriptis, quorum singularis est ad crisi sacram, et ad historiam latinae bibliorum versionis utilitas. Ipse iam huius auctoris stilus testatur, magna diligentia summoque studio elucubratas esse ipsius scriptiones; et hinc est, quod ubique fere ipsa biblici textus verba accurate exscripserit.

dem sequentem in modum rationes colligere videtur
 LEO. Nimirum humanam naturam ita ex hoc dicto
 probat, ut moneat, sanguinem et aquam ex crucifixi
 latere confosso fluentem supponere corpus *humanum*;
 quo negato sanguinis quoque et aquae defendi ne-
 queat veritas, sine qua tamen nec sacra coena nec
 baptismus aliquo nitatur fundamentq; quod quia
 repugnet omni christianae doctrinae tenori, recte a
 catholicis doceri, Christum verum esse hominem. Tam
 vero duplici huic testimonio, sanguinis et a-
 quae, inseparabiliter alius coniungitur testis, spiri-
 tus scilicet sanctificationis. Sanctificatio vero fit
 per aspersionem sanguinis Christi, qui tantam non
 posset habere vim, nisi servator, qui sanguinem
 istam fudit, verus sit *Deus*. Ratio itaque, cur, Io-
 hanne teste, *tria* ista unum sint et inseparabilia mane-
 ant, nulla est alia, quam quod unus Iesus Christus
 et Deus est, (hinc sanctificationis Spiritus, et sacra-
 mentorum efficacia) et homo, (hinc lavacrum et
 poculum); et hoc modo ex isto Iohannis dicto col-
 ligitur, duas esse in Christo naturas, easque unitas.
 Ad dicta humanam Christi naturam probantia re-
 feruntur a LEONE adhuc sequentia. Eph. 1, 20-23.
 Nimirum Christo, quatenus Deus est, omniumque
 rerum creator, nullo non tempore omnia fuerunt
 subiecta. (ep. 59, 2.) Ioh. 1, 29. Philip. 2, 6 seqq.
Forma servi LEONI aliisque patribus est natura hu-
 mana, quare serm. 46, 1. duplicis formae in Christo
 unam docet esse personam. — Ps. 85, 12. *Veritas*
de terra orta est (ep. 124.) Rom. 9, 5, (ep. 124, 9.

et 139, 3) Ies. 50, 6. (serm. 63, 3) 1 Cor. 15, 20. (serm. 63, 4.) Matth. 22, 43. coll. Ps. 109, 1. (serm. 28, 2.) Ies 45, 8. *Producat terra, (terra carnis humanae) et germinet salvatorem* (serm. 24, 3.) 1 Tim. 3, 16. Ignorat quidem LEO vocabulum *Deus*, et legit, sacramentum quod manifestatum est etc. At argumentum tamen inde ducit pro humana Christi natura, atque veritate catholicae doctrinae, Eutychi oppositae. ⁴¹⁾ (ep. 165, 10.) Matth. 17, 2. Transfiguratio scilicet Christi, coram tribus discipulis facta, ⁴²⁾ inferioris substantiae sacramentum docet. Intellexerunt enim discipuli divinam eius maiestatem; sed ipsius corporis, quo divinitas tegebatur, potentiam nesciebant. Praeter haec scripturae dicta, quorum multa male in hanc rem sunt allata, symboli etiam tam apostolici quam nicaeni auctoritatem affert LEO ep. 28, 2. 124, 8. 165, 3. cui illud porro addit, omnium apostolorum, et quorumque doctorum, martyrum atque confessorum *consensus* esse *sententias*, quod in I. C. deitatis et carnis una sit confitenda persona; contra neque ulla rationis simi-

41) Multi solent patres *μυστηριον* vocabulum, sine additamento alio positum, interpretari de incarnatione τοῦ λόγου.

42) Hi ex LEONIS sententia sunt illi, de quibus Christus Matth. 26, 28. dixerat, eos non prius gustaturos esse mortem, quam viderint filium hominis venientem in suo regno, i. e. in regia claritate, quae specialiter ad naturam suscepti hominis pertinet serm. 31, 2.

litudine, neque sacrorum voluminum parte adinvari haereticam impietatem, quae veritatem negat corporis Christi, ep. 165, 9. Deinde ex *vitis* Iesu Christi narratione sententiam catholicorum confirmat; existimat enim ex omnibus illis aut actionibus aut perpeſſionibus, quae in Deitatem cadere nequeunt, effici posse, ſalvatorem verum esse hominem. Huc refert natiuitatem, infantiam, baptismum a Iohanne acceptum etc.; quibus omnibus adiungit *locorum sacrorum* in Palaestina testimonium, ubi visui quasi et tactui tota humanae salutis sacramenta ingerere se arbitratur. Epist. 28. 120. 124. 139. serm. 4, 3. 71, 3. ⁴³⁾ Denique ex mysterio *eucharistiae* veritatem carnis in Christo probat; cum nec ab infantium (ante accinentium serm. 91, 3.) linguis veritas corporis et sanguinis Christi inter communionis sacramenta, taceatur; nos vero in carnem ipsius, qui caro nostra factus est, tranſeamus; ep. 59, 2. qua de re infra plura dicam. Cunctis hisce probationibus addit postremo, quod, negata in Christo humana natura, *sacramentum*, per quod unum ſalvati sumus, impudentissimis *evacuetur figmentis*; statui enim deberet aut deitas passibilis, aut passio non vera, sed ficta, oculos tantum fallens; quod utrumque aequè foret

43) Verum haec magis ad superstitionem, quam ad fidem alendam idonea sunt, neque ii, qui phantasticum fuisse putant corpus Christi, negarunt, in Palaestina, Hierosolyma etc. Christum esse visum, in Golgatha putative eum fuisse cruci affixum etc.

impium et absurdum. Ergo nisi Verbum caro factum esset, nullus poenam damnationis evaderet. Praeterea Christus, si verus homo non esset, *exemplum* non posset praebere hominibus. 44) Erubescens itaque carnem Christi, quae velamen est verbi, quo induuntur omnes, qui ipsum integre confitentur, similis erit improbo convivae Matth. 23, 13, qui sacris epulis sine ornatu regio importunus se immiscuerat. Quia enim nec sponsum agnoscit, nec sponsam (naturam humanam Christo unitam) nuptiali non potest interesse convivio, ep. 28, 5. 59, 4. 124, 6. 7. serm. 21, 2.

§. 23, Haec utriusque generis argumenta, quibus et divina et humana in Christo natura probatur; ita plerumque a LEONE miscentur, ut nonnullis ex utroque genere coniunctis, ostendat, in Christo vere esse duas naturas. Interdum tamen argumentatione aliqua utitur, ex qua non quidem singularum naturarum veritas seorsim, sed *amborum* in Christo *coniunctio* demonstratur. Sic v. c. Eutychianos, unam in Christo naturam asserentes, hac ratiocinatione refellere conatur: Si hominis tantum intelligenda est natura, ubi est, quae salvat deitas? si tantummodo Dei, ubi est quae salvatur humanitas? S. 90, 2. non enim nisi utroque salvamur, serm. 30, 6. Simile fere argu-

44) Haec phrasis, *exemplum* praebuit Christus, saepissime in patribus occurrit; ante, quam Socinianorum nomen et anceps disciplina innotuisset.

mentum desumit ex 2 Cor. 5, 19. ep. 124, 3. 4. et S. 65, 2. Porro de naturarum coniunctione interpretatur LEO dicta nonnulla Scripturae, 1 Ioh. 4, 2. *omnis spiritus qui solvit Iesum* (sic aliquoties hic locus recitatur), *ex Deo non est, et hic est antichristus*. Quid est, inquit, solvere Iesum, nisi humanam ab eo separare naturam. ep. 28, 5. 75, 1. 164, 3. serm. 34, 5. Huc etiam refert Coloss. 2, 9. *Gorporaliter non spiritualiter*, quia vera est carnis substantia. Et *estis repleti in illo*: quia Dei verbum nostri sibi generis et animam et corpus univit. serm. 28, 7. 30, 3. 65, 5. Porro Iohannis 5, 25. (serm. 30, 5.) Luc. 1, 43. Maria erat et ancilla Domini et mater, ep. 124, 2. Item Matth. 16, 16. tu, qui vere es filius hominis, idem vere es filius Dei vivi; eundem et Dei filium confitetur Petrus, et *Christum*. ⁴⁵⁾ ep. 28, 5. 33, 1. Tandem etiam Genes. 2, 24. *erunt duo in carne una* collat. Ephes. 5, 30. satis inepte ad hanc

45) Humanam itaque naturam LEO arbitratur indicari vocabulo *Christus*, quam significationem alii etiam catholicis admiserunt, v. c. *Fulgentius*, et *Facundus* hermiā. ex *Theodoro*; vid S. V. PRAESIDIS Selecta cap. histor. eccles. T. I. p. 445. et 453. Alii contra patres utuntur hoc nomine ad indicandam divinam Salvatoris naturam, vel ante incarnationem. Sic *Hilarius* Pict. libr. 2. p. m. 19. de Patre scribit, ipsum in Christo et per Christum (*λογον*) originem esse omnium. Ipse etiam LEO sic utitur hoc verbo S. 63, 3. ubi eundem *Christum* (*λογον*) esse dicit in omnibus sanctis, qui est in illo *homine* (Iesu) creaturae totius primogenito.

causam a LEONE trahitur. „Utique, inquit, duo sunt, Deus et homo, Christus et ecclesia, quae de sponsi carne prodiit, quando ex latere crucifixi marante sanguine et aqua sacramentum redemptionis et regenerationis accepit. — Ab ipso ergo initio generis humani Christus est denunciatus in carne venturus.“ ep. 59, 4. Hic tantum addo, quaedam ex allatis argumentis, quibus LEO duas simul naturas, humanam et divinam, probare vult, ea praesertim quae ex necessitate redemptionis duxit, hoc quidem efficere, Christum fuisse nec merum hominem nec merum Deum, (quod LEONI sufficere poterat;) sed dubito tamen, an ex iis valide colligi queat, oportuisse mediatorem summum esse Deum, ipsum illum spiritum perfectissimum, qui est a se.

§. 24. Antequam ulterius progrediemur, addere nonnulla lubet de *exegeses*, quae in LEONIS scriptis deprehenditur, indole ac ratione. Nempe quilibet ex speciminibus in antecedentibus paragraphis allatis facile videbit, parum laudabilem interdum scripturae interpretem esse LEONEM. Possent quidem *παρρησιαί*, a LEONE aliisque patribus commissarum, multa hic afferri genera, multaeque rationes ⁴⁶). Meo tamen scopo atque illustrandis

46) Copiosius hoc argumentum tractavit Dan. Whitby in disert. de S. Scripturarum interpretatione secundum patrum commentarios Londini 1714. 8vo, qui satis amplam hallucinationum exegeticarum farraginem e patrum scriptis liberali consilio collegit, et passim ad fontes quoque *παρρησιαί* digitum intendit.

iis, quae §. 22. et 23. dicta sunt, pauca sufficient, Permultarum, nisi forte plurimarum, falsarum interpretationum causa in eo est ponenda, quod christiani doctores, textus graeci negligentiores, solent omnes fere scripturae s. locos ad *lites dogmaticas* trahere, iisque ad sua *vonmata* stabilienda abuti. Plerique istius aevi doctores, e quorum numero LEO non prorsus excipiendus est ⁴⁷⁾, ad interpretationem librorum sacrorum eo accessisse videntur animo, ut idearum hypothesiumque suarum, quas e Scriptura S. non desumserant sed ei intulerant, praesidia sibi quaererent, telaque inde desumerent, quibus oppositarum sententiarum defensores iugulari posse arbitrabantur. Sed quum sacra scriptura de plerisque quaestionibus, quae tertio et quarto seculo sequentibusque temporibus, magna animorum contentione, ventilatae sunt, claris verbis nihil definiverit certi; accidit haud raro, ut utrinque plumbeis pugionibus pugnaretur. Nimirum omnes, paucis, qui erectioris sunt ingenii, exceptis, patres, in primis latini, inde ab *Augustini* potissimum tempore, ita sacram Scripturam interpretantur, ut singulis vocibus, lati-

47) Fidem huic assertioni facere possunt exegeseos specimen, quae in antecedentibus haud pauca dedi. Nec deerunt alia eiusdem rei documenta in iis, quae dicenda adhuc sunt. His addi etiam possunt alii *LEXONIS* loci. e. gr. Ep. 85, 1. 135, 2. et praecipue ep. 120, 2. ubi Ioh. 8, 44. in Eutychie et nominatim in *Dioscori* causam accommodatur.

nis aequae ac graeciae, eam tribuant vim, eumque subiciant notionum ambitum et numerum, qui satis longo intervallo post apostolos cum iisdem vocabulis aut in celeberrimorum doctorum scriptis coniungebatur ⁴⁸⁾, aut in conciliis, ecclesiastico iure, iis assignatus erat, aut cum receptis, eo tempore, quo interpret vivebat, hypothesebus ac *νοημασι* omnium optime convenire videbatur. Hac vero ratione non declaratur sensus earum sententiarum, quibus usi sunt scriptores sacri: sed in illorum locum substituuntur atque explicantur aut recentiorum doctorum placita, iisdem verbis expressa, quibus Christus olim atque apostoli sua decreta exposuerant; aut saltem sententiae multo copiosiores ac significantiores, quam fuerunt illae, quas Apostoli dixerunt. Apostolorum enim tempore, quo theologia dogmatica longe minori sententiarum numero absolutebatur quam nostra aetate, nemo istas iam animo conceperat prioris temporis quaestiones; quare nec *ἐπιλυσις* earum, si vel maxime ab Apostolis suppeditatae fuissent, a quoquam mortalium istius aevi, cui tamen proxime destinatae erant sacrae litterae, intelligi potuissent. Occupant enim hae quaestiones earum-

48) Nemini ignota sunt, quae post *Augustinum* de electione, praedestinatione disputata sunt; nec quemquam latet ingens numerus locorum scripturae s. in quibus his dogmatibus praesidium est quaesitum. Facile vero cuilibet hic patet, notiones *latinas* coniunctas esse cum scripturae s. verbis.

que solutiones (quae pro vario hominum ingenio variae erunt, quamdiu non deerunt, qui ipsi mente complecti audent sententias,) seriem aliquam idearum ac propositionum longe continuatam, et certam quandam cogitandi, philosophandi, subtiliterque ratiocinandi consuetudinem, quae omnia in ista rei christianae initia nondum cadant. Amplius hic est campus, in quem excurrere posset mea disputatio; sed re dudum a summis theologis fere perorata, mitto ista. Mihi, quod iusti harum rerum arbitri facile dabunt, sufficit, eiusmodi lites theologicas e sacra scriptura raro posse dirimi, nisi in subsidium assumatur ratiocinationum ministerium; quo recte adhibito, et consecutionibus e scripturae verbis subtiliter derivatis, indicari demum potest, utra propositionum in dubium vocatarum (v. c. de unitate duarum Christi naturarum aut physica aut hypostatica etc.) magis concordet cum caeteris, aut in scriptura sacra manifeste expositis, aut aliunde certo cognitis veritatibus. Quum autem praeterea non in uno alterove scripturae loco, sed in omnibus eius paginis, vocabulis, syllabis, suarum sententiarum confirmationem quaerant diversarum sibi invicem oppositarum hypothesium amatores, nec tamen quisque eorum, incredibile dictu, operam perdat quaerendo: fieri non potest, quin librorum sacrorum sensum saepissime adulterent, qui hypotheses, licet veras interdum, mente tamen praeformatas, ad scripturae interpretationem afferunt, et id per interpretationem addunt, aliis etiam cunctis di-

vina auctoritate credendum, quod ipsi ex sua cogitandi consuetudine verum esse existimant. Sed satis expositum est de hac re. Ad alia quae iam in loco de Christo sequuntur, progredior.

§. 25. Plenam exhibere istorum omnium enumerationem, quae de *Incarnatione Verbi* docuit LEO, nimis esset prolixum. Et eo tutius ista me supersedere posse opera existimo, cum auctor noster, ut supra iam dixi, nulla in re ab iis rei christianae sacrae antistitibus dissideat, qui inde ab isto tempore magnifico recte sentientium titulo invicem se salutarunt. Ubique scilicet Nestorianorum Eutychianorumque opiniones, ut quidem vulgo solent fingi, magno conatu refellit, ista verò adducit omnia, quae ad animos hominum in recta sententia confirmando, et adversus illos errores praemuniendos aliquid facere posse videbantur. Quam ob rem saepe et docet et probat, unam esse salvatoris nostri Iesu Christi personam, duas autem naturas; a verbo enim in unitatem personae carnem esse susceptam, atque naturae immortalis ac impassibilis unitam naturam passibilem et mortalem; utramque naturam in uno Christo Iesu, etiam post ascensum in coelos ⁴⁹⁾

49) Carnem Christi antea passibilem et mortalem, commutatione facta, nunc impassibilem esse, immortalem atque incorruptibilem, LEO existimat; eam mansisse quidem eandem per essentiam, sed non eandem esse eam arbitrat per gloriam. Huc respicere putat Paulum 2 Cor. 5, 16. serm. 72, 4.

manere, et unum esse in utraque, non diversitate divisum, nec permixtione confusum⁵⁰⁾; utramque

50) Ex his verbis aliisque locis minime dubiis explicari debent duriores nonnullae LEO^{NIS} formulae, quae primo intuitu naturarum in Christo commixtionem atque confusionem indicare videntur. v. c. S. 23, 1. „non sic creatura in societatem sui creatoris est assumpta, ut ille habitator, et illa esset habitaculum, (quod Nestorio tribuunt,) sed ita ut naturae alteri altera *misceretur*. „ Etiam serm. 34, 4. Deus Dei filius naturae carnis dicitur *immixtus*. Observavit iam *Quesnellius* ad priorem locum, secutius locutos esse patres, nondum litigantibus Eutychianis. Editores autem nostri doctissimi, fratres *Ballerini*, plura super hac re se collegisse indicant *dissert.* 2. c. 3. in *Zenonis opera*. Sed non opus est multa hic coacervare, cum et aliunde veram rectamque LEO^{NIS} sententiam cognitam habeamus, et *Augustinus*, aut si mavis *Leporius*, in testimonio, quod epistolae LEO^{NIS} 28. aut 165. adiectum est, hanc *immixtionem* (quo vocabulo et ipse utitur) ita interpretetur, ut excludat omnem corruptionem atque imminutionem utriusque substantiae, ne quis arbitretur talem se dicere mixtionem, qua conflati quodammodo genere duae naturae in unam redactae sint substantiam; Deus enim, inquit, mixtus est naturae humanae, non humana natura mixta est divinae. Quid itaque hoc aliud est, nisi ea, quam nostri theologi docent, *περιχωρησις*, quae humana natura a divina permeatur et perficitur? Indicat hoc LEO S. 54, 2. ubi *utramque alteri naturam inesse*, neutram tamen in alteram a sua proprietate transire contendit. Sed ne hic quidem satis accurate rem exponit LEO, qui ante Eutychianam controversiam haec scripsisse videtur. Licet enim participatio et communicio naturarum mutua sit, *περιχωρησις* tamen vix solent mutuam nuncupare theologi.

substantiam (naturam) id est *salvantem* atque *salvatam* ⁵²), tenere sine defectu proprietatem suam; uncti-

51) Sic loquitur 1. 2. o ep. 102, 3. Similiter etiam serm. 91, 2. (quem locum paulo ante iam laudaveramus) humanitatem, quae *salvatur* distinguit a Deitate quae *salvat*. Sed non ita hoc est intelligendum, ac si Christus, quantum ad humanam naturam, se ipse salvaverit. Saepius enim auctor noster profitetur, Dominum non fuisse participem nostrorum delictorum, nec assumpsisse eum una cum forma servi simul conditionem servilem, sordemque et culpam peccati; innocentem eum esse natum; diabolum in eo non habuisse, suum quod diceret; morti illum solum nihil debuisse etc. Quam itaque humana Christi natura nec a peccato nec a diaboli aut mortis potestate liberata redemptaque dici queat, (confr. Hebr. 7, 26 seq.) non videmus, qua ratione *salvata* possit nuncupari, nisi id admodum improprie fiat ideo, quia ea humana natura, quam salvator assumpsit, per omnia, excepto peccato, similis fuit naturae hominum salvandorum. Sic vero intelligeretur non individuum illud corpus individuae animae, quam Verbum sibi univit, sed natura, quae omnibus hominibus communis est, in abstracto. Verum ne hoc quidem commodum efficit sensum; quamvis certum omnino sit, fuisse nonnullos ex patribus, qui *universam* generis humani naturam assumpsisse Christum existimarent. Sic. v. c. Hilarius Pictav. de trinit. lib. 2, §. 24. (qui locus adiectus epist. 1. 2. o n. 18 163.) statuit, per admixtionis societatem (per assumptionem carnis,) in filio Dei sanctificatum corpus universi humani generis existere; Christum *omnes* in se per id, quod corporeum se esse voluerit, condidisse; et rursum in omnes, per id quod eius est invisibile, ipsum referri; (conf. 1. 2. o n. 18 S. 63, 3.) atque Christum, assumptione carnis unius, internam *universae carnis* incolere. Vide

one illa divinae naturae nihil conferri, nihil detrahi; humanam vero naturam assumptione non adimi aut consumi, sed divinis augeri atque ita beatificari, ut glorificata in glorificante permaneat; corpus Christi non fuisse phantasmaticum, sed verum, rationali anima praeditum, nobisque consubstantiale; et quae sunt reliqua, quae omnia copioso persequi solet sermone. Nos vero pauca tantum exscribimus, quae fini nobis proposito, prae caeteris, convenientia esse iudicamus.

§. 26. Ipse *unionis actus* ita explicatur: Impassibilis filius Dei — in plenitudine temporis — factus filius hominis venit quaerere et salvare quod perierat. Venit autem non locali accessu, nec motione corporea, tanquam praesens futurus, unde abfuisset, aut illinc recessurus, unde venisset; sed venit per hoc, quod erat visibile et commune cernentibus, declarandus, humanam scilicet carnem atque animam in visceribus virginis matris accipiens. Ep. 59, 3. Illa enim essentia, quae ubique tota est, locali descensione non eguit, et tam ei proprium fuit, totam homini inseri, quam ei proprium est, totam a Patre non dividi S. 25, 3. Carnem (*σάρκα*) assumpsit ex homine, eamque spiritu vitae

etiam *Athanasii* orat. 2. contra Arianos passim; alicubi *Cyryllum*; et *Gregorium* Nyss. in illud: quando sibi subiecerit omnia etc. p. m. 569. 572. Immo 1 & 0 etiam nonnullis in locis parum abesse videtur ab isto *verbum*. Quicquid sit, in verbis ludit 1 & 0, loc. cit. ut solet.

rationalis animavit. ep. 28, 2. Utrique virtus Verbi nullo temporis puncto (neque in partu neque in conceptu, ep. 88, 1.) defuit, nec prius formatum atque animatum templum corporis Christi, quod sibi superveniens vindicaret habitator, S. 28, 2. sed ipsa assumptione creata est nostra natura. — Scilicet secundum carnem (*corpus*) non est creatus ex nihilo, sed sumtum est corpus de corpore concipientis; *Anima* vero ipsius neque anterior existit — neque alio illi quam caeteris hominibus est inspirata principio ⁵²); excelluit quidem, verum non diversitate generis, sed sublimitate virtutis. Nihil enim (liceat hoc statim hic addere) carnis suae habebat adversum, nec discordia desideriorum gignebat compugnantiam *voluntatum*; (hoc est, nullae in salvatore erant turbulentae affectionum commotiones, nulla rationis cum sensitivo appetitu pugna.) *Sensus* corporei vigeabant sine lege peccati, et veritas *affectionum*, sub moderamine Deitatis et mentis, nec tentabatur illecebris, nec cedebat iniuriis. ep. 35, 5. Voluntati superiori, (divinae) voluntas cessit inferior (humana.) Matth. 26, 39. S. 56, 2.

§. 27. Posteriora, quae de *anima* Christi traduntur, variis quidem opposita esse possunt adversariis. Unum vero *Eutychen* petit L X O; contra hunc

52) De omnibus generatim animabus hominum statuit L X O, contra Origenem ep. 35, 3. et Priscillianistas, ep. 15, 10. eas prius non fuisse, quam corporibus a Deo, horum aequae ac illarum opifice et creatore, inspirarentur.

enim non solum tota epistola, ex qua haec exēp-
simus, scripta est, verum hunc etiam manifeste ibi-
dem nominat, eumque claris verbis Origeniani er-
roris de animarum praesistentia, non quidem do-
cumento historico, sed argumentatione usus, accusat.
Fatemur, non esse absque veri specie, *Eutychen*
huic opinioni deditum fuisse. Sic enim illa sen-
tentia, qua *duas ante incarnationem naturas* profite-
tur, facilem habet sensum, quae alias vix commode
poterit explicari. Ea vero quae *LEO* in contrarium
disputat, satis accurate sunt dicta. Sed non est quod
quis miretur, subtiliora et intellectu difficiliora dog-
mata fere prius atque accuratius fuisse definita,
quam multa christianae religionis capita, quae, quam-
vis planiora sint minusque impedita, gravitate
tamen atque utilitate cetera antecedunt. Sic, ut ex-
emplo rem illustremus, ea scientiae theologiae pars,
quam *Anthropologiam* nominare consuevimus, quam-
que omnes sciunt cognitu maxime esse necessariam
ad vitam vere christianam instituendam, multo
minus erat exulta, ac multae difficillimae de *Chri-*
sti persona quaestiones, quarum magna pars non
modo a paucissimis potest perspici, sed etiam ad
informandum animum Christiano dignum multo mi-
nus faciunt, quam doctrina de regeneratione, fide,
iustificatione, sanctificatione etc. Similiter de fructu,
quem ex nativitate ac passione salvatoris capere
possunt et debent homines, incertiores sunt, ut
paulo post videbimus, et minus clarae minusque
verae ac sanae patrum sententiae, quam de modo

incarnationis, quem tamen, ut ipsi fatentur, nemo mortalium suo ingenio suisque cogitationibus assequi potest. *Generationem enim eius*, inquirunt, *quis enarrabit?* Ies. 53, 8. serm. 29, 1. Sed is fuit istius aevi mos, ut iis, de quibus controversia nondum erat, neglectis, ea fere unice tractarentur publice, de quibus lis iam fuerat mota. Quum vero contentionibus bellisque, si placet, theologicis, (in quibus fustibus etiam atque gladiis pro opinione et consuetudine utrimque pugnabatur,) ansam plerumque praeberet, aut ea saltem aleret atque in infinitum duceret episcoporum aemulatio parum christiana: facile quilibet intelliget, rixis ibi pugnatum esse de ipsa christianae religionis arce, quam parum curabant isti homines suis commodis inservientes, quam de aliis rebus quibuscunque, quae quanto erant difficiliores subtilioresque, tanto ampliorem dabant concertandi materiam; id quod in rem erat eorum, qui istis rixis abutebantur, ad amplificandam suam potentiam dignitatemque, imminuendam vero aliorum auctoritatem. Hisce autem consiliis minus convenire videbantur istae quaestiones, quae de rebus ad vitam christianam propius spectantibus aliove facilioribus, ventilabantur, quae, ut nullo paene negotio confici poterant, ita triumphum pollicebantur parum ad ista consilia utilem victori, nec admodum gloriosum. Eiusmodi itaque dogmata, nondum acrius oppugnata, neque plene ac distincte a doctoribus proponerentur, neque firmo argumentorum probationumque praesidio roborabantur.

§. 28. Cur, ait LEO ep. 35, 2. inconveniens aut impossibile videatur, ut *verbum et caro et anima*, unus Iesus Christus, et unus Dei hominisque sit filius, si *caro et anima*, quæ dissimilium naturarum sunt, unam faciunt etiam sine Verbi incarnatione *personam*; cum multo sit facilius, ut hanc unitatem sui atque hominis Deitatis præstet potestas, quam ut eam in substantiis suis obtineat solius humanitatis infirmitas. Desunt hæc verba, (ut aliae etiam sententiae huius epistolae) in graeca versione, quam *Ballerini*, in *admonitione* huic epistolae praefixa, aspicantur ab ipso *Juliano Coënsi*, ad quem datae erant hae litterae, concinnatam esse; quæ autem in graeco desiderantur, consulto omissa esse, ob eas, quæ tunc effervescebant, turbas, non absque veri specie coniiciunt. Nimirum usi erant hac similitudine, ad illustrandam naturarum in Christo unionem, plures christianorum doctores v. c. *Cyrillus* in *epistol. synodica ad Nestorium*, quæ legitur in *Harduini collect. concil. Tom. I. p. 1283 seqq.* Quam facile vero eiusmodi sententiae ab Eutychianis suis opinionibus adaptari potuerint, patet ex fragmento epistolae, quæ *Iulio Papae* tribuitur, quod suis ad LEONEM M. datis litteris subiecit *Eutyches*. In hac enim epistola Eutychianis admodum favente hæc leguntur: „sicut homo una natura est, ita et is, qui ad similitudinem hominis est factus Christus.“ *Julianus* itaque, qui LEONEM scripsisse similia istis videret, de consulto potuit in translatione hæc præmittere, quæ *Nestorianis* potius quam *Eutychi-*

opposita erant. Hoc sane indubitatum est, abstinu-
isse ab hac comparatione recentiores plures theo-
logos, qui, unionem naturarum in Christo neque
naturalem neque essentialem dici posse, statuerunt.
Illud etiam extra controversiam est, recte quidem,
sed non satis accurate dixisse LEONEM, Verbum
et animam et carnem unum esse Iesum Christum;
modus enim, quo Verbum unitum est cum corpore
humano animato, ob consilii diversitatem diversus
est ab eo, quo corpori coniuncta est anima.

§. 29. Ad describendum, ex LEONIS sententia,
unionis naturarum statum pauca haec, quae sequuntur,
sufficere possunt. — Salva proprietate utriusque
naturae, et in unam personam coeunte, natura in-
violabilis unita est naturae passibili, ut unus atque
idem mediator et mori posset ex uno, et mori non
posset ex altero, idemque esset dives in paupertate,
omnipotens in abiectione, impassibilis in supplicio,
immortalis in morte. Nam utraque alteri natura
inest, et nihil est alterius naturae, quod non sit u-
triusque. Tenet tamen sine defectu proprietatem
suam utraque natura, et sicut formam servi Dei
forma non adimit, ita formam Dei servi forma non
minuit. Unius personae sunt actiones. Agit scilicet
utraque natura, cum alterius communione, quod
proprium est: verbo operante quod verbi est, et
carne exsequente quod carnis est; quare etiam quid
cuius formae sit, ex operum qualitate sentimus in-
telligimusque, quid sit quod caro sine Verbo non
agit, (e. g. mortuos vivificare,) et quid sit quod

verbum sine carne non efficit, (v. c. cibum ei somnum capere.) Unum horum coruscat miraculis, aliud succumbit iniuriis; aliud est, unde in utroque communis est contumelia, aliud unde communis est gloria; sed ita sibimet inhaeserunt exaltans et exaltatus, ut sive in omnipotentia, sive in contumelia, nec divina in Christo careant humanis, nec humana divinis.

Ex his formulis, quas ex Ep. 28. et 124. et ex serm. 30, 64. 65. collegimus, quibus vero permultae addi potuissent, ista notabimus. I. *Recte et orthodoxorum decretis convenienter sensit LEO de duarum in Christo naturarum communione vera et inseparabili.* Addita est huic dogmati a catholicis determinatio illa, quae salvam esse enunciat utriusque proprietatem, ut ab Eutychianorum societate, quibus naturarum confusio et in unam concretio placuisse videtur, sese seiungerent. Ipsa autem *περιχωρησις* Nestorianorum placitis opposita est: hi enim dignitatis tantum communionem admittere putabantur. II. *Actiones, quae ab alterutra natura proficiuntur, utrique communes esse dicit LEO.* Idem etiam dicendum erit de passionibus, de proprietatibus essentialibus, caeterisque omnibus quae alterutri naturae, ut *πρωτη δευτερη*, formaliter propria sunt, et quae *Idiomatum* vocabulo acroamatici comprehendere solent. Maxime enim universalis LEONIS est canon: S. 30, 5. Nihil est alterius naturae, quod non sit utriusque. III. Ex his patet LEONEM non ignorasse *idiomatum communicationem*, quamvis voca-

bali huius nullum in eius scriptis inveniatnr vestigium, neque tria propositionum, quae communicationem innuunt, genera, distincte iam ab ipso numerentur. Plerumque loquitur de communicatione apotelesmatum, quae ad officium Christi respiciunt, et tertium genus constituunt: sed caetera genera non prorsus praeterit silentio. De secundo sane, quod divina axiomata humanae naturae collata enuntiat, luculentum est testimonium ep. 124, 7. Quicquid in tempore accepit Christus, secundum hominem accepit — humana ergo humilitas in gloriam divinae potestatis eversa est; atque serm. 30, 5. et Verbum in Christo homine, et Christum hominem adoremus in Verbo; et serm. 24, 3. indesinenter ipsum partum salutiferae virginis adoremus. IV. Quid? quod *propositionum idiomaticarum* satis aperta fiat mentio, ep. 28, 5. 124, 7. et serm. 47, 2. ubi exempli causa has adfert: filius hominis descendit de coelo; filius Dei, (ut haec phrasis hic significare solet,) est crucifixus et sepultus, (id quod, ut monet I.E.O., in ipso symbolo confitemur); Dominus maiestatis cruci est affixus; ille, qui aequalis est Deo, exaltatus est. Rationem autem, cur huiusce modi elocutionibus, quas ipsa scriptura nobis praeivit, uti liceat, hanc profert, quod una sit persona in utraque natura, quare nec sine homine divina, nec sine Deo acta sint humana. Nihil ergo interesse docet, ex qua Christus natura nominetur. Hinc etiam in scriptura sacra, quamvis ea, quae disseruntur, alia sint humanitatis alia Deitatis, sub nomine tamen filii hominis (alijs

vero in locis sub nomine filii Dei) utraque memorantur. Propositio quidem nostris theologis usitata: *Deus passus est*, a LEONE nusquam, quantum observare mihi licuit, disertis verbis usurpata est⁵³). Saepissime contra Eutychanos (unam naturam, adeoque passibilem asserentes ep. 124. 2.) monet, ipsam Verbi essentiam passioni mortique non esse subdendam; nam impassibilem esse Deitatem, eamque fuisse quidem in dolente, non autem in dolore. serm. 68, 1.; et S. 65, 1. 3. docet, Deum esse impassibilem, sed carnis supplicia redundasse etiam ad impassibilem, quia merito ei dicantur illata, quae in eius corpus sunt admissa. Idem itaque ille, qui verus Deus est et verus homo, in sua veritate fuit inviolabilis, in nostra infirmitate passibilis; ep. 35, 2. conf. serm. 54, 2. et vera

53) Auctor epistolae anonymus, qui Eutyche litteras ad LEONEM M. datas refutare conatus est, omnino negat Deum passibilem nominari posse. Concedit tamen, Deum in homine a se suscepto iniuriam esse passum, quamvis passionem non sustinuerit. Nam, inquit, qui indumentum conscindit, et induto facit iniuriam. — Si ingenue nostram de hac formula sententiam exponere nobis licet, profiteamur quidem veritati eam esse consentaneam, quoniam I. C. qui verus Deus est, cruciatus atque mortem in sua carne perpassus est. Attamen cautions opus est, ne imprudenti talium carminum ad plebem usu rei christianae plus detrimenti afferamus quam utilitatis. Neque illi laudandi sunt, qui eiusmodi formulis, quanquam veris, (quod saepius dicendum est) tantum tribuunt, ut sine illis negent quemquam aut verum christianum esse, aut consequi posse aeternam felicitatem.

divinitas veris se humanae carnis *sensibus* induit. serm. 65. 2. V. Unius, ut diximus, personae sunt actiones; sed duplex est *ἐνεργεια*, duplex actionum principium. Saepe atque sollicitè hoc LEO inculcat, utramque *Φύσιν* operari ea *ἐνεργήματα*, quae formaliter uni ipsi propria sint; distinctas igitur esse vires, licet non separatas. Opponuntur haec Eutychis sequacibus, qui, dum duas in Christo naturas negant, duas sane *ἐνεργειας* sibi persuaderi non patiebantur. Quam vero pleraque, quae modo vidimus, bene ac sapienter constituta sint ad haereticorum errores excludendos, seculo demum quarto aut quinto exortos: mirum videri debet nemini, cuncta fere ista decreta de Christi persona, quibus orthodoxi omnes postea subscripserunt, ante haec tempora aut plane esse inaudita, aut multis saltem christianis doctoribus penitus ignota, aut aliter quam nunc fit a nonnullis, etiam catholicis, proposita fuisse.

§. 30. Sed de iis rebus, quae ad Christi personam atque incarnationis unionisque modum pertinent, satis expositum videtur. Sequitur, ut has LEONIS sententias persequamur, quibus *duplicem statum Christi* describit. Ad *exinanitionem* quod attinet, praecipui in quibus de ea agit loci, hi sunt. ep. 28, 3. 4. ep. 124, 7. S. 25, 2. 39, 2. 37, 2. 65, 2. 72, 5. ex quibus inter se collatis colligimus:

I. LEONEM sub *exinanitionis* statu complecti ipsam etiam Verbi *incarnationem*, sive enim actum, quo natura humana, e sanguinibus Mariæ virginis formata, in unionem hypostaseos a verbo est assumpta.

Ad humilem enim istum statum refert et hoc, quod creator ac Dominus omnium rerum unus voluerit esse mortalium, et invisibilis visibilem se praeberit. ep. 18, 3. Quae est, inquit, eius exinanitio, quaeve paupertas, nisi formae servilis (naturae humanae) acceptio? ep. 124, 7. Et serm. 37, 2. sub una eademque maiestatis inclinatione hoc susceptum esse docet a filio Dei, ut a homine vellet nasci, et ab hominibus posset occidi. Plerique cum nostro consentiunt primorum seculorum patres, exinanitionis subiectum quo reputantes Deum verbum. Sic v. c. *Origenis* de principiis L. II. c. 6. §. 1. emicans, ait, omnium ista natura, exinaniens se de statu maiestatis suae, homo factus est. *Gregorius Nyss.* Orat. 1. de beatitudine (quae citatur in concilio chalc. p. 1407.) ad Philip. 2, 5. exclamat, *τι ταπεινότερον ἔστι τοῦ βασιλεως των ὁλων, ἢ το εἰς κοινωριαν τῆς πτωχῆς ἡμῶν φύσεως ἐκουσιως ἔλθειν.* De eodem Gregorio observavit S. V. PRAESES introduct. in Baumg. Polemic. Tom. III. p. 311. dixisse eum, evacuari (κενοῦσθαι) divinitatem, ut capere eam possit humana natura; cum quibus concinit *Hilarius Pictav.* L. 9. §. 14, edit. Froben. p. 160. accipere formam servi, nisi per evacuationem suam, non potest qui manebat in Dei forma, non conveniente sibi formae utriusque concursu; h. e. sine praecedente evacuatione impossibilis fuisset incarnatio, ob nimiam naturarum disparilitatem. Huius erroris procul dubio occasio fuit, praeter ignorantiam verae rationis, qua idiomata divina cum humana

natura communicantur. falsa, sed omnibus, quantum mihi quidem observare contigit, patribus communis persuasio de phraseos *μορφῇ θεοῦ* Phil. 2. 7. significatione. Si enim vocabulum *μορφῇ* eo significatu accipi debet, ut naturam denotet; fatendum omnino est, ad *κένωσιν* referri a Paulo naturae humanae ipsam assumptionem. Verum gravissimae obstant rationes, quominus istam interpretationem nostram nunc facere possimus. Nam neque in Verbum, antequam incarnatum fuit, ullam putant catholici cadere potuisse exinanitionem, cuius subiectum quo natura sit humana in unione personali considerata; neque etiam verbum, quod Deus est, arbitrantur dici posse, in forma esse Dei, aut *ἵσα Θεῷ*; quamvis Athanasius alique antiquiores patres de divinitate Christi istas interpretari soleant locutiones. Ad divinam itaque naturam formaliter non magis pertinet exinanitio quam exaltatio. Cum vero alias LEO ea, quae utrique naturae sunt propria, accurate atque orthodoxe distinguat, imo aperte profiteatur, serm. 21. 2. summae et aeternae essentiae naturam non recipere diminutionem et varietatem: mirandum sane est, eum sibi non cavisse ab hoc errore. De caeteris quidem exinanitionis gradibus satis accurate disserit, omnesque et actiones et passiones, quae eo referri solent, naturae humanae absque ulla haesitatione assignat: sed in hac re documentum nobis reliquit, quanta in hominum animos vis sit erronearum scripturae interpretationum praeconceptorumque opinio, imo etiam formularum antiquitus re-

ceptarum. Vix vero admittenda videtur excusatio aut a latiori vocabuli significatione, aut ab humilitate rerum, quae ἐνσαρκωσιν circumstabant, petita.

II. *Exinanitionis forma*, si ea ex LEONIS mente est describenda, in eo posita fuit, partim ut salvator se *abdicaret*, non ab ipsa quidem divina maiestate, sed a perpetuo, pleno atque glorioso divinarum perfectionum et dignitatis usu; partim ut ipsam hanc maiestatem cum humana natura communicatam *occultaret*. Non enim est defectio potestatis, exinanitio ep. 28, 3. neque ab aequalitate paternae gloriae filius Dei unquam recessit, cap. 4. sed *intra semetipsam continuit* et claritatem suam et potentiam immutabilis Deitas, S. 29, 2, ut verbi *maiestate velata*, dispensatio humanae redemptionis impleretur. ep. 127, 7. Propter nostram infirmitatem extenuavit se, incapacibus sui, et velamine corporis splendorem maiestatis suae, quem visus hominum non ferebat, *obtegit*. Hinc exinanisse se dicitur, tanquam se propria virtute evacuaverit, dum in ea humilitate, qua nobis consuluit, non solum patre, sed etiam seipso (alia enim est persona,) factus est inferior. Sed hoc ipsum praestari ut potuerit, divina omnipotentia opus erat. s. 25, 2.

III. Sigillatim aliquid addere lubet de quibusdam huius status momentis. 1) *Derelictionem* Christi in cruce, si LEONIS iudicio standum esset, non ita intelligere liceret, quasi ab eo relinqui potuisset, a quo non poterat separari; cum in tantam unitatem Dei et hominis natura conveniret, ut ne

supplicio quidem potuerint dirimi. Quemadmodum ergo non aberat a patre filius nec a filio pater, ita etiam caro non dividebatur a Verbo. Reliquit tamen eum (Christum) non solum Pater, sed etiam ipse se quadam ratione deseruit, voluntaria scilicet cessione. Nam nisi continuisset se ab impiis crucifixi potestas, sed uti voluisset Christus virtute manifesta, non potuisset humani generis redemptio perfici. Igitur vox ista: *Deus, Deus meus, respice in me, quare me dereliquisti*, doctrina est, non querela ⁵⁴). Nostra enim intererat intelligere, cur caro, pati metuens, Matth. 26, 39, non fuerit exaudita, id est relictā. Docet itaque Christus, potestatem redemptoris nihil conferre humano generi, si quod petebat, nostra obtinuisset infirmitas. serm. 67 et 68. Doloris itaque tristitiaque

54) Cum his probe concordat interpretatio querelae similis, quam a Domino in horto Gethsemane emissam memoriae prodidit Matthaeus cap. 26, 38. 39. Quibus verbis, quandam formidinem patientibus, Christum nostrae infirmitatis affectus participando curasse, et poenalis experientiae metum subeundo pepulisse existimat L E O S. 59, 4. qui remedium tantum h. l. mentionem facit, expiationis vero, quae ad Deum referatur, ne verbulo quidem meminit. Aliter ista verba, quibus derelictum se esse a Deo queritur dominus, exponit Leporius. Putat scilicet hic usum esse Christum quasi carnis ipsius voce; corpus iam mortuum indicasse his verbis, (per πολλήν,) se a Deo et anima esse relictum et vere mortuum; posuisse autem Christum (sive potius corpus Christi mortuum, quod hic quasi loquens inducitur) praeteritum pro futuro, quoniam mortui loqui non solent, et tamen sine isto indicio nemo veram Christi mortem crediturus fuisset.

acerbissimum sensum, peccatorum nostrorum, quae Christus tulit, proprie dictam *poenam*, in derelictione non agnoscit LEO. Concinnunt alii rei christianae statores antiquiores. *Hilarium Pictav.* praetermitto, qui, verum doloris sensum in Christo prorsus negans, derelictionem in separatione verbi a corpore posuit. *Comment. in Matth. cap. 33. p. m. 434. Gregorius Nazianz. serm. 4. de theologia edit. Colon. 1690. T. I. p. 580.* arbitratus est, figurata hic tantum esse ea, quae nostra sunt (*το ἡμετερον*); nos enim eramus derelicti. Timebant scilicet homines, ne nimis abiecte de Iesu Christo Dei filio loqui viderentur, et animos hominum Christianae religioni infensorum prorsus ab ea abalienarent, si, ut iam posteriores solent, de sensu mortis aeternae poenarumque infernalium haec verba exponerent. Accedit, quod temporibus LEONE anterioribus de satisfactione Christi vicaria, et poenis nostro loco ipsi irrogatis parum accurate cogitaverint plerique christiani. Quatenus vero LEO cum caeteris ecclesiae praeae doctoribus hac in re concordet, ex illis iudicari poterit, quae *ſpho 39.* dicemus. — 2) In *triduo mortis* anima Christi descendit ad inferna, sed caro requievit in sepulcro. *ep. 15, 17.* Verum sicut nec carni nec animae defuit ullo temporis puncto virtus verbi, ita quoque id, quod erat mortuum, resuscitatum est per id, quod non poterat mori, per divinam Christi naturam. *serm. 70, 3.* ⁵⁵⁾

55) Rectius quam multi patres de hac re disserit LEO.

§. 31. *Exaltationis status* totus ad humanam Christi naturam pertinet, et ὁμοουσιος Dei filius non nisi ob naturarum communionem arctissimam exaltatus dici potest. Ep. 124, 7. Etenim nunquam creatori suo non fuerunt subiecta quae condidit. Ep. 59, 3. Quare quicquid in forma servi a Patre accepit, eadem in forma Patris etiam ipse donavit. ep. 124, 7. Saepius haec urgentur contra Eutychem, qui, dum unam τοῦ λόγου ἐνσαρκου φύσιν defendebat, non poterat non, ut LEO quidem inde cogit, eisdem naturae exaltationem attribuere, cui ex omnium consensione per se infinita competit maiestas. Tanto magis vero est mirandum, LEONEM, dum doceret naturam divinam exinanisse se suscipiendo carnem, in eundem fere errorem incidisse, quem admisisse creditur Eutyches, statuens divinam naturam fuisse exaltatam.

§. 32. Superest, ut de consilio, quo filius Dei humanam naturam sibi univit, duplicemque exinanitionis et exaltationis statum experiri voluit, aliquid dicamus. Solent recentiores christianae religionis administri istas utilitates omnes, quae per Salvatorem in genus humanum redundarunt, ad tria genera re-

Leporius v. c. in libell. satisfactionis, cui ipse etiam Augustinus subscripsit, cum aliis episcopis Africanis, putat terrenum corpus necessario fuisse per mortem crucis pro tempore relinquendum non solum a Deo, verum etiam ab anima sua, quae erat unita cum Deo. „Non crucifixum hominem in poenam, sed exanimem carnem deseruit“ etc.

ferre, quia triplici functionum genere mediatorem ea, quae ad salutem hominum pertinent, peregissee statuunt. Alia itaque beneficia per ipsum nobis obtingere docent, quatenus *sacerdotis* officio perfungitur, alia in quantum *prophetæ* munia obiit, alia denique quatenus *regnum*, cum in omnes res creatas, tum in primis in ecclesiam capessivit. Sed alium secuti sunt tropum paedras antiquiores theologi, in quorum grege LEO etiam est annumerandus, qui sacerdotem et prophetam et regem esse ac dici posse Christum, neutiquam quidem negat, verum isto tamen, nobis usitato, beneficia per Christum parva recensendi ordine, in scriptis suis utitur nusquam. Officium Salvatoris propheticum ac regium perraro et leviter admodum attingit, quo fit, ut valde parvus sit in tractandis nonnullis, quae nos ad munus Christi mediatorium referre, et locupleti oratione exponere solemus. Contra ea habet haud pauca, quae vix sub triplici illo functionum genere comprehendi possunt. Quamobrem confido fore, ut omnes theologiarum causarum aequi aestimatores, qui, quanti momenti haec quam ago res sit, recte perspiciunt, non prorsus vituperent eam, quam huic materiae impendere constitui, operam. Omni itaque diligentia, quantum per libelli angustos limites licet, accurate inquiram, quanam sint eae rationes, propter quas LEO M. necessariam reputaverit *την του Λογου ενσαρκωσιν*, et quosnam fructus ex incarnatione, vita, passione, morte, resurrectione etc, Christi, in homines redundare existimaverit. Antequam

autem ad specialiora pergam, aliquot afferam formulas, quibus omnia per Christum nobis parta beneficia complectitur *L. E. O.* Totum, ait, quicquid in Christo et virtutis divinae est et infirmitatis humanae, ad nostrae reparationis tendit effectum. ep. 28, 2. 16, 3. Aliter enim nulla posset caro salvari, et nemo tetram *diaboli dominationem* evaderet, nec cuiquam aut *reconciliatio* ad veniam, aut reditus pateret ad vitam, nisi filius Dei etiam hominis filius esse dignaretur, serm. 52, 1. per quem nobis est *sacrificium redemptionis*, *abolitio peccati*, et ad aeternam vitam initium *resurgendi*. serm. 48, 1. *Medicina aegris*,⁵⁶⁾ *reconciliatio reis*, *redemptio impensa est captivis*; §. 36, 1. in redemptione Iesu Christi et *salus est et iustificatio*. serm. 32, 1. Gloria enim dominicae passionis omnes nos et *redemit*, et *docuit* (exemplo,) ⁵⁷⁾ ut unde da-

56) Venit e coelo Christus medicus singularis, serm. 64, 1. ut contagia nostra auferret, vitiis moderetur, languorem corruptionis et universa ulcera sordentium curaret animorum, novamque impollutae sinceritatis *gratiam corporibus humanis* inferret, et superandis carnis illecebris multiplicatam pudicitiae donaret virtutem. §. 22, 2. Ad corpora etiam refert gratiam *L. E. O.*, non solum quia immortalitatem eis per Christum rursus partam esse existimavit, verum etiam quia animae languores magna ex parte derivare solet ex corporea infirmitate. §. 71, 6. Gratiam itaque h. l. informat *fece vim aliquam physicam*, quae corruptionem superat corporis.

57) Alium locum, quem haud praetermittendum putamus, de doctoris provincia, quam Christus administravit, hic indicabimus e serm. 23, 3. „Ut e mundanis revocare-

tum est *pretium*, inde et *iustitia* (inhaesiva, forma iustitiae quam sequeremur imitando, serm. 62, 5.) sumeretur. serm. 63. 1. Ab omnipotenti *medico* duplex nobis remedium praeparatum est, cuius aliud est in *sacramento*, aliud in *exemplo*. serm. 67, 5. Possent nonnulla adhuc ex serm. 22. his addi, sed ad specialiore[m] *potiorum* momentorum tractationem progredimur.

§. 33. I. *Iesus Christus redemit homines a potestate diaboli et mortis*. Diabolus non immerito sibi in omnes homines ius tyrannicum vindicabat; nec indebito dominatu premebat, quos a mandato Dei sponta-

mur erroribus, ipse ad nos descendit — Ad auferendum ludibrium, quo captivae mentes superbienti diabolo, (falsi nominis scientia homines fallenti) serviebant, non sufficiebat doctrina *legalis* nec per solas cohortationes *propheticas* poterat natura nostra reparari; sed adicienda erat veritas redemptionis moralibus institutis, et offerenda erat pro reconciliandis *hostia*., Reete utrumque coniungitur, cum sine altero neutrum nobis potuisset prodesse. Sed singularem ob causam utrumque 1. 2. o connectit. Quum scilicet diabolo iustum in homines ante Christi redemptionem imperium tribueret, non potuit non opinari, nihil profuturam fuisse hominibus liberationem ab erroribus, nisi simul in libertatem vindicarentur a diaboli, errorum auctoris, tyrannide. Caeterum memorabilis est *Hilarii Pictavi*. de provincia, quam Christus administravit, sententia: *Proprium*, ait, Domini nostri I. C. *officium* est, cognitionem Dei afferre, et intelligentiam nominis eius potestatisque praestare. *Comment. in Matth. cap. 23.*

neos in obsequium suae voluntatis illēxerat. Poterat quidem maiestas filii Dei creaturam, ad imaginem divinam conditam, a iugo diri dominatoris sola Deitatis virtute liberare: sed non iuste amitteret originalem humani generis servitutem tyrannus, nisi *de eo*, quod non sine liberi arbitrii consensione subegerat, vinceretur. Multo verò minus causam lapsorum sola agere potuit natura mortalium, quoniam non exueretur a conditione, quae libera non esset a genere. Deus itaque, cuius voluntas non potest sua benignitate privari, primam erga homines pietatis suae dispositionem *sacramento occultiore* complevit. Filius igitur Dei natus est homo verus nobisque *ἐμμορφωσθε*. Natus verò est ex virgine, partim ut esset absque omni contagione peccati, partim ut natam humani generi salutem *ignoraret* ⁵⁸⁾ diabolus. Cum itaque salvator sic susceptionis humanae moderaretur exordia, ut Deitatem (virtutem inseparabilis a suo homine deitatis) *per velamen nostrae infirmitatis absconderet*, illusa est securi hostis astutia, qui sciens, quo naturam humanam infecisset veneno, nequaquam credidit primae transgressionis exsortem, quem multis tenta-

58) Idcirco e virgine *desponsata* nasci voluit salvator, ut ne diabolus in virgineo conceptu *ῥατὶ* subolferet. Sic ex antiquioribus multi graeci latinique philosophati sunt; secuti, ut videtur, aliquam *παράδοξιν*, quae, pro rerum et temporis ingenio, hominum quorundam praecognitis opinionibus aliquid concessit, quod ab aliis, alio in loco et tempore, non erat studiosius repetendum.

minum generibus ⁵⁹) didicerat esse mortalem. Vidit plane singulares Iesu Christi virtutes; quare securum se fore credidit de perpetuitate sui iuris, si nulla iustitiae merita mortis iura superare potuissent ⁶⁰). Perstitit ergo improbus praedo et avarus *exactor* in eum, qui nihil morti debebat, insurgere; et dum vitiatæ originis praeiudicium generale persequitur, *chirographum*, quo nitebatur, *excessit*, ab illo iniquitatis exigens poenam, in quo nullam reperit culpam. Solvitur itaque letiferae *pactionis* male suasa *conscriptio*, et per *iniustitiam plus petendi* totius debiti summa vacuatur ⁶¹).

59) Solent etiam multi patres tentationis historiam Matth. 4. et Luc. 4. ita exponere, ut et Satanam idcirco statuunt tentasse Dominum, ut experimento cognosceret, quis sit ille homo plane singularis, morum sanctitate caeteros omnes longe antecedens; et Christum eam ob rem *oeconomicæ* ac κατ' ἀμειβολίαν contendunt respondisse diabolo, ne hic se filium Dei esse certè posset resciscere. Similia et 10. etiam narrat s. 40. 3. 42, 3.

60) Aliter alii. *Origenes* v. c. putat principes mundi (habentes singuli sapientias suas et adstruentes dogmata sua variasque sententias) iratos fuisse, eum viderent Dominum praedicantem, se ob hoc venisse. ut destrueret omnia illa quaecunque essent falsi nominis scientiae dogmata. *De principiis* 3, 3. T. I. p. 143.

61) Plane concinnunt *Hilarius Pictav.* *Ambrosiaster*, *Pasianus* aliique; sed paulo aliter mente conceperat rem *Basilii* ad Ps. 48, (hebraic. 49,) 8. qui diabolo *persuasum* esse fingit, ut captivos suos servos ultro ac *lubenter* (ἐκων) dimitteret, pro λυτρώσθαι redemptore ipsi oblato, quoniam longe maioris pretii hoc esse putaverit, quam omnes, quos cap-

Sic in redemptoris ius transit pactum captivitatis, et diaboli destructus est principatus. Ligato autem mundi principe, captivitatis vasa rapiuntur; Christus iis victoriam suam tribuit, in quorum corpore triumphavit; et effusio eius sanguinis tam dives fuit ad pretium, ut si universitas captivorum in redemptorem suum crederet, nullum diaboli vincula retinerent. *serm. 22, 1. 3. 4. 56, 1. 62. 3. Ep. 28, 2. 124, 7. etc.*

Mortem simul sua virtute destruxit salvator, dum vicit diabolum, qui mortis habebat imperium, omnesque hominum generationes mortali sibi lege subiecerat. Quia itaque gloriabatur seductor, hominem immortalitatis dote nudatum, duram mortis subiisse sententiam et ab aeternitatis arce esse deiectum, *leges inferni* moriendo subiit redemptor, *secreta usua* dispensatione (*οἰκονομία* graeco nomine dicunt); sed resurgendo easdem dissolvit, et ita perpetuitatem mortis incidit, ut eam de aeterna faceret temporalem. Nam temporali sua morte aeternae mortis

tivos detinebat, homines. Eodem modo alii etiam patres hanc hypothesin informarunt. In eo vero plerique v. a. *Origenes, Gregorius Nyss.* etc. conspirant, *λυτρεν* (animam Christi) non Deo patri datum esse, sed diabolo. Lectu etiam digna sunt, (historiae causa,) quae de *λυτρεν* disputat *Gregor. Nazianz.* orat. 42. quae secunda est in Pascha. num. 48. Et in *Photii* bibliotheca cod. *clss.* ex *Stephani Gobari* Trithemae libro pag. 476. edit. *Hoeschel.* recenastur quasi problema, utrum Deo an diabolo Christus *λυτρεν* dederit; quia patrum divisa fuerunt sententiae.

vincula dirupit, et per resurrectionem non solum animae, sed etiam corporis immortalitatem declaravit, quia aliter nunquam valnisset ad aeternitatem redire mortalitas ⁶²). Natalis itaque Christi, natalis fuit vitae. Nam sicut per Adamum mors, ita resurrectio mortuorum est per Iesum Christum, qui letale chirographum diluit, dominationem principis mundi e corporibus eiecit, et novam impollutae sinceritatis gratiam humanis corporibus intulit S. 21. 22. 59. 8. 62. 3. 64. 2. 69. 3. 70. 1. 3. 4. 73. 2. ep. 28. 2. 3. 165. 4. 9. etc.

§. 34. Paulo verbosiores in describenda hac hypothesis fuimus, ut luculento specimine uno in medium prolato, de aliis multis *dogmaticis hypothesis* tam vetustioribus quam recentioribus, earumque indole generatim, facilius et rectius iudicari posset: quod quidem tanti momenti esse arbitramur, ut si aut plane negligatur, aut minus fiat *liberaliter*, in-

62) Huius hypotheseos fautores plena enumeratione recensere qui velit, illi quam plurimorum patrum antiquiorum nomina longo ordine essent recitanda. *Immortalitatem*, per Adamum amissam, reparatam esse Christi beneficio, consona est omnium fere vox, licet in definiendo medio discrepent, per quod haec gratia hominibus iam actu adplicetur. Plerique per sacram coenam, (quam ideo infantibus etiam statim post baptismum, porrigebant,) fieri hoc existimabant: nec tamen deerant, qui baptismatis potius hanc esse efficaciam arbitrantur, ut per illud ad *ἀθανάσιαν* ac *ἀφθαρσίαν* regenerentur, quotique sacro fonte abluantur.

signi ad religionis christianae iustum modum penitus perspicendum adiumento nos fraudari existimemus. Ea scilicet semper fuit, ut omnis cognitionis humanae, ita inprimis scientiae quae de Deo rebusque divinis exponit, eors, ut vicissitudinibus subiecta fuerit innumeris, et pro vario locorum, temporum, atque hominum ingenio, varia et ipsius fuerit conditio. Non ita multo post Christi e terris abitum, in contrarias christiani discesserunt sententias, multaeque exortae sunt *haereses* h. e. hominum societates, qui de rebus *theologicis* aut *christianis* ⁶³⁾ secus sentiebant, quam *οἱ πολλοί*, et propriae suae sequebantur hypotheses. Romanus vero episcopus, aulico plerumque fretus favore, aliarum sedium praesulibus in consilii societatem adsumtis, arrogavit

63) *Theologiam* publicam hic distinguimus a *religione christiana*, privata maxime. Posterior haec ad omnes christianos pertinet; prior illa ad doctores spectat, et recte in erudita sanae religionis adiuvandae cognitione ponitur. Hinc porro colligimus, concertationes inter christianos ortas referendas esse vel ad hanc, vel ad illam. Utrumque dissensionum genus *haereseos* nomine hic complectimur, quia ecclesiastico stilo sic dici solet. Potest enim argumentis exceptione maioribus evinci, non omnes, qui *haeretici* nuncupantur, errasse in ipsa a Iesu Christo et apostolis tradita *religione*, quae doctrinis de Deo et hominum cum eo conjunctione, in sacra scriptura diserte expositis, et ad salutem, emendationemque salubrem scitu necessariis, continetur: sed multos dissensisse tantum in rebus, quae ad *eruditam* religionis tractationem pertinent, et proprium subactionis ingenii usum occupant.

sibi hoc, ut ad suae doctrinae trutinam, christianorum omnium fidem expenderet, omnesque ab ista norma paulum recedentes, non modo *catholicorum christianorum* s. *ecclesiasticorum*, sed etiam *orthodoxarum* (quasi catholica ecclesia, maior christianorum pars, semper recte et sentiat et agat) titulo spoliaret, eosque, quae erat illorum hominum temporumque inhumanitas, diabolo traderet, extra ecclesiam, catholicam illam, non esse salutem decernens ⁶⁴). Rebus ita se habentibus in summam invidiam haereticorum adductum est nomen, sensimque denotare coepit christianos, erroribus aeternam salutem impedi-entibus, pertinaciter deditos. Ab his itaque ut se manifeste non solum seiungerent, sed iis etiam felici successu contraire possent catholici, *novas* subinde *hypotheses* excogitarunt, et melioribus utilioribusve repertiis a veterioribus discesserunt ⁶⁵). Ita

64) Per excommunicationem putabat lex o animam, pro qua Christi sanguis effusus est, sauciatam et inermem quodammodo, exutamque omni munimine, diabolicis incursibus, ut facile caperetur, obici. Ep. 10, 8.

65) Rem exemplo declarabimus. Constat inter omnes, antiquissimos patres non paucos, inde a *Iustino Martyre* docuisse, indignum esse Deo Patre, τῷ τῶν ὁλῶν Θεῷ, in genito, invisibili (Ioh. 1, 18.), ut descendisse et apparuisse Patriarchis in V. T. dicatur; sed filium saepius videndum se praebuisse Adamo, Abrahamo, Mosi, aliisque. Hoc vere cum Ariani ita exponerent, ut filium non eiusdem qua Pater est, sed ignobilioris naturae esse inde cogerent, et orthodoxos hac ratione premerent, placuit catholicis posteriorum seculorum Patribus nonnullis, sententiam antiquitus

evenit, ut dogmata sua curatius definirent, eaque novis firmioribusque argumentis confirmarent, et innumera conquirent, quibus haeticorum hypotheset convelli existimabant; quae quidem studia, uti insignem attulerunt theologiae *eruditioni* utilitatem, copiam certe et diligentem rerum distinctionem, ita summis laudibus merito sunt celebranda. Ista vero sunt, quae censuram mereri videntur: alterum, quod rationes postpositae saepe fuerint auctoritati, mandatis, vi; alterum, quod isti homines interdum ausi sint, omnes omnium temporum christianos ita hypothesibus suis et formulis adstringere, quasi minus liceat aliis, quam ipsi sibi licitum esse recte intellexerunt. Sed protestantes tandem ecclesiae acerbissimum illud iugum excussere. Antiquissimis quoque temporibus, inter eos etiam qui catholicae fidei vindices se professi sunt, non desiderunt novarum hypothesium auctores, quos vero quoniam in doctrinis, ut ita dicam, *symbolicis*, publicis certe *dogmatibus*, orthodoxorum secuti sunt decreta, nemo unquam haeticis aegensuit ⁶⁶). Hanc vero incre-

defensam deserere, istasque apparitiones angelis tribuere creatis. Laudavit Rich. Simon et Quesnellius Augustini locum *de trinit.* libr. 2. et 3. ubi recentior haec hypothesis magna contentione asseritur. Sed L. X. O. M. cui sane neque Arianorum oppositiones, neque Augustini scripta ignota esse poterant, antiquiorem sequitur hypothesin, et Ep. 31. 2. *filium Dei* dicit patriarchis et prophetis apparuisse, sermones cum iis conseruisse, appositum cibum sumsisse etc.

66) Facundus hermiensis pro defensione 3. capituli. Lib. 12. „Etiam Apostolorum tempore multi ignorabant aut aliter

dibilem opinionum de rebus theologicis varietatem, non est quod quis miretur, nisi forte aut omnem theologiae eruditionis ambitum ex compendii alicuius modulo metiatur, aut quae sit humanae intelligentiae indoles prorsus ignoret. Per ipsam, inquam, intellectus nostri naturam non eadem sentire possumus omnes. Qui ea quas tantummodo creduntur ab aliis, ipsi audent mente complexi, et intelligendis rerum theologicarum rationibus ac perspiciendo dogmatum nexui, qui multiplex esse potest, operam dant; neque cuncti aequalibus a natura praediti sunt animi dotibus; neque iisdem omnes imbuti opinionibus ad theologiae tractationem accedunt; neque iisdem adminiculis aequae bene omnes utuntur; neque tandem eadem cuncti sequuntur consilia. Sed nihil fere plures peperit dogmaticas hypothèses, quam eruditionis humanae, pro temporum indole, varia ratio, placita philosophorum, opinionesque vulgariter receptae, de rebus pneumatologicis, psychologicis et moralibus. Qui enim de his aliter sentiebant quam caeteri, aut omnem omnino propriam cogitandi usum debebant eiurare, aut profecto decretis theologicis aliorum hominum, qui oppositas sequebantur évvoias, et aliis ministeriis consiliisque religionem christianam adiutum ibant, subscribere non poterant. Ii contra facile in theologiae alicuius quaestionis definitione concordabant, quorum erat eadem, de aliis cogni-

sentiebant, quam veritas (a nobis scilicet perspecta) fert, tamen *catholici* “

tionis humanae partibus sententia. Mirum itaque videri potest nemini, quam plurimos olim christianorum doctores magno consensu conspirasse in asserendis quibusdam hypothesis, quas postea, mutato eruditionis humanae statu, nemo magnopere defendit.

§. 35. His annumeranda est etiam ista, quam descripsimus, de redemptione hominum a diaboli ac mortis potestate, hypothesis. Tantum non omnes priorum seculorum patres ei favent, et quamquam nonnulli aliquid aut detraxerint, aut intulerint, aut de suo addiderint, in re tamen ipsa, diabolum a redemptore, divinam suam virtutem occultante, deceptum esse, inter se conveniunt. 67). Neque catholici tantum doctores his evocatis delectabantur, sed haeticorum etiam familiae nonnullae, eae prae-

67) Orium fere nobis hic fecit S. V. PRAESER, qui in dissertatiuncula, qua diem Salvatoris natalem pie colendum academicis civibus 1764. indixit, de vetustissimorum quorundam egit evocatis, humana Christi natura studiosius impositum fuisse diabolo. Recenset autem huius opinionis adsertores, e graecis, Clementem Alex. Irenaeum, Ignatium, Origenem, Athanasium, Basilium, Gregorium Naz. et Nyss. etc. e latinis vero, praeter LEONEM, laudat Hilarium Pictav., Hieronymum, Augustinum, Maximum denique taurinensem. Quae igitur ibi a Viro incomparabili disputata sunt, huc transscribere non opus est. Inter omnes vero, quorum nomina hic enumeravimus, a LEONIS vocum proxime abest Gregorius Nyssenus, in libro, qui inscribitur *λεως κατηχητικος, ὁ μωυς* cap. 22. seq.

sertim quas *γυναικας* aucupio dediti erant, similia fere sibi finxerunt commenta, de secreta aliqua dispositione, per quam imperium spiritualium potestatum, salvatoris personam ac provinciam ignoratum, abolitum sit. *Simonem* ⁶⁸⁾ (si quidem hunc annumerare huic gregi licet) atque *Basilidem* talia commenta esse docet *Irenaeus*, *contr. haer. L. I. c. 23. §. 3. et cap. 24. §. 4.* *Marcion* etiam multis argumentis, vel e sacro codice desumptis, probare ausus est, Deum Iudaeorum, (iustum illum quem a bono Deo distinguere, eique mundi creationem tribuere solebat,) Christum per Iudaeos cruci affigendum ex ignoratione curasse, „nesciens, ὅτι ὁ Σαβᾶτος τοῦ ἁγίου σου σῶνται ἀνθρώποι ἐγὼντο.“ conf. *Origenis* si placet, *Dialog. contra Marcion. sect. 2. et Beausobre hist. crit. Vol. 2. p. 110.* Hi vero homines, cum de salvatore longe aliter sentirent, quam catholici, neuntiquam quidem potuerunt totam illam hypothesin, ut v. c. *LEO* eam describit, suam facere: at tui tamen sunt huiusmodi ἐννοιαίς, quas varie et inter se et cum aliis combinabant, ad stabiliendas, quantum poterant, suas opiniones. Multorum quoque *apocryphorum* librorum auctoribus admodum placuit ista hypothesis. *Evangelium* praesertim, quod *Nicodemi* nomen prae se fert, copiosissime rem exponit, eamque cum Christi descensu ad inferos con-

68) Conf. *Tertullianus de anima* c. 34. qui ita exacte cum *Irenaeo* Lib. I. cap. 23. concinit, ut vel alter ex altero, vel uterque ex una eodemque fonte haurisse dicendus sit.

iungit. Vid. Fabricii *cod. apocr. N. T. P. I.* p. 276. seqq. Testamenta vero XII. Patriarcharum, cum non solum antiquiora sint ista scriptione, verum etiam ab homine non prorsus inepto, exarata esse videantur, utiliora sunt ad historiam istius *vonμatos* intelligendam. Vestigia eius deprehenduntur in *testamenti Levi* cap. 14. et 18. *Zabulon* 9. *Dan* 5. *Aser* 7.

§. 36. Praeter ea, quae iam observavimus, annotamus ista adhuc, quae ad hanc causam pertinent.

1) Hypothesin de redemptione hominum a diabolo et morte, cum aliis, quibus ea exornatur figmentis, *superstructam esse opinionibus*, maxima ex parte, iudaicis, de inferno et diabolo, eiusque imperio infernali, de tyrannide quam malae potestates ac spiritus in mundum exercent, de morte etc. Ex his fontibus profluxisse ista *vonμata*, tam ex aliis indiciis ⁶⁹⁾; quam ex convenientia rerum ac sententiarum liquido apparet. Christiana enim ista carmina, de Christi victoria etc. non solum ipsa necessario occupant iudaicas de *ἀδης* opiniones, verum etiam plerumque connectuntur cum aliis opinionibus

69) Huc referimus v. c. quod Simon et Basilides, qui primi fere de ignorantia diaboli aliquid memoriae prodidere, placita sua, magna ex parte, e Iudaeorum, Graecorum praesertim, rivulis hauserint. Auctor etiam *testamentorum XII. patriarcharum* tot habet sententias e Iudaeorum disciplina desumptas, ut Gravius alique, quamvis minus firmis rationibus usi, Iudaeum eum fuisse asseruerint. Iudaeo — christianus rectius dici poterat.

v. c. de descensu Christi ad inferos, de eductione Patriarcharum ex orco per Christum ⁷⁰⁾, etc. quae iudaicas ἐννοίας ponunt.

2) Iudaicae illae opiniones de spiritualibus potestatibus etc. multis etiam christianis doctoribus placuerunt, et per hos novis quibusdam mysteriis, vel ab ipsis excogitatis, vel ἐ διδασκαλίας ἀνατυλιν de sumtis, auctae sunt. Occasionem huic rei, inter alia, praebuit graeca versio τῶν ὁ, e qua ista commenta confirmari posse videbatur. Sed nihil maiorem addidit auctoritatem ἐννοίαις illis de angelis bonis malisque, eorumque ordinibus, officiis, potentia, de spiritualibus δυνάμεις, rectoribus huius mundi etc. quam sententiae nonnullae N. T. vel κατ' οἰκονομίαν dictae eo tempore, quo repleti erant homines huiusmodi opinionibus, vel minus bene intellectae.

3. Istius, de qua agimus, hypotheseos, de ignorata a diabolo salvatoris provincia, hominumque ex orco redemptione, auctores erant christiani

70) *Grabius in spicil. Patr. sec. I. p. 264. c. Bereschith Rabba* super Gen. 44, 18. iudaicum testimonium pro ascensu Messiae ex inferno laudat: ascendent captivi ex inferno, et Deitas (יהוה) in capite eorum. Ex eodem commentario super Genes. I. *Grabius* p. 362. alium affert locum, in quo Messias cum Deo loquens ita inducitur: Suscipio super me tribulationes istas, sub hac conditione, ut resuscites mortuos in diebus meis, et quidem eos, qui mortui sunt a primo Adam usque nunc etc. (Nempe ut vivant in regno millenario?)

iudaicis potissimum ἐννοίαις adsueti, ac pro seculi sui more de ἐπουρανίῳς atque κατὰχθονίῳς liberius philosophantes ⁷¹⁾, qui sacrarum N. T. librorum formulas, quotquot potuerunt, in suam rem sedulo converterunt. Præcipua autem scripturae dicta, quae fingendae huic hypothesei locum dederunt, sunt: 1 Cor. 1. 21. Ubi (ut Beausobrius e Tertulliano et auctore *dialog. contra Marcion.* docet, *hist. critiq. tom. 2. p. 110.*) per κέσμεν deum huius mundi intelligi voluit Marcion Eph. 3, 9. ubi reiecto vocabulo ἐν, Marcion legi iussit: μυστηρίου τοῦ ἀποκρυμμένου ἀπὸ τῶν αἰώνων τῷ θεῷ, τῷ τα πάντα κτίσαντι. (conf. Beausobre loc. cit.) Col. 1, 15. 1 Petr. 3, 19. et. 4, 6. Hebr. 2, 14. Ps. 2, 2. (confr. *Origenes de princip. 3. 3.*) Provoquant etiam multi patres ad Iobi 41, 20. *duces draconem* (diabolum) in hamo, atque

71) Neque tamen abnueri, si quis pertendat a gnosticis originem duxisse hanc hypothesein. Nempe duo in ea possunt νοήματα a se discerni, quorum alteram de redemptione ex tartaro exponens, quantum quantum est, iudaicum est; alterum, ignorantiae diabolum aut deum huius aevi accusans, a gnosticis primo repertum esse videtur. Verum primi gnosticae disciplinae statores, quamvis Iudaismum spernerent, parum tamen a permultis abfuerunt placitis Iudaeorum, eorum putá, qui philosophiae, Platonicae potissimum, amore ducti, litteram aspernabantur, et allegorico sacros libros interpretandi genere mirifice delectabantur. Hi, inferentes patriae religioni sua *Φιλοσοφύματα*, γνῶσις quamdam speciem praesiverunt, ἑαυτοὺςque, quos *πνευματοὺς* plane expertes putabant, contemnere ipsi solebant.

varia hinc comminiscuntur carmina de deitatis
ἀγκίστρον intra naturam Christi humanam abscondito.
 A LEONE vero huic hypothesei sex praecipue dicta
 accommodantur, α) Ioh. 1, 5. *lumen tenebrae non*
comprehenderunt; serm. 69, 4. scil. Iudaeos non so-
 lum, sed etiam diabolum latebat consilium Dei. β)
 1 Cor. 2, 8. *Si enim cognovissent, nunquam dominum*
maiestatis crucifixerant; serm. 69, 4. Quem locum
 Paulinum fautores huius hypotheseos ita interpretan-
 tur, ut per *ἀρχοντας* (*ἀρχας*, angelos, Elohim) *τοῦ*
αἰῶνος τούτου intelligi contendunt spirituales potesta-
 tes. Conf. S. 60, 3. γ) *Omnis faciens peccatum, servus*
est peccati Ioh. 8, 34. hinc iustum diaboli in homines
 dominium. serm. 56, 1. δ) Oseae 13, 14. *O mors,*
ero mors tua etc. Impletum hoc est, cum Iesus
 moriendo *leges inferni* subiret, et resurgendo eas
 dissolveret. serm. 59, 8. ε) Rom. 5, 2. *Ubi abunda-*
vit peccatum, superabundavit et gratia. ep. 124, 3. et
 165, 4. LEO hunc locum ita cum variis phrasibus,
 de mortis vinculo per peccatum contracto, de cap-
 tivis et debito servitutis, de vinculis diaboli atque
 de pretio a Christo soluto, connectit, ut vix dubi-
 tem, quin per *peccatum abundans* intellexerit illam
 diaboli iniustitiam, qua, *chirographum excedens,*
 debitum ab eo exegit, qui (ut LEO loc. cit. scribit)
 solus morti nihil debuit. Nempe cum diabolus
 dominium suum exercere vellet etiam in Christum,
 liberati sunt a servitute ii quoque, qui iuste diaboli
 erant servi. Sic validius factum est (superabundavit)
 donum libertatis, quam debitum servitutis. ζ) Rom.

§. 3. Nam Serm. 69, 3. ubi admodum verbosus est in exponenda ista hypothesis, verba Pauli: *ut de peccato damnaret peccatum*, excitat, iisque hanc interpretationem adiungit: *et diaboli opus* (peccatum ⁷²) *captivitas*, aeterna mortis duratio,) *de opere diaboli* (Iudaeos ad occidendum Christum. insontem iniuste instigantis, sed in praeiudicium suum sae-

72) *Athanasius orat. contra Arianos* I. §. 60. collat. 57. et II. §. 55. 56. hunc locum ita explicat, ut statuatur, remotum esse a carne delictum, quo captiva perpetuo tenebatur, adeo ut divinum sensum (τον θειον νοον) non valeret recipere; carnis peccatum ex carne esse expulsum, ne regnare perseveret; Domino in carne habitante, peccatum in carne penitus esse exterminatum, carnem autem factam esse δεκτικην του λογου (sive ut *Cyrillus in thesauro* p. 208. scribit του αγιου πνευματος); nos habere ελευθερον το φρονημα: cum quibus conferri etiam possunt quae orat. 2. §. 69. leguntur, c. g. profligatum esse serpentem a salvatore in carne eum persequente; praecisum esse quicquid mali exoriebatur ex carnis motibus, et ipsam mortem, peccati comitem, simul fuisse interemtam. Non longe abest *Athanasius* a *LEONIS* sententia, quod ad expositionem posterioris partis huius loci (κατεκρινε την αμαρτιαν εν τη σαρκι) attinet; sed de verbis περι αμαρτιας nihil prorsus addit, neque eorum mentionem facit, nisi ubi totum Pauli locum recitat. Posset hinc forte dubitari, an verba περι αμαρτιας in textu *Athanasiano* ab initio fuerint posita, praesertim cum eadem ignoret *Cyrillus in thesauro. op. tom. 5. part. 1. p. 162. edit. Auberti* collat. p. 160, qui liber, (ut nuperrime detexit *S. V. PRAESES* vid. *Sammlung über die Beweisstellen der Dogmatic*, Stück 8. p. 221. seqq.) cum *athanasianis orationibus* ita convenit, ut nihil fere quicquam sit in alterutra,

vientis,) ⁷³⁾ solveretur. Ibidem etiam LEO ad alias huius loci Paulini phrases alludit v. c. ad ὁμοιωμα τας αμαρτίας. Certe ad νομον της αμαρτίας

scriptione, quod non in altera quoque simili modo et similibus plerumque formulis expressum legatur. Etiam in *homil. paschal. 8. tom. 5. part. 2. pag. 105.* omisit *Cyrillus* haec verba. Alibi tamen in eius operibus aliquoties leguntur, ut v. c. loc. cit. *homil. 10 pag. 132.* nulla vero addita eorum explicatione. Posset autem credi: *Cyrillum*, diverso-Epistolarum exemplari usum, diversa ratione hunc locum excitare.

⁷³⁾ Clarius haec exponit *Ambrosiaster in commentar. in epist. ad Romanos*, qui Apostoli verba ita explicat: peccatum peccato proprio damnavit. Christus enim cum a peccato crucifigitur, quod est Satanas, peccavit peccatum in carne corporis salvatoris. Hoc itaque peccato (homicidio) reus factus Satanas, amisit dominium retentorum animarum. *Tom. 3. oper. Ambrosii Colon. 1616. p. 137.* Provocat etiam hic auctor ad *Coloss. 2, 14. 15.* ad quem locum p. 256. nonnulla observavit, quae omnino huc pertinent „dum non peccando salvator vincit peccatum, quod hominem tenebat obnoxium, insuper et ab eo occiditur innocens: sic crucifigitur peccatum — crux enim non Salvatoris mors est, sed peccati. (Conf. *Origenis Homil. 8. in librum Iesu Nave tom. 2, p. 416.*) Innocens enim sic qui occiditur, reos illos facit a quibus occiditur. Peccatum autem principes et potestates intelligamus, quorum studio peccavit primus Adam, — qui dum exspoliantur animabus, quas tenebant in captivitate, mortificantur.“ Observandus autem est hic significatus vocabuli *peccatum*. In toto contextu Paulino *Ambrosiaster* per peccatum intelligi existimat vel *diabolum*, peccati auctorem, (c. gr. cap. 7. 11.) vel *diabolum* una cum hoc ipso, quod vocatur peccatum; v. c. vers. 8. *sine lege*

καὶ τοῦ Σαβάρου respexit, dum omnes homines mortali lege diabolo subiectos fuisse diceret.

4) Ineptam esse omnique iusto fundamento destitui hanc hypothesin, a qua recte recentiores theologi se abstinuerunt, non est quod multis probemus.

5) Sed nemo tamen impiam eam esse, aut christianae religioni prorsus adversariam, temere arbitritur. Poterant isto tempore publici religionis adiutores hisce propositionibus, cum melius non intelligerent, recte uti ad excitandas in auditoribus lectoribusve suis, (quos σαρκικούς fuisse scimus et rudes,) cogitationes satis pias, et ad commovendos salubriter animos idoneas. Sed edocemur illorum exemplo, nostris hominibus eandem nos debere operam impendere, quam illi suae aetatis christianis, quamquam saepe minus feliciter, dederunt. Videmus enim tantum abesse, ut priorum temporum atque hominum beneficia excludant aut supervacua reddant nova posteriorum seculorum studia, ut potius ista haec requirant. Quemadmodum vero tenuia

peccatum mortuum erat, quem quidem locum *Origenes* etiam et *Methadius* (teste *Whitby* in *dissert. de S. S. interpretatione secundum patres*) de diabolo interpretantur. Si vero ex hac hypothesi epistola ad Romanos aliaeque sacrarum librorum partes explicentur, plane aliud earum invenietur argumentum, quam quod nos quidem haud paulo melius in ipsisprehendimus. Quanti igitur momenti sit cognitio hypothesium dogmaticarum ad historiam exegeseos, et quanta sit ipsarum hypothesium ad interpretationem scripturae vis, vel hoc exemplo intelligere licet.

illa religionis, sive theologiae potius, rudimenta, sequentibus temporibus perpolita, aspernari non debet; ita nostro ingenio non debemus soli tantum confidere, ut omnia optime a nobis iam definita esse, nobis persuadeamus, et nihil amplius a quocquam opinemur dici posse rectius atque commodius, quam dictum est a nobis. Quodsi enim tot tantique viri, quos vidimus, non potuerunt aeternis legibus nos adstringere, ut hypothesin tum excogitatam, omnibus fere sub utroque sole probatam, et scripturae sacrae auctoritatibus, ut quidem iis videbatur, confirmatam, nostram faciamus: nobis profecto non magis licet alios impedire, quominus pro se quisque suis oculis suique ingenii acumine, in interpretanda scriptura et reperiundis rerum theologicarum *Λογους*, iisque inter se invicem coniungendis, liberaliter et pro conscientiae suae sensu, ad informandum suae religionis usum, utatur. Sed haec hactenus. Progredimur iam ad aliqd beneficium, quod per Iesum Christum nobis partum esse, docet LEO Magnus.

§. 37. II. Iesus Christus verus est *sacerdos* (secundum ordinem Melchisedech Serm. 3, 1. et 5, 3.) qui ad auferendum peccatum mundi in altari crucis per immolationem suae carnis se ipsum (naturam suam humanam) hostiam et *reconciliationis sacrificium* obtulit Deo Patri; quo sacrificio nullum fuit umquam *sacratius*, quia nullius, quamquam insontis, occisio *propitiatio fuit mundi*. Iusti, quotquot occisi sunt, acceperunt, non dederunt coronas. Singulares quip-

pe in singulis mortes fuerunt, nec alterius quisquam debitum suo fine persolvit: sed in uno solo Iesu Christo, qui omnia ad se traxit, omnes mortui sunt, omnes sepulti, omnes sunt etiam resuscitati. Per sacrificium istud veram in pacem cuncta revocata sunt; reconciliatum est humanum genus Deo, et propitiatus est humano generi Deus, cum omnium causam mediator Dei hominumque susciperet. Hic enim pro omnium salute moriebatur. In omnibus, quae patiebatur, nostrae diluebantur maculae, nostrae *expiabantur offensae*: quia natura, quae in nobis rea semper fuerat et captiva, in illo innocens patiebatur et libera. Per lignum (crucis) erigitur lapsus in ligno, et gustu fellis et aceti diluitur esca peccati. Nam ad destruendum peccati mortisque dominatum *poenae* (mortis) capax fuit natura eius humana. Recepit Salvator infirmitatem atque mortalitatem, quae non peccatum erant, sed poena peccati, ad supplicium, ut impenderentur ad pretium. Iniit commutatione mirabili commercium salutare, nostra (contumelias, dolores, mortem,) accipiens, et sua (honorem, salutem, vitam,) tribuens. In quo itaque solo homo se invenit innocentem, in eo fides iustificans impios, et creans iustos, acquirit salutem. Ut enim per unius reatum omnes facti sunt peccatores, ita per unius innocentiam omnes facti sunt innocentes. Hic etiam verus noster Pontifex, licet in Patria sit dextra constitutus, in eadem tamen carne, quam sumpsit ex virgine, sacramentum *propitiationis* nunc quoque exsequitur. Rom. 8, 34. — Contextuimus

hanc sacerdotii Christi et reconciliationis per eum factae descriptionem, e Serm. 3, 2. 23, 3. 46. I. 54, 4. 55, 3. 56, 3. 57, 4. 59, I. 5. 8. 66, 3. 72, 2. et Ep. 31, 2. 80, 2. 124, 3. 4. 139, 3. 165, 5. aliisque quibusdam locis diligenter inter se collatis.

§. 38. Ad haec iam notamus. 1) LEONEM docuisse, salvatorem passum esse *pro omnibus hominibus*, etiam impiis, Serm. 52, 4. 54, 2. 3. 59, I. 62, 4. 5. Sicut nullum, inquit, a reatu liberum reperit Christus, ita liberandis omnibus venit, Serm. 21, 1. quare si universitas captivorum in suum redemptorem crederet, nullum tyrannica vincula retinerent. Ep. 124, 3. Imo statuit Noster, persecutores etiam ac interfectores Christi potuisse salvari, si modo credidissent. Serm. 54, 2. 55, 1. 67, 3. 70, 2. Docet itaque redemptionem, ex antecedenti Dei voluntate, generalem. De Iuda tamen proditore arbitratus est, eum ad indulgentiam pervenire non potuisse; cuius vero rei neutiquam illam esse dicit causam, quod impijs pertinaces, et Iudam ipsum, non redemerit salvator; (vid. S. 52, 5. et 67, 4.) sed hanc adfert causam: „quoniam prius in desperationem transiit, quam sacramentum generalis redemptionis Christus impleret.“ Serm. 62, 4. collat. 54, 3. Videtur hic LEO simile quid innuere iis, quae de Iuda habentur apud *Hilarium Pictav. Commentar. in Matth. Cap. 32*. Ubi eo tempore a vita emigrasse dicitur, ut nec inter mortuos visitaretur (a Christo,) nec inter vivos post resurrectionem haberet poenitendi facultatem.

§. 39. 2) Agnoscit LEO passum et mortuum esse Christum *pro nobis*, nostra eum *debita persolvisse*, naturam humanam ideo a filio Dei esse susceptam, ut *poenas* subire posset *pro nobis*; propter ipsum *deleri ac remitti peccata*, per eum nobis *repropitiatum esse*. Deum etc. Designat itaque primas quasi lineas doctrinae de satisfactione Christi vicaria, qua factum est, ut redemptor, cui nostra peccata imputabantur, nostro loco poenas eorum luendo nos ab obligatione poenam sustinendi liberaret, efficeretque ut Deus, cuius iustitiae factum est satis, iuste iam possit peccatoribus, in Salvatorem suum credentibus, delicta condonare iisque propitius esse. Sed si quis contendere vellet, plene atque accurate hoc fidei caput exponi a LEONE, is suam assertionem nullis confirmare posset argumentis, nisi LEONINIS verbis apertam vim inferre, iisque sui animi sensa subdere, quam ex magni nostri Pontificis formulis veram eius sententiam sollicito atque ingenue eruere malit. Rei, inquam, quasi aliquam summam, quae satis clare in S. S. a nobis, qui caremus variis opinionum sarcinis, perspicitur, tenuisse videtur; verum totam causam nullibi, quantum ex eius scriptis indicari potest, explicite ac perspicue tradidit ⁷⁴). Quod ut rectius in-

74) Subiungimus hic notitiam eorum, quae de *Iustificatione per fidem* docuit Noster; quae quidem cum his, quae supra observavimus, coniuncta non modo clariora fient ipsa, sed illis etiam, quae de satisfactione Christi annotavimus, maiorem lucem afferent. Totam rem brevibus quibusdam positioni-

telligatur, observandum est, eum ubique fere, ut primum tractationem de beneficiis, quae per Christum nobis obtingunt, ingressus est, delabi in nar-

bus complectemur. I. Vocabulum *fides* saepe usurpatur a LEONE ad indicandam ipsam doctrinam, cui fidem habent christiani. Ep. 94. 124, I. 165, 2. Serm. 24, 6. II. Saepe *fides* sumitur pro scientia dogmatum christianorum, et certa animi persuasione de eorum veritate. Conf. S. 66, I. 74, I. 2. 3. et 9, I. ubi fidem statuit LEO posse esse sine caritate. Sic etiam Ep. 168, I. baptisma conferri dicitur desiderantibus et *credentibus*. Pertinet etiam huc LEONIS effatum, quod Ep. 161. legitur: Fides voluntate percipitur; i. e. nemo ad veritatis convictionem pervenit, qui infenso in eam est animo. III. *Fides* in LEONINIS scriptis significat interdum, sed rarius fere, assensionem coniunctam cum fiducia in Deo posita et desiderio eorum quae creduntur. Docet enim LEO, in eo potissimum fidei virtutem constitutam esse, ut credantur sine diffidentia, atque animo recipiantur, nostrosque tangant affectus, quae obtutui non subiacent, sive praeterita sint sive futura, et ut ibi figatur desiderium, quo nequeas inferre conspectum. S. 3, 2. 70, I. 74, I. Et S. 45, 2. iacet, ait, fides sperare quod credit; — desiderium credulitatis implebit remuneratio visionis. Conf. etiam S. 49, 2. 87, 4 Praecipue vero huc referendi sunt sequentes duoloci, quorum alter extat Ep. 124, 4. „Fides vera iustificans impios et creans iustos, ad humanitatis suae participem (Christum) tracta, in illo acquirit salutem, in quo solo homo se invenit innocentem — qui his victoriam suam tribuit, in quorum corpore (de diabolo et morte) triumphavit.“ Alter vero S. 66, I. 2. docet, fideles veteris Test. non nisi in I. C. salvationem sperasse, eosque per eandem fidem iustificatos esse, qua etiam nos iustificamur. Nos sanguinem Christi credimus pro reconciliatione mundi fustum,

rationes de redemptione hominum a diabolo, per humilem Salvatoris conditionem decepto. Conf. Ep. 124, 3. 4. 139, 3. Mirum in modum omnia huc detor-

illi credidere fundendum. Nobis hic sanguis idem donat, quod contulit illis. Similia fere leguntur S. 52, 1. IV. Liquido constat ex his, *subobscurè* tradidisse LEONEM doctrinam de fide. Nullibi enim fides clare describitur, prout Christi satisfactionem ac meritum amplectitur sibi quæ appropriat, atque omnem felicitatem, peccatorum in primis remissionem, a Deo per Christum placato exspectat. V. *Iustificare* LEONI sæpissime idem est ac Sanctificare. Ep. 1, 3. 31, 2. Serm. 39, 4. 59, 8. 67, 5. VI. Interdum tamen *iustificatio* significat absolutariam Dei sententiam, quæ hominibus in Christum credentibus peccata remittuntur. Coincidit fere notio *teu* iustificari cum generaliiori notionē *teu* salvari. Ita explicandi sunt LEONIS loci, in quibus fideles sub veteris Test. oeconomia haud secus ac nos iustificati dicuntur per fidem in Christum, totius generis humani Salvatorem. Vide S. 66, 1. 2. (quem locum num. 3. iam attulimus) S. 30, 7. 63, 2. 69, 2. Quum vero Patribus in V. T. nec doctrina quam Christus demum nobis auctiorem proposuit, nec exemplum quod praeivit, prodesse potuerit quidquam ad morum emendationem vitamque sancte instituendam; neque tamen isti minus iustificati dicantur per fidem in Christum quam nos: liquet, iustificationem hic non posse accipi de ea, per quam actualiter iusti, hoc est sancti reddimur. His adde S. 55, 3. Tam velox, inquit LEO, fidei erat effectus, ut latro paradisi iustificatus intraverit — Exiguo temporis puncto longorum scelerum reatus aboletur. Et S. 49, 3. ubi de baptismo loquitur, profitetur, nulli obesse vel proprium vel originale peccatum, quia iustificatio non meritis sed sola gratiae largitate donetur. Consuli etiam omnino hic debet locus, quem num. 3. ex

quet. Quo fit, ut interdum, si simpliciter spectentur eius formulae, de satisfactione ac peccatorum expiatione loqui videatur, cum tamen ex *συναφίας*

Ep. 124, 4. exscripsimus. Ipsam vero doctrinam de *remissione peccatorum* propter Christum alibi etiam exponit. Docet nimirum, sine ea salvari neminem; S. 48, 2. completam autem eam esse in Christo, i. e. effecisse Christum, ut peccata hominibus iam possint condonari. S. 62, 5. Notatu etiam dignissima sunt, quae S. 92, 1. de nexu iustificationis et sanctificationis traduntur. Statuit scilicet LEO, Deum reparationem sanctificationemque in peccatorum remissione constituisse, ut *remota severitate vindictae*, omnique cessante *supplicio*, reus innocentiae redderetur, et finis criminum fieret origo virtutum. VII. Familiaris LEONI est formula, quod per fidem iustificetur peccator e. gr. S. 22, 4. 34, 1. Ep. 71. Sed cum utrumque vocabulum dubiae sit significationis, in singulis locis sigillatim verus sensus eruendus esset. Sed ista opera nos supersedere posse existimamus, quia certum est LEONEM hanc doctrinae christianae partem non satis pure tenuisse. Nam praeterquam quod ita nonnunquam locutus sit, ut statuisse videatur, eos qui orthodoxa catholicorum dogmata sequuntur, et cum hac fide caritatem coniungunt, ob hoc ipsum iustificari, et peccatorum remissione aeternaeque vita donari: (vide v. c. S. 24, 6.) VIII. tantam quoque putat esse bonorum operum, ieuniorum praesertim et eleemosynarum, quibus orationem etiam interdum adiungit, vim tantamque efficaciam, ut non solum compendia sint ad obtinendum regnum caeleste, S. 44, 2. nos purificent atque mundent, S. 19, 3. 93, 3. Dei imaginem in nobis renouent, et a Spiritu S. inseparabiles faciant, S. 12. verum etiam ut divinam iustitiam placent, culpas solvant, a damnatione aeterna liberent, peccata deleant, et poenam aeterni ignis extinguant; ut crimina ite-

attenta consideratione patescat, eum de isthac redemptione verba facere, quam antecedenti Spho descripsi. Nonnunquam sane ita fluctuantes eius sunt sententiae, ut oppido intelligatur, eum nec accurate animo rem concepissee, nec ea distinxissee, quae Christus ad placandum Deum egit et passus est, ab his, quibus diaboli imperium est destructum. Exemplis nonnullis rem illustrabo. Docet LEO S. 60, 2. in occisione Christi Pascha fuisse verum, et *singulare sacrificium*, quo non ex dominatione Pharaonis unus populus, sed ex diaboli captivitate totus mundus sit erutus. Similiter S. 55, 3. de altari et hostia loquitur, sed statim ad *pacta* praevaricationis et diabolicam *dominationem* orationem convertit. Sic etiam S. 59, 8. Christum suscepisse dicit ex nobis, quod posset *offerre*; mox tamen addit; *leges inferni* dissolvit etc. His adde S. 28, 3. ubi ostenditur, opus fuisse hominibus aliquo, qui caeteris et exemplo

redimantur, et venia per ea obtineatur; ut peccatum baptismi ad instar extinguant etc. S. 9. 10. 11. 15. 20. 39. 83. etc. Pugnare cum his videntur, quae num. 6. e. Serm. 49, 3. laudavimus, uti merita excludantur a iustificatione: verum ibi de meritis sermo est baptismum antecedentibus. Sed certe post regenerationem, sive baptismi gratiam nimium tribuit operibus. IX. Iam si de tota hac causa iudicium est faciendum, idem fere dicendum erit, quod de doctrina, quae satisfactionem Christi vicariam exponit, supra monuimus. Puriorem nostram doctrinam, quod ad pleraque momenta, non omnino ignoravit, sed accurate atque plene eam nullibi proposuit.

prodesset et *merito*; sed ex orationis serie patet, per *meritum* intelligi complexionem eorum, quae Christus egit et perpassus est, ut a *iugo tyranni*, qui genus humanum subegerat, nos liberaret. Pertinet etiam huc S. 77, 2. ubi ita disputat LEO: Quia aliter solvi captivitas humana non potuit — divisit sibi opus nostrae reparationis Trinitas, ut Pater propitiaretur, Filius propitiaret, Spiritus S. igniret; oportebat enim, ut salvandi — ab *inimici dominatione* discederent. Denique S. 46, 1. humanam Christi naturam asserit, *poenae* fuisse capacem, ad destruendum peccati mortisque *auctorem* ⁷⁵⁾. Cum his conferri merentur illorum Patrum loci, qui *Αυτορον* non Deo sed diabolo solum esse existimarunt. vid. §. 33. not. 61. Quamvis enim rectius statuatur LEO, *hostiam*, humanam naturam, oblatam esse Deo patri, non minus tamen quam isti confundere solet ea, quae diabolum spectant, cum his quae ad Deum pertinent. Et profecto, si rem ipsam loqui velimus, fatendum erit, vix posse utrumque *νοημα* apte con-

75) Malim tamen statuere, *poenam* h. l. sumi pro quovis malo aut dolore, quae vocabuli significatio, auctoribus latinis non ignota, recurrit S. 54, 3. et alibi. Quid! quod S. 49, 3. dominicam passionem fuisse contendat redemptionem mundi, (loquitur vero de diabolo) *non poenam peccati*. Quae verba, etsi de poena proprii peccati explicari queant, admodum tamen inconsiderate dicta sunt. Ingenue fateor, nullum a me observatum esse LEONIS locum, in quo passiones Salvatoris diserte peccatorum poenae appellantur, proprie sic dictae.

iungi, nisi innumera Scripturae dicta, quae de redemptione agunt, proisus invertantur, atque systema construat, quod sol's phantasiae figmentis nitatur. Quomodo, ut unum hoc attingam, *iniustus exactor* dici potest diabolus, si Christo vere omnium hominum, non mortuorum solum, verum etiam viventium et nondum natorum, peccata in reatum et poenam imputata sunt? Quomodo, quaeso, scribere potuit LEO S. 72, 2: praebuit se redemptor crudelissimo exactori liber a debito? Nam si *iustum* fuit diaboli in omnes homines dominium, quod ubique arguit LEO, certe etiam a Christo delictorum poenas *iuste* potuit exigere; quoniam Christus, licet ab omni peccato proprio immunis, omnium hominum peccata sibi imputata portabat. Non potuit quidem Christum, ob coniunctam cum homine divinam naturam, sub sua potestate retinere: sed si Christus per imputationem fuit peccator, nihil ab eo exegit tyrannus, nisi quod sibi debebatur ab hominibus, quorum causam mediator egit; et per vim potius ac fraudem, quam per iustitiam, quam tantopere laudat LEO, res gesta esset. Sed operae pretium non est, diutius his immorari. Caeterum si aliorum Patrum, eorum praesertim qui ante Seculum V. vixerunt, scripta conferamus cum his, quae e LEO-
NINIS excerpimus, de illis idem observare licebit, quod de LEONE diximus. ⁷⁶⁾

76) Quamplurima Patrum testimonia ad calcem libelli, quem *Grotius de satisfactione Christi* scripsit adiecta sunt;

§. 40. III. Ita interdum de Christo *mediatore* loquitur LEO, ut magis *personae*, quae natura divina et humana constat, quam *officii*, quod agendo et patiando absolvitur, rationem habuisse videatur. Nempe mediator, si vocabulum eo sensu accipitur, qui omnium patet latissime, est quicunque medius

e. quorum vero numero pauca sunt, si curatius examinentur, quae cum nostra hanc doctrinam exponendi ratione ita concidunt, ut ex iis tamquam certis documentis historicis nostra melior doctrina, prout in theologorum scholiis, contra Socinianos potissimum, traditur, solide probari possit. Illorum enim testimoniorum alia sine ulteriori explicatione ea tantum repetunt, quae in Scriptura S. disertis verbis continentur; alia vero aut antiquam istam de redemptione hypothesin, aut iustificationem, per quam nobis donatur iustitia inhaerens sive actualis, potius exponunt, quam nostram de expiatione peccatorum per Christum doctrinam; alia denique prima quasi rudimenta melioris doctrinae nostrae recte quidem, at parum tamen accurate, exprimunt. Multa tamen patrum testimonia, quae hanc causam egregie illusant, addi potuissent iis, quae ibi congesta sunt. Sic v. c. insigne est *Augustini* dictum in *exposit. 2. Psalmi 21.* „Delicta nostra (Christus) sua delicta fecit, ut iustitiam suam nostram iustitiam faceret.“ Si tamen conferantur alia *Augustini* loca permulta, liquido constabit, eum ubique fere sic verba facere, quasi satisfactionem Christi, nostri vicarii, et iustificationem hominis coram Deo, ut nos eam docemus, plane ignoraverit. Sed, nisi egregie fallor, circa haec tempora primum coepta est aliquantum clarius proponi haec doctrina; postea vero sensim et paullatim uberius atque accuratius declarata est.

est inter duas partes. 77) Potest itaque Iesus Christus, si solam personam spectes, ideo mediator quodammodo dici, quia divinam humanamque naturam in una sua ὑποστάσι coniunxit. Hoc ab iis praesertim speciose fit, qui universalem humani generis naturam (την κατ' ὅλου) a Salvatore assumptam esse atque inhabitari contendunt. Sic enim iam in incarnatione mediatoris gradus esset factus omnibus hominibus, ad beatam cum Deo coniunctionem. Sed nostrum est, exemplis quibusdam probare, hanc vocabuli illius significationem patribus non esse inusitatam. Primum testimonium, quod etiam LEONIS epistolae 165. adiectum legitur, ex Hilarii Pict. libro 9. §. 3. sumemus. „Mediator, inquit, ipse in se ad salutem ecclesiae constitutus, et ipso illo inter Deum et homines mediatoris sacramento utrumque unus existens, dum ipse ex unitis in id ipsum naturis, naturae utriusque res eadem est.“ Alter ad quem provocamus, Gregorius Nyss. in illud: quando sibi subiecerit omnia etc. oper. T. I. p. 572. 78)

77) Hinc antiquissimorum doctorum aliqui iam ante incarnationem mediatoris partibus functum esse τον λογον existimant, quia per ipsum facta sint omnia, et ipse medius quasi intercesserit inter ea quae facta sunt, et Deum, ex quo facta sunt omnia. Vide quae PRAESES GRAVISSIMVS in hanc rem observavit Intr. in Baumg. Polem. T. 3. p. 31. seqq. et p. 50. cum quibus conferri debet Hilarii Pictav. locus, qui e libr. 5. de trin. ibidem p. 248. excitatur.

78) Latina tantum Gregorii verba ex interpretatione Gentiani Herveti afferre possum, quia graeca editio nunc ad manum non est.

μεσίται in hoc impleri contendit, quod Salvator omnes homines sibi, et per se ipsum Patri, univerit. „Corpus eius, inquit, est humana natura, cui est admistus. Propter hunc ipsum autem sensum nominatus Dominus a Paulo mediator Dei et hominum.“ Proxime ab hac opinione abfuisse videtur LEO, qui Ep. 124, 3. et 165, 4. scribit: Qua ratione veritatem mediatoris impleteret, nisi qui in forma Dei aequalis erat patri, in forma servi particeps esset et nostri? Idem S. 64, 3. dicit: quia unus est mediator — homo C. I. per communionem sui generis (homo) ad pacem pervenit Deitatis; et S. 66, 4. Ipsa illa, inquit, substantiae nostrae in Deitate susceptio, quem hominem misericordiae suae, nisi infidelem, reliquit exsortem? Et cui non communis natura cum Christo est etc. Recte quidem statuitur, non potuisse Christum mediatoris officio fungi, nisi utraque alteri naturae in ipso fuisset unita; sed id, per quod mediator est, fuit proprie intercessio inter Deum hominesque, et quidem inter Deum iudicem et homines peccatores. Cum vero haec officii mediatorii explicatio ponat iustam satisfactionis a Christo praestitae notitiam, qua plerique Patres antiquiores caruerunt: mirum non est, varios, sed parum plerumque probabiles, eos quaesivisse huius rei λόγους, quibus et rationem et modum rei declarari posse putarunt. Hoc studium, beneficia, quae per Christum nobis obtingunt, explicandi, peperit ἐννοίας ac locutiones quasdam LEONI solennes, de hominibus Christo concorporatis, quas, cum his quae modo tra-

ctavimus cohaereant, breviter hic indicabimus. Docet igitur, Christum non reconciliare mundum Deo, nisi per fidei *regenerationem* omnes in nostrae carnis veritate *susciperet*; ep. 171, 2. a natura divina in suam *proprietaem susceptos* nos esse, S. 72, 7. et *insertos* Salvatori nostro per veram nostrae carnis *susceptionem*; S. 24, 6. carnem Christi esse *velamen* verbi, quo omnis, qui ipsum integre confitetur, induatur; hominem in *baptismate* effici *corpus Christi*, quia Christus, *corpus sit hominis*; Ep. 59, 3. *corpus regeneratorum* fieri *carnem crucifixi*; S. 63, 6. Nos sibi *concorporatos* Dei filium ad dextram Patris collocasse. S. 73, 4. Hae locutiones (quibus locum dederunt nonnulla Scripturae dicta v. c. Act. 17, 28. Eph. 5, 23. 30. sq. Rom. 12, 5. I Cor. 12, 27. etc.) nequeunt de naturali hominum cum Christo, qui totius humani generis corpus, ex quorundam sententia, *assumsit*; intelligi, quoniam tum per baptismum et per *regenerationem* homo Christi corpus fieri dicitur, tum orationis series, nonnullis saltem in locis, hanc interpretationem neutiquam admittit. Quominus vero de mystica tantummodo et spirituali fidelium cum Deo et Christo unione exponantur istae formulae, hoc inter alia obstat, quod *corpus regnitorum* fieri dicitur *caro Christi*. Ob eandem rationem illa etiam unitas non potest sola hic indicari, quae ex unione Christi cum ecclesia, quae eius corpus est, fluit. Quando v. c. LEO Ep. 139, 4. eos, qui de incarnatione Verbi perversa sentiunt, extra corpus Christi, in quo commortui et conresuscitati sumus,

se constituere dicit, quomodo quaeso de ecclesia haec intelligi possunt? Neque tandem de ea unione, quae per eucharistiam efficitur, commode intelligi possunt istae, omnes saltem, formulae. Equidem arbitror, ex his unionis cum Christo generibus omnibus, non satis a se invicem distinctis, *conflatos* esse hos loquendi modos. Nempe haesisse videtur in animo LEONIS aliquid de eorum opinione, qui *totam naturam humanam* a Christo susceptam esse statuunt; quam tamen *ἐννοίαν* ita immutavit, ut solos *fideles* ad hanc naturae unitatem pervenire doceret. Aperte enim profitetur S. 63, 3. *naturam humanam* in tantam connexionem a filio Dei esse susceptam, ut non solum in illo homine, (Mariae filio) qui (homo) est *primogenitus* totius creaturae, (Coloss. I, 16.) sed etiam in *omnibus sanctis* suis unus idemque sit Christus. (Dei filius, *Λόγος*). Iam vero sanctorum universitas constituit ecclesiam, quae etiam solet in sacris litteris corpus Christi appellari. Hoc LEONEM eo adduxit, ut, quod de sanctis antea dixerat, idem de *ecclesia* enunciaret. cf. S. 28, 7. 63, 3. In ecclesiae corpus homines coalescunt per *baptismum*. Recens autem baptizatis *eucharistia* statim illis temporibus porrigi solebat. Quum itaque LEO coenae s. hanc vim inesse putaverit, ut in id quod sumimus (in carnem *ipsius*, qui caro nostra factus est,) transeamus: S. 63, 7. Ep. 59, 2. hoc etiam unionis cum Christo genus cum caeteris coniunxit. Sic haec omnia concurrisse et coniunctim peperisse videntur istas, quas vidimus, formulas. Istae autem

locutiones, quae enunciant, *Christum esse corpus hominis*, et *velamine carnis Christi indui fideles*, respiciunt fortasse eucharistiam, per quam hoc effici statuit Noster, ut Christum per omnia et spiritu et carne gestemus; S. 63. 7. quamvis ne haec quidem invenustae phraseos interpretatio suis careat difficultatibus. Sed meliorem iam nos quidem dare non possumus.

S e c t i o IV.

Complexa articulos de imagine divina, peccato et gratia.

§. 41. Numquam Christiani dubitarunt doctores puriorem doctrinam sequentes, quin primus homo *ad imaginem et similitudinem Dei* creatus fuerit. Haec autem imago quanam in re potissimum posita fuerit, de eo antiquiores varie loquuntur, et ita plerumque ambigue, ut quid senserint longe sit incertius, quam hoc, quod non omnes senserint idem. Hinc *Gregorius Nyss.* in *quaest. de eo, quid sit ad imag. Dei et ad similit.* suo iam tempore testatus est, multas diversasque sententias de hoc argumento ab enarratoribus esse prolatas. *Oper. edit. lat. Frontonis Ducae.* T. 2. p. 85. Etiam *LEO*, quamvis saepius imaginem Dei concreatam esse homini dicat, numquam tamen ita clare atque definite loquitur, ut ex verbis eius plene sententia ipsius elici queat, nisi argumentationum adminiculo aliquantulum uti liceat. Illud interim certum est, relatam ab eo esse hanc imaginem ad *morales* praecipue animi perfectiones. Ponit autem

eam, ut nobis quidem, collatis inter se omnibus locis, videtur, non tam in ipsa virtutum exercitatione, quam in ea humanae naturae conditione, qua homo divinas perfectiones imitando exprimere potuit; sive, ut cum scholasticis loquamur, magis in potentia naturali morales Dei perfectiones imitandi, quam in quodam quasi congenito habitu sanctitatis. Quod si verum est, imago divina ex LEONIS mente continetur potissimum recta ratione libertateque arbitrii; ut, cum dotes animi, quas inferiores vocare solent, superioribus recte subordinatae essent, homo perfecte ad legis divinae praescriptum vivere, atque sic perfectissimi Dei quamdam imaginem tamquam in speculo repraesentare potuerit. ⁷⁹⁾ Sic enim LEONIS „Primus homo — rationali spiritu per insufflationem creantis animatus est, ut ad imaginem et similitudinem auctoris sui vivens formam Dei bonitatis atque iustitiae in splendore imitationis tamquam in speculi

⁷⁹⁾ Concinunt plures Patres, v. c. *Tertullianus contr. Marc.* l. 2. c. 5. 6. imaginem divinam in viribus animae concreatis, et praesertim in eo collocat, quod liber et sui arbitrii et suae potestatis creatus sit homo, et quod in sua potestate habuerit et contemptum legis et obsequium legi debitum. *Gregorius Nyss.* in orat. 1. in illud: *Faciamus hominem*, putat, imaginem habuisse hominem ex creatione, et consistere eam in potentia ad similitudinem Dei pervenendi; *similitudinem* vero (solent enim distinguere imaginem et similitudinem, hebraismi ignari,) acquiri ex voluntate, per novos actus a potentia illa proficiscentes. conf. etiam *Origenes de princip.* L. 3. c. 6.

nitore servaret. Quam naturae suae speciosissimam dignitatem, si per observantiam legis datae perseveranter excoleret, ipsam illam terreni corporis qualitatem ad caelestem gloriam mentis incorrupta perduceret.“ S. 24, 2. „Homo ideo ad imaginem Dei conditus est, ut imitator sui esset auctoris.“ S. 12, 1. „Qui fert Dei imaginem, Dei faciat voluntatem.“ S. 90, 3. Non semper tamen haec vocabuli significatio commodum locum habere videtur. Nam v. c. S. 38, 3. illi imaginem et similitudinem sui conditoris amittere dicuntur, qui iniurias non obliviscuntur inultas, aliave in vitia delabuntur. Desinunt scilicet hi Deum imitari. Dici tamen posset, mentem eorum hominum amittere suum in sensus imperium. Sed praeter illud praestantissimum naturae temperamentum, per quod ad imitationem creatoris sui idonei erant primi nostri parentes, antequam hanc naturae suae dignitatem amitterent, *immortales* fuerunt. Cum vero Ep. 138, 3. LEO scribat, carnem Christi, nullo interveniente peccato, non potuisse mortalem esse, nisi nostri fuisset generis; cum itaque rationem, cur Christus potuerit mori, in eo ponat, quod nostri fuerit generis: illud pro concessio sumit, omnes qui nostri sunt generis mori posse, etiam si nullius prorsus peccati rei sint. Quod cum in primos homines quadret, sequitur, ut nullum aliud immortalitatis genus nisi id, quo potuerint non mori, iis assignandum sit. Caeterum neque de dominio in res creatas, quod plerique patres atque theologi recentiores inter partes, quae imaginem divinam constituunt, recensere so-

lent, usquam loquitur LEO; neque discriminis istius, quod omnes fere Patres esse putarunt inter imaginem et similitudinem Dei, mentionem apertam facit; neque in eius scriptis ullum vestigium occurrit opinionis illius, cui antiquissimi christianorum doctores favebant, de homine ad imaginem του Λόγου condito.

§ 42. Quod ad doctrinam de peccato attinet, LEO statuit de auctore eius, diabolo, eum non solum primis hominibus interdicti cibi appetitum inseruisse, ac male credulis per illecebram edendi omnium concupiscentiarum virus infudisse, ⁸⁰⁾ sed eundem etiam easdem fraudes nunc retractare; inquirere scilicet eum in natura, quam scit suis seminibus esse vitiatam, sationis suae germen, ut ad labefactanda studia virtutis desiderium accendat voluptatis. S. 87, 1. Sed non ita in primum hominem diabolus violentus extiterat, ut eum in partes suas sine *liberi arbitrii*

80) Cum non sine liberi arbitrii consensione victum esse primum hominem doceat LEO, concupiscentiarum infusio ita debet explicari, ut omnis necessitatio plane excludatur. Nempe prava illa cupiditas non effecta est a diabolo tamquam causa physica, sed homo, arbitrii libertate abutens, ad comedendum ipse se determinavit, motus futilibus illis rationibus, quas seductor externe suggerebat, quarum vero falsitatem facile detegere potuisset homo, si animum, sufficienti rationis lumine exornatum, ad eas intendisset. Cum autem semel appetitui succubisset ratio, pulcherrimo facultatum animae humanae ordine perturbato, tota hominis natura ita est corrupta, ut cupiditatum praepotens vis mentem etiam in transversum agat, et animus in ea tantum, quae sensibus grata sunt, feratur.

consensione, transferret, (peccatum enim erat voluntarium) S. 28, 3. Neque enim de bonis neque de malis actibus ullum posset esse iudicium, si in utramque partem motum mentis impelleret *fatalis necessitas*. Ep. 15. praef. Quare nec daemonum potestas, nec siderum influxus cogere potest quemquam; (ibid.) sicut etiam *divina scientia*, quae et qualitates actionum nostrarum et effectus omnium voluntatum *praevenit*, nullam agendi aut volendi imponit necessitatem. Quamvis enim quod Deus praescivit non possit omnino non fieri, praesciendo tamen quod faciendum est, non cogit ut fiat. S. 67, 2. Agitur quidem postremo hoc loco specialiter de crimine eorum, qui Christum interfecerunt, quorum manus non immisit in se Dominus, sed admisit; verum de omnibus peccatis generatim hoc dictum esse puto, cum omnium eadem sit ratio, neque hoc a caeteris differat, nisi in eo, quod sit facinus omni maius crimine. Certe si ne in hoc quidem peccato, quod inter omnia solum aliquam necessitatis habere posset speciem, praescientia Dei coëgit, multo minus eam in caeteris ullam necessitatem adferre, cogitare licebit.

§. 43. In tractatione loci de *peccato originali* non inane operam me sumere existimo, si sententias, quas de hoc argumento proferam, certis classibus distribuam. Sic enim facilius apparebit, utrum LEO, (inter cuius laudes celebratur et hoc, quod Pelagianos, et maxime *Iulianum*, contriverit,) consentiat, an vero in varietate sit cum *Augustino*, qui

quamvis non prorsus totius huius doctrinae inventor⁸¹⁾, quodammodo tamen eius architectus nominari potest; utpote qui omnium primus hanc doctrinae christianaem partem plenius atque curatius contra Pelagianos tractaverit, eamque in certum aliquem et stabilem ordinem, additis novis nonnullis formulis, redegerit. Caeteri enim ante *Augustinum* Patres numquam distincte atque explicate quid sit nativa ista labes, ab Adamo descendens in posteros, exposuerunt, sed tantummodo unde sit, et qui sint eius effectus, ob-

81) Conf. G. I. *Vossii histor. de contro. Pelag.* Amstel. 1655. pag. 158. seqq. ubi quamplurimi Patrum loci recensentur, in quibus aliqua peccati originalis fit mentio. *Vossii* tamen nimiam sedulitatem, qua evincere conatur, in *Augustini* dogma conspirasse omnes fere latinos graecosque Patres antiquissimos, non immerito reprehendit *Dan. Whitby* in tractatu de imputatione peccati *Adami*. Lond. 1711. pag. 155. seqq. Multa ostendit a *Vossio* gratis esse allata, quae ad rem nihil faciant, neque quicquam probent, praeterquam quod propter *Adami* peccatum omnes eius posterii morti sint obnoxii, et cum proclivitate ad malum nascentur, iisque necessarium sit per novam generationem renasci, ut digni sint, qui in regnum coelorum ingrediantur. Omnino *Vossius* multa coacervavit, quae minime probant id, quod probandum erat, nempe omnes homines in *Adamo* ita peccasse, ut parentis peccatum omnibus imputetur in reatum, omnesque ideo aeternae a Deo separationi obnoxii sint. Sed nec *Whitbii* ubique placet. Quicquid sit, in eo convenit utrique, multos esse Patres, *Augustino* priores, qui de labes aliqua, quam ex *Adami* peccato tota humana natura contraxerit, uterque loquantur.

scurius monstraverunt. *Pelagio*, ut hodie agnoscunt omnes cordatiores, multo magis favent plerique antiquiorum Patrum, (in gratiam dei profecto non ultro iniqui), quam *Augustino*. Sed redeamus ad LEONEM. Sequentes vero theses, ex ipsius verbis effici posse videntur. I. Peccatum Adami *imputatur* omnibus hominibus; neque ideo tantum criminis illius participes dicuntur omnes posterii Adami, quia parentem peccando imitantur, sed quoniam in et cum patre totius generis omnes simul peccarunt filii. Hoc enim nisi statuisset LEO, peccatum unicuique homini proprium a peccato communi non potuisset S. 49, 3. distinguere. Subobscurè eandem rem innuit S. 66, I. „Lata in transgressores sententia omnem progeniem captivæ posteritatis obstrinxit, et nemo exitit exors a damnatione, quia nullus fuit liber a crimine.“ Per istam itaque letiferæ damnationis sententiam simul cum Adamo rei declarati sunt omnes, quamquam nondum existentes, eius posterii; et quidem ideo, quia omnes participes erant criminis, hoc est primæ istius actionis peccaminosæ, sive ut paullo antea dixerat LEO, primorum parentum praevaricationis, ob quam innocentiae naturalis libertatem perdidimus ⁸²). II. Per peccatum originale omnium ho-

82) Auctor librorum de *vocatione omnium gentium* libr. II. cap. 20. 21. ita ratiocinatur: Nemo ad beatorum potest pertinere consortium, nisi sacro aeternae salutis fontē initiatus. Quum itaque multiplex pereat parvulorum numerus, quos, quantum ad proprias pertinet voluntates, neque boni ali-

minum corrupta est natura, et diabolicis seminibus vitata. S. 87, 1. Idcirco enim venit Christus, ut omnem languorem corruptionis et universa ulcera sortientium animarum curaret, S. 22, 2. quod nisi fecisset Dominus, letali vulnere tabefacta natura nullum remedium reperiret, quia conditionem suam suis viribus mutare non posset. S. 24, 2. Corruerat enim primi hominis universa posteritas uno simul vulnere sauciata; sed venit e coelo medicus singularis, natus sine contagione antiquae praevaricationis. S. 64, 2.⁸³⁾

quid neque mali constat egisse: sequitur, ut super hos illa maneat sententia, quam humanum genus in Adami praevaricatione excepit: cuius sententiae rigor, dum etiam citra tales non resolvitur, quam magnum illud peccatum fuerit, demonstratur etc. LEO, qui cum isto anonymo in sumtionibus (e. g. de baptismo ad salutem simpliciter necessario, de peccatis non nisi voluntarie commissis etc.) concordat, in conclusione etiam cum eodem conspirasse censendus est.

83) Posteriores duo loci possunt ex contextu de ea tantum naturae humanae labe explicari, per quam omnibus necessario moriendum est. Quamvis enim S. 24, 2. aeternae mortis mentio fiat, posset tamen per eam intelligi mors naturalis aeternum duratura, quam Christus de aeterna fecit temporalem. S. 59, 3. Sed in orationis serie nonnulla etiam occurrunt, de virtutibus moralibus, et de amissione imaginis divinae, quam LEO non in sola posuit immortalitate. Distinguit praeterea Noster condemnationem (mortis, si placet, reatum sive vinculum) a peccato ipso, ab Adamo in posteros transeunte. Quae cum ita sint, nolimus duas hasce sententias hic omittere, ubi generatim naturae humanae corruptionem indicamus, quae neutiquam potest solummodo in fatali mortis necessitate poni. (conf. thes. 3. et 4.) Nam in-

III. Omnes homines nascuntur ad deteriora proclives, S. 18, 1. et cum *concupiscentia*, sive prava animi inclinatione, quae tendit tantum ad ea, quae sensibus incunda sunt. Unde autem haec concepta sit, non difficulter intelligunt, qui se Adae filios esse novērunt, et peccante humani generis patre, non dubitant in propagine vitiatum esse, quod est in radice corruptum. S. 39. 1. conf. S. 87, 1. IV. Pecato originali infectum est non solum *corpus*, verum etiam ani-

firmitas et mortalitas non *peccatum* sunt, sed poena peccati. S. 72, 2. Luculenter etiam sententiam suam declaravit LEO, cum Pelagianos et Coelestianos ab ecclesiae societate arceri iuberet, Ep. 1, 3. quia *ideo* dicant gratiam praeveriri per naturalem industriam, ut nullo videatur peccati originalis vulnere sauciata natura. Quid vero moriendi necessitas ad gratiam? ad eam, puta, quam nulla possunt praevertere bona opera, quorum fons ipsa est et principium. Profecto naturae hoc vulnus, quod auctor agnoscit, *Pelagius* autem negasse dicebatur, intelligendum est de defectu virium, recte legique divinae convenienter agendi, sive, ut cum auctore *epistolas* ad *Demetriadem*, quae *xxoni* olim a multis tribui solebat, loquamur, de defectu libertatis delictum declinandi. Haec enim illa, quae divinae imaginis amissionem secuta est, vitiosa facultatum animae dispositio, earumque coniunctio inordinata, qua neque mens Deo, neque menti corpus ac inferiores animi vires subsunt, haec, inquam, efficit, ut gratia hominibus post lapsum necessaria sit, ut possibilia reddantur ex virtute divina, quae impossibilia nobis sunt ex infirmitate propria. S. 90, 2. Interim tamen ingenue fateor, de mortalitate, per lapsum *Adami* contracta, saepissime loqui *xxonxm*, et saepius fere quam de caeteris primi peccati effectibus.

ma, neque solae facultates eius inferiores, sed etiam superiores depravatae sunt. „Habet hoc in se vitium natura humana — in posteris generandi legē transfusum — ut de corruptibili corpore etiam quod animam corrumpere possit, oriatur. Hinc interior homo, tametsi regeneratus, — assiduos habet cum carne conflictus⁸⁴⁾. In qua discordia non facile obtinetur tam

84) Hic caro significat corpus et sensus externos, qui saepe interioris hominis i. e. animi rationalis dictamini non parent, sed imperium affectant, ut ibi fiat servitus, ubi deberet esse dominatus. S. 71, 5. Sic etiam intelligendus est iste locus, S. 3, 4. ubi suos auditores hortatur, ut caste et sobrie vivant, nec concupiscentiis carnis mens, principatus sui oblita, consentiat. Alibi etiam passim et hoc istam pugnam interpretatur de colluctationibus, quae sunt inter utramque substantiam, h. e. animam et corpus. S. 42, 2. Ut autem spiritus carnis illecebras superare, et corpori recte praeesse possit, non modo necesse est, ut mens rationalis Deo praeside gubernetur et praesidio crucis Christi instruat. S. 39, 2. 47, 1. sed caro etiam compescenda est ieiuniorum castigatione; S. 93, 2. quae hanc ob causam pluribus locis a LEONE eximie commendantur, ut, sicut fuit concupiscentiae initium peccatorum, ita fiat continentiae origo virtutum, S. 79, 1. quia nihil corporis sensibus vel conceditur vel negatur, quod non sicut ad servientem, ita pertineat ad inbentem. S. 94, 1. Sed non sufficit externum a cibo ieiunium, verum ab iis simul est ieiunandum, quae male interior substantia concupiscit, neque solum carnis desiderii, sed etiam animi cupiditatibus rest repugnandum, (ibid.) et carnis concupiscentiis denegandus est animi consensus; non enim anima membris tantum suis imperare, sed ius etiam propriae libertatis tueri debet. S. 19, 2. Quamvis

perfecta victoria, ut illa — quae sunt interficienda, non vulnerent; — quantum libet sapienter et provide iudex animus exterioribus aensibus praesit. Quae illio declinatio potest esse peccati, ubi una passio est et regentis et subditi,“ h. e. ubi res quae sub sensus cadunt, mentem aequè afficiunt ac corpus eamque qua sentimna facultatem. V. Peccatum orig. omnes homines damnationis poenae addixit, nam de sola conditione nascendi una cunctis esset causa pereundi; S. 25, 5. et post illam humanae praeravicationis primam et universalem ruinam, nemini reconciliatio ad veniam pateret, nisi Christus venisset. conf. Ep. 59, 4. Quapropter hoc peccatum, omnibus commune, appellatur *maximum*. S. 94, 2. VI. Per lapsum homo immortalitatis dote nudatus, duram mortis subiit sententiam, Ep. 28, 3. cum qua aliae coniunctae sunt infirmitates, quae cum mortalitate simul sumtas

itaque et cum multis Patribus, qui ante ipsius tempora, praesertim inde ab *Origene*, vixerunt, conveniat in eo, quod sedem peccati quodammodo in corpore ponat, atque ex vitiosa eius post lapsum cum anima coniunctione, corporeaqua infirmitate eos deducat languores, in quibus vel ipsi iacent regeniti: S. 71, 6. statuit tamen, nihil actionum nostrarum ad solum corpus, multa autem ad solum referendum esse animum; et ibi censeri qualitatem actionis, ubi invenitur initium voluntatis, S. 94, 1. h. e. non imputari motus corporeos, nisi accedat animi assensus mentisque comprobatio. Et S. 19, 1. aperte declarat, quod sine anima nihil caro desideret, et inde accipiat sensus, unde sumit et motus.

damnationis transfusionem (i. e. sequelam) nominat LEO. S. 72, 7. VII. Per peccatum diabolus in homines, mortali sibi lege subiectos, tetram dominationem exercuit originalibusque dirae captivitatis vinculis eos tenuit obstrictos. S. 52, 1. et 69, 3. conf. §. 33. VIII. Peccati mortalitatisque contagium in prolem a primo parente transcurrit, Ep. 15, 9. et *generandi* lege transfunditur. S. 90, 1. IX. Peccatum originale omnibus hominibus est *commune*, solo ⁸⁵⁾ Iesu Christo excepto, S. 94, 2. 24, 2. 64, 2. qui natus est sine contagione antiquae praevericationis, quoniam quo paterni seminis transfusio non pervenit, peccati se illic origo non miscuit. S. 2, 32. X. Peccatum orig. non est ipsa hominis *essentia*, Omnium enim creaturarum, sive spiritualium sive corporalium, bona est substantia, et mali nulla est natura. Ep. 15, 6. coll. S. 42, 4.

§. 44. Restant de peccato nonnulla LEONIS effata notatu digna, quae paucis indicabo. I. Omne peccatum *ex voluntate* nascitur, S. 12, 8. nec ullum

85) Ne verbum quidem hic aut alibi occurrit apud LEONEM de immaculata, quam Pontifici iactitant, conceptione *Mariae*. Sed illud etiam notatu dignum esse videtur, quod LEO, qui de Sanctorum meritis atque intercessionibus nonnulla habet cum Pontificiorum erroribus concordantia, numquam tamen quicquam proferat, quod ad singulares Mariae eique soli proprias laudes celebrandas pertinere possit, aut que praecipuus eius cultus commendetur; cum tamen b. virgo *Serene*, iam isto tempore ab ecclesia esset salutata.

committitur sine cupiditate, i. e. appetitu illicito. S. 60, 4. Hinc etiam Petri lapsum excusat LEO propterea, quod ibi non fuerit iudicium voluntatis. Consentit quidem *Augustinus de vera relig. cap. 14.* nihilque existimat esse peccatum, quod non sit voluntarium; sed contra *Julianum L. 3. c. 5.* ipse fatetur, recte ista dici de proprio cuiusque peccato, non de originalis peccati contagio; quamvis etiam hoc de primi hominis mala voluntate sumsisse exordium, et ideo voluntarium appellari posse, putet. conf. *Eiusd. retract. I. 13.* Apparet ex his, *Augustinum*, ut solent Patres, κατ' οἰκονομίαν disputasse, et ut Manichaeorum aequae ac Pelagianorum obiectiones eluderet, ea quocunque loco ursisse, quae rei praesenti maxime convenirent. conf. *Chemnitii exam. conc. trid. p. 92.* Sed LEO etiam sibi non satis constare videtur, cum Pilatum, faciendo quod noluit, peccasse concedat. S. 57, 3. Verum Pilatus, Iudaeorum clamoribus comminationibusque commotus, innocentem Iesum sciens volensque, capitis damnavit. Idem de abnegatione Petri indicandum est. Dicuntur eiusmodi actiones a theologis voluntariae non simpliciter, sed secundum quid, et certo respectu. II. Multis modis multisque mensuris et peccatum a peccato, et crimen distat a crimine. S. 50, 1. *Letalia* autem peccata LEONI S. 45, 1. ea dicuntur, per quae homo a communione ecclesiastica excluditur, quorum autem venia impetrari poteat per reconciliationis auxilium h. e. poenitentiam ecclesiasticam. III. *Peccatum in Spiritum S.* committunt non ii modo,

qui divina beneficia (miracula a Spiritu S. effecta) diabolo deputant, sed illi quoque, qui eum inferioris putant esse naturae, quam Pater est et filius. S. 75, 4. et 76, 4. Cur autem huic peccato *nullus veniae locus* sit ad ignoscendum, haec (ibidem) afferitur ratio: quia talis peccator exclusit eum a se, per quem poterat confiteri, et patrocinaturum sibi non habet advocatum, a quo est invocatio patris et lacrimae poenitentium, h. e. quia omnia media gratiae reiicit, qui huius sceleris reus est. IV. Denique ea *vocabuli significatio* non est praetermittenda, qua per peccatum intelligitur aut *diabolus* ipse peccati auctor, aut illud *diaboli peccatum*, quod in Christum commisit. Conf. §. 36. not. 73.

§. 45. Ex iis, quae de nativa labe per Adami peccatum contracta diximus, nullo negotio perspicitur, *viribus hominum post lapsum naturalibus*, LEO- NEM non plus assignasse, quam ex orthodoxorum sententia iis tribuere licet. Idem ex hoc facile etiam colligitur, quod naturam nostram, etiam si renatam et ad summa quaeque virtutum studia pro- vectam, in quantum est passibilis, mortalis ac mutabilis, in tantum esse eam doceat ad deteriora proclivem. Hinc metuere iubet sanctos et tremere, ne deserantur ope gratiae, et remaneant in infirmitate naturae; natura enim nostra, quae semper habet quo recidat, corrumpetur carnali desiderio, nisi spiritali muniretur auxilio. S. 18, 1. 38, 3. 39, 6. 40, 1. Sed quae impossibilia sunt homini ex imbecillitate propria, possibilia sunt ex virtute divina. S. 90, 2.

Dei itaque gratia ignorantiae nostrae tenebras discutit, ad poenitentiam nos convertit, mores nostros corrigit, et dat, unde ipsi quoque, quod Deus operatur, operemur. S. 12, 1. 39, 1. Ep. 116, 2. Homo igitur, bona agens, ex Deo habet et effectum operis et initium voluntatis; nam vera virtus sine Deo nulla est. S. 38, 3. 19, 3. 79, 4. ⁸⁶⁾

86) Oritur hic quaestio, quid de *virtutibus ethnicorum*, omniumque qui a iusta verum Deum colendi ratione abhorrent, statuendum sit? De his itaque hominibus *Leo* decernit, sua laude non fraudanda esse eorum opera; (v. c. humanitatis officia, quae propter ipsam naturae communionem praestantur, neque ex fide, ut Noster loquitur, procedunt;) at omni tamen iustificatione vacua ea esse, S. 44, 2. nec ad aeterna praemia pervenire. S. 45, 3. Et S. 79, 2. infidelium non solum sed etiam *haeticorum* ieiunia, (quae tamen in praecipuis bonis operibus ponere solet) non solum vana et inutilia appellat; (conf. S. 46, 1.) verum eo usque progreditur, ut infidelitate pollui contendat ieiunantem, hac addita ratione, quoniam *extra ecclesiam catholicam* nihil sit integrum, nihil castum Rom. 14, 23. Tacite itaque eiusmodi homines *peccare* innuit. Conferri hic possunt ea quae *Ballerinii* ad S. 79. observarunt, qui tamen minus feliciter *LEONIS* sic defendere conantur, ut *escopo* eum actiones omnes aestimasse statuant. Sed aperte ad doctrinae puritatem omnia refert. Quicquid sit, minus nobis placet *LEONIS* sententia, falsae effati Paulini Rom. 14. interpretationi superstructa. Quamquam enim bona opera, eo sensu quo Christiani hac locutione uti solent, efficere isti homines, a christiana religione alieni, haud potuerint, nec virtus quae in eos cadere potest, christianae virtuti aequiparari queat: nimis tamen duri nimisque in-

§. 46. Cum de *gratia* nonnulla iam nobis dicenda sint, ante omnia dispicere nos oportet, de vocabuli huius, tot controversiis celebrati, significatione. Quis enim est in Patrum lectione medio-

humani sunt, quæ eorum actiones, licet cum lege naturali conspirent, ita vituperant, ut non christianam solum, sed et omnem veri nominis virtutem miseris inesse negent. Nam ut quisque, pro ea, quam comparare sibi potest, Dei cultusque divini cognitione, optime ac fidelissime summum numen veneratur, legique naturae, quantum eam novit, quantumque naturales vires (a quibus ne gratia quidem divina, praesertim si humanis auxilium homo imploret, penitus est excludenda,) suppetunt, sollicitissime obtemperat: ita verae virtutis studiosus appellari meretur. Nec est, quod laudabilia huiusmodi facta in hominibus, ut placet LEONI, finem habere dicantur, cum procul dubio Deus quoque non in hac solum vita, sed post mortem etiam, dignis praemiis ea remuneretur. Deus enim, qui naturalem aequae ac revelatae legem tulit, et earum quoque virium, quae hominibus per naturam insunt, auctor est, nec a quoquam, pro summa sua iustitia, plus exigere potest, quam ei tribuit et lucis ad intelligendum, et virium ad agendum; Deus, inquam, uti peccatorum contra utramque legem admissorum iustus est ultor, sic etiam obedientiae utrique praestitae benignus erit retributor. Si praeterea malum omne vindicta manet, certe bona quoque actio quaelibet non potest non bonas habere sequelas, saltem naturales. Nulla vero ratione cogitari potest, omnia aequae, iuste, honeste legique convenienter facta, una cum recti probique animi habitu, recte agendi consuetudine comparato, ita per mortem intercedi, ut prorsus non influant in statum animae post hanc vitam superstitis.

criter versatus, qui ignoret, non eandem semper fuisse huius verbi vim atque potestatem? Quid itaque mirum, si LEO etiam varie eo usus est? Nostro tamen consilio sufficiet, multis praetermissis, potiores tantum, quos in LEONIS scriptis hoc vocabulum capit significatus, percurrere. I. A *generalibus* Dei beneficiis discernuntur *specialia* ipsius gratiae dona S. 67, 1. Haec scilicet sub se continent ea, quae salutis acquisitionem et applicationem propius spectant. vide ibid. cap. 6. II. Gratia interdum generatim indicat divinam *clementiam* atque benignitatem. Ep. 10, 1. III. Gratia nonnumquam denotat *electionem*, qua assignatur alicui munus quoddam aut beneficium. Sic v. c. S. 3, 1. non praerogativa terrenae originis (e certa aliqua stirpe aut familia,) gignere dicitur episcopum, sed gratiae dignatio. Et S. 30. 4. Iacob discretus dicitur ab hispida Esau asperitate, praeveniente gratia voluntarias actiones et ipsam nativitatem. IV. Gratia etiam sumitur pro beneficio et *praerogativa*. Ep. 10, 8. 159, 6. Communionis gratia complectitur omnia ea iura atque beneficia, quibus fideles fruuntur, quorum vero exsortes sunt excommunicati, poenitentes. etc. Eodem sensu de gratia N. Testamenti docetur, S. 15, 2. eam ieiuniorum utilitatem non removisse. V. *Baptismus* saepissime gratiae nomine insignitur, tum simpliciter et sine aliqua adiunctione, Ep. 16, 3. 166, 1. tum gratia Dei. Ep. 15, 10, 168, 1. et Christi. Ep. 6, 3. Huc etiam respiciunt, quae Ep. 16, 3. leguntur de Pentecostes solennitate, quae quodammodo auxili-

antis gratiae manum porrigere dicitur iis, qui in festo Paschatos baptizari non potuerint. Nempe his baptismus olim Pentecostes die conferebatur. Posita autem est gratia baptismi in vi regenerandi. VI. Gratiae nomine venit etiam divinum illud beneficium, quo animus coelesti doctrina imbuitur. De eodem fonte gratiae (inspirationis,) ait LEO, fuit unus spiritus (consona doctrina) et discipuli (Marci,) et magistri (Petri.) Ep. 9. praef. Adde S. 58, 1. Adfuturam, inquit, credimus gratiam Dei, quae inspirationis suae rore sterilitatem nostri cordis adspergat; ut quae utilia sint, coram concione proferantur. VII. Ieiuniis etiam attribuitur singularis aliqua gratia, (vis et efficacia §. 39. not. 49. num. 8.) inter caetera Dei munera in die Pentecostes donata. S. 79, 1. VIII. Corporibus quoque humanis gratia dicitur illata ⁸⁷⁾ IX. Omnium autem cele-

87) Locum LEO^{NIS}, ubi haec opinio proponitur, indicavi iam §. 32. not. 56. Hic illud tantum addo, plures patres similiter de gratia locutos esse. Ex multis ad unum provoco *Athanasium*, qui *orat. 2. contr. Arian.* §. 68. seqq. docet, opus hominibus fuisse Salvatore, eodemque increato et omnibus hominibus meliori; oportuisse praeterea hunc hominem fieri, quia si Deus tantum pro sua potentia dixisset, soluta quidem esset maledictio, et talis factus esset homo, qualis fuit Adam ante peccatum, *ἐξωθεν λαβὼν τὴν χάριν, καὶ μὴ συνηρμοσμένην αὐτὴν ἔχων τῷ σώματι.* Sed sic nihilominus hominem reum mansisse existimat et servum peccati atque mortalem, *μὴ συναπτομένον τῷ Θεῷ.* Cum hi omnino conferendus est LEO^{NIS} locus, quem l. c. e S. 22, 2. attulimus.

berrima est ea vocis acceptio, qua sumitur pro gratioso Dei influxu, per quem, dum intellectus illuminatur et voluntas motum ad recte agendum accipit, animus interne mutatur atque emendatur. Quid de hac gratia et de modo, quo ea agit, ex LEONIS sententia, tenendum sit, paucis expediam. Oportet vero memoriam hic recolere eorum, quae anticipata sunt §. 45.

§. 47. Deus et bonarum est inspirator voluntatum, et bonarum auctor actionum. S. 97, 4. Nimirum omnis prava concupiscentia ex nobis est, et ideo mala est, quia nostra est; bonae autem concupiscentiae et laudibiles voluntates e Deo sunt, S. 93. I. qui ad imaginem suam quotidie nos reparat, et dat, unde ipsi quoque, quod operatur, operemur, accendens scilicet mentium nostrarum lucernas, et igne nos suae caritatis inflammans S. 12, 1. Omnis igitur bonorum operum donatio, divina praeparatio est; gratia enim unicuique principium iustitiae ac bonorum fons atque origo meritum est, nec per naturalem industriam praevenitur. Ep. 1, 3. Deus itaque praecurrit nos auxilio, S. 67, 6. qui ideo dat praeceptum, ut excitet desiderium, et praestet auxilium. S. 43, 1. 49, 4. Quorum vero incitat mentes, eorum adiuvat actiones, Ep. 61, 1. nec quisquam ineffaciter ea, quae Dei sunt, concupiscit, quia qui ad Deum tendit, ex ipsius participatione eum quaerit, S. 84, 2. Dabit quod petitur, qui dedit unde peteretur. S. 36, 4. Quamvis vero omnium bonorum

sit ipse largitor, etiam nostrae tamen fructum quaerit industriae; non enim dormientibus provenit regnum caelorum. S. 32, 4. Quamobrem *cooperatores* simus *gratiae*, *operantis* in nobis, S. 35, 3. qui templum sumus ac habitaculum Deitatis. Nam licet hoc aedificium inchoari ac perfici sine suo auctore non possit: tamen quia *rationales lapides* sumus, et viva materies, (quae per spiritum gratiae, ut voluntarie in unam compagem congruat, incitatur,) sic nos auctoris nostri extruxit manus, ut cum opifice suo etiam is, qui reparatur, operetur, et proprio labore quaerat augmentum. Gratiae igitur Dei obedientia se humana non subtrahat; nec ab illo bono, sine quo non potest bona esse, deficiat, S. 43, 1. et 48, 1. neque dona gratiae Dei negligenter habeat. S. 67, 6. Sic enim omnia praeepta facile veniunt in effectum, quando et gratia praetendit auxilium, et obedientia mollit imperium. S. 35, 3.

In hanc causam adhuc observamus: 1) docuisse *THEONEM*, gratiam Dei non dari secundum merita accipientium, quia natura, originali peccato sauciata, ante gratiam proprio studio clara esse nequeat. Ep. 1, 3. S. 67, 3. (conf. de vocatione omnium gentium libr. 1, cap. 17.) 2) Statuisse eum, gratiam esse non solum utilem ad facilius bene operandum, sed etiam simpliciter eam necessariam esse homini, tam ad perficiendum, quam ad inchoandum bonum opus, ut Deum diligere ac quaerere, legem complere et tentationes superare possit. (Vid. de voc. gent. L. 1. 8. etc. et alibi passim, praesertim L. 2, c. 26. ubi modus, quo gratia

agit, luculenter describitur.) 3) Vix posse satis certo definiiri, utrum *habitualement* tantum gratiam in auxilium naturae advocaverit, an vero *actualement* etiam gratiam, *singulos actus* efficaciter adiuvantem, necessariam homini esse putaverit. 4) Certius esse, eum existimasse, gratiam non ita agere violenter, ut *resist* ei nequeat; nam S. 43, 1. satis manifeste inruit, posse hominem gratiae subtrahere obedientiam. (conf. S. 32, 4.) Sanctos ab ope gratiae posse deserere, (adeoque gratiam *amittere*,) significatur S. 38, 3. (conf. *de vocat. gentium* L. 1. c. 25. et L. 2. c. 12. 26. 28. coll. *Ballerinorum* observat. in diss. 2. Quesnellii. T. 2. p. 681.) 5) Nullum obstaré *LEONIS* locum, quo minus eum credidisse arbitremur, gratiam *esse universalem*, et velle Deum omnibus fidem salvificam donare. **) Docet

88) De ea saltem hoc valet gratia, de qua auctor libr. *de vocat. gent.* L. 2, c. 15. „Adhibita semper est universis hominibus quaedam supernae mensura doctrinae, quae etiam parioris *occultiorisque gratiae fuit, sufficit* tamen quibusdam ad remedium, omnibus ad testimonium.“ Ab occultiore hac et generali gratia, omnium hominum *corda pulsante*, distinguit cap. 23. vocationem specialem, quae excellentiori opere, largiori munere, et potentiori virtute *exserat*. Conf. Libr. 2, 25. et 31. A generali illa gratia ne parvulos quidem paucorum dierum homines, e vita antequam baptismum acceperunt emigrantes, adeoque in aeternas miseriae cadentes, auctor excludit; quibus hanc gratiam oblatam esse opinatur, dum ipsorum parentibus eadem offerretur. Hos enim, quibus illud tempus non impertitum est, in quo per voluntariam fidem percipiendae gratiae sint

potius, generalibus donis Deum omnes ad cognitionem sui incitare. S. 38, 3. collat. S. 35, 4. Proficitur etiam, gratiam (similem stellae, quae magos ad Iesum perduxit, conf. S. 36, 1.) omnes invitare ad Christum. S. 33, 5. Illustrantur haec atque confirmantur per ea, quae de universalitate redemptionis §. 38. dicta sunt. 6) De praedestinatione nihil fere scriptum nobis reliquisse LEONEM. 7) Insistere eum non nimis acriter Augustini vestigiis.

S e c t i o V.

Quae comprehendit locos de baptismo, eucharistia, ac lege mosaica.

§. 48. Ne scriptionis limites nimis excedamus, ex iis, quae alicuius adhuc utilitatis ad illustrandum dogmaticum locum esse possunt, potiora quam brevissi-

capaces, sub arbitrio voluntatis parentum iacere existimat. Lib. 2. 20.-23. Cum itaque dubiae huius scriptionis auctor, licet baptismatis absolutam necessitatem defendat, tamen gratiam omnibus hominibus communem agnoscat, obici nobis non potest, illas sententias, quibus LEO baptismum ad salutem obtinendam simpliciter esse necessariam contendit, conciliari non posse cum dogmate de gratiae universalitate. Caeterum cum anonymi illius et Θεαρις et sententiae accedant ad LEONINAE dictionis atque doctrinae tantam, quam quae maxima potest esse, similitudinem, vix poterit aliqua mirifici huius consensus ratio afferri, nisi statuas, alterum alterius scriptiones diligenter perlegisse, easque sibi perquam familiares reddidisse.

me indicabimus. Ad *baptismum* itaque quod attinet, eius *vis* atque *efficacia*, si *LEONEM* audias, in eo posita est, quod hominem regenerat S. 25, 2. (eodem spiritu s. replente fontem, qui replevit et virginem Mariam; quare omni homini renascenti aqua baptismatis instar est uteri virginalis; S. 24, 3. et 25, 5.) a conditione veteris hominis liberat, Ep. 15, 10. et mystica ablutione peccatum tollit. S. 24, 3. Ep. 6, 3. Per baptismum porro homo in Dei filium adoptatur, Ep. 16, 3. et efficitur corpus Christi, Conf. §. 40. ac spiritus s. templum. S. 21, 3. Per idem hoc sacramentum peccata remittuntur, S. 44, 1. iustificatio donatur, S. 49, 3. sanctificationis virtus confertur, Ep. 159, 7. salutis ianua aperitur, Ep. 166, 1. et spes vitae aeternae reparatur. Ep. 108, 2. Unde autem hanc virtutem acceperit baptismatis sacramentum, (quod inter sacramenta ecclesiae principale est, Ep. 16, 1.) multis verbis exponit LEO Ep. 16. Nonnulli scilicet recedentes a more tum temporis consueto, in natalibus martyrum (Ep. 168, 1.), inprimis vero in festo Epiphaniae die, quo ad Iohannis baptismum Christus accessisse putabatur, baptismum celebrabant. Contra hos LEO canonem, qui nemini, exceptis tamen periclitantibus, baptismum dari permittit, nisi festis paschatis et pentecostes diebus, ita vindicat, ut statuatur, eum esse legitimum celebrandae generaliter gratiae diem, in quo orta sit et virtus muneris, et species actionis. Istam igitur legem, ut stabiliat, docet, 1) regenerationis gratiam coepisse ex resurrectione Christi, qui potentiam regenerationis tunc san-

xerit, quando de latere ipsius profluxerunt sanguis
 redemptionis et *aqua baptismatis*; in *morte* itaque *cru-*
cifixi, et in *resurrectione* mortui, baptismum ex ve-
 teri condere novam creaturam. 2) In die Pentecostes,
 per similitudinem formamque mysterii, ea quae ge-
 runtur in membris, congruere his, quae in ipso sunt
 capite gesta; quoniam in baptismo et *mors* interve-
 niat interfectione peccati, et *sepulturam triduanam*
 imitetur trina demersio, et ab aquis elevatio *resur-*
gentis instar sit de sepulcro. Cum hac vero solenni-
 tate solum comparari posse pentecostes festum, ex
adventu spiritus s. sacratum etc. Haec argumenta effi-
 cere quidem poterant, ut consuetudo ista, quam ser-
 vari volebat LEO, videretur non omni ratione carere;
 attamen tota disputatio nequiquam evincit, non licere,
 per rei naturam, alio tempore baptismum celebrare.
 Ceterum longe abest LEO ab eorum opinione, qui
 per baptismum putant labem peccati congeniti totam
 auferri. Aboletur reatus, labes ipsa non aufertur pe-
 nitus. Vid. S. 18, I. 90, I. 93, I. 44, I. Quare si
 quae forte sint LEONIS locutiones, quae in contrari-
 am sententiam quodammodo trahi possent, (v. c. Ep.
 39, 4. in baptismo hominem exui contagio damnatae
 vetustatis,) eae ex his, quos indicavimus locis, inter-
 pretandae sunt. Eos denique homines, qui non ba-
 ptizantur, *manifeste perire* statuit. Ep. 166. 167, 16. *Ab*
haereticis vero baptizatos formam tantum baptismi,
 sine sanctificationis virtute, accepisse putat; curan-
 dum itaque esse, ut per episcopalem manus impositi-

onem sancti spiritus virtutem consequantur. Ep. 159, 7. 166, 2. 167, 18.

§. 49. Expositis iis quae ad baptismum pertinent, de *sacra coena* aliquid iam est dicendum. I. Omnibus fere nota et innumeris excitationibus celebrata est ista de mutilatione eucharistiae, a *Manichaeis*, *calicem recusantibus*, perpetrata, LEONIS narratio. Commemorat Manichaeos ita in sacramentorum communione se temperare, ut interdum, ne penitus latere non possint, Christi corpus accipiant, sanguinem autem haurire omnino declinent; hoc eos indicio posse dignosci; omnes vero quorum deprehendatur sacrilega simulatio, a sanctorum societate esse pellendos. Est itaque ex his, quae S. 42, 5. leguntur, luce meridiana clarius, illis temporibus in romana ecclesia eucharistiam *sub utraque*, ut loquuntur, specie celebratam esse, nec solos clericos, sed christianam etiam plebem et omnes indiscrete laicos, praeter panem, poculum etiam accepisse benedictum. II. Si quis quaerat: utrum spirituales tantum fruitionem, an vero realem corporis et sanguinis Christi in s. coena praesentiam LEO docuerit; recte respondetur, *realem* eum admisisse *praesentiam*. Minus tamen recte videtur procedere eorum argumentatio, qui ad demonstrandum LEONIS consensum cum nostrae ecclesiae doctoribus, ad eos huius auctoris locos provocant, in quibus ex eucharistia argumenta desumit, ad defendendam contra Eutychianos veritatem corporis Christi humanaeque eius naturae. Deus enim, pro summa sua veritate, non potest signum dare, si id quod per

signum repraesentari debet plane non existit, nec quicquam est praeter phantasma merum, oculos mortalium fallens. Quare, sive verè nobis in eucharistia *verum* porrigi dicas *corpus*, sive *signum* tantum corporis absentis et inadespectabilis adesse statuas, ex utraque tamen sententia recte poteris hoc efficere, Christum habere verum corpus. Hinc Tertullianus cum *advers. Marc.* Lib. 4, c. 40. verba Domini, *hoc est corpus meum*, ita interpretatus esset, ut *figuram* corporis intelligendam esse monuerit; ⁸⁹⁾ addit: *figura* autem non fuisset, nisi veritatis (verum) esset corpus. Sed alii non desunt LEONIS loci, qui manifeste ostendunt, realis praesentiae eum fuisse patrònum. Nam S. 91, 3. sic sacrae mensae, inquit, communicare debetis, ut nihil prorsus de *veritate corporis* Christi et sanguinis ambigatis; hoc enim *ore* sumitur, (similiter S. 42, 5.) quod fide (quae Eutychianos errores, quorum in antecedentibus habetur mentio, damnat) creditur. Et S. 63, 7. scribit: non aliud agit *participatio corporis et sanguinis Christi* (conf. Ep. 41, 1.) quam ut in id, quod sumimus, transeamus. — Et Christum per omnia et spiritu et carne gestemus. Conferenda etiam sunt, quae Ep. 59, 2. de hac re habentur. Quod vero hoc, quem modo excitavi, loco, eucharistia describatur per mysticam distributionem spiritualis alimoniae, et communicantes accipere dicantur coelestis cibi virtutem; neminis animo scrupulum iniicere de-

89) Conf. S. V. EUSEBII libellus qui *Antimuratoriis* inscribitur p. 82.

bet. Hic enim locus ex illis optime et facillime explicari potest clarioribus, quos supra laudavi. III. Etsi sacrificium eucharisticum aliquoties commemoret L E O, tamen a me non possum impetrare, ut eum assertorem fuisse statuem illius dogmatis, (cuius hic ibi quaedam vestigia seculo 6. apparent, licet sine iusta ad nos auctoritate,) quod in eucharistia vere et proprie Christum pro hostia immolari, et a sacerdote offerri Deo patri, docet. Nam, nisi in omnibus, certe in plerisque antiquissimorum scriptorum locis, in quibus, ubi de eucharistia sermo est, hostiae, sacrificii, immolandi, offerendi verba commemorantur, ea horum vocabulorum significatio, secundum iustas interpretandi regulas, locum habet, quae tropica est, nec quicquam plerumque indicat, quam quod munera sive dona fidelium, vinum et panis, destinata sint eucharistiae; in qua sacrificii a Christo peracti memoria celebretur, est sacrificium laudis ac gratiarum actionis Deo offeratur. Ab hac itaque verborum significatione, quae licet impropria sit, usitatissima tamen, ne dicam unica, est, quae in libris vetustiorum patrum deprehendatur; ab hac, inquam, nisi nos cogat aliqua necessitas, recedendum non esse arbitror. In L E O N I S certe locis nihil non modo obstat, quominus locutiones, quae ibi occurrunt, improprie i. e. secundum communem loquendi consuetudinem, usurpatae esse existimemus; verum in singulis praeterea (si S. 66, 2. et Ep. 156, 5. excipias, ubi sacrificii et oblationis verba sine ulla adiunctione aut declaratione leguntur,) non deest aliquod indicium, ex quo valide

colligas, tropice locutam esse LEONEM. Ep. 9, 2. *Populus* dicitur sacrificium offerre; S. 91. 3. sacrificii oblatio coniungitur cum ieiuniis, eleemosynis et misericordiae largitione, et munda esse dicitur, si quidem ii, qui ista *dependunt*, quod operantur *intelligunt*; hoc est, ut ex contextu patet, si accedentes ad sacram mensam nihil prorsus de veritate humanae Christi naturae, aut de vera praesentia corporis in eucharistia, ambigant. Ab iis vero, a quibus contra id, quod accipitur, (verum puta corpus,) disputatur, frustra *amen* respondetur, et frustra dona (panis et vinum) *offeruntur*. Porro quae S. 59, 3. habentur, optime de hostia Deo in cruce offerenda explicantur. Nimirum in sacramenti institutione docuit Christus, idem pontifex idemque hostia, quod *se ipse* oblaturus sit Deo patri. Denique locus S. 59, 7. qui maximam omnium habet speciem, dubius saltem est, et tropum admittit. Dicit LEO: Nunc etiam (in N. T.) carnalium sacrificiorum varietate cessante, omnes differentias hostiarum, una corporis et sanguinis tui implet oblatio etc. Quoniam vero *crucis* mentio praecedit, facile possunt ista intelligi de illo sacrificio novo foederi proprio, quod Christus semel quidem patri obtulit in cruce, cuius vero vis perpetua est, et memoria in s. coena a nobis celebratur. Sic omnia non solum apte cohaerent, sed cum caeteris etiam auctoris locis amice conspirant. IV. *Indigni* etiam corpus et sanguinem Christi accipiunt S. 42, 4. 54, 3.

§- 50. Si eos LEONIS locos, in quibus de *dignitate Petri* et eius *successorum*, ac de *primatu* caeteris-

que privilegis romanorum pontificum agitur, indicare atque observationibus, vel parcius adspersis, illustrare vellem, perpetuus fere in LEONEM commentarius mihi foret conscribendus. Avidissime enim ille omnes, minimas etiam, amplectitur occasiones, Petri laudes canendi, et praerogativas celebrandi romanorum praesulum, quos istius vice fungi S. 3, 4. sub illius nomine ecclesiae praesidere Ep. 61, 2. et universae ecclesiae ex divina institutione suam sollicitudinem impendere Ep. 12, 1. narrat. Nostrae vero brevitati nostroque consilio convenientissimum esse videtur, omnem istam causam, quae partim ad dogmaticum locum parum verae utilitatis affert, partim verbosiorrem requirit discussionem, missam facere.

§. 51. Indicabimus potius, antequam finem imponamus huic dissertationi, quid de lege mosaica eiusque abrogatione senserit Noster auctor. Putavit autem ille, cessantibus significationibus, quibus salvatoris nunciabatur adventus, et peractis figuris, quas abstulit ipsa praesentia veritatis, ea quae vel ad regulas morum, vel ad simplicem Dei cultum ratio pietatis instituit, in eadem apud nos forma, in qua sunt condita, permanere, et ea quae utrique testamento erunt congrua, nulla esse commutatione variata; S. 71, 1. per evangelium gratiae enblatum quidem esse legis velamen, sed non destructa esse eius instituta; mandata et praecepta moralia, quae non aliud insinuant quam loquuntur, et terribiliter sunt prohibita aut salubriter imperata, non aliter ex legalibus institutis veneranda a nobis esse, quam ex evangelicis edictis;

S. 20, 1. apostolicam enim institutionem ex decretis V. T. haec ista decerpisse, ut quae dudum fuerant consuetudinis iudaicae, fierent observantiae christianae, et antiquae retinerent auctoritatis firmitatem; S. 92, 1. crevisse vero, remota mysticae legis asperitate, voluntariae observantiae utilitatem; multa etiam in praeceptis moralibus prioris testamenti aucta esse evangelico magisterio, ut perfectiora et lucidiora essent dantia salutem, quam promittentia salvatorem. S. 63, 5. (*Eadem Irenaeus etc.*)

Ex hac legum iudaicarum theoria illud in primis efficere conatur LEO, *ieiunia* in V. T. Iudaeis praescripta sub novi foederis oeconomia esse servanda. S. 15, 2. 20, 1. 92, 2. Meam ego sententiam de hac re his observationibus complectar. 1) *Opinio LEONIS* de ieiuniorum, eorum praesertim, quae certis ac statis temporibus instituuntur, necessitate, a legis mosaicae praescripto ducta, oppido nihili est. Nullum enim statum ieiunium Iudaeis per Mosen indictum erat, praeter illud, quod in die expiationis annua celebrari solebat. Sed si qua veteris test. caerimonia ad Christum respexit, haec certe ad eum referenda est. Caetera ieiunia imperata non sunt, nisi in quantum temperantia generatim et sobrietas omnibus hominibus praeceptae sunt. Tota ista theoria dubia est et rarissimi tantum usus. Quotus enim quisque est, qui cum caeteris theologis sacrisque interpretibus in definiendo typorum, qui Christum adumbrabant, numero consentiat? Quilibet itaque pro suo arbitrio pauciora plurave instituta V. T. aut impleta aut

adhuc implenda esse existimabit. 3) Si per *moralia* Mo-
sis praecepta ea intelligantur, quae repetunt quasi, et
uberius declarant legem naturae: magis mihi placet
haec distributio, quae moralibus mandatis caeteras
omnes mosaicas leges opponit, quam altera illa nimis
arbitraria et nullo fundamento certo superstructa,
quae legem a Mose latam dividit in moralem, caer-
imonialem et civilem. Haec sane distinctio innume-
ras difficultates easdemque paene insuperabiles adfe-
rens nec ullo ipsius Mosis indicio, nec alius cuius-
dam sacri scriptoris testimonio nititur, nec potest e
legum varia, et quidem triplici, natura rite probari.

4) Nimirum *moralia* Mosis mandata, h. e. *legis natu-
ralis* praecepta per Mosen apud Israelitas repetita, ne-
mo migrat impune; caeterae vero omnes *mosaicae* le-
ges ad nos non pertinent. Sed ne ad illa quidem man-
data, quae perpetuo ab omnibus servanda sunt, quis-
quam per ipsam legem Mosis, (utpote quae Iudaeis
tantum data est) obligatur; sed omnis, quae iis inest,
obligandi vis imponitur per immutabilem atque ae-
ternam naturae legem. 5) Neque tamen ideo nullum
nos possumus ex ista lege Mosaica utilitatis fructum
capere. Cum enim in mosaicis scriptis purissime ac
valde perspicue naturalis legis exponantur praecepta,
e limpidissimo hoc fonte in compendio hauritur isti-
us legis cognitio. Caeterum omnia officia permanent ea-
dem; tantum ab alia obligatione aliaque lege ducuntur.

Atque hic quidem finem faciam scribendi, non-
nulla brevitatis studio praetermittens, quae de san-
ctorum intercessionibus eorumque invocatione, de

poenitentia atque satisfactione, de confessione privata, de meritis bonorum operum, de fœnore aliisque similibus causis: ut et de aliis ad disciplinam ecclesiasticam pertinentibus momentis, observari adhuc possent. Quodsi vero nonnulla e LEONIS scriptionibus a me observata aut disputata fuerint, ad illustrandam dogmatum christianorum historiam non prorsus inutilia; aut si meo saltem exemplo qualicunque alios incitavero sacris studiis deditos, ut patrum volumina diligenti manu versent, et in alios antiquissimorum doctorum libros idem studium, quod LEONI ego pro mea mediocritate impendi, conferant: tum vero operae me pretium fecisse, nec inanem plane laborem, hunc libellum conscribendo, sustinuisse me arbitror.

Carissimo Griesbachio s. p. d. Io. Sal. Semler.

Etsi vel longi temporis auctoritate quasi niti videtur illa consuetudo, quae libellos academicos, huius generis, publicis litteris vix patitur destitui, quibus ii varîe laudentur, qui hanc personam auctoris, quam tuo iure omnem geris, vel mentiri non raro solent: tamen huic ego consuetudini iam profecto obsecutus non eram, amicissime GRIESBACHI, nisi ipse statuissem TIBI aliquam me epistolam negare hoc tempore non posse.

Atque hic ego primum ultro fateor, non omne me epistolae argumentum arripere, quod se varium facile offerebat; nec, licet ingenuam et liberalem merearis laudem, publice ei rei iam praecipuam operam dabo; cum satis sciam, (tam saepe repetunt quidam de me sive querelas suas sive suspensiones,) quo studiosior in TE fuerit, epistolam meam apud multos TIBI eo magis obstare; ad favorem autem TIBI suscitandum nihil prodesse. Quo fato cum fere continuo utar, non abiicio quidem liberalem mentem et studiorum, quae nostris commendare audebam, sancte susceptum amorem: συνεχομαι tamen τῷ πραγματι καὶ τῷ λόγῳ. Nempe et hoc TIBI do, ut quasi rem aliam agens, his

graecis verbis tandem melius simul explicem istam sententiam, Actor. 18, 5. quam eximii etiam viri, ut gregem commentatorum non commemorem, non behe capiunt; ob falsam descriptionem, quae *excusos omnes libros nostros occupat*; (συνερχετο τῷ πνεύματι, legendum est, quod ex scribendi compendio in πνεύματι olim mutabatur, πραγμάτι, pro quo alii multi clarius legunt τῷ λόγῳ) quo uno exemplo saltem commovebo praecipites rerum (quas nec attingunt, nec intelligunt plerique,) iudices, ut aut parcant invidiosis in me sententiis, aut si quidem soli sapiunt, vel hanc novam (quia vetusta sola perplacent,) illustrationem refutare, et explicare aliam lectionem ex alia velint; nec sacrilegium statim et piaculum mihi tribuant, quem meliora docendo emendare poterant. Sed eo in loco fere sunt ista studia, quae tu ipse, ut quidem illa scriptione prodixi, non me demum ductore, amare atque amplecti videris. Nam lubens fateor, tua esse illa omnia; a me, si paucos libros excepero, nihil quicquam adiutus fuisti, cum scriberes; pleraque adeo Lipsiae iam paraveras. Equidem facile intelligo, cum tam multis doctissimorum virorum praeceptis in rem tuam gnauiter plures per annos usus fueris, te iam ipsum theologiae eruditionis iustum ambitum propius cognovisse. Neminem profecto poenituerit habuisse te discipulum; iam inde a Gymnasio *Frankfurtensi*, quod meritis- simos Rectores, *Albrechtum* et *Purmannum* studiorum meliorum initiis praefecerat, *Tubingenses* doctissimos Theologos, Venerab. *Reussium*, *Cottam*, *Sarto-*

rium TVI numquam puduerit. In *Fridericiana* nostra operam eandem dedisti V. *Knappio*, *Noesseltio*; illustri *Segnero*, *Stiebritzio*, *Meiero*; lectionibus etiam interfuisti doctissimi *Schultzii*, *Foersteri*, et meis non paucis. *Lipsia* vero, nam et illam litterarum sedem adiisti, TIBI facultatem dedit S. Venerab. *Ernestii* (quem semper honoris caussa ego nomino;) V. *Crusii*, doctiss. *Ernestii*, *Schrœkhii*, *Mori*, elegantissimi et optimi *Gellerti*, nec eruditissimi *Reiskii* arabica institutione caruisti. Tot eruditissimorum atque integerrimorum virorum praeceptis institutisque, et ad eruditionem divinam humanamque, et ad virtutem ingenuam ita informatus es, ut a me, quod TIBI accederet, vix quicquam fuerit.

Sed nec domestica quasi decora atque incitamenta TIBI defuerunt. Nam vel *avita* illa pietas, et bene de theologia eruditione merendi perpetuum studium, quidni TE inde a pueritia simili mente implevisse credatur? Qui ignorare poteras V. *parentis* illam et gratam in *Rambachium*, et publice frugiferam diligentiam, pluribus libris procuratis saepe spectatam? *Eximiae* autem *Rambachiae*, lectissimae *matris*, exemplum, liberalis in Deum et hominem pietatis, contentionemque vel muliebrem sortem superantem, quomodo quotidie spectabas, et amare TV non poteras? His igitur virtutis ingenuae et adiuventis et exercitiis dives ad nos accessisti; *eximii* autem *peculii*, quod scio et laetor, hic amisisti nihil; spero adeo et confido, TUAM ipsius conscientiam TE excitare ad Deum eo studiosius am-

plectendum, quod illa TE vel de eo certiore faciat,
 non accessisse apud nos nihil ad animi bonam in-
 dolem, et christianae sapientiae consuetudinem.
 Ego certe non dubito, TE etiam aliis, si id ex TE
 scire velint, confirmaturum, errare illos, qui forte
 putent, temeritatis aut levitatis theologiae TIBI
 non defuisse, qui mecum iam habitares, et me
 propius spectares, varia exempla. Nam, etsi mihi
 non sumo, ut pietatem christianam vel sermonibus
 meis, vel vultu adeo suasore, certo statim ingeram;
 qua facultate si qui polleant, magnopere, Dei et
 communis rei causa, ut me decet, eis gratulabor:
 nemini tamen, sciens et volens, scandalum oggero,
 et pro meo modulo εὐσεβειαν christianam quotidie
 melius cognoscere et aliis, sine sedulo strepitu,
 praecire studeo. TU iam, amicissime GRIESBACHI,
 utere et fruiere tot Dei in TE collatis et, si ipse re-
 cte pateris, porro conferendis beneficiis, non solum
 in TUAM ipsius rem, sed et in aliorum, quibus
 cum tempore et loco coniunctus fueris, commo-
 dum: ut Dei sanctum honorem feliciter cum in-
 genua eruditione coniungi, expertus ipse, aliis faci-
 lius persuadeas. Tandem, nisi silentio eam rem
 inbes premere, amplissimae facultati TE gratulor,
 philosoph. honorum candidatum. Macte illa virtute!
 Commenda isto TUO commilitonumque eximiorum
 exemplo, ad alios *Moeni Rhenique* accolae, Frideri-
 cianae nostrae salubrem consuetudinem. Vale, me-
 que, ut facis, si recte id facere porro potes, ama,
 Dab. in Fridericiana regia d. 19. Febr. 1768.

II.

*De fide historica ex ipsa rerum quae nar-
rantur natura iudicanda.*

Praeside

Ioan. Friederico Stiebritz

*Pro summis in philosophia honoribus rite capessendis
die XXII. Octobr. MDCCLXVIII.*

publice disputabit auctor

Ioannes Iacobus Griesbach.

§. 1. Fides historica duobus nititur fundamentis; quorum alterum, historiae proprium, ea sub se veritatis signa comprehendit, quae a testium dexteritate atque sinceritate repetuntur; alterum, omnibus litterarum disciplinis quodammodo commune, ea complectitur, quae ex factorum, quae traduntur, ipsorum natura duci posse videntur. Ista igitur externa veritatis criteria, e quibus testium auctori-

tatem aestimare solemus, brevitatis causa, *historica* nominabimus; quae vero ex rerum ipsarum natura et indole, earumque possibilitate, probabilitate interna, quae e testimonio non pendet, aut denique necessitate eo consilio sumuntur, ut per ea argumentorum historicorum auctoritas vel confirmetur vel infringatur, haec omnia *philosophicorum* nomine nobis venient. Signa historica, ex quibus veritatem rerum factarum nos diiudicare oportet, brevissime ita complecti poteris, ut cum S. V. ERNESTI iis dicas fidem esse habendam, qui rem, uti est vel gesta fuit, non potuerunt non scire, aut saltim eius cognoscendae idoneam facultatem habuerunt; quique eam, vere dixisse eo putandi sunt, quod vel necessario eam uti sciebant, dixerunt, id quod in eos cadit, qui litteris publicis eam iussi sunt mandare, vel quod nulla re, quominus vera dicerent, impediti fuerunt, idoneas vero causas, quare vellent dicere, habuerunt. Quae omnia copiose atque eleganter, ut solet, enucleavit V. ERNESTI in dissertatione *de fide historica recte aestimanda*. Criteria autem veritatis historicae philosophica, quorum cognitio exquisitior magni profecto momenti est, nemo, quod sciam, copiose satis et accurate exposuit; sed omnes fere primis tantum, ut dicitur, digitis in transitu hanc causam attigerunt. Conabimur ergo nos potiora momenta, quorum consideratio in aestimanda historica fide praeter caeteris saepenumero utilis, ne dicam necessaria, est, breviter indicare. Quam tractationem ita instituemus, ut primo huius generis criteria quatenam

sint exponamus, deinde de eorum pretio in cognoscenda iudicandaque veritate pauca disputemus.

§. 2. Quoties veritas narrationis cuiusdam ex ipsius, quae narratur, rei natura diiudicanda nobis proponitur, omnium primum dispiciendum est, an res ita esse aut fieri potuerit, ut esse aut gesta fuisse dicitur. Cum itaque omnia, quae possible sunt, aut intrinsecus tantum, aut extrinsecus quoque et cum conditione, possible sint; de utroque genere aliquid monendum esse videtur. Quod ad prius attinet, quod ea complectitur, quae simpliciter, et per se sunt possible, consideratio eius in examinandis historicorum narrationibus rarius aliquem usum habet; quia paucissimi eo progrediuntur demeritiae, ut ultro talia pro veris narrando, quae ne per se quidem a repugnantia libera sunt, deridendos se nobis praebeant. Quare, ut in internam hanc factorum possibilitatem anxie inquiramus, opus plerumque non est; praesertim cum eorum, quae per se aduata sunt, repugnantia in hoc rerum genere, facile cuilibet adpareat. Possibilitas itaque interna rerum, quae narrantur, pro concessa recte ponitur, dummodo nihil adsit, quod, ut in dubium eam vocemus, vel prorsus negemus, nos admoneat. Cuius generis si quaedam occurrunt, ea ante omnia ita sunt diluenda, ut ostendatur, vana ea esse atque futilia. Attamen fieri nonnunquam potest, ut ipsa etiam interna facti cuiusdam possibilitas non solum ab obiectionibus curate vindicari, sed plenius etiam explicari debeat. Sunt enim nonnulli, quibus nihil tam certum est atque exploratum,

quin, congestis undique levissimis argumentis, in dubitationem id vocare audeant. Cum primis vero haec de possibilitate quaestio multa et accurata circumspectione indiget, si miraculorum veritas ad examinandum proponitur. Non possumus non hac occasione eos reprehendere, qui quoties de *eventu insolito*, sibi nondum viso, audito aut observato aliquid inaudiunt, statim ad impossibilitatis accusationem prouunt, non perpendentes, ante ipsos pariter atque sua ipsorum aetate, praesertim in aliis regionibus, longe plurima exstitisse atque etiamnum existere, quorum in notitiam nondum pervenire potuerunt. Male hi homines a particulari concludunt ad universale.

§. 3. Altera huius quaestionis pars altioris est indaginis. Non enim sufficit ad probandam narrationis cuiusdam possibilitatem, ostendisse, rem, quae traditur, per se et simpliciter esse aut fieri posse; sed dispiciendum inprimis est, num *extrinsecus possibilis* ea sit, nec repugnet aliis rebus externis, cum quibus coniuncta fuisse fertur. *) Eum igitur, qui rem ita, ut narratur, fuisse aut gestam esse contendit, docere etiam oportet, fieri eam potuisse hoc in loco, hoc tempore, ab his hominibus, hoc modo, et si qua sunt huius generis alia, quae in quaestionibus de factorum veritate in censum venire debent. Interim oratione, longo anfractu circumscripta, ut, explanentur et sigil-

*) Pugna singularis partium, internarum pertinet ad impossibilitatem absolutam. Huc tantum pertinet pugna cum circumstantiis, s. rebus externis.

latim expendantur, isthaec omnia in singulis casibus, necesse non est, nisi habeas, quod dubitationi locum praebeat, et ad examen accuratius instituendum te invitet. Hic tamen probe tenendum, scriptores, qui leviter tantum rem quandam attingunt, neque eorum, quae circumstant, copiam suppeditant; aut qui alieno loco extra nexum eius mentionem aliis rebus interspergunt, disquisitioni huic locum vix relinquere. Fuerunt enim antiquioribus pariter et recentioribus temporibus nonnulli, qui mendacia et nugas pro veris hominibus persuasuri, saepe de industria aut nullas omnino, aut paucas res, factum quod commenti sunt circumstantes, commemoraverunt; eo usque, ut neque locorum neque temporum mentionem ullam fecerint. Fieri enim vix potest, ut tam aptus sit aliquis mendaciorum artifex, ut, narrationi copiosae, quae plene totius rei modum ac rationem persequitur, nihil admisceat, in commemoratione circumstantiarum s. externarum rerum: de partibus quasi internis non loquimur h. l., quod a toto orationis tenore abhorreat, et peritis harum rerum arbitris suspicionem mendacii moveat. Si vero omnia, quae de re aliqua enumerantur, amice inter se conspirent, neque quicquam in ea sit, quod cum caeteris narrationis partibus tam externis quam internis pugnet; dubitare non poterimus, quin res ita esse atque fieri potuerit, tam in se, quam in coniunctione cum iis, quae proxime eam circumstetisse traduntur, considerata. Possibilitas enim hypothetica occupat absolutam.

§. 4. Sed latius adhuc patet hic de possibilitate, quae conditionem adiunctam habet, locus. Quamquam enim in narratione quadam omnia apte cohaerent, si eam in toto suo ambitu, tam interno quam externo, sed solam, spectes; contingere tamen nihilominus potest, ut ea sit impossibilis, Quod fit, primo, si res narrata pugnat cum aliis, quas illam certo scimus vel antecessisse vel consecutas esse.*) Cum enim non solum omnium, quae sunt atque fiunt, aliqua datur causa, ex qua intelligitur, rem ita esse fierique potuisse; verum etiam nihil tam sit sterile atque infructuosum, quin eo posito sequantur alia, quorum ratio ex illo reddi possit: igitur patet, ad diiudicandam rerum gestarum possibilitatem et impossibilitatem, non minimi momenti esse hanc antegressorum et subsequutorum comparisonem. Quae nimirum in antecedentibus nullam habent causam, ea naturaliter impossibilibus sunt adnumeranda. Valet igitur hic philosophorum ea lex, qua casum caecum, quem purum etiam nominant, e mundo exterminarunt: quacum arcte coniunctum est illud eorum decretum, quo negant, quicquam posse per saltum fieri: ubi tamen sedulo distinguendus est saltus, quem absolutum vocare consueverunt, ab eo, qui respectivus dicitur, et, concessa eventuum miraculorum possibilitate, admitti debet; quem in eo positum esse

*) Quoniam hoc interdum aliunde scimus quam ex ipsa narratione, sigillatim hoc erat indicandum.

docent, quod nonnulla eveniant sine causa proxima naturali atque ordinaria. Huic cautioni subiungimus aliam. Cum scilicet multa plerumque lateant, quae rem propositam ategressa sunt; non satis tuto huic argumento, quod ex rerum antecedentium pugna duci posse videtur, innitimur, (reddat rem narratam tantum improbabilem, nisi pugna cum antecedentibus sit indubie certa) praesertim, quia ad qualemcunque possibilitatis assertionem et defensionem, nisi graviora obstant, sufficere possit hypotheseos cuiusdam excogitatio, qua posita intelligi posset, rem sic fieri potuisse. Lucem ex his accipere possunt tum ea, quae subito contingunt, tum vero etiam illi rerum eventus, qui, licet ex parvis causis orti sint, in se tamen maxime spectabiles sunt, et gravissima simul secum vehunt consecutaria. Interim augetur haec impossibilitatis suspicio, ex causarum ignorance orta, (§. 14.) si tantum abest, ut ex iis, quae eventum praecesserunt, eius possibilitas intelligatur, ut potius illis positis eius contrarium omnino videatur evenire debuisse, aut si probabili ratione ostendi potest, causas, sine quibus res esse aut fieri nequit, nec adfuisse nec potuisse adesse. Sed multum difficultatis habet haec quaestio, quaenam sint istae causae, sine quibus fieri aliquid non possit? Ii hac in re ad iudicandum sunt aut soli aut sane maxime idonei, qui hominum mores atque ingenium penitus norunt; et, quibus rebus homines solent ad agendum impelli, sciunt, quique rebus gerendis ipsi saepius interfuere, ac experientia magistra didicerunt, quibus modis at-

que rationibus res quaeque fieri possit. Eadem fere est ratio eorum, quae rem secuta sunt; quae si omnino repugnant ei rei, de cuius possibilitate disputatur, hanc ad *ἀδύνατα* redigunt, si quidem ipsa extra dubitationem posita sint.

§. 5. Deinde impossibilitatem rerum narratarum intelligimus ex earum *pugna cum veritatibus aliunde cognitis*; quo repugnantiarum genere nullum paene plures habet difficultates. Si tamen exacte inquiras, utrum nullo prorsus modo pugna haec componi possit, an vero repugnantiae tantum adsit vana opinio; si praeterea dispicias, num qua forte exceptio a vulgaribus regulis hic admittenda sit; denique si pondus argumentorum, quae tum ad asserendum tum ad impugnandum ex utraque parte proferuntur, absque omni partium studio expendas, tibi que ab opinionibus praeconceptis caveas: plerumque sane poteris libenter feliciter dirimere. Oritur porro *impossibilitatis* quaedam species ex *moribus hominum*, quae hinc *moralis* a nonnullis dicitur. Nempe non temere eo deveniendum est, ut v. c. vir, quem sapientem, bonum, iustum, honestum, scelerisque purum esse certo novimus, aliquid admisisse credatur, quod cum moribus eius ita bene compositis non consentiat. Idem valet de opinionibus, quibus aliquem duci scimus. Ut vero mores et opiniones alicuius penitus pernoscantur, utile est considerare eius indolem, patriam, educationem, vitae genus, fautores, adversarios etc. In iudicandis actionibus singulis iuvamur praeterea investigatione consilii, quod quis in agendo maxime

secutus est. Quam parum autem his argumentis in rebus historicis tribuere liceat, fugere non potest eos, qui non ignorant, nihil magis esse varium, mutabile et incertum, quam mores hominum animorumque commotiones. Quid? quod de his rebus plerumque nihil certi memoriae proditum est, nec habemus, cui tuto inniti possimus. Quare nisi alia signa falsitatis afferat, qui rem aliquam enarratam impugnatur; parum eum iuvabit provocare ad repugnantiam adversus mores illi alias consuetos, a quo gesta ea esse dicitur. Improbabilem eam quodammodo reddet; impossibilem eam esse, vix ac ne vix quidem evincere poterit, quoniam altera syllogismi propositio tantum est probabilis, non necessario vera. Denique si narratio quaedam repugnat in essentialibus aliis eiusdem auctoris effatis; tum cernitur, aut haec aut illam pertinere ad *ἀδύνατα*. Quae enim inter se pugnant, locum simul invenire nequeunt. Utra vero narrationum reiicienda sit, ex aliis veri falsique signis iudicandum est. Idem tenendum de contrariis plurium historicorum de eadem re testimoniis. Utrosque enim vera dixisse, impossibile est.

§. 6. Ex iis, quae hactenus dicta sunt, facile est intellectu, quid sit in rebus historicis possibile, quid *ἀδύνατον*, tum simpliciter, tum cum conditione. Nonnulla tamen, quae de impossibilibus observanda sunt, pressius adhuc exponere libet.

I. Reperta qualicunque in rebus earumque conjunctione repugnantia, nondum satis certi sumus de totius rei impossibilitate; praesertim si res non solum

perse et intrinsecus possibilis est, sed caetera etiam, sc. praeter unum hoc, quae de ea traduntur, concentu quodam mirabili conspirant. Quam ob rem sedulo dispiciendum est, ne ea, quae repugnantiam quandam involvere videntur, nec vere involvunt, ἀδυνάτων loco habeamus. Ex his triticis ut nos facilius expedire possimus, opus est duplici potissimum subsidiorum genere, quorum alterum e criticorum disciplina, alterum ex iustae interpretationis legibus petitur. Critica ars saepissime in superandis hisce difficultatibus mirifice nos iuvat. Oriuntur enim eae saepenumero ex mala lectione librorum corrupte exaratorum. Qui igitur documentis veterum historicorum medicam manum adhibuerunt, et tum genuina vetustatis monumenta a fictitiis atque supposititiis, et ad antiquitatis speciem effictis, probe discreverunt, tum veras lectiones in locum falsarum substituerunt; hi profecto historiam universam, ut ab aliis difficultatibus, ita etiam permultis adparentibus repugnantibus, multarum altercationum eruditarum causis, liberasse putandi sunt. Sed multa adhuc beneficia sperare licet ex studiis criticorum, praecipue in nominibus hominum atque locorum et numeris emendandis. Saepissime enim librariorum aberrationes, his in rebus praecipue et faciles et crebrae, intricata ac incredibilia reddunt ea, quae plana essent et ad fidem prona, dummodo huiusmodi vitiis carerent historicorum libri. Sed ex iusta interpretatione locorum difficultiorum, cuius mentionem secundo loco feci, utilitatem percipiunt veritatis historicae existimatores non mi-

norem ea, quae e criticorum industria in eosdem redundat. Quemadmodum enim ex falsis interpretamentis verbrum ac formularum, quibus in narrando utuntur historici, innumerae difficultates plurimique errores originem suam duxerunt; ita ex uno hoc fonte plerorumque *ἐναντιοφάνων* compositio manat. Quid enim? Nonne multas repugnantias, non veras quidem, sed opinatas, at satis tamen speciosas, conciliare is poterit, cui cognita est atque perspecta historicorum, e. g. Evangelistarum consuetudo, unam eandemque rem varia ratione, nec semper summa cum *ἀκριβεια*, narrandi? Quam igitur ineptus veritatis historicae iudex esset, qui, ut unum hoc afferam, temporum discrimina servare haud didicisset? Nam nostris temporibus multa possible sunt, quae ante aliquot secula, nedum antiquissima mundi aetate, impossibilia erant: numerosi exercitus, aedificatio classis paucis diebus perfecta; heroismus in profundenda vita pro patria, ortus ex moribus v. c. Lacedaemoniorum et educatione a nostra longe diversa; et vicissim, multa nunc sunt incredibilia, quae tum temporis fieri poterant. Similiter regionum, populorum, gentiumque varii mores diversaque indoles nunquam ex oculis est amittenda. Sed huiusmodi praecepta utilissima permulta quilibet facile inveniet in optima quaque ad interpretationem iustam institutione.

II. Iam si his aliisque adminiculis, licet sedulo adhibitis, tamen effici nequeat, ut res a repugnantia libera sit, aliquid monstri intus ali videtur. Non omnis tamen repugnantia tanti est aestimanda, ut to-

ta narratio ob eam prorsus abiiciatur, aut fictionibus tota adnumeretur. Certe in narrationibus rerum, antiquissimo tempore gestarum, huiusmodi repugnantiae deprehenduntur, e quibus cogi nec potest nec debet, eas esse impossibiles. Cum enim ob ipsam rerum enarratarum vetustatem multa nobis nunc sint obscurata et nodis indissolubilibus implicata, quae, nisi abolevisset temporis iniuria rerum multarum, illa circumstantium, memoriam, plana essent atque aperta: magna cautione opus est, ne ea impossibilia esse temere pronunciemus, quae nequeunt discussius a nobis explorari exactiusque examinari. Tale quid accidere etiam potest in iudicio rerum, locorum intervallo admodum a nobis remotarum. *) Accedit, quod in rerum gestarum expositionibus falsa non raro veris sint admixta. Quod quoties ita esse videtur, dispiendum est, utrum contrarietas, quam deprehendimus, ita sit comparata, ut per eam rei totius veritas tollatur, an vero, resectis repugnantibus, caeterae narrationis partes non omni veritate destituantur. In diiudicando diverso hoc repugnantiarum pondere, quia non omnia ex iisdem semper fontibus manarunt, quae de re aliqua dicuntur, maxime prodest considerare, unde singulae narrationis partes haustae sint, et unde hauriri potuerint, eaque, quae historicus certo resciscere potuit, separare ab iis, quae non nisi incerto scisse videtur. Hinc si constet, partem nar-

*) Siamenses putarunt, fieri non posse, ut currus siccis rotis flumen transeheretur sine navi aut ponte.

rationis summam esse ex monumentis publicis, aut ex annalibus antiquiorum historicorum fide dignorum; tum veritati huius partis obstare nequeunt, nisi sinceritas testis suspecta est, quae forte ex rumore et vulgari opinione, aut e coniectura addita sunt, illi contraria. Etenim in ipsis monumentis publicis et diplomatibus, ut observarunt viri docti, probe discernere oportet praecipuum eorum argumentum, cuius causa confecta sunt, ab iis, quae honoris ergo addita, et cum cardine rei non necessario sunt coniuncta. Facile autem est iudicium, si simile vero sit, historicum non omnino liberum fuisse a partium studio, sed voluisse eum aut satyram scribere, aut panegyricam orationem contexere, aut aliis modis suis suorumque utilitatibus inservire. Nam quae ex putido hoc fonte profluxerunt, opponi non possunt iis, quae alibi recte et veritati consentienter dicta sunt: quae de re, scil. num quis sincerus sit an vero partium studiosus, ut recte existimemus, nosse iuvabit scriptoris ingenium, mores, vitae genus, atque consilium, quod secutus est. Alii enim vel fictas plane narratiunculas composuerunt, vel suas de rebus veris narrationes variis figmentis exornarunt, quia veritatis nudae expositio videbatur parum posse delectationis afferre lectoribus, quorum gratiam, una cum ingenii elegantiaeque laude, praecipue captabant. Alii, ut christiana plebs haberet, quo (ut loquuntur) aedificaretur, miras condiderunt fabulas. Alii, cum quotidiana et apud omnes pervulgata vilescere viderent, talia narrarunt, quae nemo ante ipsos memorise pro-

didit; qua ratione sperabant, fore, ut ipsi crederentur accuratius quam alii antiquitatis monumenta perquisivisse, et ex iis fontibus hausisse, quos adire paucis aut nemini licuerit. Aliorum consilia alio spectant. Sed omnia quae ex his consiliis proficiuntur suspecta sunt. — Sed ad ipsum etiam scribendi genus, quo quis in narrando usus est, attendere debemus. Nam gravi atque simplici oratione persequi solent historiarum scriptores ea, de quorum veritate ipsi firmiter persuasi sunt; in iis vero exponendis, quae, etsi ipsis dubia ac falsa videntur, aliis pro veris obtrudere volunt, plerumque declamatorio quodam atque sophistico dicendi genere utuntur, quod ad persuadendum magis est accommodatum, quam ad fidem plenam atque certam faciendam. Haec vero omnia vix poterit quisquam observare, nisi in optimorum historicorum lectione versatissimus sit, et illum quasi nativum colorem, quo veritas nitet, longo usu edoctus didicerit a fūco isto discernere, quo mendacia exornari solent. Fatendum tamen est, vix optimum quemque harum rerum arbitrum, si solo hoc argumento innitatur, ab erroris periculo posse securum esse. Nam in ea praesertim historiae parte, quae res christianas et ad religionem pertinentes tradit, uti nullus fere historicorum ab omni, quantumcunque sit, partium studio absolvi potest, sed aliquid, tantum non omnibus, ex sua suorumque de his rebus cogitandi consuetudine adherere solet, quod, insciis atque nolentibus ipsis, sese narrationibus immiscet; ita difficillime hoc separatur

ab iis, quae absque cupiditatis et studii suspitione dicta sunt. Hinc orthodoxorum narrationes de haeresibus suspectae. Sed de his rebus plura hoc loco dicere nil attinet; de criteriis veritatis historicae, quae e rerum narratarum natura ducuntur, dicere instituimus; ad haec igitur redibimus; etsi ne ea quidem, quae modo proposuimus, ab hac re longe sunt remota.

§. 7. Evicta iam rei, de cuius veritate quaeritur, possibilitate, videndum est secundo, *utrum ea probabilis sit veroque similis, nec ne*. Haberemus hic campum admodum spatiosum, in quem excurrere posset nostra oratio, si omnia hic pleno sermone persequi vellemus, quae de probabilitate cum in universum, tum nominatim de ea, quae in rerum gestarum expositionibus locum habet, a philosophis praecipui solent. Sed id nunc non agimus, ut omnia criteria philosophica veritatis historicae exacte describamus atque explanemus; sed ut viam tantummodo nobis muniamus, ad constituendum verum horum criteriorum pretium. Quare ex philosophorum de hac re sententiis atque praeceptis, admodum a se invicem discrepantibus, ea tantum seligemus, breviterque enarrabimus, quae ad illustrandam hanc, quam tractandam suscepimus, causam, prae caeteris aliquid valere existimamus, quaeque omnium maxime cum instituti nostri ratione cohaerere videntur. Silentio igitur praeterimus omnia ista probabilitatis genera atque argumenta, quae a testibus et monumentis historicis eorumque auctori-

tate externa ducuntur, et de eo tantum genere vel probabilitatis vel improbabilitatis pauca disseremus, quod a rebus, quae narrantur, ipsis, aliisque eventibus, cum his arctiori quodam vinculo copulatis, illarumque natura et conditione, pendet. De quo priusquam disputare incipiamus, monendum videtur, duplicem subjectam esse huic vocabulo vim atque potestatem. Nam non solum ea probabilia dicuntur, quae vere sunt talia; sed ea etiam, quae nobis vero similia quidem videntur, quae vero, ad iustas probabilitatis regulas examinata, reperiuntur minus esse probabilia. Hanc probabilitatem quidam solent *subiectivam* vocare, illam vero (forte parum accurate, quia probabilitas nunquam est quaedam rerum ipsarum conditio, sed est tantum in nostro cogitandi modo,) *obiectivam* nominant. Nos posteriori significatione vocabulum accipiemus. Subiectiva enim illa, si placet, probabilitas hac appellatione est indigna. Est enim putativitia tantum. Hanc ut a vera seu subiectiva discernamus, necesse est, tum ut certas, stabiles atque iustas probabilitatis notas, tanquam regulas, quibus in iudicando intellectus noster dirigi possit, sciamus, tum ut certi simus, istis regulis recte atque legitime nos esse usos.

§. 8. Cum quaeritur, num quid sit probabile? aut simpliciter quaeritur, aut comparatè. Quod ut intelligatur quid sit, ipsa universae probabilitatis natura enucleatius est exponenda. Nempe quicquid rectius pro vero habetur, quam pro falso, quanquam nulla potest evidenti demonstratione confirmari,

probabile dici solet. Iam cum nihil possit pro vero poni, nisi iusta adsit, cur id fiat, causa: tum demum sententia aliqua, ad cuius demonstrationem absolutam atque perfectam deest aliquid, erit probabilis, si, qui pro vera eam habent, pluribus ductuntur et gravioribus rationibus, quam qui eam repudiant, et aliam, quae cum ista simul vera esse nequit, amplectuntur*). Improbabile contra, ut ante nos alii etiam monuerunt, est, quo posito plus sumitur sine ratione sufficiente, quam si poneretur eius oppositum. Ea vero, quae probabilibus sunt opposita, (h. e. quae posito probabili improbabilia esse ponuntur,) possibilia sint, intrinsecus saltem, necesse est: nam si prorsus inter *aduvata* pertinerent, eorum oppositum non probabile diceretur, sed necessario verum atque certissimum. Quod vero pro possibili aliquid habetur, id, ut probabile idem censeatur, non efficit. Quantum enim intersit inter probabile, et id, quod tantum est possibile, vel ex eo iam apparet, quod numerus possibilium infinitis vicibus superet probabilium rerum numerum. Nemo certe, qui sana mente praeditus est, ea omnia aut sperat aut timet, quae in se possibilia esse existimat. Cum itaque inter tot, quae possibilia esse putantur, tam pauca ad levem aliquam, nedum maiorem, probabilitatem assurgant: patet, haud parum debere

*) Res ipsa est comparativa, hinc definitio comparativa non est vituperanda. Aliorum definitiones etiam sunt comparativae.

ad possibilitatis intelligentiam accedere, ut inde aliqua enascatur probabilitas. Unde nonnulli haud inepte e pluribus possibilibus id probabile esse dixerunt, quod possibilitatis gradu opposita sua antecedit, h. e. cujus probabilitas magis intelligitur; et quidem non solum probabilitas absoluta sed hypothetica etiam in nexu huius mundi. Omnis enim probabilitas est subjectiva. Ad possibilitatis intelligentiam additur aliquid, si vel modum, quo haec, quae probabilis dicitur, res fieri potuit, vel causas, e quibus proficisci consuevit, vel alia signa, quae plerumque eam antecedere, comitari et subsequi assolent, perspicimus, et rei huius existentiam cum pluribus rebus convenire videmus, quam non-existentiam. Cum enim, ut aliquid inter possibilia huius mundi referri possit, non solum requiratur, ut liberum sit ab omni repugnantia tam externa in determinationibus externis, quam interna in determinationibus internis; sed opus etiam sit, ut, in hoc mundo habeat et rationes et rationata: sequitur, ut quo distinctius intelligimus, esse aliquid in nexu huius mundi possibile, hoc est: quo plures ac graviore eius rationes atque rationata cognoscimus, hoc magis id nobis videri debeat possibile. Sed hoc simul probabilius id est, ut ex sequentibus apparebit. Iam quid simpliciter sit probabile, intelligitur; scilicet, quod probabilitatis gradu omnia, tum singula tum universa simul sumpta, opposita, superat. Contra vero comparate probabile est, quod aut quibusdam tantum oppositorum, aut omnibus etiam, sed non in unum quasi

collectis, probabilius est. Si v. c. quatuor latera tesserae lusoriae singula sunt ternario numero insignita, duo autem eiusdem tesserae latera, alterum unitate alterum numero binario sunt notata; non comparate solum sed simpliciter etiam probabile est, iacta tessera numerum casurum esse ternarium. Sed si tria tantum latera unam eandemque notam habent inscriptam, caetera vero habent tria signa alia, a se invicem diversa; tum comparate quidem probabilius est, comparituram esse notam, tribus lateribus communem, quam hoc vel illud signum determinatum, non nisi semel tesserae impressum. Neque tamen ideo simplicitas id probabile est; aeque enim possibile est ut ista nota cadat, quam aliud signum quodcunque.

§. 9. Iam quibus rationibus potissimum inducamur, ut aliquid pro probabiliori, quam quidem est eius oppositum, habeamus, ita indicabimus, ut missis caeteris ea praecipue tradamus, quae inprimis in rem esse videntur. Probabilitas, ut hinc ordiamur, occupat, ut iam monuimus, rem *in se esse ab omni repugnantia liberam*. Quum vero eae quoque enunciationes, quae probabiliter opponuntur, cum hac commune habeant hoc, ut possibiles sint: ex eo, quod a repugnantia liberum est aliquid, nondum potest colligi, idem esse probabile; nisi forte ostendi possit, caetera membra enunciationis disiunctivae, (cui hoc, quod probabile putatur, cum omnibus, quae in eius locum fortitan poni possent, includitur,) praeter unum hoc, omnia

esse improbabilia. Tunc vero non tam possibilitas sola, quam improbabilitas oppositi rem reddit probabilem. Sumas v. c. eventum, quemcumque velis, res aut evenit certo aliquo atque definito, aut a iocuoquoque modo, aut plane non evenit. Fac vero, improbable esse, rem plane non evenisse; fac etiam, improbable esse, eam ullo modo evenisse, si ab unico discedas, quem cur improbabilem putes, non habes, quamvis desint argumenta positiva, quae eius probabilitatem evincant; haec igitur si ita sint, probabile omnino est, rem hoc ipso definito modo evenisse, siquidem nihil in eo insit repugnantiae. Quod argumentationum genus ut ratum sit, necesse est, ut nullum disiunctionis membrum possibile praetermissum sit; quod vero in hoc rerum genere, de quo nos disputamus, praeuque non adeo facile est. Sola etiam *absentia repugnantiarum*, aliorumque indiciorum, quae fictionem produnt, adeoque possibilitas interna *conjuncta cum externa* efficit, ut narrationes, quae multis partibus constant, totamque rem, quam describunt, copiose atque plene persequuntur, probabilibus, saltem quod ad caput rei attinet, non immerito accenseantur. Fieri enim, ut §. 3. observavimus, vix potest, ut verbosa narratio, si plane sit conficta, non habeat quaedam fictionis atque fraudis signa impressa.

§. 10. Etsi ad negandam possibilitatem rei, ab historicis traditae, non sufficit *modi, quo fieri potuit* factaque est. ignorantia; sed ostendi etiam

debet, cur fieri nequiverit: eximie tamen firmatur nostra de possibilitate eius rei persuasio, et transit in quandam probabilitatis speciem, si modum ipsum, quo ea fieri potuit, vel ex ipsius natura plauissime intelligimus, vel ex eventibus similibus, de quibus, quo modo fiant, scimus, auguramur. Quamobrem eae res, de quibus, quo modo evenire possint, patet, caeteris paribus, probabiles sunt, si comparantur cum aliis, quarum ortum nullo modo explicare possumus. Recte etiam verosimilia existimantur, quorum rationem ac modum, etiamsi nec ex ipsorum nec ex eventuum similium natura noscantur, coniectura tamen ita assequimur, ut aptam *hypothesin* aliquam ponamus, e qua, quo fieri potuerint modò, intelligi possit. Quibusnam vero legibus *hypothesium* inventio contineatur, quaeve sit earum ad probandum vis, non est, quod multi hic explicemus. Liquide etiam constat, in rebus historicis eas *hypotheses* esse caeteris longe praefereandas, quae non solum possibilitatis modum, de quo quaeritur, omniùm optime declarant; verum etiam cum universa rerum gestarum continuitate possunt tam apte coniungi, ut his quoque non parum illustrationis inde accedat. Unum hoc cum in toto probabilitatum iudicio, tum imprimis in excogitandis *hypothesibus*, cavendum esse monemus, ne multa ponantur temerè, caeco casu et volubilitate fortunae, evenisse, ac ad efficiendam aliquam rem concurrisse, quae nihil habere videntur rationis, cur sic nec aliter ceciderint, et in eandem rem ita

mirifice conspiraverint. Sed non solum, *quo melior* est hypothesis, quae ad declarandam rei possibilitatem excogitata est, verum etiam *quo plures* reperiri possunt hypotheses, quarum unaquaque ad ostendendam hanc possibilitatem idonea est, hoc ea res est probabilior. Hinc, quam rationem comparisonemque numerus habet eorum casuum, in quibus id, quod in disceptationem vocatur, locum habere potest, ad numerum casuum, in quibus fieri id nequit, eandem probabilitas huius eventus ad eius improbabilitatem, sive oppositi probabilitatem, habet. Quae quidem argumentatio tum demum omni exceptione maior est, si certo scimus, omnes casus, quos recipere potest res, accurate ac plene esse enumeratos; nullum autem, alias ob causas, esse caeteris aut probabiliorem aut improbabiliorem. Sic instituitur comparatio, ubi an aliquid factum sit, nec ne? quaeritur. Verum ubi eventus aliquis iam pro concessio atque certo ponitur, et de eo tantummodo disputatur, quo res eveniit modo, quibusve ex causis; plane alia ineunda est via. Tum enim, si probabilis coniectura augurari liceat, non nisi unico modo eventum cadere potuisse, hanc ipsam ob causam probabile est, sic nec aliter eum accidisse, etsi nulla alia adsunt huius rei indicia. cf. §. 9.

§. 11. Cum vero interna possibilitas, ut vidimus, interdum aliquam, licet satis levem, probabilitatem gignat; minime mirum cuiquam debet videri, ea, quae non solum in se, sed *extrinsecus* etiam, *possibilia* sunt, hanc ob causam verosimilia

dici posse; si cum aliis conferantur, de quorum possibilitate externa non tam liquido nobis constat. Si enim res, quae narratur, tam bene convenit loco, et inprimis tempori, quo evenisse traditur, (chronologicis enim rationibus plurimum tribui volunt viri docti; maior tamen iis inest vis ad falsi convictionem, quam ad veri probationem; caeterisque rebus circumstantibus omnibus, et seriei tum antecedentium tum consequentium, ut haec omnia eam non tam admittere, quam desiderare atque exposcere videantur: habet ea profecto quandam veritatis speciem; praesertim si omissio hoc eventu, aut alio in eius locum subrogato, totus fere rerum, quae cum eo coniunctae fuisse feruntur, de quarum veritate aliunde nobis constat, ordo turbaretur. Contra vero, quo minus hae possunt conciliari cum eventu illo, et quo sunt tum certiores tum arctius cum eo copulatae, hoc magis ille est improbabilis, donec, exorta vera et certa repugnantia cum rebus indubiis, prorsus ad *ἀδυνάτα* redigatur.

§. 12. Igitur cum nullum fere vinculum possit esse arctius eo, quod *effecta cum causis* copulat, patet, in serie rerum antecedentium eas potissimum diligenter esse considerandas, in quibus eventus, in disputationem adducti, causae delitescere videntur; de quibus mox accuratius dicemus. In his vero, quae eventum propositum subsecuta sunt, praecipue expendere oportet ea, quae ab illo orta esse putantur. Nam *effectus* magna inest vis probandi causarum, a quibus pendent, existentiam, demon-

causas, quas adesseprehendimus, debemus cum iis, quas ad efficiendam rem necessarias esse scimus, comparare, et, num, *producendo eventui sufficient*, diindicare. Quod autem pro sufficientibus eae habendae sint, iterum constat, cum ex penitioris effectus causarumque cognitione, tum *ex stabili atque constanti rerum conversione* diligenter observata. Nempe eadem res sequuntur easdem causas. Hinc quo similior est causarum rerumque omnium, quae nunc est, colligatio ei, quae alio tempore fuit, eo est credibilius, idem nunc esse eventurum, quod tum evenit, easdemque causas, quae tunc erant sufficientes, nunc etiam fore ad efficiendam rem similem idoneas. Magna vero circumspectione opus est, ne ea pro similibus habeamus, quae qualem-cunque similitudinis speciem prae se ferunt. Quamobrem etsi omnia adesse videntur, quibus positis aliquid evenire solet; tamen non licet eundem eventum nunc expectare, nisi probabile sit, pendere eum ex his ipsis rebus, quas iam iterum adesse cernimus, et quibus alias eundem eventum adiunctum fuisse observavimus. Quo hoc est probabilius, eo maior intercedit inter casum praesentem aliosque nobis cognitos similitudo, et eo maior quoque est huius argumentationis, quae ab *analogia* ducitur, vis. Si igitur series rerum proposita revera similis est aliis rerum, quas olim fuisse scimus, colligationibus, quae eundem eventum saepissime sine ulla exceptione habuerunt; valde probabile est, imo suo modo certum, eundem hunc eventum eandem causarum

conditionem nunc quoque esse secuturum. Sin vero exemplis edocti sciamus, interdum, quamvis simillima fuerit, quantum observatur, rerum omnium conditio, eventum tamen expectationi non respondisse, sed longe aliter rem cecidisse; eadem est ratio probabilitatis ad improbabilitatem, quae est numeri eorum casuum, in quibus constanti modo res evenit, ad numerum exceptionum. Cum vero omnis argumentatio haec pendeat a iudiciis de similitudine nostri casus cum aliis illis; in censum nostrum debet venire probabilitatis gradus, quo scimus, vere similia esse cum nostro. Ex his, ut obiter hoc moneamus, conficitur, *res prorsus inauditas* et novas non quidem per analogiam firmatas, attamen huic non repugnantes, quae nulla adhuc habuerunt exempla similia, probabiliores esse illis, quae omnino repugnant legibus, quas in eventuum consecutionibus constantes esse videmus. Habent enim profecto et insolitae illae res suas causas, et quoties recurrent easdem procul dubio habebunt.

§. 14. Sed ad probabilitatem, ex causis rerum perspectis aestimandam, de qua loquebamur, redeundum est. Dixeramus nempe, utrum causae effectui producendo sufficiant, id colligi tum ex constanti eventuum consequentia, cursum rerum observando notata, (de qua re satis expositum est,) tum ex *causarum effectorumque indole*. Ex hac igitur intelligimus, causas esse sufficientes, si nihil praecipui est in eventu, cuius ratio ex causis datis reddi nequeat. Hiis omnibus rite expensis, superest, ut in-

quiritur, utrum exserere potuerint, et legitimo modo ac ordine *exseruerint* istae causae suam vim, an vero per alias res haec fuerit repressa atque impedita. Quodsi vero absunt causae quaedam ex earum, quas auxiliares vocant, genere; caeterae, quae adsunt, nequeunt id ex se *progignere*, quod ab istis adiutae effectui dedissent, licet interdum aliquid efficiant, huic non multum *absimile*. Quo igitur plures possibiles sunt causae, quo probabilius est, eas adesse, quo magis videntur effectui procreando sufficientes, et quo verosimilius est, nulla, aut saltem pauca, et facile superanda impedimenta officere ipsarum viribus: eo est credibilius, rem, ex istis causis pendentem, esse eventuram. Ex quibus omnibus iam patet, ea esse maxime *probabilia*, quorum causas idoneas, in quibus effecta quasi condita sunt, adesse, quantum fieri potest certissime cernimus, aut saltem verosimillima coniectura suspicamur. Attamen *causarum ignoratio*, (§. 4.) quam, teste experientia et adstipulante CICERONE *de divinat.* 2, 22. si in rebus *usitatis* est, ne miramur quidem, in rebus vel maxime novis et insolitis non debet tantam mirationem facere, ut rem ideo impossibilem, aut, licet alia habeamus veritatis indicia, prorsus improbabilem iudicemus. Nam si unus aut plures etiam probabilitatis fontes deficiunt; ex aliis fortasse, quod quaeritur, hauriri potest.

§. 15. Haec de probabilitate, in qua iudicanda, quod supra §. 6. n. 2. monuimus, impossibilitatem totius rei non esse confundendam cum impossibilitate

cuiusdam partis narrationis, id etiam hic negligendum non est. Insunt enim nonnunquam in rerum gestarum expositionibus quaedam, quae nullam, aut exiguam valde, habent veri speciem; neque tamen ideo tota narratio pro improbabili est habenda. De variis probabilitatis gradibus hoc loco non agemus explicatius: accurate eos enumeravit Cl. GARVE in dissertatione, quam *de nonnullis, ad logicam probabilium pertinentibus* scripsit, et praeside perillustri DE SEGENER defendit Halae 1766. Prae caeteris notabilis est ille probabilitatis gradus, ex quo oritur *certitudo moralis*, hoc est, persuasio de veritate alicuius rei adeo firma, ut animus ab errore securus, omni sublata dubitatione, fidenter in ea acquiescat, nec oppositum eius formidet, quanquam hoc in se sit possibile. Ad hanc vero assensionis firmitatem pervenitur, si vel argumenta; probabilitatem evincentia, sunt admodum gravia; vel plura diversi generis argumenta ad comprobandam rem eandem miris modis conspirant. Quin imo, interdum omnia apparent veritatis signa atque criteria, quotcunque in rem propositam cadere possunt; nec quicquam ad certitudinem eam, quae ex demonstrationibus mathematicorum exoritur, deest, praeter necessitatis absolutae demonstrationem. Qui autem nullam aliam ob causam rebus probabilibus et, quantum in hoc genere fieri potest, certis fidem habere nolunt, nisi quod earum oppositum in se est possibile, prorsus non sunt audiendi. Quin nonnunquam, etiamsi non adest summus probabilitatis gradus, enasci tamen potest moralis haec certitudo.

Evenit hęc, quoties ipsa *felicitas nostra* suadet, ut aliquid pro vero amplectamur, quoniam, si verum id est, multi ex assensu sunt sperandi utilitatis fructus; sin falsum, nihil aut parum inde detrimenti timendum. Unum adhuc, quod ex antecedente tractatione nostra colligitur, tribus verbis attingere lubet. Nempe totam de eo, quod per se probabile et improbabile est, quaestionem perdifficilem esse, nec nisi summa adhibita diligentia, ingeniique vegeti et variis artibus ac scientiis perpoliti intensione crebros lapsus atque errores posse evitari. Id quod inprimis valet de ea quaestione, quae de probabilitate, quam *compositam* dicunt, instituitur. Sed ad alia pergamus.

§. 16. Sunt, qui eo usque procedunt, ut *necessitatem rerum historicarum ex argumentis philosophicis probare* conentur; quae vero res permultas habet cautiones. Generatim quidem illi eventus dicuntur necessarii, qui ita sunt comparati, ut, si ipsi aut plane non, aut aliter, evenisse statuērentur, res impossibilis poneretur. Quare qui de necessitate alicuius rei persuasus est, is ita de ea certus est, ut ab omni oppositi formidine liber sit. Cum igitur ea intelligentia, qua oppositum eius rei, de qua certi sumus, impossibile esse cognoscimus, seiungi nequeat a certitudine aeterna atque perfecta; it, qui rerum historicarum necessitatem sibi probandam sumunt, opinari videntur, cadere posse in has res idem certitudinis genus, quod regnat in mathematicorum ratione atque disciplina. Sed non eandem viam ingrediuntur omnes.

Rem paucis expediemus. *Primo* necessario evenerunt, quae positae certis quibusdam rebus circumstantibus, causis etc. non potuerunt non esse aut fieri. Quodsi itaque extra omnem omnino dubitationem poni posset, adfuisse omnes hasce causas, caeterasque res, quae haec illave eventa non possent non ex se progignere; et rite demonstrari praeterea posset, necessariam esse horum ex illis consecutionem: probata omnino esset horum phaenomenorum aut eventuum necessitas. Maximi ponderis est hoc argumentandi genus, quod ex rebus indubie certis, *historice cognitis*, id elicit, quod cum his necessario vinculo coniunctum est: sed multis simul difficultatibus obsitum est. Etenim in rebus historicis non nisi rarissime necessitas consequentiae ita potest extra omnem dubitationem poni, ut iustae atque rigidae demonstrationis loco haberi possit. Saepenumero loco perfectae demonstrationis, quae promittebatur, afferuntur argumentationes, ad fidem faciendam idoneae quidem, attamen ab ἀποδείξει absoluta admodum diversae. Quamvis vero persuasissimum mihi sit, non minorem (sc. in hoc genere) ad fidem faciendam vim inesse istis probationibus, (si recte quidem instituantur, ac praesertim, si argumentatione, quam dicunt a tuto duci, corroborentur,) quam demonstrationi legitimaе, et ad severas mathematicorum leges exactae: nolim tamen aucter esse aut suator, ut, sublato omni discrimine, inter se commisceantur atque confundantur utriusque generis argumenta. Nemo enim sine detrimento suae causae ea pro demonstratis venditat,

quae non nisi probationibus, ad evincendam probabilitatem et certitudinem moralem aptis, confirmata sunt. Fac v. c. plurimas adesse causas, quae rem de cuius necessitate disputas, omnino videantur ex se gignere debuisse; fac, quam plurima eius rei deprehendi signa, et omnia ita amice inter se conspirare, ut a me impetrare plane non possim, quin hunc eventum verum esse existimem atque certum. Quid tum postea? Effecisti profecto, ut eum maxime probabilem, imo moraliter certum esse putem. Cum enim argumenta ista, quae simul sumta demonstrationem exhibent *hypotheticam*, afferant quandam credendi necessitatem istis rebus convenientem; animus nihil amplius requirit. Sed ut eius necessitatem, necessaria mathematicorum ratione, demonstratam esse putem, id nondum effecisti. Quid enim? plura ex iisdem causis provenire non possunt? eadem signa pluribus communia esse nequeunt? Quid? si impedimenta quaedam, quae innumera esse possunt, licet ignorentur, intervenerunt? quid? si causae istae suam vim agendo non exseruerunt? quid, si insufficientes fuerunt? — Ast haec, ais, improbabilia sunt; nec ullam habes rationem, quamobrem mihi isthaec occinas. — Dabo tibi equidem hoc, atque concedam; sed demonstrandum tibi erat, haec omnia, et innumera eiusdem generis alia, *adjuvata* esse atque absurda, antequam mihi persuaderes, demonstratum esse a te, necessario evenisse rem in disputationem adductam. Quam difficilis enim sit harum rerum omnium demonstratio iusta atque perfecta in rebus historicis, et prae-

primis in iis eventibus, qui pendent a causa in agendo libera, nemo non videt. Nam si vel minimum admissum deprehendatur contra leges demonstrationis, sive in sumptione praemissarum, sive in modo concludendi; fundamentum, quo nitebatur res demonstranda, evertitur, et cum illo haec simul ipsa quodammodo corruiere videtur. Quid multa? Ne tum quidem, si tota argumentatio recte procedit, persuasio inde orta similis est convictioni, quam mathematicorum demonstrationes gignunt; cuius rei causa in eo posita est, quod evinci nequit. ea, quae in sumptione ponuntur, esse absolute necessaria. Quamobrem semper aliquid deest ad perfectam atque summam certitudinem, utpote quae tum demum locum habet, si plane certi sumus atque persuasi, rem omnino non potuisse aliter fieri. Quae cum ita sint, parum inserviunt suis utilitatibus, qui omniam, quantum fieri potest, rerum historicarum necessitatem demonstrari, suasque probationes pro demonstrationibus haberi cupiunt. Nam causae suae defensionem ipsi, dum pluribus dubiis ansam praebent, sibi reddunt longe difficiliorem; nec tamen certitudinis gradum istis studiis atque ministeriis magno perire augent.

§. 17. Alii eventuum necessitatem exculpere solent ex ratiunculis mere philosophicis, sive ex definitionibus aliisque veritatibus a priori, ut aiunt, cognitis. Hi ab illis, quos primo loco commemoravimus, ita differant, ut illi suas, si placent, demonstrationes superstruant veritatibus historicis, et ex his, assum-

tis in subsidium philosophicis argumentis, subtiliterque subductis rationibus, cogant, non potuisse non hoc illudve evenire: hi vero fundamenti loco ponant veritates abstractas, et ex his eventum necessitatem, demonstratione vel directa vel apagogica, derivent; v. c. quia Deus sapiens est, et iustus et bonus; quia hic mundus est optimus; quia Deus omnes homines ad salutarem veritatis cognitionem perducere vult — ideo necessario hoc ita evenire debuit. Haec argumentandi ratio cum priore illa hanc cautionem habet communem, ne vitio, in modo argumentandi admissio, ipsa argumentatio male procedat. Sed facilius, ni fallor, in hoc peccatur, quam altero illo rationes colligendi modo. Praeterea vero maxime per haec in re cavendum est, ne principia incerta et hypotheses dubiae fundamenti loco substernantur argumentationi. Quoniam vero homines caeco fere amore in ea ferri soleant, quae semel pro certis atque veris amplexi sunt, nec semper satis accurate et sollicitè in eorum veritatem inquirent, fieri potest facillime, ut gravissimos committant errores. Quae res iudicium hoc valde lubricum facit. Quid? quod res, quae ab historicis memoriae traduntur, sunt eventus singulares atque res individuae, in quibus omnia determinata sunt, quae simul determinari possunt. Fac itaque, vel tantillum mutari in rebus externis, rem propositam vel antegressis, vel comitantibus, vel subsequens: haec non manebit prorsus eadem, sed in aliam transformabitur, magis minusve a priore diversam. Iam quid hinc colligi possit, age videamus.

mtis! Nimirum, qui eventus alicuius necessitatem argumentis, a priori ductis ex ipsa rei notione aliisque veritatibus universalibus, evincere conantur, id agere debent, ut non solum ostendant rem, generatim sumtam, non potuisse non fieri; sed ut demonstrent etiam, impossibile esse, ut haec res non facta sit hoc tempore, hoc loco, ab his hominibus, hisce rationibus ad agendum impulsis, his subsidiis usis etc. Equis vero sibi persuadebit, haecce omnia posse ex principiis philosophicis confici et legitime cogi? Attamen nisi id fiat, nullo modo dici potest, demonstratam esse eventuum necessitatem. Nempe plerisque istis argumentationibus nihil efficitur, praeter quam quod res aliqua, huic in eo, quod maxime rem causamque continet, similis, non potuerit non esse aut fieri. Quare aliis argumentis opus est ad evincendam eventuum, ab historicis narratorum, individuorum ac determinatorum, necessariam veritatem. Nam si vel maxime tota ista argumentatio firma esset atque iusta; tamen historici testimonium posset esse vel plane effictum, vel multis saltem falsis deformatum. Evenit fortasse id, quod tu necessario fieri debuisse putas; sed alio forte, quam a historico quodam traditur, loco, alio tempore, alio modo, rebus aliis circumstantibus. Interim cum his, de quibus hic locuti sumus, non sunt confundendi nec reprehendendi ii, qui eventuum *convenientiam cum principiis philosophicis ostendere conantur*. Neque, quod vix moneamus, eos hoc loco culpamus, qui

Dei, entis necessarii, existentiam ex ipsa entis perfectissimi notione demonstrant.

§. 18. Quænam sint signa veritatis philosophicæ in rebus historicis, satis hæcenus explicatum arbitror. Etsi enim multa restant, quæ ad hanc causam pertinent; hæc tamen consilio nostro sufficere possunt. Nunc itaque, quo volebamus, pervenimus. Nihil scilicet superest, quam ut argumentorum, quæ iam descripsimus, vim ad confirmandam evertendamve historiarum fidem ostendamus, et, ut promisimus, iustum in aestimanda veritate fideque historica pretium iis statuamus. Ita autem in tractanda hac re versabimur, ut primum generaliora quædam monita præmittamus, posthæc vero regulas quasdam, quibus ad iudicandum singulorum argumentorum pondus opus esse videtur, speciatim tradamus. Exemplis vero ad firmandas observationes nostras utemur nullis. Quamvis enim non ignoremus, multum lucis posse huius rei tractationi affundi crebra exemplorum appositione: intra fines tamen, quos nobis posuimus, quantum fieri poterit, nos continebimus; præsertim eum, paucis et breviter tantum indicatis, parum aut nihil illustrationis acciperet nostra tractatio; multa autem proferre, et per ea usum regularum a nobis tradendam declarare, nec temporis nec spatii angustiae permittant.

§. 19. Non inutile videtur, in causas inquirere, cur nonnullis viris doctis adeo placuerint argumentationes, ex philosophicis historicæ veritatis criteriis ductæ, ut, nostra saltem sententia, nimium ipsis tribue-

rent, et male interdum iis abuterentur ad infringenda firmissima quaeque historicorum fide dignorum testimonia. Huius igitur rei causas, si ab vesano nonnullorum et impotenti pyrrhonismi amore discedamus, positas esse arbitror potissimum in eo, quod singularis sapientiae acutique ingenii opinionem conciliat, apud imperitos saltem, haec in rebus, quae a plerisque pro certissimis habentur, haesitatio earumque ex rationibus philosophicis impugnatio. Cum enim nemo nesciat, inde ab antiquissimis temporibus questos esse viros doctrina insignes, historiam omnem deformatam esse fabulis atque figmentis; multi magnam putarunt se consecuturos esse gloriam, si ad examen ea revocarent, quae ob testium idoneorum auctoritatem ceteris sunt indubia; idque eo facilius sibi persuaserunt, cum optimos laudatissimosque rerum historicarum arbitros, in diiudicandis scriptorum dissensionibus, ad argumenta, ex natura rerum narratarum ducta, saepissime cum mirabili eruditorum plausu provocare cernerent, multasque fabulas his adminiculis explosas esse scirent. Potuit igitur ipse veri amor multos ad haec studia incitare. Maluerunt autem philosophicis argumentis uti quam historicis, quoniam haec fabulas convellendi ratio, quamquam maximis profecto difficultatibus obstructa sit, primo tamen intuitu faciliior et efficacior videbatur, altera illa; in qua neminem multum proficere posse constat, nisi qui intimam cum optimis cuiusque aetatis scriptoribus familiaritatem contraxit. Idem quidem necessarium non est in examine argumentorum philosophicorum, sed

necessitas huius rei non tam facile omnibus apparet. Cur vero iis, qui omnia incerta reddere conantur, neque quicquam percipi posse docent, adeo arriserint haec contra fidem historicorum argumenta, ex iis, quae iam observabimus, clarebit.

§. 20. Exponendum scilicet est, quibus difficultatibus prematur eorum ratio, qui philosophicis hisce criteriis, aut solis, aut nimium tamen, confidunt. Primo enim pluribus fere objectionibus ansam praebent philosophica quam historica veritatis signa. 1) Quid enim, si res iam ad actum deducatur, et, proposito quodam eventu, de eius veritate iudicandum sit, quid, inquam, potest esse magis lubricum quaestione: quid in hac causarum rerumque aliarum colligatione fieri potuerit, quid minus? quid moribus alicuius hominis aut populi conveniens sit, quidve repugnans? quae repugnantiae tantum valeant, ut tota narratio ob eas reiicienda sit, quae vero partem eius reddant tantum incredibilem? Quomodocunque ad has aliasque quaestiones respondeas, (et in singulis eventibus sigillatim respondendum est,) non deerit, quod in contrariam partem, non sine omni specie, dici possit, praesertim si, quod in plerisque fere casibus usu venit, ob temporum locorumque intervalla, et documentorum historicorum inopiam, non satis nobis perspectae sint res omnes, eventum propositum circumstantes. 2) Non solum alia criteria philosophica opponi possunt aliis; sed idem etiam veritatis falsitatisve signum in utramque partem interdum valere posse videtur. Quis v. e. nescit, eos, qui librum

aliquem auctori cuidam tribuendum esse contendunt, uti argumento a stilo et dicendi genere, quo is in aliis scriptis usus est, petito; cum e contrario eandem rationem in suam rem allegent alii, qui hunc librum auctori alii adiudicant. 3) Quare si philosophicis istis criteriis potissimum inniti oportet; altercationum fere nullus futurus est finis, ne de iis quidem factis, de quibus, si historicis criteriis standum est praecipue, nemo, nisi ineptire velit, litem movebit, quoniam auctoritate publica memoriae prodita sunt, motam autem aequus quisque atque peritus iudex facili negotio componet. Contra vero, optimis etiam atque firmissimis argumentis, e natura rerum ductis, non tantum inest roboris, ut obiectiones omnes sua quasi domestica virtute arcere atque repellere possint. Est sane satis firmum istud, quod ab existentia debitarum causarum et ignoratione ullorum impedimentorum petitur argumentum; sed qui id exceptione maius esse putaret, is longe a veritate abesset. 4) Quid plura? philosophica argumenta ipsa, praeter impossibilitatis internae demonstrationem, innituntur argumentis historicis. Quomodo enim de convenientia facti cum tota eventuum, quos tuis oculis usurpare non potuisti, serie, de existentia causarum, de impossibilitate morali etc. iudicare tu posses, nisi ex historicorum monumentis didicisses, quaenam tum temporis fuerit rerum circumstantium, antecedentium et consequentiam, conditio, quinam hominis, de quo quaeritur, mores? Manet igitur hoc, fidem historicam pendere praecipue ab argumentis, et testimonio

scriptorum fide dignorum eorumque auctoritate desumtis.

§. 21. Ex his patet *perro*, parum contra scepticos effici philosophicis istis argumentis. Sempet enim, quo se convertant, habent; et licet iam te eos premere putes, rimam tamen, qua elabantur, inveniunt. In argumentis vero historicis, iis saltem, quorum summa est fides, non tam facilis est tergiversatio. Quid enim contra genuina documenta, publica auctoritate firmata, et plurimorum gravissimorumque virorum, qui rem certo scire, ex mendacio vero nullam reportare poterant, utilitatem, consonis testimoniis stabilita, ulla cum specie dici potest? nisi forte ab iis, qui omnem omnino veritatem certitudinemque e mundo tollunt, et verum ullo modo a falso discerni posse negant; quo usque tamen paucos serio progressos esse putamus. Qui vero contra hos, quibus nihil est certum, nisi quodammodo hoc, nihil esse certum, eventuum necessitatem asserere volunt, deridiculi certe sunt. Hos enim homines, quos forte, aliam viam ingressi, ad sanio rem mentem reducere poterant, ipso iam vocabulo et apparatu demonstrationis a se abalienant. Deinde ex supra dictis liquet etiam, incautum argumentorum philosophicorum usum hoc quoque habere posse incommodi, ut eos, qui nondum in Pyrrhonis castra transierunt, facile eo adducant, ut de rebus certis atque indubiis dubitare incipiant, atque paulatim scepticorum sententiam amplectantur. Quod iis praesertim potest usu venire, qui in mathematicorum, eorumque philosophorum, qui hos maxime

imitantur, scholis enutriti, et summo illi absolutae ac necessariae certitudinis gradui assueti, parum vero in historicorum lectione versati, id genus certitudinis, quod historiae proprium est, penitus ignorant, nec moralem certitudinem ab illa, quam demonstrationes mathematicae gignunt, discernere possunt. Hi enim, dum criticorum de fide veritateque historica disquisitiones perlegunt, et diversas eorum sententias ac studia contraria animadvertunt; dum porro eos crepare semper audiunt certitudinem et necessitatem, quam ipsi in his rebus cernere nequeunt; dum denique minutis ratiunculis et facile convellendis ad firmanda sua decreta, argutiis vero neutiquam ferendis ad oppositarum sententiarum refutationem eos uti vident; fieri non potest, quin totam istam rationem repudiandam esse censeant, et res ipsas, tam futilibus, ut putant, argumentis defensas, in dubitationem vocent.

§. 22. Denique hominibus, simplicioribus etiam et subtiliter cogitandi artificio ac consuetudine carentibus, melius consuleretur, si nemo his argumentis sine summa cautione, habita cum rerum tum hominum ratione, uteretur. Quamvis enim pauci talium argumentorum robur ita sentiant, ut eorum adminiculo ad stabilem atque rationalem assensionem perveniant; magnam tamen ratiunculis his inesse vim videmus, ad perturbandos plurimorum hominum animos, et debilitandam eam, quae tam ex ipsis, quam aliunde orta erat, persuasionem. Quod mirum non videbitur illis, qui non ignorant, pleraque huius generis argumenta magis esse ad falsi convictionem,

quam ad veri probationem, apposita. Vereor equidem, ne multi, qui de veritate factorum, quibus praecipue innititur religio christiana, nunc ambigunt, dubitationis ansam acceperint ex eorum studiis, qui necessitatem tum revelationis divinae supernaturalis, tum nativitatis, mortis et resurrectionis Christi, aliorumque eventuum similium, pio et laudabili caeteroquin consilio, demonstrare voluerunt.

§. 23. Neque tamen ob haec, quae enumeravimus, incommoda abiicienda prorsus sunt philosophica ista argumenta. Afferunt enim, si prudenter iis utamur, in fide historica recte aestimanda, multas et insignes utilitates. Praecipue tamen iis iuvamur, I. in defendendis vindicandisque illis narrationibus, quarum possibilitas temere impugnatur. §. 2. Quodsi enim ostendi possit, rei notionem nihil in se continere, quod repugnet; et, si modus praeterea declarari queat, quo res disceptata esse aut fieri potuerit; §. 10. vana putanda sunt atque inepta, quaecunque ad negandam eius possibilitatem proferuntur. II. Sed non minor est eorum usus in confutandis narrationibus iis, quarum impossibilitas legitime potest demonstrari. III. Iisdem carere vix possumus, quoties de narrationibus inter se pugnantibus sententia sit ferenda; id quod omnibus iis, qui in evolvendis legendisque historicorum scriptis operam suam collocant, sexcenties quovis die contingit. IV. Egregie etiam corroboratur fides, quam veris testimoniis habemus, si aut ea, quae ad credendum proponitur, res per suam naturam verisimilis esse cogno-

scitur, aut, quae primo intuitu huic officere videbantur, accuratius expensa, vana esse deprehenduntur. V. Praeprimis vero notandum hic est, diligentem rei ipsius pervestigationem tum maxime necessariam esse, ubi non quaeritur, utrum res sit aut gesta fuerit? sed, qualis sit? quibusnam ex causis profecta? quo consilio suscepta? bona malave sit? et quae sunt huius generis quaestiones aliae, quae non tam ad existentiam, quam ad *qualitatem rei factive internam* pertinent. Cum enim harum rerum, quae magna ex parte sub sensu cadere nequeunt, consideratio, tantam requirat ingenii dexteritatem, quanta forte in paucis historiarum scriptoribus invenitur; nec semper liceat scriptoribus rem, uti est et ut eam fuisse sciunt, memoriae tradere; magis a rerum natura recte perspecta, quam ab illorum testimonio fides nostra pendet. Neque tamen ab eorum sententia temere discedendum, quos constat fuisse viros graves atque prudentes, nullo parvum studio nullaque cupiditate ductos, et multo usu in isto rerum genere versatos, quosque scimus iustam habuisse facultatem, eventorum causas, scopum atque modum planissime et cognoscendi, et ita, ut cognoverunt, referendi in litteras. Qui vero rebus gerendis vel praefuerunt, vel gestis ita interfuerunt, ut inde aliquid caperent aut utilitatis aut detrimenti: eorum iudicia tantum non semper suspecta sunt. Fatendum etiam est, in hoc potissimum rerum historicarum genere, multa occurrere, contra quae, licet probabilia sint, multae tamen et graves dubitandi

rationes afferri possunt. Quin imo fit interdum, ut vix certi aliquid de his rebus statui possit; sed ad ~~innoxiam~~ omnino confugiendum sit. Ut vero in omnibus probationibus (quod obiter hoc loco monere lubet, quoniam id praecipue ad hanc causam pertinere putamus) attendendum est, quam late pateat et quousque *extendatur vis probandi*, quae argumentis inest: ita etiam in iudicandis historicorum testimoniis sedulo nobis cavere debemus, ne ex iis talium rerum probationem petamus, ad quas probandas illa non omnia sufficiunt. Nam ne ea quidem documenta, quorum maxima est fides, possunt omnia et singula, quae in ipsis comprehenduntur, extra omnem dubitationem ponere. §. 6. n. 2. VI. Critica quoque ars his praeceptis, quae de argumentorum philosophicorum vi et usu tradi possunt, opus habet. Nec solum ea eius pars, quae spurias scriptiones a genuinis secernit, et in veros librorum auctores inquirat, his adminiculis carere nequit; (quibus adiuti viri docti, non sine insigni emolumento rei publicae, et civilis et ecclesiasticae et litterariae, hand pauca documenta supposititia, et ad vetustatis speciem efficta, detexerunt, eaque, ne imperitos porro fallerent, censoria gravitate, notarunt atque summooverunt:) verum etiam illi critices parti, quae in seligenda e pluribus diversisque lectionibus optima occupatur, praecepta haec magno usui esse possunt. Quaeritur nempe, quid scripserit auctor libri? quae quaestio facti est, decidenda tum ex testimoniis, codicibus scilicet, versionibus et allegationibus, tum etiam ex ipsis his, de

quibus agimus, argumentis philosophicis, ad quae praecipue provocare coguntur ii, qui ex coniectura, nullo adstipulante testimonio, in veterum libris aliquid mutant, lacunas suppleant etc. VII. Interpretatio denique librorum antiquorum paene tota philosophicis istis historicae veritatis criteriis nititur. Interpretæ enim nihil sibi propositum habere debet, nisi hoc, ut investiget: quænam cogitationes animo auctoris, dum hæc loqueretur aut scriberet, observatae sint? Hoc vero rarissime potest ex testimoniis intelligi; sed plerumque tota res redit ad accuratum argumentorum philosophicorum examen. Caeterum cum non omnia, quæ historiae vocabulo complectimur, ubi de veritate historica loquimur, unius sint eiusdemque generis; facile quisque intelligit, nonnunquam, prout res quæque postulat, immutandum aliquid esse in iis, quæ de veritatis criteriis tradimus. Liquet etiam, ea, quæ de utilitatibus et incommodis, ex usu philosophicorum argumentorum percipiendis, disputavimus, non tam dicta esse de ingenio philosophico, quod *spiritum philosophi* vocare solent, quam de istis, quæ supra pluribus designavimus, criteriis fidei, ex natura rerum narratarum, desumptis. Ista enim, vel connata, vel iustis exercitiis acquisita et aucta, ingenii dexteritas, qua verus philosophus a caeteris hominibus seiungitur, nunquam non, ut in aliis rebus omnibus, ita inprimis etiam in veritatis historicae indagatione, perquam utilis est.

§. 24. Sed descendamus ad *specialia praecepta*, quæ ex iis, quæ hactenus dicta sunt, elici posse vi-

dentur. Ut vero pretium uniuscuiusque argumentorum philosophicorum accurate indicari possit, observandum est, varia ratione varioque consilio ea adhiberi. *Primo* igitur tenendum, ea argumenta, quibus aliquid esse aut fuisse efficitur, *affirmativa* dici, aut *positiva*; ea vero, propter quae aliquid esse aut fuisse negatur, vocari *negativa*. *Deinde*, quoniam ad certa capita, tanquam genera quaedam, redigi debent singula praecepta, illa ut enumerentur, necesse est. Provocamus scilicet ad argumenta philosophica, 1) si nulla omnino adsunt testimonia historica, ex quibus eventus alienius, ad examinandum propositi, veritas diiudicari possit *). 2) Si criteria philosophica

*) Ne quis forte miretur, quid sit, quod praecepta etiam tradere conemur de iudicandis iis rerum eventibus, de quibus nulla extant testimonia historicorum (nam de nostra ipsorum experientia hic non loquimur): indicabimus, quasnam res ad hoc genus referri, et ad harum regularum normam iudicari velimus. Pertinent huc: 1) Coniecturae historicae; 2) Ea, quae non serio, sed ioculariter tantum, ab auctoribus tradita esse videntur; nam huiusmodi testimonium pro nihilo habendum est. 3) Quae non nisi in libris supposititiis, ab hominibus nugacibus, quorum fides merito sublesta est, concinnatis, scripta leguntur. 4) Ea, quae ex fama incerta et rumore ἀκροασις, vel ab anonymis accepimus, testimoniis idoneis nec confirmata nec refutata; haec enim perinde habere debemus, ac si prorsus nullo testimonio niterentur. 5) Saepe etiam vetustorum librorum interpretationes. 6) Quaedam, quae ad criticam artem pertinent etc.

sola, nec ullo testimonio firmata, opponuntur documentis historicis itidem solis. 3) Si testimonia historica corroborantur argumentis philosophicis, ita tamen, ut nonnullae adsint dubitandi rationes, tum ex aliorum testimoniis contrariis, tum ab ipsa rerum narratarum natura repetitae.

§. 25. Videbimus ergo primo loco, *quid valeant argumenta philosophica sola, si prorsus destituimur testimoniis, veri falsive indicis.* I. Nemo est, qui ignoret, ex eo, quod aliquid esse potest, eius existentiam cogi non posse. cf. §. 9. II. Omnes etiam in eo conveniunt, internam impossibilitatem, legitime probatam, oppido sufficere ad rem omnino repudiandam: Insolentia tamen, et ea, de quibus quo modo fieri possint, non videmus, non esse cum impossibilibus temere confundenda, supra iam §. 2. monuimus. III. Eam autem impossibilitatem, quae conditionem adiunctam habet, §. 3 - 5. putamus efficere, ut saltem ea pars narrationis, in qua vera aliqua repugnantia deprehenditur, recte pro ficta habeatur; reliqua autem narratio severo examini subiiciatur, ut, quid forte in ea verum sit, quidve falsum, dignosci possit. §. 6. n. 2. Quodsi tamen tota res, et singulae, aut praecipuae saltem, eius partes ab externis repugnantibus liberari nequeant; figmentis ut annumeretur tota, per nos licet. IV. Probabilitas sola, idoneis argumentis historicis destituta, rei fidem facere nequit. Hanc regulam qui admittere nollit, is fabulis romanensibus, quarum scriptores probabilitatis leges observarunt, fidem denegare non posset. Interim si quaedam ad-

sunt notae atque signa rei gestae, quae testimoniorum vicem implent; aliquidtribuendum esse putamus probabilitati vel soli. Summus certe eius gradus, et necessitatis demonstratio hypothetica, nonnihil ponderis habent. Admonent nos saltem, ut testimonia attente circumspeciamus. V. Ut quodque per suam naturam est improbabilius, eo magis est repudiandum. Quibus tamen felicitas sua curae cordique est, prudenter timorem, etiamsi vanus forte sit, praeferendum nonnunquam consebunt nimiae atque incautae securitati.

Ex his patet porro, quomodo diiudicari debeant il rerum *eventus*, qui *argumentis quibusdam philosophicis impugnari, aliis vero defendi possunt*. Nimirum VI. ad stabilienda ea, quae impossibilia esse certo cognoscuntur, nihil valet quicquam. Quamobrem VII. necessitatis demonstrationem, si legitima sit, nullae infringere possunt philosophicae rationes contrariae; sed quicquid necessario oppositum est, id omnino repudiandum est. Si qui tamen sint, qui eventuum necessitatem ex notionibus rerum et veritatibus abstractis evincere velint, §. 17. horum rationem admodum labefactari arbitramur, probata eius rei improbabilitate summa. VIII. Quod in se possibile est, licet extrinsecus impossibile esse videatur, quoniam causae apparent nullae, ob impossibilitatem moralem rectius admittitur eo, quod ne in se quidem est possibile. Similiter IX. improbabilia potius credantur, quam *ἀδύνατα*. Contra vero X. mere possibile, de quo, utrum probabile sit an vero improbabile, nondum liquet, credibilius

est eo, quod improbable esse novimus. §. 9. XI. Rei vero probabilis fides idcirco non infringitur, quia quoddam fortasse excogitari potest possibile, huic oppositum. §. 15. XII. Probabili si opponatur probabile aliud; aut improbabili improbabile; attendendum est ad fontes, e quibus varii quasi probabilitatis rivuli manant. Neque enim, quae probabilia sunt, omnia easdem ob causas probabilia putantur; Neque omnia probabilitatis genera robore ac pondere aequalia sunt. Nam v. c. probabilitas, quae inde oritur, quod perspicimus modum, quo res fieri potuit, §. 10. etiam si summa est, minor tamen est ea, quae pendet a cognita causarum debitarum existentia, nam tum perspicimus etiam modum possibilitatis, sed plus adhuc perspicimus sc. nullum alium modum hic locum habere quam hunc ipsum etc. §. 14. Porro, qui possibilitatis modum non nisi ex hypothesi quadam, arbitrarie sumta, aut ex similium eventuum ratione coniiciunt, iis haec res non potest tam probabilis videri, quam illis, qui hunc modum ex natura et indole rei, plenius perspecta, clare intelligunt. Tum enim modus semper constans et stabilis est. §. 10. Similiter improabilitas orta ex mera ignorantia causarum, ad rem efficiendam requisitarum, §. 14. fin. minoris ponderis est quam ea, quae exinde enascitur, quod, si id, quod narratur, evenit, contra omnem analogiam cursumque eventuum constantem evenire debuit. §. 13. fin.; illa enim quorum causas ignoramus, accidisse videntur praeter analogiam. Sic etiam, quae compa-
rate tantum probabilia sunt, opponi non debent sim-

pliciter probabilibus. §. 8. Ad haec igitur probabilitatis discrimina qui animum advertit, facili negotio indicare poterit, quid sentiendum sit de iis rebus, quae quasdam ob causas probabiles, ob alias vero improbabiles videntur. Quod e. gr. res quaedam alio, quam plerumque solet, modo evenisse et ab analogia recessisse traditur, id eam non reddit improbabilem, si causae, quae adfuisse dicuntur, dissimiles sunt iis, quae alias adesse solent; tunc enim casus sibi invicem non sunt similes. XIII. Argumenti, quod a tuto ducitur, §. 15. tanta est vis, ut maiori probabilitati detrahere, minori vero illi oppositae facere possit fidem.

§. 26. Si philosophica et historica argumenta ita inter se pugnant, ut ex altera parte historica sola stent, ex altera vero philosophica sola; §. 24. n. 2. sequentes regulae tenendae sunt. I. Contra impossibilitatem internam, rite demonstratam, nihil valent testimonia affirmativa. §. 25. n. 2. Antequam tamen haec plane pro fictis habeantur, videndum est, num qua ratione probabili a repugnantiis liberari possint. §. 6. Pendet hic iudicium magna ex parte ex conditione historici. Nam 1) genuina sane eorum testimonia, qui rem necessario et sciverunt et dixerunt, §. 1. impossibilitatis demonstrationem, quoniam haec admodum difficilis est, faciunt suspectam. 2) Contra vero, licet insolentia rerum narratarum per se possibilitati non obsit; §. 2. eorum tamen testimonium fides, qui fere nil nisi insolita et miraculosa narrant, in suspensionem cadit. Quod iis quoque merito suo contingere existimamus, quarum libri scatent narrationibus, quarum mentionem,

praeter eos, qui hos compilarunt, iniicit nemo; cum tamen credibile sit, eas res non potuisse non pluribus innotescere, nec ulla inveniri possit ratio, cur caeteri omnes silentio eas praetermiserint. Quicquid igitur in narrationibus talium hominum invenitur, quod ab impossibilitatis suspitione liberari non potest, id absque omni haesitatione repudiandum est. Generatim hoc loco observamus, argumentorum philosophicorum pondus tanto esse maius, quo leviora sunt historica veritatis criteria, illis opposita. II. Si extant testimonia fide digna, eventum diserte negantia, qui ob rationes quasdam philosophicas necessarius putatur, tota res est admodum dubia. Nam *primo* negari non potest, perdifficilem esse accuratam necessitatis demonstrationem; quamobrem non nisi rarissime certi esse possumus, nullum in ea admissum esse contra severas dialecticorum leges peccatum. *Deinde*, testimonia negativa virorum gravium, et a partium studio alienorum, maximi momenti sunt; quia credibile non est, quenquam aliquid disertis verbis esse negaturum, nisi re curate examinata, et rationibus probe ponderatis. Evadit vero huius rei diiudicatio multum difficilior, ita ut ex his tricis vix expedire nos possimus, si historicus rationes negationis reticuit. Si vero argumentum historicum, demonstrationi necessitatis repugnans, non est diserte negativum; sed inficiale tantum, a silentio historicorum ductum: eventus forsitan non omnino est repudiandus. Ex his iudicari etiam potest, num admitendus sit eventus, probabilis quidem, sed ab historicis negatus. III.

Mera oppositi possibilitas fidem derogare nequit testimoniis, qualiacunque sint. IV. Impossibilitas ea, quae conditionem adiunctam habet, pro varia sua conditione, ad confutanda testimonia diversi ponderis est. Eam quidem impossibilitatis speciem, quae oritur ex apparenti tantum repugnantia, missam facimus, hoc unum monentes, suspendendum esse iudicium, quoties non satis constat, utrum vera sit, an opinata, donec rei accuratius cognoscendae potestas nobis detur. De variis autem impossibilitatis externae generibus sigillatim aliquid annotandum esse existimamus. α) Narratio, quae pugnat et secum ipsa, et cum eventibus tam antecedentibus quam consequentibus, caeterisque rebus circumstantibus plerisque et praecipuis, v. c. loco, tempore, personis etc. ea impudentissimis mendaciis recte annumeratur. β) Si nonnullae tantum *περίστασις* impediunt, quo minus res, ita ut narratur, esse aut fieri potuerit; dispiciendum est, num istae repugnantiae tanti momenti sint, ut totam rem ad *ἀδύνατα* redigant. Qui v. c. eo tempore res quasdam gestas esse tradit, quo nullo modo locum invenire potuerunt; eius narratio tantum non semper in suspicionem fictionis venit. Sane documenta publica, quae in temporum rationibus peccant, fraudis notam satis certam habent inustam. Fieri enim nequit, ut ij, qui publica auctoritate litteris aliquid consignant, ignorent annum, quo, aut homines, a quibus, gesta fuit ea res, quam monumentis mandare iussi sunt. Interdum tamen in ipsis etiam publicis monumentis aliquid diesimulatur de consulto; quod vero facile ol-

faciunt periti harum rerum existimatores. Homini-
bus autem privatis facilius errores quidam, in narrando
commissi leviores, condonantur. Nonnulla enim ita
studiose occultantur, ut in paucissimorum notitiam
venire possint; iis autem, qui ista haec sciunt, non
liceat commentariis suis inserere; quo v. c. referri pos-
sunt arcana principum consilia, fines actionum, sub-
sidia, quorum usu aliquid effectum est etc. cf. §. 23.
n. 5. Si quid igitur de his rebus relatum legatur,
quod cum caeteris *περίστασι* satis notis conciliari non
possit; id licet recte repudietur, toti tamen narrationi
fidem non derogat. cf. §. 25. n. 3. et §. 6. n. 2. γ) Non
idcirco historicus, si factum quoddam, memoriae
proditum, in eventis antegressis nullas habuisse vide-
tur causas, falsi convictus est. Cum enim non solum
maximi eventus saepe proficiscantur a causis adeo
parvis, ut oculorum mentisque aciem facile effugiant;
verum etiam illi perperam sine dubio concludant, qui,
quoniam causae consuetae et ordinariae non appa-
rent, nullas adesse contendunt. §. 4. Semper fere hae-
sitationem aliquam atque controversiam recipit ista
quaestio: utrum causae adsint nullae, an vero lateant?
Sed si antecedentium rerum series causas in se conti-
net, impediendo huic et progignendo contrario even-
tui sufficientes, nisi summa sit testis auctoritas, fidem
denegare licet narrationi. Attamen totam eventuum
seriem nisi penitus cognitam atque perspectam habe-
mus; huius argumentationis nervi inciduntur. δ) Fa-
ctum, quod ita repugnat eventibus subsecutis, ut,
posito illo, hi, qui tamen certo existunt, tollendi

esse videantur, valde dubium est, et plerumque confictum. Absque ulla haesitatione reiiciendum id esse statuerem, si quidem semper constaret, nullas intervenisse res alias, ordinariam eventuum consecutionem impediētes. s) Impossibilitas moralis exigui est momenti. §. 5. 3) Quid tenendum sit de pugna narrationum cum veritatibus aliunde cognitis indicavimus iam. §. 5. Addimus h. l. contra argumenta historica graviora his rationibus plerumque nihil effici posse. Illae enim veritates necessariae, quae ex ipsis rerum notionibus et primis humanae cognitionis principiis eliciuntur, raro in aestimanda fide historica in censum veniunt; eae vero, quas constans experientia nostra stabilivit, testimonium sibi repugnans non semper falsitatis arguunt, quamvis probabilitatem eius imminuant. V. Denique argumentum, ab improbabilitate narrationis repetitum, vix ac ne vix quidem opponi potest documentis publicis, neutiquam suspectis. Ad convellenda vero testimonia, aliunde iam suspecta, maiores improbabilitatis gradus multum valent. Si admodum improbabilia sunt testimonia privatorum hominum, non suspectorum, quorum fides, licet summa non sit, sublesta tamen non est; tota res in medio est relinquenda: minores autem improbabilitatis gradus nullius sunt momenti.

§. 27. Nihil restat, quam ut regulas quasdam suppeditemus, ad quarum ductum de pretio argumentorum philosophicorum recte iudicari possit, si *natura*, cui favent, nonnullorum quidem historicorum testimoniiis confirmatur, veruntamen contrariis quibusdam

argumentis aut testimoniis impugnari potest. §. 24, n. 3. Sed quoniam ad finem iam deproperandum est, paucissimis sententiam nostram dicemus. I. Levissima quidem testimonia historica, alias fide vix digna, si ad ea firmanda accedunt philosophica argumenta sat gravis, nulla vero adsunt argumenta in contrarium; ad fidem faciendam sufficiunt: sed si veritas huius facti aut labefactatur philosophicis argumentis, longe gravioribus illis, quae sunt a partibus testimonii, aut si assensionis temeraria praecipitantia admodum nobis esse potest perniciosa; tum narratio in dubium est vocanda. II. Si inter se pugnant historici, qui, si ex solis historicis fidei signis dirimenda lis esset, parae auctoritatis videri deberent; fides est eorum, quorum narratio pluribus et gravioribus philosophicis argumentis stabiliri potest. III. Summus gradus certitudinis ex criteriis fidei historicis tum, ubi rei narratae possibilitas interna et externa qualiscunque ab obiectionibus vindicari potest, plus valet, quam contraria argumenta philosophica omnia, licet levioribus quibusdam testimoniis haec confirmantur. Poterant enim commodum, arrepta occasione ex probabilitate rei interna, narrationes quaedam fingi; quae rem exponerent, non uti evenit, sed uti probabile erat eventuram eam esse. IV. Hinc tum demum litterae ac documenta publica in mendacii suspicionem adducuntur per aliorum, fide non indignorum, historicorum testimonia contraria, si cum his faciunt, illis autem adversantur gravissimae rationes philosophicae. Ex duobus autem monumentis publicis id, caeteris

paribus, recte suppositionis arguitur, quod pluribus et gravioribus argumentis, ex rei natura desumptis, convelli potest. V. Quos scimus e monumentis publicis narrationes suas hausisse, eorum auctoritati variae detrudere possunt causae. Potuerunt enim documenta fictitia pro genuinis habere, aut genuina minus recte intelligere; quin imo fieri etiam potuit, ut verum dicere ipsis aut non luberet aut non liceret. Hae igitur suspensiones si amoveri nequeant: imminuitur horum hominum fides, aliorum historicorum, (eorum etiam, qui, quoniam litteris publicis in scribendo usi non sunt, auctoritate aliquantum sunt minores,) testimoniis contrariis, si satis gravia argumenta philosophica prioribus obstant; qualia sunt non solum impossibilitas interna, verum maior etiam externa, pugna scilicet aperta cum antecedentibus ac consequentibus, errores chronologici et geographici, in his ipsis rebus narrandis commissi, quas illi e monumentis hausisse se dicunt etc. Salva vero manet et inconcussa illorum fides, si, praeter historicos sublestae fidei, nemo ipsis contradicit; quamvis in suam rem allegare hi possint impossibilitatem moralem, insolentiam facti, et improbabilitatem eius satis magnam. VI. De quibus constat, eos rem, quam tradunt, planissime scivisse, et vere dicere voluisse, refelli per aliorum testimonia nequeunt, nisi haec tum ob historicas veritatis diiudicandae regulas, tum ob argumenta philosophica longe gravius illorum testimonio praefenda sint; quod tamen vix unquam eveniet. VII. Qui rem, quam memoriae tradiderunt, sine dubio

scire debuerunt; de quibus autem argumentis exceptione maioribus probari nequit, non nisi vera eos dicere voluisse; refutantur testimoniis eorum etiam historicorum, quorum fides caeteroquin paullo minor quidem esse videtur, qui vero philosophicis argumentis iuvantur satis gravibus v. c. oppositi impossibilitate et improbabilitatis maiori gradu; minor enim obesse iis nequit, nisi causae afferri possint, cur credibile sit, verum eos dicere noluisse. Eos vero, quos non solum potuisse, sed voluisse etiam, vera dicere non nisi leviori coniectura quadam auguramur: minores etiam improbabilitatis gradus refellunt, si quaedam adsint testimonia contraria, tametsi haec non sint melioris notae, quam illorum testimonia. VIII. Contra eos, quorum diligentia, circumspectio ac integritas non sine causa ancipiti in loco esse putatur, magni momenti sunt argumenta philosophica, testimoniis contrariis suffulta, levioribus etiam. IX. Narratio scriptorum seriorum, de quibus dubitare licet, num fideliter et caute usi sint documentis historicorum antiquiorum, omni fide dignorum, repudianda est, si adsunt contraria testimonia qualiacunque, philosophicis argumentis corroborata. Attamen seriorum historicorum testimonium praeferendum, ut narrationibus scriptorum non solum priorum, sed coaevorum etiam, si argumenta philosophica multa et gravia illi robur addunt. Multae enim res ita sunt comparatae, ut vix possint accurate a scriptoribus eiusdem, qua gestae sunt, aut proxime sequentis aetatis enarrari.

Praenobilissimo honorum philosophicorum candidato s. p. d. PRAESES.

Hodierna dies, qua in TE, Praestantissime DNE CANDIDATE, honores in philosophia supremos colaturus sum, plura mihi parit gaudia. Primo enim singulari cum animi grati testificatione recordor avi TUI materni, b. IO. IAC. RAMBACHII, Viri de ecclesia Christi atque eruditione theologica immortaliter meriti, cuius ad pedes me admodum iuvenem ante hos quadraginta, et quod excurrit, annos sedisse, exque ipsius ore et scriptis multum profecisse, maximo mihi honori duco, et laetus profiteor. Deinde vero iure mihi in memoriam revoco Vener. Parentis TUI, de grege Christo colligendo adhucdum optime merentis, amici veterani et quondam auditoris, imaginem, qui suo exemplo egregie et mature docuit, indefessam diligentiam et masculam eruditionem cum pietate haud fucata amicissimo inter se connubio iungi posse; cui ut per plurimos annos bene sit, ex animo precor! Denique nec TE ipsum, CANDIDATE DIGNISSIME, sine singulari animi oblectatione contueri possum. Praeterquam enim quod ingenio, ad litteras nato, floreas, illudque propaedeuticis studiis bene perpoliveris, incredibili fere discendi ardore tum in Alma Tubingensi, tum in Academia Lipsiensi, tum in nostra Fridericiana, in id

incubuisti, ut in linguis orientis et occidentis, in omni philosophia, in Theologiae partibus, atque inprimis in historia ecclesiastica, profectus vulgaribus maiores *TIBI* adquireret; qui conatus maxime laudabiles eum successum habuerunt, ut nuperius locos theologicos, ex Leone M. collectos, eleganter doctissimeque conscriptos, praeside Ven. *SEMLERO*, cuius institutione, consiliis, amore et amplexibus feliciter hucusque es fructus, publicae eruditorum disquisitioni submittere, et adversus Virorum celeberrimorum obiectiones dextre defendere potueris. Supererat, ut diligentiae gnaviter navatae, quacum suaves pariter atque innocentes mores coniunxeras, aliquod praemium reportares. Quamobrem Amplissimus Philosophorum Halensium ordo, post institutum et felicissime a *TE* superatum examen, unanimi consensione honores philosophicos *TIBI*, prae multis quippe dignissimo, decrevit. Iam prodis in cathedram, specimen inaugurale, proprio Marte elaboratum, et multifariam doctrinam complexum, iuxta statutorum tenorem eruditorum συζητησει permissurus, quod ipse ergo non sine animi incunditate perlegi; nec dubito, quin aliis etiam id approbaturus sis, quia in argumento versaris, tum arduo, tum perquam utili. Cum vero me non tam auxiliatorem, quam testem *TUORUM* profectuum habiturus sis; mihi iam nihil reliquum esse video, quam ut *TIBI* haec omnia sincera gratuler, felixque iter, ad patrios lares suscipiendum, adprecer. Faxit Deus, ut, sanitate, paululum fracta, clementer restituta, ad externos, prouti in destinatis habes, proficisci, interque eos ampliores doctrinae opes *TIBI* comparare, et cum uberrimo fructu, in orbem litteratum olim redundaturo, ad nos reverti possis. Sic vale, et me ama!

III.

Dissertatio critica de codicibus quatuor evangeliorum Origenianis. Pars prima.

*Quam ex auctoritate ampliss. philosophorum ordinis
die VIII. Octobr. MDCCLXXI.
publice defendent*

*Ioannes Iacobus Griesbach,
A. M. et societatis academicae princip. hassiacaе soc.*

et

*Fridericus Andreas Stroth,
Tribesio Pomeranus, Seminarii theol. regii senior.
Halsæ.*

Quantum differat textus graecus Novi Testamenti, quem, communi quasi consensu receptum, vulgares editiones exhibent, ab eo, quem antiquissimi, qui supersunt, libri manu scripti repraesentant, quamque miris modis ipsae etiam membranae vetustae inter se discrepent: ignorare potest nemo, qui attento oculo venerandas illas antiquitatis reliquias perlustravit, aut

III. Dissert. crit. de cod. quat. evang. Orig. 227

vetustorum librorum collationes, a Millio, Bengelio, Wetstenio, aliisque publici iuris factas, paulo curiosius tractavit. Tam antiquae sunt hae lectionis varietates, tam frequentes, et tam singularis non raro ingenii, ut mirum videri non debeat, fuisse nonnullos, qui tantam non solum librorum recentiorum ab antiquioribus, sed etiam vetustissimorum a se invicem discrepantiam nullo modo conciliari posse existimarent, et hinc ipsos scriptores sacrorum librorum tam inusitatae dissonantiae auctores putarent, eosque oracula sua divinitus inspirata plus una vice, non sine mutationibus quibusdam, edidisse statuerent. Nobis quidem coniectura haec plane a vero abhorrere videtur. Ac si vel maxime de uno et altero novi instrumenti libro non sine specie sic opinari liceret, de omnibus tamen hoc affirmari, cum nullum adsit eius rei documentum certum, sine temeritate non potest. At causas istius discrepantiae iam non investigamus, sed hoc tantum observamus: codices manu scriptos eo fere longius a textu publice inter nos recepto distare, quo sint antiquiores et hinc ἀρχαιότερον propiores; raros vero esse in iuniorum librorum grege, qui, illorum vestigia prementes, ab editis aeque ac illi recedant. Iam cum codicum, qui superstites sunt, nullus ante quintum, aut, ut quorundam opinioni aliquid demus, quartum seculum exaratus sit, non sine causa quaerimus, utrum libri secundo et tertio post Christum natum seculo scripti, qui omnes perierunt, omnino similes fuerint iis, quos quinto et sexto seculo tribuere solemus; an vero aut longius adhuc

quam hi (v. c. quam Alexandrinus, Cantabrigiensis, Regius ille rescriptus etc.) a lectionibus textus recepti abhorruerint, aut denique magis consenserint cum textu typis evulgato, quam codices, qui quidem supersunt, antiquissimi. Huius quaestionis, quae sane maximi est in universa re critica momenti, iusta solutio petenda est tum a translationibus, et codicibus primorum seculorum confectis, tum ab antiquissimorum doctorum christianorum libris, qui loca e Novo Testamento transcripta continent. Versiones, ne in infinitum nobis crescat materia, missas facimus; de allegationibus, quas vocant, Patrum, enucleatius disputare lubet. Sed variis modis institui potest allegationum, cum libris tam scriptis quam editis, comparatio. Nempe criticus vel seriem sequitur contextus sacri, atque discrepantias allegationum vetustiorum omnium, quas quovis commate deprehendit, ordine expendit; vel certi cuiusdam scriptoris ecclesiastici allegationes e scriptionibus eius colligit, textumque sibi effingit librorum Novi Testamenti, qualem hae occupant, sumque cum codicibus et editis et manu scriptis comparat. Nos posteriorem rationem praefendam esse duximus, quae ad investigandas codicum *συγγενείας* atque affinitates, et ad distinguendas recensiones, pro temporum ac provinciarum distantia diversas, magis apposita videbatur. Sumimus vero nobis Origenem, summum virum ac criscoe sacrae parentem, in cuius allegationibus colligendis ac examinandis diligentiam nostram exerceremus. Constitutum nobis est, de codicibus quatuor Evangeliorum,

quibus usus est Origenes, et de lectionibus eorum, generatim ita disputare, ut *primo* indicemus, unde vel certo sciri, vel coniectura magis minusve probabili reperiri possit, quid Origenes in suis codicibus legerit, quibusque artibus veram eorum effigiem efformare possimus; *deinde* libros manu scriptos, hodie supersites, antiquiores praesertim, cum codice Origeniano conferamus, ingeniumque eorum, qui huic simillimi deprehenduntur, pervestigemus; *denique* indolem atque habitum universum recensitionis Origenianae indagemus, eamque cum textu recepto comparemus. In *prima* tractationis parte, non solum varii generis fontes aperiemus, e quibus lectionum Origenianarum notitia hauriri potest: verum etiam de *allegationum fide* generatim paucula disputabimus. Sunt enim qui fidem testimoniorum, de lectionibus N. Testamenti e Patrum scriptis petitorum, labefactari opinentur argumentatione hac: solere scriptores ecclesiasticos oracula sacra, non inspectis codicibus, memoriter, excitare; hinc non nisi rarissime certos esse nos posse, utrum antiquissimorum codicum imaginem fideliter repraesentent istae allegationes, an vero lectionum varietas, ibi occurrens, lapsui memoriae et negligentiae excitantium ortum suum debeat. Haec ratio si valeret, actum esset profecto de auctoritate allegationum, et longe maxima dissertationis nostrae pars versaretur in argumento tenebris involuto nulla arte dispellendis. Ita vero contra falsam hanc persuasionem disputabimus, ut Origenem nunquam ex oculis dimittamus, sed singula, quae de fide allegationum

et iusto eorum indagandarum modo trademus, exemplis ab Adamantio desumptis illustremus; qua ratione non solum multae eius allegationes dubias aliasque, in quibus sibi ipse non constat, in clariore, ut speramus, luce collocabimus, verum etiam consuetudinem, quam in laudandis Scripturae S. locis maxime tenuit Noster, veris coloribus depictam lectorum oculis exponemus. Ad universam vero, cuius fines et ambitum iam descripsimus, tractationem, *viam nobis munimus observationibus nonnullis de codicibus Origenianis*; quibus ad recte intelligenda indicandaque ea, quae de lectionibus eorum dicuntur, praecipue opus esse videtur; nempe de codicum horum praestantia, de recensione textus sacri quae Origeni tribuitur, de pietate Adamantii critica, atque iniusta quorundam criminatione, textum N. Testamenti saepe ab eo e coniectura interpolatum esse etc.

Tandem, ne quis haereat in variis Novi Testamenti lectionibus, passim ut res feret, huic dissertationi adspargendis, quas in collectionibus hactenus editis frustra quaeret: monendus est lector, eas desumptas esse e libris Metis, partim a nemine antehac inspectis, partim nimis negligenter collatis, quos, cum nuper aditus nobis pateret ad bibliothecas Angliae atque Galliae a codicibus graecis N. T. optime instructas, et membranarum vetustatum usus a viris doctissimis atque celeberrimis, qui servandis istis cimeliis praefecti sunt, humanissime concederetur, diligenter exeuissimus, atque cum textu edito et collectionibus a Millio et Wetstenio evulgatis, multis in locis accu-

ratius comparavimus. Ut vero eae lectiones, quae e codicibus antehac iam collatis a nobis nunc primum proferuntur, a caeteris dignosci possint, signis codicum Wetstenianis, quoties novae ex ipsis lectiones afferentur, asterisci notam praefigemus. Caeterum editione utimur operum Origenis Ruacanae, cuius tomus ultimus tandem Lutetiae anno 1759. prodiiit.

§. I. Si praestantia codicum maxime iudicatur ex eorum antiquitate ad aetatem archetypi proxime assurgente, et bonitate ea, quae pendet a librarii qui eos scripsit aut recensuit diligentia, et exempli a quo ducti sunt praestantia: ex omnibus N. Testamenti codicibus graecis, qui aut hodie supersunt, aut de quorum lectionibus aliunde nobis constat, vix ullus iis, quibus Origenes usus est, aequiparandus esse videtur. Nam si antiquitatem ipsorum spectes, vix duobus seculis distant ab ipsis scriptorum sacrorum archetypis; quam aetatem tantum abest ut ullus liber Mstus hodie superstes contingat, ut vel vetustissimi aliquot seculis iuniores esse a peritissimis arbitris censeantur. Quicquid igitur de codicibus Origene vetustioribus scire cupimus, id ex allegatis Patrum graecorum, Origene antiquiorum, aut e vetustissimis versionibus discendum est. Atqui e libris Patrum istorum vix quicquam de ipsorum codicibus colligi potest, quod operae pretium sit, si cum Origenianis allegatis comparatur. Pleraque enim scripta illorum interciderunt; quae vero graece supersunt genuina, satis pauca scripturae s. loca continent, e quibus aegre aliquis uni-

versum habitum librorum, unde sumta sunt, perspiciet. Soli igitur codices ii, quorum imaginem (licet longo studiorum ordine postea varie immutatam atque exornatam) expressam videmus in versionibus antiquissimis, latina scilicet, quae Italae nomine venire solet, et Syriaca, quam simplicem vocant, Origenianis, quod ad temporis ordinem, anteposendi aut comparandi sunt. Cum vero vetustissimi etiam codices possint esse impuri atque interpolati, et Origenis tempore, ipso teste, ¹⁾ iam extiterint exempla sacrorum librorum variis modis depravata: praeter antiquitatem, bonitas etiam codicum Origenianorum demonstranda est. Haec iudicatur tum e lectionum incorruptarum, atque bonarum multitudine, tum ex alijs rebus, quae auctoritatem aliquam libris ipsis conciliant. De posteriore hoc genere indiciorum bonitatis paucula hic monebimus; lectionum examen alio loco deinceps instituetur.

§. II. Ut castos atque probos libros Origenem habuisse demonstramus, sufficit, ut partim opportunitatem tales nanciſcendi eum habuisse, partim facultate critica, melioris notae codices a minus bonis discernendi, ipsum instructum fuisse ostendamus. Facile eum potuisse optimos libros sibi comparare, nemo negabit, qui tum locorum, ubi vixit, opportunitatem, tum gratiam, qua apud bonos omnes valuit, paulo attentius expendere velit. Alexandria, ubi multa cum

1) Commentar. in Matth. Tom. 15. §. 24.

laude catecheticae scholae celeberrimae praefuit Noster, inde a primis novae religionis temporibus, hominum christianorum frequentia, atque ecclesiae ibi fundatae dignitate insignis, tum temporis praecipua eruditionis christianae sedes erat. Quis credat, in hac urbe, post Pantaenum, Clementem alexandrinum aliosque celeberrimos doctores, bonorum librorum inopia Origenem laborasse? Neque tamen semper hic haesit; Romam, Hierosolymam, Caesaream tam Palaestinae quam Cappadociae, Antiochiam, Tyrum, Ephesum, Athenas, aliasque urbes celeberrimas adiit, imo in plerisque locis indicatis satis diu commoratus est. Ingens igitur codicum copia suppetebat viro, scripturae studio deditissimo, stupendi inter codices dissensus non ignaro, et de vera lectione perquam sollicito; quem optimus quisque ob morum integritatem, doctrinaeque et amplitudinem et elegantiam amabat atque colebat; e cuius sinu, ut verbis utar Vincentii Lirinensis, ²⁾ innumeri doctores, innumeri sacerdotes, confessores et martyres exstiterunt, ubivis gentium dispersi, qui magistrum plane singulari pietate, omnique officiorum genere prosequabantur³⁾. Ut vero ex tanta librorum, quorum copiam facile impetrare poterat, multitudine, optimorum delectum eum fecisse credamus,

2) Commonitor. x. cap. 23. et conf. Huetii Origeniana Libr. x. cap. 4. §. 10.

3) Luculenta sunt exempla Firmiliani, de quo Eusebius H. E. Lib. 6. c. 27. et Gregorii Thaumaturgi, cuius vide panegyricam orationem in Origenem.

suadet tum ingenii, quo praeditus erat, divini indagando sagacitas iudicandoque subtilitas, quae in hoc rerum genere plurimum valent; tum criticarum rerum scientia, qua pollebat, accurata longoque usu confirmata. Criticae artis praecepta non poterat non callere optime, qui olim Grammaticam, cuius fastigium critica disciplina est, professus erat. Nec usus rerum desiderari potest in viro, qui inde a pueritia, legendis atque interpretandis libris tam profanis quam sacris, ingenium exercuerat⁴⁾. Quae cum ita sint, mirum videri debet nemini, tantam fuisse codicum Origenianorum admirationem, ut doctissimi olim viri, sicubi dubitatio de vera lectione orta esset, ad eos provocarent. Recte etiam Wetstenius: *affirmare, inquit, non dubitem, quod si vel Origenis codex exstaret, vel scripta eius integra superessent, ad editionem N. T. accuratissimam plus inde quam ex omnibus Patribus ac Codicibus, qui nunc quidem supersunt, subsidii sperare liceret*. Prolegom. in N. T. Part. I. pag. 63. sive edit. Hal. p. 177.

§. III. Orta est dubitatio inter viros doctissimos, utrum Adamantius textum N. Testamenti ad normam optimorum librorum ipse castigaverit, atque

4) Vid. Eusebii II. E. libro 6. passim; in primis vero Ernesti dissert. de Origene interpretationis librorum S. S. grammaticae auctore; in qua de Origene eiusque de re critica sacra meritis, atque de codicibus eius plane egregia tradit Vir Incomparabilis, cui multum nos debere agnoscimus.

criticorum more recensuerit; an vero usus sit codice, ex alio bonae notae exemplo, absque perpetuo criseos exercitio, descripto, adeoque a codice, e quo manavit, aut nunquam, aut raro saltem dissentiente. Primo probabile esse putatur, Origenem non minorem impendisse operam textui N. T. castigando, quam in emendanda versione τῶν ὁ collocavit; praesertim cum Lucianus atque Hesychius, quos eandem versionem graecam critica diligentia recensuisse scimus, similiter textum N. T. formaverint, novasque eius editiones evulgarint. Deinde loca nonnulla veterum scriptorum huc facere creduntur, quibus τῶν ἀντιγράφων, *exemplarium* Origenis, mentio fit; quam locutionem de exemplaribus ab ipso recognitis atque emendatis necessario accipiendam esse contendunt recensionis Origenianae defensores. Nos certe huius sententiae lubentissime subscriberemus, eaque ad evincendam codicis Origeniani bonitatem, quae siquidem vir κριτικωτάτος textum ipse formasset, in dubium vocari a nemine temere posset, commode uteremur, nisi scrupuli nobis restarent, quos eximi nobis maxime vellemus. De quaestione igitur hac, quae ad historiam sacri textus recte informandam, magni profecto momenti est, quid nobis videatur, modeste exponemus.

§ IV. Quod ad prius attinet argumentum, quod ex analogia ducitur, id ultra levem probabilitatis gradum vix evehit opinionem hanc, quae Origenem novae recensionis auctorem ponit; praesertim cum non nihil differat ratio emendatae versionis τῶν ὁ ab eiusmodi

recensione critica, qua N. Testamenti textum ab Origene constitutum esse tradunt. Nam non unice id egit Origenes, ut versionem variis modis corruptam, nativae integritati restitueret, sed efficere voluit, ut extaret graeca aliqua V. T. translatio, quae hebraicae, quam dicunt, veritati exacte responderet; ut homines hebraici sermonis ignari, scire possent, quid in archetypo extaret, quid minus ⁵⁾; atque ut vis ac potestas phrasium, e collatione plurium translationum, facilius percipi posset. Interim lubenter admitteremus quaecunque hoc ex analogia argumentum, si modo alterum, quod e commemoratione *exemplarium* Origenis ducitur, exceptione minus esset. Sed ne vocabulorum ambiguitate decepti de verbis pugnare videamur, antequam ad ulteriora progredimur, quid in controversiam veniat distinctius exponendum est. Non negamus, γραφικα aliaque huiusmodi vitia, a quibus nullus umquam codex immunis fuit, diligentia Adamantii sublata fuisse ab iis libris, qui postea nomen ab ipso nacti sunt. Dare etiam possumus, virum *κριτι-*

5) Quod graecarum versionum comparisonem ac editionem hoc potissimum consilio suscepit, ipse docet Epist. ad Afric. ubi §. 4. magno labore diversas translationes se excussisse narrat, ὑπερ τοῦ μὴ λανθάνειν ἡμᾶς τὴν διαφορὰν τῶν κατὰ Ἰουδαίους καὶ ἡμῖν ἀντιγραφῶν. Et paulo post §. 5. ἀσκαυμένῃ μὴ ἀγνοεῖν καὶ τὰς κατ' ἐκείνοις· ἵνα πρὸς Ἰουδαίους διαλεγόμενοι, μὴ προφθάρωμεν αὐτοῖς τὰ μὴ κείμενα ἐν τοῖς ἀντιγραφοῖς αὐτῶν, καὶ ἵνα συγχρησώμεθα τοῖς φερόμενοις κατ' ἐκείνους. Iam enim Iudaei non irridebunt Christianos, ὡς τ' ἄλλοι καὶ κατ' αὐτοὺς ἀναγεγραμμένα ἀγνοούντας.

κατατον, qui multos codices sine dubio inspexerat⁶⁾, membranas, quibus utebatur ipse, hic ibi, sed raro, ad aliorum exemplarium fidem castigasse, et quae librariorum vitio omissa putabat supplevisse, forte etiam glossema unum et alterum iugulasse. Atque haec viri celeberrimi diligentia, membranis ipsius (quae hoc sensu *Adamantii exemplaria* recte dici poterant,) tantam conciliabat famam et auctoritatem, ut veteres ad eas tanquam castigatissimas provocarent, easque *accurata exemplaria*, (ἀκριβῆ ἀντιγραφα, quo nomine Eusebius eas interdum laudat) appellarent. Sed huius generis emendationes leviores, universum textus habitum non spectantes, non sufficiunt, ut novae recensionis auctor salutetur Origenes; certe non ea significatione, quae alias in re critica sacra obtinet, v. c. ubi de recensione Lucianea aut Hesychiana loquimur, aut ubi codices GDL 1. 13. 33. etc. aliam recensionem exhibere dicimus, quam codices 2. 3. 4 etc. ⁷⁾. Mirabilis sane illius vetustorum librorum

6) Planissime hoc patet ex iis Commentariorum locis, ubi varias eiusdem dicti lectiones e diversis codicibus profert. v. c. Matth. 16, 20. alios codices διστεύατο, alios ἐπιστήμησεν, cap. 18, 1. alios ὥρα, alios ἡμέρα, Hebr. 2, 9. alios χαριτι σου, alios χωρις σου habere, disertis verbis testatur.

7) Nemo dubitat codicem Evangeliorum 13. eandem exhibere textus sacri recensionem, quam repraesentat cod. 69. quem illi gemellum ac similem esse, recte observavit Wettstenius. Quin sexcentis locis, ubi Wettstenius sexagesimum nonum excutavit solum, nos decimum tertium consentientemprehendimus, cum librum notatu dignissimum,

disensus ratio, e tali exemplarium recognitione sive διορθώσει repeti non potest. Qui emendatis codicibus

sed perquam negligenter collatum, magna ex parte denuo conferremus. Etsi vero tam propinqua cognatione coniuncti sunt, tamen alter ab altero locis non paucis differt. Cuius dissensus exempla quaedam, de quibus, e codicis 13. inspectione, certo nobis constat, apponere non piget. Matth. 21, 12. *ἱερὸν* — *τοῦ θεοῦ** 13. Orig. sed habet 69. cap. 25, 16. *ἐποίησεν* 13. *ἐκερδήσεν* 69. vers. 29. *ἔχει* 13. *δοκεῖ ἔχειν* 69. Orig. cap. 26, 59. — *καὶ οἱ πρεσβύτεροι* 69. Orig. sed habet 13. Marc. 1, 13. *ἦν ἐν τῷ ἔρημῳ** 13. Orig. *ἦν ἐκεῖ* 69. utrumque in editis simul exstat. cap. 3, 17. *Ἰακώβου* 13. *αὐτὸν* 69. cap. 10, 27. — *πάντα γὰρ δυνατὰ ἐστὶ παρὰ τῷ θεῷ* 69. habet 13. Luc. 4, 22. — *καὶ ἐλεγον· οὐχ οὗτος ἐστὶν ὁ υἱὸς Ἰωσήφ** 13. sed habet 69. ordine tamen paululum mutato. cap. 7, 41. *ἕτερος* † *δηνάρια* 69. sed non addit 13. cap. 10, 16. † *καὶ ὁ ἀκούων ἐμοῦ, ἀκούει τοῦ ἀποστείλαντός με** 13. non addit 69. comm. 17. *χάρας* † *μεγαλῆς** 13. non addit 69. cap. 11, 53. *ἀποστοματίζειν αὐτῷ* sic 13. sed *συμβαλλεῖν αὐτῷ* 69, cap. 12, 47 — *ἐτοιμασας μὴδὲ* 69. sed habet 13: et eius loco omittit* *μὴδὲ ποιήσας*. In editis utrumque legitur. Huiusmodi varietates librarii oscitantiae tribui nequeant, praesertim cum uterque codex, ubi in diversas partes abeunt, alios libros soleat comites habere. Codices e quibus descripti sunt 13 et 69, ex eodem exemplo expressi, sed ad diversorum exemplarium normam postea recogniti fuerunt. Sed accuratius haec deinceps tradentur, ubi de codicibus his ex instituto agetur. Hic tantum monemus, eandem, nostro quidem iudicio, esse recensionem in 13. quae est in 69. quanquam non raro inter se discrepent hi codices. Atque eodem sensu, recensionem quae exibat in codice Origenis, eandem fuisse affirmamus cum illa, quam exhibebat liber, e quo Origenianus descriptus erat.* Nam salvo recensionis prisco habitu nonnulla in ea mutari potuerunt.

delectabantur, grammatico cuidam hoc negotii iniungere solebant, ut membranas a librario exaratas recognosceret, atque a mendis purgaret. Atque hinc Wetstenius aliique variantium lectionum collectores alteram manum toties a prima distinguunt. Vix ullum vidi librum N. T. manu exaratum, quin hic ibi secundis curis aliquid mutatum invenirem vel a librario ipso, qui διορθωτην postea egit, vel ab alio, qui codicem recognovit. Sed non qualiscunque emendatio aut mutatio novam recensionem efficit; alias enim innumerae fere essent N. Testamenti recensiones, quarum aliae vix quibusdam in locis a caeteris differrent, aliae vero mirum quantum a reliquis diversae essent. Distinctis nominibus hic opus est, ut codices pro discrepantiae modo ac gradu in classes ac familias scite diapesci possint. Recensiones sacri textus (v. c. Evangeliorum) agnosco non nisi paucas, (sunt forte tres aut quatuor), quae omnes N. T. codices in totidem classes seiungunt. Qui vero ad eandem classem pertinent, rursus varie inter se differre possunt. Nostra quidem sententia, is demum novae recensionis auctor censendus est, qui vel totum N. T. vel librum quendam sacrum, a capite ad calcem ita pertractat, ut pluribus codicibus in subsidium vocatis, et lectionum omnium examine instituto, optimarum quarumque delectum faciat, et suo usus iudicio textum constituat, qui a textu aliorum librorum non tantum locis quibusdam; sed toto habitu differat. Commodum ad illustrandam sententiam nostram se offert nota, in codice vetustissimo Marchalliano, Ezechiell prae-

fixa: Μετεληφθη ἀπο ἀντιγραφου του Ἀββα Απολιν-
 ναριου του κοινοβιαρχου, ἐν ᾧ καθυποκειται ταυτα
 μετεληφθη ἀπο των κατα τας ἐκδοσεις ἐξαπλων, και
 διορθωθη ἀπο των Ωριγενούς αὐτοῦ τετραπλων, ἀτι-
 να και αὐτου χειρι ΔΙΩΡΘΩΤΟ, και ἙΣΧΟ-
 ΛΙΟΓΡΑΦΗΤΟ ὁ Εὐσεβιος ἐγὼ σχῶλια παρεση-
 κα. Παμφίλος και Εὐσεβιος ἐδιωρθώσαντο ⁸⁾. Ea
 quae Origeni hic tribuitur exemplaris cuiusdam διορ-
 θωσις plane diversa fuit ab illo labore, quo ipsum
 versionis των ὁ textum formavit, novamque eius re-
 censionem elucubravit. *Novam* igitur librorum N. T.
recensionem Origenianam non agnoscimus; διορθωσιν
 exemplaris cuiusdam admittimus; nec magnopere re-
 pugnamus, si quis textum sacrum quibusdam in locis
 ab Origene immutatum esse contendere velit.

§. V. Iam, caussa sic posita, illuc unde diver-
 timus redeundum, atque videndum est, num exem-
 plaria Origenis dici non potuerint, nisi quae novam
 recensionem, ab Origene efformatam, continerent. Hie-
 ronymus quidem aliquoties ⁹⁾ ad stabiliendam lectio-
 nem, quae ipsi prae caeteris placebat, utitur auctori-
 tate exemplarium Adamantii, eaque graecis libris aliis,
 minus castis, praefert: nusquam tamen caussam, cur
 Adamantii nomine veniant puriores isti, quos laudat,
 libri, docet. Sed ex eo, quod Adamantii et Pierii

8) Vid. Montefalconii praeliminaria in Hexapla Origenis
 cap. I. §. 3.

9) Comment. in Matth. 24, 36. et in Gal. 3, 1. coll. 5, 7.

exemplaria coniungit ¹⁰⁾ non inepte colligi posse videtur, eandem fuisse rationem exemplarium Origenia et Pierii, eandemque denominationis causam. Pierium vera textum criticorum more recensuisse, nemo, quod sciam, veterum tradidit, neque recentiorum ququam demonstravit. Equidem assentior viris doctis, qui exemplaria Pierii libros fuisse putant, ipsius manu ex antiquis bonae notae exemplis (nempe Origenianis) descriptos, aut saltem ad ea recognitos. Quin Adamantii exemplaria eodem sensu accipimus, quo Pierii exemplaria accipiuntur? Sic etiam ἀντιγραφα Pamphili (discipuli Pierii) atque Eusebii, quae a veteribus laudantur, non fuerunt libri, in quorum textu constituendo desudarunt hi viri, sed qui ipsorum manibus atque cura exarati erant. Sacrum Novi T. codicem scriptum fuisse a Pamphilo, constat e subscriptione codicis antiquissimi Coisliani 202 ἀπὸ τε βλαηθῆ ἢ βιβλος πρὸς τὸ ἐν καισάρεια ἀντιγραφὸν τῆς βιβλιοθηκῆς τοῦ ἁγίου Παμφίλου, χειρὶ γεγραμμένον αὐτοῦ. Quodnam vero exemplam secutus sit Pamphilus, obscurum esse non potest. Primum enim tradit Hieronymus (Epist. ad Marcell.) impensus eum prosecutum esse libros Origenis, eosque Caesarensi ecclesiae dicasse; et in Catal. Scrip. Eccl. narrat, maximam partem Origenis voluminum sua manu ipsum descripsisse. Voluminum quidem nomine intelligo commentarios caeterasque scripto-

10) Comment. in Matth. 24, 36. „In graecis — et maxime Adamantii et Pierii exemplaribus, hoc, οὐδὲ ὁ υἱός, non habetur adscriptum.“

nes Adamantii; cur tamēn codices N. Testamenti Origeniani, quibus nullos alios equiparandos esse sciebat Pamphilus, excipi debeant, nulla apparet causa. Deinde, cum Pamphilus, adiutus Eusebii opera, codices V. T. ab Origene elaboratos vulgaverit¹¹⁾, probabile est, Novum Testamentum ab eo exaratum, ex eiusdem Adamantii exemplaribus similiter ductum fuisse. Quocunque modo hic exemplaria Origenis accipias, Pamphili ἀντιγραφα ab iis non dissensisse videntur. Denique Eusebius eadem sine dubio qua Pamphilus sacri textus recensione usus est. Eusebianaē verō allegationes mirifice consentiunt cum Origenianis. Atque hinc intelligimus porro, quatenam fuerint ἀντιγραφα τοῦ Εὐσεβίου, ad quorum normam codices suos excussit Euthalius. Scilicet non cogitandum est de textu, Eusebii cura formato; sed indicantur libri, aut ipsius manu exarati, quod veritati maxime consentaneum mihi videtur, aut eius iussu atque auctoritate a peritis librariis e bonis exemplis (Origenianis scilicet, aut certe hisce simillimis) descripti; quales fuere quinquaginta codices, (συντάξι τῶν ὁσίων γραφῶν) iubente Constantino Imp. ab Eusebio curati. Si quis vero Pamphilo atque Eusebio, summis rerum Origenianarum admiratoribus, novam recensionem tribuere velit, is certe eandem operam olim iam textui sacro ab Origene impensam fuisse, nullo modo affirmare poterit.

11) Hieron. epist. ad Chromat.

§. VI. Sed his, quae argumenta pro recensione Origenis allata dubia fere reddunt, alia addi possunt, quae oppositam sententiam verisimilem faciunt. Nempe si Origenes novam librorum N. T. ἐκδοσιν elaborasset, ipse sine dubio textum a se formatum constanter secutus esset. Hinc non possent non multum differre allegationes, quae in libris ante recensionem absolutam scriptis reperiuntur, ab iis quae in libris ipsius occurrunt critico isto conatu posterioribus; nisi quis forte recensionem N. T. laborum Origenis aut primum aut ultimum statuere velit, quorum neutrum probabile est. Atqui in scriptionibus Origenianis omnibus eundem Novi Testamenti textum laudari videmus. Nam ea oracula, in quibus excitandis sibi non constat Noster, oblici nobis non possunt. Pleraque enim huius generis discrepantiae ortae sunt vel e negligentia Origenis, scripturae verba non nunquam minus accurate recitantis, vel e librariorum audacia, dicta scripturae in operibus Adamantii obvia non ita describentium, uti Origenes ea laudaverat, sed uti in bibliis, librarii aetate, habebantur. Qua de redeinceps dicitur. Neque tamen prae fracte negamus, diversis N. T. cōdicibus usum esse Origenem ¹²⁾. Sed in hisce dis-

12) Haec doctorum virorum conjectura nihil in se habet, quod improbabilem eam efficiat, atque exemplo aliorum Patrum, qui plures codices similiter adhibuerunt, confirmatur. Vide quae Millius Proleg. §. 926 e Cyrillo observavit. De Origene vide eundem §. 687. Totā vero causā haece pendet a quaestione hac: utrum certi esse possimus,

crepantiis causae suae patrocinium profecto non inveniunt opinionis, quam in dubium vocamus, fautores. Si quidem in libris, post certum aetatis annum ab Origene exaratis, ista N. T. dicta semper aliter excitarentur, quam in descriptionibus eius ante hunc annum compositis, victas utique porrigerem manus. Sed aliter rem se habere, ipsa Commentariorum Adamantii attenta lectio docet, et sequentes observationes, e diligenti quam plurimarum allegationum collatione enatae, confirmant.

I. Origenes eadem Novi Testamenti dicta, iisdem in libris, paucis tantum interiectis paginis, diversimode recitat. E. gr. Ioh. 14, 30. tomo 20. in Ioh. § 25. legit οὐχ εὐχρισί. Sed ibid. § 29. οὐκ ἔχσι. Utamque lectionem alibi etiam invenimus. Illam in Ps. 119, 161. et latine saepius; hanc Homil. 15. in Ierem. pag. 225. et latine homil. 5. in Psalm. pag. 678. et homil. 23 in Luc. pag. 960. 1 Cor. 9, 19. contra Cels. libr. 2. §. 3. recitat: ἐν γὰρ τῷ μωσῶς νομῷ γεγραπται. Sed Libr. 4. §. 49. omittitur τὸ μωσῶς. Ioh. 1, 33. Tomo 2. in Ioh. §. 6. et §. 24. πνεύματι ἀγίῳ καὶ πυρί. Sed §. 29. et Tom. 6. §. 25. et contra Cels. Libr. 1. §. 48 deest καὶ πυρί. Matth. 16, 21. additur τοῦ λαοῦ Tomo 12. in Matth. §. 20. (quod etiam legitur in codicibus 1. et 13.) Sed tomo

utramque, quam Origenes affert, lectionem, e codicibus ab ipso inspectis fuisse desumptam. Quare, cum de fide allegationum nonnulla postea dicenda sint, opus non est, ut illustrandae illi rei separatam operam impendamus.

13. §. 8. non-adiicitur, Matth. 21, 3. tom. 10. in Ioh. §. 15. habetur *τι ποιειτε*, ut in Cantabr. Codice. Sel §. 17. bis extat tantum, *τι*.

II. Eadem in allegando inconstantia cernitur in libris circa idem fere tempus conscriptis. Tomos in Matthaeum, et libros contra Celsum ultimo vitae suae decennio scripsit Origènes, sexagenario maior¹³). Eodem temporis intervallo Commentarium in ep. ad Rom. exaratum fuisse, mox ostendemus. Sed in excitando Novo Test. ne in his quidem libris sibi constat. Gal. 4, 21. sic laudatur c. Cels. Libr. 2. §. 3. et Libr. 4. §. 44. *οι τον νομον αναγνωσκοντες*. Sed in fragmento Commentarii in Rom. quod graece extat in Philocaliae cap. 9. *οι υπο νομον θελοντες ειναι*. Utraque lectio alibi recurrit. Prior hom. in Genes. 7. §. 2. et hom. 10. §. 1. Posterior Libro 4. de Princip. §. 13. Item 1 Cor. 2, 4. *ανθρωπινης σοφιας* legitur c. Cels. Libr. 1. §. 62. et Libro 6. §. 2. Sed abest *ανθρωπινης* tum alibi, tum Tom. 14. in Matth. §. 14. — Si quis diligenter velit inter se conferre libros anno 231 posteriores, quo tempore Alexandriam relinquere coactus fuit Origènes, in omnibus haud raro discrepantes allegationes inveniet. v. c. Libro de Orat. §. 27. locus Ioh. 6, 51. aliter legitur, quam tomis in Ioh. 10. et 20. Decimus in Ioh. tomus, locos Matth. 21, 12 et 42. aliter exhibet, quam Commentarius in Matthaeum. Hic porro Commentarius in laudando loco 1 Cor. 2, 4. differt a libris contra Celsum; qui iterum locum Matth. 5, 44. aliter re-

13) Euseb. H. E. lib. 6. cap. 38.

praesentant, quam Tomus 20. in Ioh. Si igitur allegationum dissonantia recensionem sacri textus criticam indicat, quoniam in libro suam recensionem secutus est Origenes?

III. Contra vero Origenes senex scripturae loca eodem modo excitat, quo ante plures annos ea laudaverat. In Comment. in ep. ad Rom. locum Gal. 4. 21. eodem modo legimus, quo exstat libro 4. de Princip. (vide num. anteced.). Sed libri *περὶ ἀρχῶν* editi sunt ante, quam ab urbe Alexandria migraret, i. e. ante annum 231. teste Eusebio H. E. l. 6. c. 24. Commentarii vero in Rom. circa annum 246 conscripti sunt, nempe antequam scriberet contra Celsum ¹⁴), sed post homilias in Leviticum ¹⁵), Rufino iudice ex tempore pronuntiatas ¹⁶), adeoque anno 245 posteriores. Nam ante annum aetatis suae sexagesimum non permisit, ut sermones suos ad plebem exciperent *ταχυγραφοί* ¹⁷). Ioh. 12, 32 legitur ἐν τῆς ἡγῆς, adhort. ad Martyr. §. 50. (circa annum 235) et Tom. 12. in Matth. §. 18. et in Ioh. Tom. 32. §. 17. Item 1 Cor. 2. 4. Tomo 4. in Ioh. pag. 93. (ante annum 231) οὐκ ἐν περὶ σοφίας τῶν λόγων; et similiter tomo 14 in Matth. §. 14. (circa 250.) Alibi tamen aliter.

IV. Quin allegationes in libris prioribus consonant iis, quae in posterioribus libris exstant, licet in

14) Contra Cels. Libr. 3. §. 47.

15) Nam ad has provocat Comment. in Rom. L. 9. §. 1.

16) Perorat. in Explanat. Origenis super Ep. ad Rom.

17) Euseb. H. E. libr. 6. cap. 34.

opusculis intermedio tempore exaratis aliter eadem loca excitentur. v. c. Ioh. 1. 33. ὁ βαπτίζων ἐν πνεύματι ἁγίῳ non solum tomo 2. in Ioh. (ante 231) et tomo 6. verum etiam contra Celsum Libr. 1. (post 245). Sed ὁ υἱὸς τοῦ Θεοῦ eius loco legitur tomo 13: in Ioh. (circa 236) et alibi; nempe hom. 2. in libr. Reg. et hom. 3. in Ies.

V. Origenes senex eas interdum sequitur lectiones, quas antecedente tempore disertis verbis reiecerat, quas igitur in suam recensionem eum recepisse probabile vix est. E. gr. Marci 1, 2. contr. Cels. L. 2. c. 4. additur ἐμπροσθεν σου, quod a Marco omissum fuisse testatur Comment. in Ioh. Tom. 6. §. 14. conf. tamen infra §. 15. Tantum igitur abest ut allegationum diversitas pro recensionis Origenianae indicio haberi possit, ut potius discrepantiae istae recensionem nunquam tentatam fuisse innuant.

Sed mirari praeterea licet, quid sit, quod nemo veterum Origenis operam in recensendo textu N. Testamenti collocatam laudet. Quid quaeso causae fuit, cur Eusebius, in tradendis caeteris Adamantii rebus admodum diligens¹⁸⁾, ne verbulo quidem merita eius de textu N. T. attigerit, cum de hexaplari opere satis accurate exposuerit, et nihil facile praetermiserit quod ad laudem Origenis spectet. Hanc vero historiae Origenianae partem eo minus praeterire debebat, quod hac recensione et ipse utebatur, et ad alios eam propagabat. Cur tandem Origenes ipse totam

18) Hist. Ecclesiast. libro VI. fere totò.

rem studiose silentio pressit? Insignis est locus Tomo 19 in Matth. quo verba Matth. 19. 19. ἀγαπήσεις τον πλησιον σου ὡς σεαυτον, theologica usus coniectura, suspecta reddere conatur. Ibi της διαφωνίας των ἀντιγραφων in permultis non solum Matthaei sed caeterorum etiam Evāgelistarum locis, mentionem iniicit, atque breviter narrat, quibus adminiculis in castiganda versione των ὁ usus sit, quemque modum in hoc negotio servaverit: την ἐν τοις ἀντιγραφοις της παλαιας διαθρηκῆς διαφωνίαν, θεου διδοντος, εὐρόμεν ἰασασθαι κ. τ. λ. Si unquam textui N. T. simili instituto medicas manus admovisset, h. l. suam medendi rationem commemoraturus, sui que operis mentionem facurus erat. Sed nihil omnino de N. T. adiecit¹⁹⁾. Quod silentium etsi iustae demonstrationis vim non habet, multum tamen ponderis iis quae diximus addere videtur. Liceat igitur, donec certiora quis doceat, de nova recensione Novi Testamenti, Origenis studio elaborata, dubitare.

19) Vetus interpres, seu paraphrastes potius Commentariorum in Matthaeum, sublestae fidei homo, sequentia hoc loco addidit: „In exemplaribus autem N. T. hoc ipsum me posse facere sine periculo non putavi: (scilicet addere aut demere quicquam, quod in versione των ὁ, asteriscis atque obelis usus, fecerat.) Tantum suspensiones exponere me debere et rationes causasque suspicionum, non esse irrationabile existimavi: sicut in hoc loco quod dicitur: diliges proximum tuum sicut teipsum; quoniam apud Marcum et Lucam positum non est, etc. Etsi verba haec satis conveniunt contextui Commentariorum, non ausim tamen contra graeci exempli auctoritatem ea defendere.

VII. Margini codicum suorum Origenem varias illevisse crediderim observationes criticas, emendationes, coniecturas, interpretationes, lectionis varietatem etc. Oram codicum Veteris Testamenti scholiis ab Origene exornatam fuisse, nota libri Marchalliani, supra §. 4. laudata, testatur. Quid vero obstat, quo minus marginem codicis N. Testamenti simili instituto scholiis instructum fuisse existimemus? Atque hinc diversitatem aliquam manasse arbitror non solum in ἀντίγραφα Pamphiliana atque Eusebiana, sed in allegationes etiam Origenis ipsius. Distinctius haec exponenda, suspicionisque rationes proferendae sunt. Quod ad exemplaria Pamphili eorumque ἀπογρᾶφα attinet, coniecturam nostram confirmare videtur codex Coislinianus 202 vetustissimus, supra §. 5. laudatus, qui cum ἀντίγραφῳ Pamphili collatus, aut saltem e tali exemplo collato descriptus, non potest non epistolas Paulinas ita nobis repraesentare, uti olim in codice Origenis legebantur. Ipsa etiam comparatio textus Coisliniani cum allegationibus Origenis atque codicibus iis, qui cum his consentire solent, demonstrat, recensionem, quam exhibet vetustissimus ille, non differre ab ea, quam Origenes in excitando N. T. secutus est. Utinam vero praestantissimus liber integer exstaret! Nam plagularum, quae supersunt, paucitas omnes ad examen accuratius aditus praecludit. Attamen non nihil observasse mihi videor in istis fragmentis, quod ad rem, quam agimus, pertinet. Nempe dissentit aliquando Coislinianus ab Origene Gal. 1, 4. codex, isque solus, habet Ὁ ἄλλος, Origenes vero

Σελημα. (de Orat. §. 25.) Sed facilis hic erat librarii lapsus, nec operae pretium, ut grammaticus, qui codicem cum ἀντίγραφῳ Pamphili contulit, ob hanc nullius momenti varietatem, membranam radendo de-formaret. Alia ratio est loci I Cor. 10, 28. Coislinianus, assentiente Alexandrino, habet ἱεροθυτον, Origenem autem in suo codice εἰδωλοθυτον legisse dubitari prorsus nequit. Unde igitur irrepsit ista lectio in librum, qui Pamphilianam h. c. Origenianam recensionem repraesentare putatur? Nempe e margine codicis Origeniani. Sic enim Adamantius c. Cels. L. 8. §. 21. — εἰδωλοθυτον χρησις, ἥ ὡς οὕτως ὀνομασῶ δαιμονιοθυτων ὡς δ' αὐτος (Celsus) προσαγορεύσαι ἂν (ἄτε μὴ εἰδῶς, τί το ἀληθῶς ἱερὸν, καὶ πόδα παῖ αἱ παρὰ τούτῳ θυσίαι) ἱεροθυτων. et §. 31. τα καλουμένα περὶ τοῖς πολλοῖς ἱεροθῦτα²⁰). Nullus dubito, quin in margine codicis Origeniani scholion: ἱεροθυτων, adpositum fuerit, quo nomine apud τοὺς πολλοὺς veniebant εἰδωλοθῦτα. Quod scholion in locum genuinae lectionis substitutum est a homine, qui perperam id accepit, ac pro emendatione aut variae lectionis significatione habuit. Eodem prorsus modo textus e scholiis Origenianis saepius interpolari potuit.

Discrepantiam allegationum Orig. ex parte ortam esse diximus e margine codicis, scholiis instructi.

20) Non solum e locis hic excitatis, verum etiam e tota de εἰδωλοθυτοῖς tractatione, in qua Origenes constanter hoc vocabulum usurpat, manifestum est, in contextu codicis Origeniani non existisse ἱεροθυτον sed εἰδωλοθυτον.

Colligi hoc potest e comparatione scriptorum Origenis seriorum cum prioribus. In posterioribus enim textui sacro nonnunquam verba nonnulla admiscet, quae antecedente tempore ignorasse videtur. v. c. Matth. 21, 12. τοῦ θεοῦ tomo 10 in Ioh. non exstat; additur vero tomo 16 in Matth. Ioh. 6, 51. ὁ ζῶν non habetur libro de Orat. adiectum vero est c. Cels. L. 2. et 7. 1 Cor. 2, 4. ἀνθρώπων non legitur in prioribus in Ioh. tomis, sed additum demum est Libr. 1. et 6. c. Cels. Utramque lectionem existisse in exemplari Origenis, alteram scilicet in textu, alteram in margine, idcirco etiam probabile est, quia Eusebius in suum textum suscepit additamentum; Hieronymus vero, qui Origenem non minus docem sequitur quam Eusebius, omisit. Cum vero recensio, quam occupant allegationes in libris posterioribus, diversa non sit ab ea, cuius imaginem cernimus in scriptis Origenianis tempore prioribus: eius rei ratio reddi non potest probabilior, quam quod Origenes, qui plures codices inspexerat, in margine sui exemplaris additamenta nonnulla, quae in aliis libris repererat, notaverit, eaque postea, in excitandis oraculis scripturae, textui nonnunquam admiscuerit. Caeterum observare hic licet ingenium exemplarium Pamphilianorum et Eusebianorum. In Pamphiliano scholion *λεγομένου* modo notavimus; hic additamentum ἀνθρώπων deprehendimus in Eusebiano.

§. VIII. Iustam librorum Origenianorum existimationem non imminuit invidiosa quorundam accusatio, qui Origenem non raro e coniectura, contra librorum auctoritatem, textum mutasse conten-

dunt. Ad quam criminationem repellendam, confidenter provocamus, tum ad ingenium Adāmantil, ab audacia in rebus criticis prorsus alienum, tum ad ea ipsa exempla, quibus Wetstenius tam in prolegomenis, pag. 67. quam in notis suis passim, accusationi fidem facere conatus est. Moderationem Origenis in mutando textu sacro, cernimus partim in modesto prudenterque temperato criseos usu in edenda graeca V. T. versione, partim in modo, quo coniecturas in N. T. proponit ²¹). Quod ad V. T. attinet, ipse profitetur, Comment. in Matth. 19, 19. ea, quae in hebraeo textu non extabant, obelo se confixisse in translatione graeca, *μη τολμησας αὐτα παντη περιελειν*, quae vero in versione omissa erant, ea e caeteris interpretibus, asteriscis adpictis, se addidisse, hoc consilio, ut lector ipse iudicare posset; *ὁ μὲν βουλευμενος προηται αὐται ὡς δὲ προσκοπτεῖ το τοιουτον, ὁ βουλεται περὶ της παραδοχῆς αὐτων, ἢ μη. ποιησῃ* ²²). In Commentariis vero in N. T. sicubi contra plurimum codicum suffragia decernit, aut coniecturam ex ingenio suo proponit, veniam praefari atque lectori studiosae excusare se solet. v. c. Matth. 8, 28. *γεργεσηων* loco *γερασσηων*, et Ioh. 1, 28. *βηθαβαρα* pro *βηθανια* legendum esse monet; sed suspicionis excu-

21) Vid. S. V. Ernesti dissert. laud. §. 20. 22.

22) Hic interpretes latini addidit ea, quae supra §. 6. protulimus, quae, quamvis genuina non sint, mentem tamen Origenis optime exprimunt, eiusque agendi rationem, quod ad criseos exercitium, recte describunt.

stationem petit a creberrimis librariorum, in scribendis propriis nominibus; peccatis. Matth. 19. 19. ubi verba: *diliges proximum tuum, sicut te ipsum*, sibi suspecta esse fatebitur, ne ἀσέβης videatur ταῦτα ὑπονοῶν, monet, alibi etiam in Evangeliiis multa a scribis pro arbitrio addita aut omisa esse; quin interpretationem verborum, de quorum νοσήσῃ persuasum ipsi erat, in eorum gratiam profert, qui forte comma hoc retinere natiint. Origenes igitur 1) in recitando textu religiose hic sequitur codices suos; coniecturas proponit in Commentariis. Cur legem, cui hic obtemperavit, alibi migrasse putetur, canssa apparet nulla. 2) Librarii non temere in sacrum contextum coniecturas Origenis quascunque receperunt. Verba enim, quorum ἀνθεστίαν impugnat Adamantius, in omnibus codicibus exstant. Ergo nec suum exemplar, e quo alia deinceps magno numero manarunt, ad coniecturam suam mutaverat.

§. IX. Veritas assertionis nostrae magis adhuc elucescet e diligenti consideratione locorum N. T. quae Weistenus vel ab Origene ipso e coniectura mutata, vel a librariis, iudicio tanti viri nimium tribuentibus, interpolata esse suspicatur. Iis, quae generatim de modestia Adamantii diximus, hoc iam effecisse nos existimamus, ut eum nemo criminis, de quo accusatur, reum pronuntiaturus sit, nisi gravissimis argumentis ac testibus sat locupletibus convictum videat. Sed documenta a Weistenio ad confirmandam accusationem prolata partim aperte falsa sunt et futilia; partim tam perspicua non sunt ut rem con-

ficiant, et omnes excusationis ansas nobis eripiant. In Catalogo locorum N. T. ab Origene interpolatorum primo occurrit:

Matth. 1, 23. ubi D. 2. a prima manu et Eu. 7. καλῶσαι legunt pro καλῶσις. De lectione huius loci disputat Origenes homil. 2. in Ies. Sed quae supersunt homiliae in Iesiam, latine tantum exstant, interprete Hieronymo, qui, teste Rufino, (libr. 2. adv. Hieron.) nimia in transferendis hisce sermonibus libertate usus est. De sententia igitur Origenis vix certo ex iis constare nobis potest. Verba haec sunt: *veritas exemplarium prophetae dicit: VOCABIS. In Matthaeo porro scimus lectitari (aliter igitur quam in propheta) VOCABITUR. — Quomodo vero Evangelium hanc habet scripturam? (a prophetae textu discrepantem) Utrum ab aliquo non intelligente, et ad faciliora currente, quomodo et in aliis multis factum est? (Igitur Origenis tempore iam erant, qui scripturae textum mutando faciliorem reddere auderent; difficiliorem ergo lectionem praeferat Criticus.) an sic a principio, ut dicat forte aliquis, (de lectione dubitabat Origenes) editum esse evangelium: qui vult deliberet. — Novi quendam in exordio scripturarum Evangelii legentem: ET VOCABIS, — dixisse intra seipsum: quid est vocabis? Quis vocabit? Achaz? — atque ita pro eo quod est, vocabis, scripsisse VOCABITUR. Num igitur iam tum exstabant codices, qui καλῶσις haberent? ac criticum istum audaculum novit Origenes? An forte hac descriptione coniecturam suam Adamantius proponit? scilicet ab initio scriptum fuisse: κα-*

λασις, postea aliam lectionem, a prophetica diversam, irrepsisse in Matthaei codices. An denique Hieronymus, quae Origenes de lectionis varietate in graecis libris dixerat, ad latinos biblicorum codices translulit? Sane: *vocabitur*, (κληθησεται) nusquam in graecis libris occurrit; exstat vero apud interpretem latinum Irenaei L. 4. c. 23. (edit Massuet.) et, teste Feuwardentio, L. 3. c. 9. in editione vetusta ²³). Hieronymus tamen Comment. in Ies. 7. tradit, in Matthaeo *vocabunt* (καλεσουσι) scriptum esse. Quicquid sit, latinus hic homiliae locus subobscurus ad elevandam criticam Origenis fidem idoneus non est, cum certo effici vix possit, quid in suis codicibus legerit, quamnam lectionem praefarendam duxerit, et unde eam hauserit. Interim, cum *vocabitur* sive *vocabunt* facilius sit quam *vocabis*; et Origenes eos reprehendat, qui ad faciliora currunt: verisimile est, *vocabis* pro genuino eum habuisse. Sed inde non sequitur, *καλασις* in nullo codice tunc extitisse, et ab Origene primo in textum illatum esse. Si exemplaria Origeniana in ipso verborum contextu *καλασις* habuissent, Hieronymus, summus eorum admirator, non scripsisset, apud Matthaeum legi *vocabunt*. Eusebius quidem habet *καλασις*, sed hoc forte e margine codicis Origeniani sumsit. vid. §. 7.

Math. 4. 10. Disertis verbis docet Origenes to-

23) Feuwardentius ad hunc Irenaei locum monet, Origenem legisse *vocabunt*. Unde vero id receverit, equidem ignoro.

mo 12. in Matth. §. 22. Satanae dictum fuisse, ὁ πα-
 γς σατανᾶ, χωρὶς τῆς Θ Π Ι Σ Ω Μ Ο Τ προσθηκῆς.
 Atque hanc lectionem in suis libris eum invenisse,
 plane mihi persuasum est. Nam de vera lectione mi-
 nime dubitat, sed tanquam indubie certum occupat,
 ὁπισω μου non legi hoc loco. Sine stupendâ impu-
 dentia, quæ profecto in Adamantium non cadit, sic
 agere non potuisset, si verba ista de textu Matthæi
 ipse abstulisset. Perperam igitur Wetstenius omissio-
 nem τοῦ ὁπισω μου, Origenis tribuit ingenio. Deest
 quoque in versionibus vetustis; vulgata, syriaca, (po-
 sterior habet quidem, sed cum asterisco, additionis
 senioris indice) persica ex editione Wheloci, et arabi-
 ca polygl. quibus coptam addimus. Origeni præterea
 adstipulantur, Ignatius, si placet nomen, Hierony-
 mus, aliique latini, Brixiensis etiam codex latinus,
 ut et, ex Bengelii sententia, Chrysostomus; atque
 codices graeci non pauci, in quorum numero sunt
 non solum 1. et 13. semper fere cum Origene con-
 spirantes, sed alii etiam, quibus nullum intercedit
 cum Origeniana recensione (latiori sensu utimur iam
 hoc vocabulo, pro ea qua usus est Adamantius recen-
 sione) commercium. Sed exstant verba ista apud Aeth.
 Pers. pol. Arab. erp. Justin. M. aliosque graecos,
 CDL. etc. Quid igitur sentiendum sit de omissione
 hac longe antiquissima, cum tot in utramque partem
 afferri possint testimonia, nemo facile dixerit. Potuit
 sane ineptus homo, sed Origene audacior, verba ista
 ingulare, eadem delectatus λεπτολογία, cuius men-
 tionem Origenes ad h. l. fecit, Bengeliusque repetit.

Sed aequo iure, e locis aliis ea huc translata esse, dicere aliquis posset. Quare, cum nec testium gravitate et numero, nec rationum speciosarum auxilio altera lectio alteram vincat, res in medio relinquenda esse videtur. Plures occurrunt in N. T. huius generis lectionum varietates antiquissimæ, de quibus nemo, qui boni critici officium accurate novit, atque ab omni cupiditate liberum animum habet, certi quicquam statuere ausit. Sed Luc. 4, 8. verba: *ὁ πᾶς ὄντις ἐν τῷ μου σατανα*, omnino delenda esse existimo. Wetstenius plane ineptit, dum Origenem invitis codicibus comma hoc e textu Lucae amovisse contendit, in not. ad Matth. 4, 10. Quid enim? Origenes ista verba ingulavit etiam in versionibus Syr. Aeth. Pers. in utraque edit. Copt. Armen. Vulg. Goth. Saxonica? Hæ igitur omnes Origenis vestigiis insistent? Quid? quod ante Theophylactum, si Grotio fides est habenda, nemo graecorum ea excitavit. Omittuntur etiam in codicibus B. D. L. 1. 8, 13. quibus addimus codicem Marshi 24. in biblioth. Bodleiana, de quo libro deinceps plura dicenda erant. Hiat h. l. codex C. Alexandrinus vero parum se nobis commendat additione hac.

Matth. 6, 4. *ἐν τῷ σταυρῷ* omittitur in B. D. 1. 22. 23. *33. 68. cod. Marsh. 24. Copt. Vulg. et patribus nonnullis. Eadem verba v. 6. desiderantur in cod. *24. 59. et Marsh. 24. a prima manu. v. 18. vero absunt a codicibus ac versionibus longe plurimis. Wetstenius ad v. 4. notavit, Origenis coniecturae hanc deberi omissionem. Versum quartum ac deci-

num octavum Origenes nunquam excitavit integros. Comm. 5 — 8. recitat libro de Orat. §. 19. ibique v. 6. deest ἐν τῷ Φανερω. Praeterea in Select. in Ezech. 8, 12. laudatur τὸ εἰσελθε εἰς τὸ ταμειον σου, καὶ τὸ ὁ βλέπων ἐν τῷ κρυπτῷ ἀποδώσει σοι, quae ad sextum comma itidem spectare videntur. Tandem tom. 13. in Ioh. §. 45. narrat Origenes, tertio Stromatum libro exposuisse se dictum illud: ὁ πατήρ σου, ὁ βλέπων ἔ. τ. κ. ἀποδώσει σοι ²⁴). Ad quodnam Matthaei comma ibi respexerit, non liquet. Quid igitur? Num Origenes τὸ ἐν τῷ Φανερω plane ignoravit? Id. equidem affirmare non ausim. Nam apud Corderium in Catena in Ps. 36. haec habentur: ὁ τὴν ἐν κρυπτῷ δικαιοσύνην (pertinere haec videntur ad v. 4.) βλέπων θεός, διὰ τὸ βλέπειν ἐν τῷ κρυπτῷ, ἐξοίσει αὐτήν, ὅτε Φανερωθεὶ τὰς βούλας κ. τ. λ. Plenius haec homil. 1. in Ps. 36. (unde sine dubio ista quae exstant in Catena, desumpta sunt) leguntur, interprete Rufino: *Tuam iustitiam, quam tu egisti in occulto, et revelasti eam soli Deo, hanc producet sicut lumen Deus, et ostendet te iustum — coelo et terras, et omnibus qui in coelo sunt ostendet lumen iustitiae tuae — Matth. 6, 3. — Haec ergo iustitia, quae ita fit — ut pater, qui videt in occulto, reddat PALAM in tempore suo, producit a Deo sicut lux etc.* Ergo satis incertum est, quid in suis exemplaribus legerit Origenes,

²⁴) Codex Bodl. addit ἐν τῷ Φανερω, sed Barberinus et Regius non agnoscunt.

quid non. Unde igitur constare nobis potest, eum verba illa in suo codice rasisse? Wetstenius quidem, *Origeni, inquit, non videbatur consentaneum, ut illi, qui ostentationem vitare et secreto largiri iubetur, publicum praemium, quod ostentatores incitare solet, promitteretur. At debebat distinguere gloriam, quae a Deo est, et gloriam, quae est ab hominibus. Quasi vero isthaec ignorasset Adamantius! Quia hoc ipso libri de oratione loco, quem procul dubio respexit Wetstenius, 25) dicto Ioh. 5. 44. excitato, haec addit: πασης της παρ' ανθρωπων δοξης, και επι τω καλω γινεσθαι νομιζεται, καταφρονειν, και ζητειν την κυριαν δοξαν και αληθη, την απο του μουου τον της δοξης αξιον προποντως εαυτω, υπερ την αξιαν του δοξαζομενου, δοξαζοντες. Nostra quidem sententia, Matthaeus semel tantum scripsit εν τω φανερω, nimirum commate 6. Sed ante Origenis tempora hoc ipso loco exciderat iam e codicibus quibusdam, quia brevior formula v. 4. librarii menti adhuc observabatur.*

Matth. 19, 17. Origenes in Comment. in h. l. (tom. 15. §. 10.) ad quaestionem: διδασκαλς (omittitur αγαθς) τι καλον ποιησω, ινα σω (alibi κληρονομησω) ζωην αιωνιον; hanc excitat Christi responsionem: τι με ερωτας περι του αγαθου; εις εστιν ο αγαθος. Wetstenius in proleg. hunc locum iis annumerat, quos Ada-

25) Locum non indicavit. Equidem non memini apud Origenem me legere, consentaneum non esse, ut publica praemia Deus promittat iis, qui ostentationem vitare iubentur.

mantius e conjectura mutasse videatur. Sed facillime negotio accusatio haec refellitur. Nemo, qui Origenis Commentarios accuratius inspexit, dubitare poterit, quin lectionem, quam in codicibus sui temporis invenit, h. l. secutus sit. Nam ipse Marcum et Lucam diversa a Matthaeo scripsisse docet; nempe: *τις πατρὶς ἀγαθὸν; οὐδεὶς ἀγαθὸς εἰ μὴ εἰς, ὁ θεός*. Nonne vero impudentissimi esset hominis, Matthaei textum pro lubitu corrumpere primum et interpolare, ac postea, dissimulata impia fraude, sic confictum ac suppositum cum caeterorum Evangelistarum verbis comparare, atque dissonantiam, quasi rem inexpectatam, mirari, eiusque rationes investigare? Nam ipse non solum Evangeliorum inter se discrepantiam indicat, verum observat etiam, sensum inde existere satis diversum. Apud Matthaeum sic servatorem respondere inveni, quasi hic περὶ ἀγαθὸν ἐργον interrogasset; apud Marcum vero et Lucam ita responderi, ac si ἀγαθὸς dici, praeter unum patrem, queat nemo. Matthaei textum videri quidem pugnare cum praecepto *μνησθῶν ἀγαθὸν* Ps. 33, 15. ita enim respondere Christum, quasi *τε ἀγαθὸν* in solum Deum cadere possit; quo posito, mandatum illud ineptum esset: sed ex comparatione Marci et Lucae pugnam componi posse. Inde enim patere, ἀγαθὸν in hac responsione Christi accipi sensu exquisitiori, tali nimirum, quo Christus ipse ἀγαθὸς dici nequeat. Contra vero, illud: *μνησθῶν ἀγαθὸν* intelligendum esse de bono non absolute, sed comparate ad aliorum hominum actiones; quod tamen coram Deo, qui solus absolute bo-

nus sit, bonum appellari non mereatur etc. Quomodo haec talia scribere potuisset Origenes, si lectionem Matthaei, quae disputationis materiam praebebat, ex suo ingenio depromississet? Quam quaeso ob causam Marci ac Lucae Evangelia intacta reliquit, si Matthaei textum contra omnes codices, rationibus ductus nescio quibus, mutavit, et ad alios sensus detorsit? Ego vero lectionis varietatem Origene antiquiorem esse contendo. A parte lectionis receptae stant Syrus interpres vetustissimus, Arabes, Chrysostomus, Euthym. Hilar. et codices graeci plurimi. Alteram vero lectionem Origenem in auct. codicibus invenisse ostendimus, eamque confirmant vers. Copt. et Arm. margo Syrae post. Vulg. Vercellensis antiquissimae latinae translationis codex, Cyrillus alicubi, Euseb. Dionys. areop. etc. atque codices BDL. 1. 22. Aethiops vero lectionem exhibet ex utraque compositam: *quid me interrogas de bono? non est bonus nisi unus Deus*; quam profecto ab Origene non accepit. Caeterum assentior quidem Wetstenio, nihil nos cogere, ut lectionem Origenianam alteri praeferamus, h. e. non posse invictis argumentis demonstrari, Matthaeum sic scripsisse; at tamen non sine omni specie Erasmus, Grotius, Millius atque Bengelius hanc lectionem altera probabiliorum esse indicarunt. Scimus enim, saepissime ex aliis Evangeliiis in aliud phrases olim fuisse translatae. Coniectura etiam Wetstenii de origine lectionis Origenianae nihili est. Nam si quis ideo hanc lectionem finxisset, quod convenientius esse videretur, respondere ad quaestionem ipsam, *τι ἀγαθόν, τὸ τίς;*

quam ad honoris titulum; διδασκαλῆ ἀγαθῆ: iugulasset, aut mutasset etiam εἰς ἔστιν ἀγαθός, quod facilius ad allocutionem ἀγαθῆ referebatur, quam ad interrogationem, *τί ἀγαθὸν ποιῶ*. Est vero notatu dignum, ἀγαθῆ abesse a codice Origeniano et a D. * L. 1. Evang. 5. Hilar. codd. Latinis et Aeth. Atque hinc forte praesidium afferri potest lectioni receptae. Si enim casu e libro quodam excidit illud ἀγαθῆ (quod contingere facile poterat ante *τί ἀγαθὸν*) manifesta est ratio, cur *τί με λέγεις ἀγαθὸν* mutatum sit. Sin vero recte adest, (ut statuere debent lectionis Origenianae defensores, ob testimoniorum parem fere auctoritatem; codices enim B. et 22. quum accurate collati non sint, in censum non veniunt;) mirum est, Matthaeum scripsisse εἰς ἔστιν ἀγαθός, quod, ut e caeteris Evangelistis constat, ad illud ἀγαθῆ spectat. Genuinum igitur videtur *τοῦ ἀγαθῆ*: quo concesso, lectio recepta, *τί με λέγεις ἀγαθὸν*; mutanda non est.

Matth. 19, 29. coll. Marc. 10, 29. 30. et Luc. 18, 29. Non solum in Comment. in Matth. nullam facit *τῆς γυναίκος* mentionem, licet antecedentia et consequentia aliquoties enumeret; verum etiam in Adhort. ad Martyr. §. 16. disertis verbis *uxorem* in isto catalogo rerum propter Christum relinquendarum, in resurrectione vero centuplicato restituendarum, recenseri negat; atque ea in re *τὸ τῆς γράφης σέμνον* admiratur. In Matthaei quidem et Marci Evangeliiis, codices quidam omittunt hoc vocabulum, sed in Luc. textu omnes magno consensu in retinendo eo conspirant. Dubitari non potest, dedita opera a sacris libris

erasum esse τοῦ γυναικας, ut scilicet Christianorum adversariis calumniandi ansa eriperetur, quam, ut Iuliani exemplo discimus, quod e Theophylacto Grotius ad Marc. 10, 29. affert, lubentissime arripiebant. Attamen non erat, cur Wetstenius ablati vocabuli reum ageret Origenem. Codice enim nonnullis in locis, quae christianae causae obesse videbantur, interpolata usum eum esse, aliunde etiam constat ²⁶⁾. Caeterum ad Matthaei textum proprie spectant, quae Origenes loca indicatis tradit, verbis Marci ²⁷⁾ et Lucae aut non auctoribus, aut dissimulatis. A Matthaei vero textu abest γυναικα tum in codice l. vetustissimis lectionibus referto, tum etiam in Cantabrigiensi libro. Notatu etiam dignum est Origenem loca trium vocabulorum: πατέρα, μητέρα, γυναικα, habere γυναικας ²⁸⁾. Cantabrigiensem vero μητέρα. Hic igitur lectionem hanc mutuatus non est ab illo.

26) V. c. libro 6. c. Cels. §. 36. Iesum in Evangelia ab ecclesia receptis fabrum dici negat. Id quod inficias ire non potuisset, si casto Marci exemplari usus esset. Ibi enim c. 6. 3. manifeste δὲ τεικτων appellatur ab incolis urbis Nazareth. Nam codices * 10 (Regius 91. olim 2865 a) 13. 33. 69. qui assentientibus latinis quibusdam codicibus, aethiopico ac arabicis interpretibus, δὲ τεικτωτες ὄντες habent, praecul dubio h. l. interpolati sunt.

27) In Marco etiam γυναικα abest, a codd. D. l. 66. Vulg. Arm. Copt.

28) Similiter Irenaei interpres libr. 3. c. 33. γυναικα omittit, et loco πατέρα et μητέρα habet parentes. Incertum tamen est, e quonam Evangelista locum excidet.

Matth. 27, 9. Pro *Ιεζεκιου* legunt *Ζαχαριου* cod. 22. et Syr. post. in margine. Godex vero 33. et Syrus interpres nullum omnino prophetae nomen habent. Origenes hom. 35. suspicatur, aut Ieremiam positum esse pro Zacharia, aut esse aliquam secretam, h. e. apocrypham, scripturam. Eusebius etiam, Hieronymus atque Augustinus, qui in quibusdam codicibus neutrum nomen exstare narrat, de lectione huius loci disputant. Augustinus praeterea de consensu Evangel. 3, 7. qui diligentius; inquit, in *graecis exemplaribus evangelium considerarunt, in antiquioribus graecis* (Origenis? ad haec sane provocare solemne erat,) *Ιεζεκιου se perhibent invenisse.* Origenem in suo codice nihil hic mutasse, vel ex Eusebio constat, (Demonstr. 10, 4.) qui libros *Ζαχαριου* habentes noverat nullos.

Ioh. 1, 28. Legendum esse censebat Origenes: *ἐν βησαβαγα*, quoniam sic rem ipsam ferre opinabatur, licet *οχεδον ἐν πᾶσι* (ergo non in omnibus) *ἀντιγραφοῖς* exstaret, *ἐν βηθανια*. Comment. in loc. Negari quidem non potest, recepisse Origenem hanc lectionem in ipsum verborum contextum: sed satis clarum est, haustam eam esse e codice tum exstante; argumenta vero, e re ipsa desumta, adposita tantum esse, ad confirmandam hanc paucorum librorum lectionem; ut rationum pondere compensaretur, quod testimoniorum numero deesse videbatur. Qui enim illud *οχεδον* calide ad avertendam audaciae, invidiam additum esse putant, iusto iniquiores sunt. Alibi sane, ubi coniecturas suas proponit Origenes, artificiosa tali cir-

cum locutione non utitur, neque codicum dissensum dissimulat. Praeterea fidem eius quodammodo vindicat Aethiops, interpres vetustissimus, qui, teste Cel. Bodio, in Pseudocritica Millio Bengeliana, duas lectiones hoc loco (ut et alibi non raro) coniunxit, scripsitque: in *Bethania* in *Betharaba*. Aethiopem lectionem suam non hausisse e codice ab Origene; si diis placeat, interpolato, inde constat, quod non *Bethabara* scripsit, sed *Betharaba*. Origenem vero *Bethabara* legisse, licet iam in libris quibusdam manuscriptis commentariorum exstet *βηθαβα*, colligimus ex etymo vocabuli, quod ex Adamantii sententia, οἰκον κατασκευης significat, compositum scilicet ex כִּירָא et בִּרְאָה, quod posterius verbum, ut scite observavit Huesius, οἱ ὁ bis reddiderunt, κατασκευαζεν. Ac ne quis forte suspicetur, Origenis κατασκευης scribentis menti obversatum fuisse hebraicum בִּרְאָה quod τοῖς ὁ aliquoties est ἐνεδρα et ὄπλα; nam de bellico etiam apparatu et machinationibus graeci utuntur vocabulo κατασκευαζεν: observandum est, ad viam Christo a Iohanne praeparatam vocabulum anagogice trahi ab Adamantio. Caeterum libri manuscripti, qui cum Origenianis maxime consentire solent, (C. a prima manu, et ut ex Wetstenii silentio conii- cimus, 1. 13. 33. 53. 69. affique) hic quoque βηθαβα legunt. Nos eandem lectionem in quatuor codicibusprehendimus, nimirum Parisino S. Genovefae, scripto 5φ7β. i. e. A. C. 1284. et Harleianis, qui nunc in Museo Britannico Londini asservantur, tribus. Scilicet cod. 1810, ex emendatione (qui liber

Sec. XI. scriptus est) cod. 5540. Seculi, ut videtur, XIII. in quo tamen secundis curis βηθανια scriptam est; et cod. 5567. eleganti manu circa Sec. XI. exarato ²⁹):

I Cor. 10, 28. *ἰσχυρον* legitur in cod. A. et H. pro *εἰδωλευτον*. Adamantium interpolationis auctorem non esse, sed e margine libri Origeniani aut Pamphiliani *ἰσχυρον* in codicem H. irrepsisse, supra ostendimus, §. 7.

I Cor. 15, 51. *παντες μὲν κοιμηθησόμεθα, οὐ πάντες δὲ ἀλλαγησόμεθα*. Sic cod. C. *17. (Wetstenius paulo aliter in libro hoc legi tradit) et sic latine hic locus excitatur tract. 30. in Matth. (cap. 24, 31.) §. 52. Sed dubia est interpretis fides, praesertim cum graece c. Cels. L. 5. §. 17. (ut in editis ac vers. Syr. et Arabicis) exstet: *οὐ πάντες κοιμηθησόμεθα, πάντες δὲ ἀλλαγησόμεθα* ³⁰), et apud Hieronymum (epist.

29) Cod. Harl. 5567. ab eadem manu subscriptionem fini Iohannis adpositam habet satis mirandam hanc: *το παρὸν ἔγραψεν δια-χειρὸς ἐμοῦ Θεοδοσίου τοῦ μεγάλου βασιλέως. ἐν ἔτει αἰ.* . . .

30) Wetstenius fallit lectores, hunc libri quinti contra Celsum locum (edit. Hoesch. p. 248. Wetstenius laudavit p. 240:) iis annumerans, qui lectionem *κοιμηθησόμεθα* οὐ confirmant. Alter vero eiusdem polemicae operis locus (Wetstenio p. 100. mihi p. 103. edit. Hoesch.) qui libro 2. §. 65. exstat, ad causam, quae agitur, plane non pertinet. Et enim oraculum, de cuius lectione disceptatur, ibi non recitatur, sed ea tantum Pauli verba, quae illud sequuntur. Neque Pamphili Apologia Origenem *κοιμηθησόμεθα* οὐ scri-

ad Miner. et Alex. edit. Francof. 1684. Tom, 3. pag. 127.) ex Origenis Comment. in priorē ad Thessalonicenses, eodem modo locus bis excitetur. His consentienter legimus quoque: *omnes autem immutabimur*, π. ἀρχ. L. 2. §. 10. edit. Ruæanac, in qua vera hæc lectio e codicibus restituta est. Exstitit igitur lectio hodie recepta in exemplari Origenis, eaque in allegationibus suis vulgo usus est. E Didymo tamen, non pedibus sed verbis in Origenis transeunte sententiā, ut loquitur Hieronymus l. c. colligi posse videtur, alibi alteram lectionem receptae prætulisse Nostrum. Utrum vero codicum quorundam auctoritate, an exegeticis tantum rationibus, vulgarem lectionem impugnaverit, aequē incertum est ac quaestio altera hæc: utrum omnium primus eam sollicitaverit. Quare neque certo definiri potest, unde librarii nonnulli graeci et interpretes Aeth. ac Arm. illud οὐκ ἀλλὰ γρηγορίου ἡσυχίου hauserint; nec contra Origenis fidem quicquam ex hoc loco effici potest.

§. X. Ex exemplis hactenus allatis apparere arbitror, Origenem criminis, textus sacri ex ingenio mutati, saepissime falso accusari. Attamen ne cupiditate fidem ipsius defendendi abrepti, veritatis limites transilire, atque rem præter modum augere existimemur: Wetstenio nonnihil concedere iuvabit. Fate-

uisse narrat. Nam profertur tantum, p. 40. edit. de la Rue, e libro 28. Commentar. in Ies. locus, qui sic incipit: *Melius est dicere, quod omnes resurgemus (tam pii quam impii) etc.* Sed 1 Cor. 15. 51. non excitatur.

mur ergo unum restare locum, scilicet Matth. 8, 28. coll. Marc. 5, 1. et Luc. 8, 26. 37. quo Origenes lectionem genuinam primus tentasse videatur. Proficitur tombo 6. in Ioh. §. 24. hic in codicibus haberi γερασμων, (atque sic ubique legit D. et Vulg.) in paucis tamen exemplaribus legi γαδαρμων. Utramque lectionem geographicis rationibus impugnat, et aliam, scilicet γεργασμων, substituendam esse edicit. Dabo, ut paucis rem expediam, Origenem h. l. intulisse coniecturam a se excogitatam in codicum suorum contextum³¹⁾; saltem in Matthaeum. Nam in Marco et Luca a textu mutando ipsum abstinuisse, persuasum mihi est. Si enim in caeteris Evangelistis eundem mutationis modum servasset, quem in Matthaeo adhibuit, nullo modo ab iis, qui Origenem huius lectio-

31) Damus hoc brevitatis studio, et quia alibi etiam (tomo 10. in Ioh. §. 10.) lectionem γεργασμων tamquam indubie veram poni videmus, τα γεργασα, ενθα περιελισσασα αυταν μεταβηναι εκ των οριων αυτων (ad Matthaeum hic respicit). οι των χοιρων πολιται, ερμηνευεται παροιγια εκβεβληκοτων. Sed extra omnem dubitationem res posita non est. Eusebius, qui Origenianum textum sequitur, ut ex innumeris exemplis planissime cernitur, in Matthaeo, testibus Millio et Bengelio, legit γαδαρμων. Etiam codex C. constans alias Origenis comes, γαδαρμων h. l. habet. Sed nolo dubitandi causas dicendo amplificare. Hoc addo: si codex C. hoc loco γαδαρμων ex Origene hausisse negatur, concedi etiam debet, 1 Cor. 15, 51. παντες μεν κοιμηθησονται, aliunde quam ex Origenis exemplari in librum hunc irrepsisse, qui in Evangeliiis pressius Adamantii vestigiis inhaeret, quam in epistolis.

nis auctorem statuunt, explicari posset, cur το γεγεννησθαι tantum non omnes Matthaei codices occupaverit, in Marci verb et Lucae exemplaria non nisi paucissima irrepserit ³²). Marcum et Lucam forte in margine tantum emendandos esse iudicavit. Quicquid sit, peccasse h. l. Origenem concedimus; sed ita peccavit, ut excusationis veniam ab aëquis arbitris facile impetrare debeat. In corrigendis enim propriis hominum locorumque nominibus, paullo plus quam in aliis rebus dandum est criticis, quoniam librarii in hoc genere frequentius, quam in ullo alio labi solent; quod vel e solo tertio Lucae capite videre est. Ipse Origenes, hoc ipso loco, quo γεγεννησθαι defendit, de hac scribarum sive negligentia sive audacia conqueritur ³³). Hoc posito, omnia iam ad Origenem excusan-

32) In Marco codd. L. 1. 28. 31. 33. 38. et Evangelia sex; quibus addimus Marshianum 24. Harlejanum 5567. Regium Paris. 91. olim numero 2865 a. insignitum, qui nisi egregie fallimur, is ipse est, cui Wetstenius *decimum locum in suo catalogo assignavit. Codex etiam *50. in margine adscriptum habet illum Origenis locum, quo γεγεννησθαι legere iubemur. In Luca lectionem Origenianam exstare tradit Wetstenius, versu quidem 26. in codd. L. 1. 33. commate vero 37. in codd. C. L. 1. 13. 69. quibus Marsh. 24. adiungimus. Codices 13 et 69. commate 37. legere γεγεννησθαι, versu vero 28. consentire cum edito textu, iure aliquis miretur. Codicis L. folium, quod comma 28. continebat, excidit. Versiones vero Aeth. Copt. Arm. et arabicae ubique habent γεγεννησθαι.

33) Το μνηστοις ημαρτησθαι εν τοις ΕΛΛΗΝΙΚΟΙΣ ἀπογραφαις τα περι των ονοματων πολλαχεν, και απο τούτων

dum conspirare videntur. Primo, libri quos consulē-
rat, a se invicem dissidebant, aliis γερασσηων, aliis γα-
δασηων exhibentibus, quae diversitas non poterat non

(scilicet alia iam exempla afferat, praeter illud, de quo
in antecedentibus egerat, e Ioh: 1, 28. desumptum) ἐν τῇ
πιστει. Ἐν τοῖς εὐαγγελίοις ἡ περὶ τοὺς χοίρους, — οἰκονο-
μία ἀναγγελλομένη γεγονέναι ἐν τῇ χώρᾳ τῶν γερασσηων. —
Τὸ δ' ὁμοίον περὶ τὰ ὀνόματα σφάλμα πολλαχού του νομοῦ
καὶ τῶν προφητῶν ἐστὶν ἰδεῖν, ὡς ἠκριβώσαμεν ἀπὸ ἑβραίων
μαθόντες, καὶ τοῖς ἀντιγράφοις αὐτῶν τὰ ἡμετέρα συγκριναντες.
Iam sequuntur exempla aliquot e V. T. — Τῷ Ἰουδᾷ παρ'
ἡμῶν μὲν ὁ δευτερός Αὐνὴν εἶναι λέγεται, παρὰ δὲ ἑβραίοις Ωνὴν
ἔστι κ. λ. Recte etiam observat Origenes, ea inprimis loca
suspecta esse, ubi plura nomina recensentur v. c. in libro
Iosuae. — Diligentius haec exscripsimus, ut eo facilius in-
telligeretur, quatenam fuerint ista ἀντιγραφα ἑλληνικά, quo-
rum mentionem facit initio loci excitati. Nempe Huetius
atque Benedictini verba: ἐν τοῖς εὐαγγελίοις, quae novam pe-
riodum incipiunt, antecedentibus iungentes, sensum reddi-
derant impeditum, atque ansam praebuerant suspicioni, ἑλ-
ληνικά ἀντιγραφα unice referri ad Evangelia, quasi alia Evan-
geliorum exemplaria, praeter ἑλληνικά, ad manus habuis-
set Origenes. Si quid video, respexit Adamantius simul
ad exemplaria graeca V. T. nec ἑλληνικά differunt ab iis,
quae in sequentibus τὰ ἡμετέρα, τὰ παρ' ἡμῶν, nominantur,
atque hebraicis opponuntur. Scitè vero, ubi sententiam
dicit generatim, quam postea exemplis tam ex Evangeliiis
quam e V. T. petitis illustrat, utitur vocabulo ἑλληνικά,
ut scilicet causa appareat, ob quam nomina propria in
Novo etiam Testamento corrumpi facile potuerint. Li-
brarios graecos in scribendis nominibus hebraicis ad lapsus
esse pronos, nemo non intelligit. Hoc vero probandum
sibi sumserat Origenes. Locus huic similia eumque egregie

corruptionis suspicionem excitare. Deinde, persuasum erat Origeni, neutram lectionem veram esse posse; quia utraque cum geographicis rationibus pugnare videbatur. Denique facillimus erat lapsus a γεγρασθων ad γερασθων, quae lectio tum temporis plerumque codicum erat; emendatio igitur a vestigiis vulgaris lectionis non multum discrepabat. Quae cum ita sint, nimis suspiciosi sunt, qui ex huiusmodi exemplis colligere audent, saepius Origenem textum ad coniecturas suas mutasse, et mutationes eiusmodi non paucas, de quibus nunc constare nobis non possit, cum commentariorum magna pars interceiderit, a librariis in codices graecos, atque Hieronymo in versionem latinam receptas esse.

§. XI. Sed de hac accusationis Wetstenianae parte, quae ad librarios pertinet, explicatius disserendum est. Fateor, in hac me esse sententia, longe maximam partem varietatis lectionum, eius certe, quae alicuius ad sensum aut ad rem grammaticam momenti esse videtur, si primam originem respicias, nimiae potius sedulitati quorundam hominum deberi, quam scribarum hallucinationibus. Negligentiam cernimus partim in omissionibus, v. c. ob ὁμοιοτελευτον, quas tamen qui festinationi librariorum tribuere vellet om-

Illustrans exstat Comment. in Matth. 21, 9. ubi verba ὡσανύνα τῇ υἱῷ δαβὶδ minus accurate scripta esse contendens, δοκεῖ μοι, inquit, ὑπερὶ ΕΛΛΗΝΩΝ συνεχῶς γραφόμενα ΤΑ ΕΤΑΓΓΕΛΙΑ, μὴ εἰδόντων τὴν διαλεκτὸν (hebraicam) συγχεῦσθαι ἐν ταῖς κατὰ τὸν τόπον ὁμοίαις ταῖς ἀπὸ τῶν ψαλμῶν.

nes, longissime a veritate deflecteret; partim in permutatione litterarum similium et sonorum affinium, ac falsa compendiorum notarumque interpretatione, ut et in permutatione vocabulorum ac phrasium idem fere significantium e gr. λέγειν et εἰπεῖν, κυριος et Ἰησους sive Χριστος ³⁴). Hoc aberrationum genus, nec ad causam nostram pertinet; nam omnes variarum lectionum causas enarrare non est instituti nostri: nec peritos criticos multum exercere potest ³⁵). Alterum genus, in quo manifeste se prodit consilium textum plenior, elegantior atque numerosior reddendi, intelligendique difficultatem minuendi, complectitur primo additiones tantum non omnes, tam liturgicas et exegeticas, quam historicas, sive e locis de re eadem aut simili agentibus desumptas, sive e libris apocryphis aliisque scriptionibus ecclesiasticis repetitas, sive e traditione derivatas ³⁶). Porro immu-

34) Vid. Bengelii *introduc. in crisin N. T. sive Apparatus critici* P. I. §. 14. et C. B. Michaelis *tract. de Var. lect. N. T.* §. 4. 5. 6.

35) v. c. 1 Cor. 13, 3. pro *καυχῶμαι* A et * 17 habent *καυχῆσθαι*, quod specie suam minus attentum fallere quidem potest; id quod Bezae contigit; sed accuratius examinanti orationis *συναφειαν* probare se non poterit.

36) *Liturgicae* additiones in multis codicibus exstant Matth. 13, 23. et Luc. 12, 15. 21. et cap. 21, 4. *ὁ ἔχων ὕδατος κ. τ. λ.* ac Luc. 14, 24. *πολλοὶ γὰρ εἰσι κλητοὶ κ. τ. λ.* Doxologia Matth. 6, 13. orationi dominicae ex officio ecclesiastico apposita, graecos codices omnes, praeter D. 1. 17. et ced. Matth. 24. hodie occupat. Patribus vero ante Chryso-

rationes constructionum earum, quae sermonem reddere poterant ambiguum, et σολαικισμού ac κακοφω-

atomum et auctorem constiti apost. ignota fuit. Eriam apud Iuocam cap. II, 2. 4. aliquot formulis aucta est oratio haec. Origenes genuinam h. e. breviorē lectionem sequitur in utroque Evangelio. *Exegeticae* additiones satis frequentes occurrunt sensui declarando destinatae. E. gr. Matth. 15, 31. pro κωφους λαλουντας legunt nonnulli κωφους ακουοντας, αλαλους λαλουντας. cap. 16. 3. ad δυνασθαι alii addiderunt δοκιμασθαι, alii γυνναι. Marc. 1, 16. ad αυτου additur σιμωνος in codicibus permultis etiam *17 et Harlej. 5567. v. 21. Codices CL. 69. Evang. 18. 19. Vers. Syr. Gopt. et Origenes omitunt εις λαλουν, quod, ad illustrandam phrasin διδασκουν εις την συναγωγην, alii numero plures addiderunt. v. 34. τα δαιμονια ηδουσαν αυτον + Χριστον εινα. *17. alii quoque. Cap. 5, 15. editi habent τον εδχηκτα τον λεγωντα, quod rectius abest a D. *17 a prime manu 27. Vulg. His simillima sunt additamenta grammatica, ad supplendas ellipses, syllepses etc. adiecta v. c. Matth. 10. 41. υδατος post. ψυχρου. Matth. 28, 15. ημερας post της σημερον. Passim occurrunt etiam additiones quasi theologiae, dogmatice cuiusdam gratia textui illatae. c. c. Act. 2, 24. pro λυσας τας ωδινας του Σαταου cod. E. habet λυσας δι αυτου τας ωδ. v. 9. Spectat additamentum hoc, nisi quid me fallit, ad vetustam illam hypothesin de diabolo Christi morte decepto, portisque inferni effractis, ac vinculis captivorum solutis. Cap. 7, 31. ωφθη αυτη — αγγελος κυριου εν πυρι φλογος βατου — προσερχομενου δε αυτου — εγνωστο Φωνη ΕΚ ΤΟΥΤΟΥ ΠΑΝΟΤ ΔΕ ΤΟΥΤΟ ΕΑ (sic cod. E. pro κυριου) προς αυτου εγω ε θεος κ. τ. λ. Nempe Patrum antiquiorum communior sententia fuit, filium Dei patriarchis in V. T. apparuisse; Augustinus autem angelis creatis apparitiones istas tribuendas esse contendit. Ne igitur αγγελος κυριου creatus dixisse videatur: εγω ε θεος, vocem hanc

uas speciem habebant ³⁷⁾. Deinde glossarum ingentem numerum, quae vel in locum genuinae lectio-

ne delapsam esse narrat codex. Cum vero cod. E. saepissime, etiam in lectionibus singularibus, conspiret cum Augustini allegatis: ad indagandam libri huius originem atque aetatem haec forte viam monstrare possunt. Sed haec obiter — *Historica* additamenta occurrunt Luc. 3, 19. Φιλίππου, quod sine dubio delendum est. Cap. 11, 54. nomen regionis, σαμφορεν in D. Act. 19, 19. Paulus in schola Tyranni docuit quotidie ἄτε ὥρας τεκτατης εἰς δεκατης. Unus codex D. vel in solis Apostolorum Actis sexcenta exempla suppeditat. *Elucis parallelis* innumerae interpolationes ortae sunt. v. c. Marc. 6, 11. ἀμην λέγω ὑμῖν usque ad ἐκτατην, e Matth. 10, 15. aut Luc. 10, 12. desumptum, abest a CDI. * 17. 28. Lat. Copt. cap. 24, 41. δύο ἐπὶ κλήρης κ. τ. λ. D. * 13. 69. e Luca. Ex apocryphis libris desumpta videntur additamenta quaedam Matth. 20, 28. Marc. 16, 4. Luc. 6, 5. E traditione forte fluxit lectio οβ. Luc. 10, 1. 17. pro δ. et Matth. 27, 17. ἰησοῦν τον βαρρῆθαν, ἢ ἰησοῦν τον λεγ. χριστον, cuius lectionis Origenes iam mentionem fecit. Quomodo vero addendo textum faciliorem reddere saepissima olim conabantur, ita etiam nonnullae librorum sacrorum particulae consulto in codicibus quibusdam resectae sunt. v. c. Matth. 1, 25. αὐτης τον πρωτοτοκον deest in cod. x * 33. Copt. et latinis quibusdam libris. Vide etiam Wetstenium ad Matth. 16, 2. et Luc. 22, 43.

37) De Tatiano Eusebius H. E. libr. 4. cap. 29. narrat: τον ἀποστολου Φασι τελησαι τινας αὐτον μεταφρασαι Φωναξ, ὡς ἐκιδιορθουμένον αὐτων την της Φρασως συνταξιν. Plura in hanc rem testimonia collegit Wetstenius libell. crit. pag. 48. edit. Hal. Ioh. 8, 44. Origenes, assentientibus patribus multis et codicibus non paucis, legit ἐκ ΤΟΤ πατρος; atque ambiguitatem loci articulo augeri observat. Iam articulus

nis nonnihil obscuritatis habentis irrepserunt, vel una cum lectione primitiva in textu sacro sic exstant, ut eadem res duplici phrasi descripta bis legatur ³⁸⁾).

a plerisque codicibus et editionibus abest. Marc. 11, 32. *Φοβούμεθα* libri nonnulli habent pro *ἐφοβούντο*, quod antecedenti *εἰπόμεν* repugnare videbatur. Act. 26, 3. ad emolumentum constructionem minus usitatam addebat *ἐπισταμενος*. Huc etiam referri possunt *transpositiones* vocabulorum et phrasium eo consilio excogitatae, ut orationis membra aptius aut seiungantur, aut copulentur, et sententiae sive difficultas sive ambiguitas tollatur. v. c. Act. 13, 20. multum interest, utrum *καὶ μετὰ ταῦτα* anteponatur verbis *ὃς ἐτίθει τὸν καὶ τὸν*, an verò subnectatur. A. C. aliquae faciliorem lectionem exhibent. Luc. 24, 39. B. * L. habent *ἐγὼ εἰμι ἐστίν*, idem sum; qui fui. Marc. 3, 27. *οὐδεὶς δύναται εἰς τὴν δίκην τοῦ ἰσχυροῦ εἰσελθεῖν τὰ σκευὴ αὐτοῦ διαρπάσαι*. Sic C. * L. quia vasa diripi nequeunt, nisi ab eo, qui domum ingressus iam est.

38) Matth. 13, 36. *ἐξῆς* etiam apud Orig. pro *ἐς* καλόν. Cap. 3, 45. pro *ὅς* habet *ὁμοίος* cod. Harlej. 5731. Cap. 8, 31. *ἐκαστοῦ ἡμῶν*. i. * 33. Copt. Vulg. Aeth. Sax. Ar. pro, quia in edibus legitur *ἐπιτρέψαν ἡμῖν ἀπελθεῖν* Cap. 17, 29. pro *ἀπὸ* *ἐκ* exstat *ὀλιγοκαιρία* in cod. * 33. aliisque et apud Orig. Marc. 9, 49. pro *πύρι* *ἐλίσσεται*, alii *ἐν πυρὶ δοκιμασθήσεται*. Cap. 10, 12. *γυνὴ ἀπολύει τὸν ἄνδρα*, alii *γυνὴ ἔξερχεται ἀπὸ τοῦ ἀνδρός*. Cap. 12, 14. *κηνόος*, alii *ἐπὶ νεφελῶν*. Luc. 13, 16. *γαμίζαι τὴν κοιλίαν*, alii *χορτασθῆναι*. cap. 21, 36. *ἵνα κατὰ ξυσθῇ ἐκφυγεῖν*, alii *ἵνα κατισχυσθῇ ἐκφυγεῖν*. Interpretamentis, aliisque huius furfuris mutationibus, tantis phrasibus obscurioribus lucem afferre, tum ἐναντιοφάνειαις atque difficultates, quae oriuntur e rebus quae traduntur ipsis, amovere volebant. — Duplex lectio continetur est Marc. 4, 30. *ἐν τινὶ παραβολῇ αὐτὴν σπείρειν, παραβαλὼν αὐτὴν*

Cum vero plerique καλλιγραφοί homines fuerint parum docti, ea quae scribebant saepe non intelligentes, ³⁹⁾ longe a vero aberraret, qui tot mutationum, magna ex parte non spernendarum, hos esse auctores suspicaretur. Statuimus ergo, mutationes huius generis quam plurimas initio non nisi in margine locum habuisse, postea vero a librariis, scholia a textu et emendationibus correctorum discernere non valentibus, in textum fuisse admissas. Unde vero in marginem primum venerint, intellectu difficile non est. Scimus enim antiquissimis temporibus sacros libros potissimum in manibus doctorum atque clericorum fuisse. Atque a talibus praecipue viris καλλιγραφους exempla quae describerent petisse, credibile est. Quod si igitur illi silvam observationum historicarum, exegeticarum, criticarum, variarum lectionum, scholiorum et commentariis optimorum interpretum doctorum etc. in oram libri sui coniecerant: facile postea a scribis imperitis contextui nonnulla admisceri poterant, quae, praecipue si breviora erant, pars potius textus, quam scholion ipsis videbantur. Atque sic tandem fieri potuit, ut commentatorum con-

* 30, 69. cap. 7, 5. καὶ αὐτὸς χειρὶν αὐτῶν, et in Cantabrigiensī codice saepe.

... 39) v. c. codex L. Matth. 10, 30. habet εἰς τὴν χεῖρ. cap. 12, 4. οὓς οὐ καὶ ζῶντων pro οὓς οὐκ ἔχον ἔν. cap. 13, 4. κακολογῶν pro κακολογῶν. Lectionarium Cromwell. 117. in biblioth. Bodlej. Hebr. 4, 13. pro ὁμοιωτα exhibet ὁ ὡς τε. Scriptus est hic liber anno 1225 a Michaelo quodam, qui in subscriptione χωρὶς καλογραφὸν sese appellat.

iectiones atque glossemata cum verbis auctorum sacrorum confunderentur ⁴⁰). Quae cum ita sint, licet Origenem ipsum negemus librorum sacrorum textum (si forte ab uno aut altero loco, qui dubius est, discedas) ad coniecturas suas mutasse: nonnullas tamen codicum quorundam lectiones, e commentariis ipsius manasse profiteamur. Quam ob rem, quoties de vera loci cuiusdam lectione olim dubitatum fuisse constat, merito suspecta est fides paucorum codicum, eam lectionem iam exhibentium, quam quondam viri spectati, argumentis magis quam librorum vetustorum auctoritate, defendere conati sunt. Wetstenius quidem non dubitavit, si Origenis commentarios haberemus integros, longe plura deprehensum iri ad eius coniecturas immutata, quam nunc, cum maxima eorum pars interciderit, demonstrari possit. Verum nimis suspicionibus suis indulgit. Cum enim commentatores posteriores pleraque ex antiquioribus hauserint, et graeci Origenis, latini vero graecorum scrinia studiose compilaverint, vix quicquam notatu dignum ab Adamantio ad declarandum sensum locorum S. S.

40) Quam inepte librarii scholia in textum transtulerint, constat e codice Corsendoncensi, in quo 2 Cor. 8, 4. nota marginalis: ἐν πολλῇς τῶν ἀπογραφῶν οὕτως εὐρηγεί, ipsis Apostoli verbis admixta est. Simili modo, licet minus ridicule, saepe peccatum est. Quin fons nonnunquam indicari potest, unde glossema manaverit. e gr. Act. 19, 23, codices quidam habent ἰσως ὡς κίβηρια μικρά, quod e Chrysostomo desumptum est.

difficiliorum prolatum fuisse opinor, quod seriores sacri codicis interpretes in commentaria sua non retulerint. Hinc omnia fere, quae de vera lectione in commentariis Origenis, quae supersunt, traduntur, apud Eusebium, Hieronymum, Augustinum, Chrysostomum, Victorem, aliosque repetita leguntur. Vide Wetstenii notas ad Matth. 4. 10. 6. 4. 8. 28. 27. 9. Ioh. 1. 28. 1 Cor. 15. 51. Sed haec hactenus. Nunc age videamus, qua ratione in Patrum, et maxime Origenis, allegationibus, dignosci possint lectiones fideliter et accurate e codicibus deproinatae, ab iis lectionum figmentis, quae, non e libris scriptis desumpta, sed ex incuria aut festinatione excitantium nata, in numerum variantium sacri textus lectionum referri non debent.

§. XII. I. Extra dubitationis aleam positum est, commentatores ea loca, in quorum expositione versarentur, ad codicum suorum fidem accurate excitasse. Quin librorum suorum lectiones fideliter repraesentasse putamus Patres in allegationibus omnibus, cunctis scriptionum generi adpersis, quae admissa aliqua lectionis mutatione, vel explicationi adiectae repugnarent, vel nihil facerent ad consilium excitantis. v. c. Matth. 13. 36. ad *οἰκίας* additum fuisse *αὐτοῦ* in codice Origeniano, liquido constat e commentariorum tomo 10. §. 1. Legitur *αὐτοῦ* etiam in cod. 1. Evang. 13. 14. * 18. cod. Marsh. 24. Chrysost. Matth. 21. 12. *ἰερόν του θεοῦ* existisse in codice, quo usus est Origenes, cum locum hunc enarraret comment. in Matth. T. 16. §. 20. enarratio ipsa dubitare non si-

nit: licet alibi omiserit τοῦ Θεοῦ, quod etiam abest a cod. *13. aliisque. Libro de oratione, §. 22. sic excitatur I Cor. 12, 3. — εἰ μὴ ἐν πνεύματι ἄγιω, καὶ οὐδεὶς ἐν πνεύματι ἄγῳ λαλῶν κ. τ. λ. Sed posteriori loco, Θεοῦ, non ἄγιω, scripsisse Origenem, lectionem vero ἄγιω e librorum oscitantia natam esse, observatio Paulino oraculo adiecta docet: το αὐτοῦ ὀνομαζῶν ἅγιον πνεῦμα, καὶ πνεῦμα Θεοῦ. Rarissime quidem canon hic propositus fallit. Tenendum tamen est, in pericopis verbosioribus sacri textus, quas interpretationi praefixas videmus in scriptis Patrum exegeticis, non solum editores, verum etiam librariorum ipsos in locum lectionis, quam interpret secutus erat, aliam e codicibus iunioribus desumptam, ipsis magis familiarem, non raro substituisse. E. gr. Initio tom. 32. Commentariorum Origenis in Iohannem, e capite Ioh. 13. commata 2 — 5. expositioni praemissa sunt, ibique v. 2. lectioni receptae consentienter sic recitatur: τοῦ διαβόλου ἡδὴ βεβληκὸς εἰς τὴν καρδίαν Ἰουδᾶ Σιμωνος τοῦ Ἰσκαριώτου. Sed in sequentibus p. 407. 409. 416 et 435. hunc locum quater allegat Origenes sic: τοῦ διαβ. ἡδὴ βεβλ. εἰς τὴν καρδίαν, ἵνα παρὰ αὐτὸν Ἰουδᾶς Σιμωνος Ἰσκαριώτης, quam lectionem, pleniori alteri, nostro iudicio, praeferendam confirmant codices L. M. et Versiones Vulg. et Copt. Apertissime vero malam librorum fidem detegit codex Commentariorum Regius, qui posteriorem hanc, vere Origenianam, lectionem retinuit, quam Huetius quidem secutus erat, Benedictini vero in novissima Origenis editione, alijs co-

dicibus, priorem illam lectionem exhibentibus, postposuerunt. Eodem Tomo §. 5. versus 6 — 11. eiusdem capitis sic repraesentantur, ut v. 10. legatur: οὐκ ἔχει χρεῖαν εἰ μὴ τοὺς ποδας νιψασθαι. Sed in tractatione subiecta, verba: εἰ μὴ τοὺς ποδας constanter omituntur, (p. 414. bis 418. 419.) nec in expositione commatis decimi, satis copiosa, attinguntur. Quin ad quaestionem, cur Iesus, licet dixerit: ὁ λελουμένος οὐκ ἔχει χρεῖαν νιψασθαι, ἀλλ' ἐστὶ καθαρός ὅλος, tamen pedes discipulorum laverit, μὴ χρεῖαν ἔχοντων νιψασθαι, respondet Origenes, omni habenti dari; et paucis interiectis pag. 418. addit, χρεῖαν ἔχειν dici de rebus ad sustentandam vitam plane necessariis; κα δὲ εἰς πλουτον καὶ τροφὴν συμβαλλόμενα, ἐκ περισυίας τρις ἄβροδιαίτοις περιγίνεται, οὐχ ὡς χρεῖα δὴ — ἀλλ' ὡς περισσὰ — et quae sint ὅπερ τῇ χρεῖαν. Το γὰρ χάρισμα θεοῦ ὑπερβαίνει τὴν χρεῖαν. Nullam igitur pedum lavandorum necessitatem agnovit; quare etiam verba, nisi laverō te, non habes partem mecum, huic opinioni repugnantia, tropologice interpretanda esse existimavit. conf. p. 406. Quis igitur sibi persuadeat, Origenem ante oculos tunc habuisse codicem, in quo verba, εἰ μὴ τοὺς ποδας, exstarent? Caeterum, si a latino Evangeliorum codice vetustissimo Harleiano 1775, unciali caractere scripto, discedas, solus haec verba omisit Adamantius, neutiquam tamen probandus. Tomus 10. in Ioh. praefixam habet perieopam 14. commatum capitulis 2. in qua v. 19. legitur, ναοῦ τοῦ θεοῦ, postea vero plus quam decies ναὸν τούτου scribitur, nec ullam

occurrit verbum in explicatione huius loci plures paginas occupante, quod vel levisimam movere queat suspicionem contra lectionem *vaov toutov*, quam absque dubio Origenis codex exhibebat. Quid igitur? Num e memoria recitatos fuisse 14. illos versiculos dicemus? annon potius lectionem inauditam, cuius nemo unquam, quantum mihi constat, mentionem fecit, librarii oscitantiae tribuamus? Tomo 6. in Ioh. §. 13. enarrationi praemittuntur versiculi 26 et 27. capitis primi, ibique legitur: *αὐτος ἐστὶν ὁ ὀπίσω μου ἐρχόμενος*. Sed verba *αὐτος ἐστὶν* omittuntur tribus aliis in locis huius Commentarii, et c. Cels. L. 2. §. 9. et lat. de Princ. I. 4. §. 30. ac Comm. in Rom. 10. 4. ad stipulantibus codicibus. C. a prima manu, L. 1. versione copta, latinis codicibus et Cyrillo. Legitur quidem *αὐτος ἐστὶν*, c. Cels. L. 5. §. 12. edit. de la Rue, sed suspecta est h. l. editoris fides. Nam in editione Hoeschelii p. 245. verba haec uncinis includuntur, et in latina interpretatione omituntur. Manifeste igitur hoc etiam loco a libris nonnullis abfuerunt. Tamen lectionis varietatem non notarunt Benedictini.

§. XIII. II. Eadem ratio est omnium pericoparum *verbosiorum*, scriptis Patrum tam exegeticis, quam dogmaticis, polemicis etc. adpersarum. Quotus enim quisque est, qui sacrum codicem ita memoriae mandaverit, ut, libris non inspectis, 4. 6. aut plura commata recitare possit? Ac si de quibusdam scripturae oraculis, ob argumenti gravitatem praecipue notandis, concedi hoc forsitan posset, de caeteris tamen aliter

sentendum est. Patres igitur, longiores sacri textus pericopas e codice, quem ante oculos positum habebant, transcripserunt. Sappissime vero librarii, e codicibus aliis iunioribus, quibus ipsi utebantur, hoc allegationum genus interpolarunt, atque lectiones admiscuerunt, auctoribus librorum, quos describebant, ignotas. e gr. Comment. in Ioh. T. 20. §. 31. Origenes laudavit Rom. 5. 12. 13. 14. atque commate 14, absque negante particula scripsit, ἐπὶ τοὺς ἀμαρτησάντας: librarii, scripturae vitium anspicantes, μη perperam addiderunt. Negationem abfuisse a codice Origeniano, colligimus non tam e latina commentarii in ep. ad Rom. translatione, cuius fides dubia videri posset, quam e Comment. in Ioh. Tom 20. §. 33. ubi magnam partem quinti ad Romanos capituli insertam legimus. Opinatur Origenes, Iudaeos Ioh. 8. 52. Abrahamum atque prophetas mortuos esse affirmantes, non de communi, sed de spirituali morte locutos esse, ὥς καὶ αὐτῶν ἐν τῇ χειρὶ θανάτῳ γεγενήμενων ποτε. Scivisse enim Iudaeos, per unum hominem peccatum intrasse in mundum etc. ἐβλεπον δὲ καὶ ὅτι ἐβασίλευσεν ὁ θάνατος ἐπὶ τὸ τὸς ἀμαρτήσαντας ἐπὶ τῷ ἁμαίωματι τῆς παραβάσεως ἀδάμ, καὶ ἦν αὐτοῖς ὁ λόγος (Ioh. 8.) περὶ τοῦ δια τὴν ἀμαρτίαν θανάτου εἰς πάντας ἀνθρώπους διεληλυθός, ἐπὶ τῷ πάντας ἡμαρτηκεῖναι. Addit deinceps, falsam fuisse istam Iudaeorum de Abrahamo persuasionem; neque enim hunc neque prophetas mortuos esse, utpote servantes τὸν λόγον τοῦ υἱοῦ τοῦ Θεοῦ: saltem isto tempore (Ioh. 8.) non amplius in morte esse fuisse. Quid

plura? Si Abraham et prophetae *τον λόγον* servarunt, *ἀμαρτησάντες* dici nequeunt; hanc vero ipsam ob causam mortui non fuerunt; mors enim regnat tantum *ἐπὶ τοὺς ἀμαρτησάντας*. Universa haec Origenis ratio istud *μη* non admittit. Quin isto etiam loco §. 31. quo negationem in editionibus commentariorum additam legimus, consilium, quo affertur effatum Paulinum, atque interpretatio, quae subiicitur, hand obscure docent, ignorasse Origenem particulam *μη*. Explicatur enim non de naturali morte, sed ea, quae opposita sit isti vitae, de qua Christus dicat: *ego sum vita*; de morte quadam *πνευμα καὶ χαλᾶση*. Quenam, inquit, est mors, quae per peccatum intravit in mundum, nisi ultimus inimicus Christi abolendus? Quenam mors illa est, quae in omnes homines pervasit, nisi haec quae regnavit ab Adamo usque ad Christum? Moses enim i. e. lex, locum habuit usque ad Christi adventum. Sed eandem hanc mortem, quae inde ab Adamo regnavit, non vident *οἱ τον λόγον του μονογενοὺς τηγῆσαντες*; (non vident *οἱ μη ἀμαρτησάντες*: ergo vident *οἱ ἀμαρτησάντες*: in hos regnat, non in illos,) simul atque quis *λόγον* hunc perdidit, mortem vidit, *ἐσθωρησεν* etc. Non differt haec cogitationum series ab ea, quam modo indicabamus. Igitur hoc loco Origenes *μη* non magis scripsit, quam altero illo. Atque e latina versione Ferrarii, qui, ut ex Huetiana commentariorum editione discimus, *μη* latine non reddiderat, conicere licet, non in omnes manuscriptos libros illatam fuis-

se negantem particulam *). En aliud exemplum. Tomo 10. in Ioh. §. 15. ubi magna pars capituli II. Marci transcripta exstat, commate 1. ad Bethaniam librarii atque editores addiderunt Bethphagen, contra Origenis sententiam, qui Bethaniam solam nominasse testatur Marcum, tomo 16. in Matth. §. 17. Abest etiam Bethphage a cod. D. et vers. Vulgata. Caeterum, licet Patres, in allegationibus prolixioribus textum codicum suorum accurate exhibuisse dicamus, non negamus tamen, interdum consulto ab ipsis praetermissa esse, quae ad rem, quam tractabant, pertinere non videbantur. Sed facili negotio plerumque hoc omissionum genus iudicari potest. Idem valet de additamentis, declarandi sensus gratia adiectis.

41) Lectio haec, quam vere Origenianam esse demonstravimus, criticis plerisque hactenus mere latina visa est. Semlerus autem Vir S. V. graecam Cyrilli allegationem indicavit nuper in Paraphrasi ep. ad Rom. Nobis tandem contigit eandem deprehendere in graecis epistolarum Paulinarum codicibus manuscriptis duobus, in bibliotheca Harlejiana assertis; quorum alter, chartaceus, numero 5613 insignitus, et A. C. 1457. aetate apostolorum, epistolas atque apocalypsin complectitur; alter, numero 5588 notatus, itidem chartaceus, acta et epistolas apostolorum continens, ante 500 fere annos exaratus esse videtur. In posteriori hoc libro, quem usibus graeci cuiusdam coetus destinatum fuisse colligimus ex indicibus lectionum ecclesiasticarum, ubique in margine occurrentibus, legitur: καὶ ἐπὶ τοὺς ἀμαρτησάντας, καὶ ἐπὶ τῷ ὁμοιωματι κ. τ. λ. Ab hoc libro, cum codice epistolarum Wetsteniano 14. mirifice consentiente, alter ille (5613) innumeris locis ita differt, ut dubitari nequeat, quin a fontibus longe dissitis manaverint.

§. XIV. III. Eae allegationes pro accuratis habenda sunt, quae disertam aliquam provocationem ad codices, aut declarationem, *sic legi, non aliter*, adiunctam habent. Patres quidem latinos iuniores nonnullos, ad graecos codices provocantes, quos tamen graeca scivisse aut graecos libros inspexisse credibile vix est: hos igitur hausisse ista putamus e scriptis interpretum aliorum, graecam linguam callentium. Graeci etiam recentiores, qui vetustorum atque emendatissimorum exemplarium mentionem passim inferunt, non semper oculis ipsi usurparant libros, quos laudant, sed ex aliorum commentariis tales dari didicerant. Horum igitur testimonia de lectionibus locorum, ab antiquioribus criticis varie tentatorum, non sine cautione admittenda sunt. Nam si vel maxime non nisi verum dicere voluissent, eorum tamen, quos duces sequebantur, aut negligentia aut malignitate in hunc errorem induci poterant, ut critici coniecturam pro lectione, e codice quodam fideliter prolata, haberent. Sed hoc efficere non debet, ut Patribus graecis vetustioribus, locorum scripturae sacrae, praecipue non controversorum, lectiones afferentibus, easque in libris quibusdam invenisse se testantibus, fidem, ipsi debitam, denegemus. Origenes igitur testis est locupletissimus, non solum quando plurium codicum lectiones dissidentes notat ⁴²⁾, verum etiam quando scripturae loca ita laudat, ut disertis verbis, quid

42) Vide Wetstenium ad Matth. 9, 28. 26, 20. 28, 1. Luc. 9, 48. Ioh. 1, 4. 28. Hebr. 2, 9.

auctores sacri scripserint, quid non, doceat. e. gr. Tome 6. in Ioh. §. 14. Lucam cap. 3, 9. των ὄχλων mentionem facientem, καρπον omisso καλὸν posuisse; Matthaeum vero, Pharisaeis et Sadducæis haec dicta esse commemorantem, καλὸν addidisse tradit. Etsi codices, quos novimus, omnes καλὸν habent in Luca, ab Origeniano tamen certissime abfuit. Comment. in Ioh. 8, 38. neque πατρί μου neque πατρί ὑμῶν scriptum esse testatur, sed πατὴρ bis, absque pronomine, positum esse docet. Solus codex L. pronomen utrumque, C. autem et codex latinus Harlej. 1775. a prima manu μου tantum praetermittunt: in caeteris libris omnibus additum iam est interpretamentum, quod ad declarandum sensum Origeni ipsi necessarium videbatur.

§. XV. IV. Huic allegationum generi simile est illud, quo loca scripturae parallela simul excitantur, atque inter se conferuntur. Sic Tomo 16 in Matth. comparatur Matth. 21, 5. cum Zach. 9, 9. et loci utriusque dissonantiae diligenter exponuntur. Sed Commentariorum textus h. l. manifeste corruptus est in editis, sic habentibus: ἀντι τοῦ καὶ ἐπιβεβηκὼς ἐπὶ ὄνον καὶ πῶλον, υἱὸν ὑποζυγίου, καὶ πῶλον νεόν, ἢ, ὡς ἐν τισι, πῶλόν ὑποζυγίου: quod ne sensum quidem facit. Nec Huetii, qui tamen locum mendii suspectum esse fatetur, interpretatio placet. Pro eo, inquit, καὶ ἐπιβ. ἐπ' ὄ. κ. π. υ. ὑποζυγίου, quod scripsit Matthaeus, sic habetur Zachar. 9. καὶ πῶλον νεόν, vel ut quidam scribunt, πῶλον ὑποζυγίου. Sed liquido constat e contextu, Zachariae non Matthaei verba primo loco ab Origene po-

sita fuisse; et Adamantius ipse Huetio contradicit, tomo 10. in Ioh. §. 17. eandem rem his verbis proponens: ἀντι τοῦ ἐπὶ ὑποζυγίου καὶ πάλιν νεόν, ἀνεγράψε (Matthaeus) ἐπὶ ὄνον καὶ πάλιν υἱὸν ὑποζυγίου. Praeterea lectio: πάλιν ὑποζυγίου, cuius mentio fit loco isto corrupto, nec e codice quodam τῶν ὁ, ut vult Huetius, nec ex alia editione graeca, (quinque enim ἐκδόσεις h. l. accurate recensentur,) sed e libris quibusdam Matthaei profertur. Eadem hodiernum exstat in cod. L. et vers. Alm. Quin Origenes etiam, tomo 10. in Ioh. §. 15. e codice suo verba Matthaei eodem modo recitat: ἐπιβεβηκώς ἐπὶ ὄνον καὶ πάλιν ὑποζυγίου, Zachariam vero pluribus locis sic excitat: ἐπιβ. ἐπὶ ὑποζυγίου καὶ πάλιν νεόν. Locum igitur illum, facem praeferente Origene ipso, vit, quoad sensum, restitimus: ἀντι τοῦ καὶ ἐπιβεβηκώς ἐπὶ ὑποζυγίου καὶ πάλιν νεόν, (quod Zachariae est,) ἐγράψε (Ματθαίος) ἐπιβεβηκώς ἐπὶ ὄνον καὶ πάλιν υἱὸν ὑποζυγίου, ἢ, ὡς ἐν τισιν (Matthaei exemplaribus,) πάλιν ὑποζυγίου. Priorem lectionem, quae editiones N. T. occupavit, ἐπὶ ὄνον καὶ πάλιν υἱὸν ὑποζυγίου, secutus est Origenes tom. 10. in Ioh. §. 17. Posteriores, quae υἱὸν praetermittitur, habet ibidem §. 15. eandemque, ut diximus, exhibet codex L. Ad-
dimus exemplum aliud. Tomo 6. in Ioh. §. 14. comparatur Marc. 1, 2. cum Mat 3, 1. Si Huetium atque Benedictinos audimus, verba ἐμπροσθεν σου, a Marco addita fuisse putavit Origenes. Verum corrupta quorundam codicum lectio fefellit editores aequae ac interpretem latinum, Ferrarium. Verba Origenis ex edi-

tione Eusebiorum adponimus. Οπερ δε ἐποίησεν ὁ Ἰωάννης cap. 1, 23. ἐπιτιμωμένος ὁ παρεθετο ῥητον. Εα. 40, 3. τουτο ἐπ' ἄλλης λέξεως ὁ Μαρκος καὶ αὐτος ἐνεφηνεν. ὁ μὲν γὰρ προφητῆς φησιν. — τὰς τριβους του θεου ὑμων. ὁ δὲ Μαρκος — τὰς τριβους αὐτου. την δε ὁμοίαν ΕΠΙΤΟΜΗΝ πεποιηται καὶ ἐπὶ του, — κατασκευασει την ὁδον σου ἐμπροσθεν σου. παρεθετο (lege ΟΤ παρεθετα, post σου excidit: οὐ) γὰρ το προκειμενον το ἐμπροσθεν σου. Emendationem a nobis propositam tuentur non solum codices commentariorum Bodlejanus et Barberianus, qui particulam negantem retinuerunt, sed etiam contextus verborum, negationem postulans. Si enim verba ἐμπροσθεν σου a Marco, addita esse indicare voluisset Adamantius, ἐπιτομην cum h. l. fecisse nullo modo dicere potuisset. Imo totus in hoc est, ut ostendat, Evangelistas nunquam in compendium redegisse oracula prophetarum. Praeterea praef. comment. in Ioh. §. 14. p. 15. et tomo 6. §. 14. p. 126. A. eundem hunc Marci locum recitans, το ἐμπροσθεν σου omittit; quod abest etiam a codicibus DL. 36. 102. Colbertino quodam, vers. copt. syr. aeth. pers. polygl. libris latinis, Hieron. in Mal. 3, 1. et Irenaei interpr. libr. 3, 10. al. 11. Bene observarat Grabinus in suis ad hunc Irenaei locum animadversionibus; verba illa in codice Orig. non exstitisse; sed locum istum commentariorum, de cuius lectione disputamus, interpretatione parum probabili sententiae suae nostraeque consentientem reddere conatus est. Scilicet verba: παρεθετο το προκειμενον το ἐμπροσθεν σου, de Ma-

lacia intelligenda esse putavit, orationis, συναφισι-
manifeste repugnante. Caeterum non ignoro, tomo 6.
in Ioh. §. 14. p. 125. E. edit. Benedicti: addi το ἐμ-
προορῶν σου, sed Ruai negligentia id irrepsisse nullus
dubito ⁴³). Nam in editione Huetii omittitur, nec
indicarunt Benedictini libros manuscriptos, ad quo-
rum fidem textum Huetianum mutaverint. Neque
Victoris Antiocheni me movet auctoritas. Hic qui-
dem, ut Marcus, inquit, compendii gratia duas pro-
phetias conflavit in unam, ita, ut Origeni placet, loco
illi Malachiae: ecce ego mitto angelum etc. illud: ante
te vel ante faciem tuam adiecit ⁴⁴). Sed hinc nihil effi-
citur, quam Victorem corrupto tomorum exemplari
usum esse; id quod corruptionis antiquitatem, non
vero lectionis bonitatem evincit. Semel tamen, nem-
pe c. Cels. l. 2. §. 4. posuit Origenes ἐμπροορῶν σου.
Sed tum vel alio codice, sive in textu sive in mar-

43) Qui tomum quartum operum Origenis curiosius tra-
ctarunt, non ignorabunt; Carolum Vincent. de la Rue, Car-
oli in adornanda editione Origenis successorem, iusto ne-
gligentiorem fuisse in recensendis locis c. S. S. citatis. Non-
nunquam, ut h. l. ex editis N. T. libris, allegationes, ne-
scio quo casu, interpolatae sunt, nullis omnino indicatis
manuscriptis codicibus, qui a lectione ab Huetio recepta
recedere suaserint. Plerumque vero, ubi manuscripti com-
mentariorum libri in allegationibus S. S. a se dissidebant,
eum caeteris contra omnem rationem praetulit Carolus Vin-
centius, quem cum editione N. T. recepta consentire videret.

44) Vid. Biblioth. Max. Patrum Tom. LV. p. 379.

Griesbachii O. c. I.

gine e V. T. interpolato, usus est, ut Millio atque Bengelio visum fuit; vel memoriter locum excitavit. Ibidem post εὐαγγέλιον addidit etiam ἡμῶν, quod nemo facile in codice Origeniano extitisse dixerit.

§. XVI. Sicut allegationes e V. T. in Novo T. occurrentes conferre solet Origenes cum iis V. T. locis, unde petitae sunt: ita etiam diversas Evangelistarum de eadem re narrationes saepissime inter se comparat. Quod ubi factum esse videmus, dubitare non debemus, singulos textus, praesertim si verbosiores sint, accurate e codicibus esse transcriptos. Nam diligentia haec, quae plurium librorum loci, eandem rem tractantes, componuntur, festinationis suspicionem amovet; neque credibile est, quemquam sacras litteras ita memoria tenuisse, ut legenti aut excitanti unum Evangelistam caeterorum verba constanter ante oculos quasi versarentur. Origenes ergo (vide tom. 20. in Ioh. §. 33.) in suo codice Luc. 9. 27. habuit: ἕως ἂν ἴδωσι τὸν υἱὸν τοῦ ἀνθρώπου ἐρχομενον ἐν τῇ δόξῃ αὐτοῦ, quam lectionem hodie in solo Cantabrigiensiprehendimus. Matthaei vero et Marci loca parallela editis nostris libris consentienter eum legisse, constat tum e tomo 20. in Ioh. l. c. tum e tom. 12. in Matth. §. 34, ubi locutiones, quibus tres Evangelistae usi sunt, sic coniunguntur: τὸν ἰδόντα τὸν υἱὸν τοῦ ἀνθρώπου ἐρχομενον ἐν τῇ βασιλείᾳ αὐτοῦ, (e Matthaeo) καὶ ἰδόντα αὐτὸν ἐν τῇ δόξῃ αὐτοῦ, (e Luca) καὶ ἰδόντα τὴν βασιλείαν τοῦ Θεοῦ ἐλθούσαν ἐν δυνάμει, (e Marco). Solet enim Noster, ut obiter hoc moneamus, locorum parallelorum φρα-

seis diversas ita interdum combinare, ut, quae cuique Evangelistae propria sit, non indicet. Item, e tom. 20. in Matth. §. 21, ubi trium Evangelistarum verba iuxta se posita habemus, liquet, Origenem Marc. 12, 26. legisse in suo codice: *περι των νεκρων, ουκ ανεγνωτε οτι εγειρονται, εν τη βιβλω μωσεως. ως ειπεν επι της βατου αυτου ο θεος, λεγων κ. τ. λ.* atque hinc colligitur, tom. 2. §. 10. (*ουκ ανεγνωτε το ρηθεν επι της βατου, εγω κ. τ. λ.*) et tom. 6, 2. (*ουκ ανεγνω. το ρ. ε. τ. β. υπο του θεου, εγω κ. τ. λ.*) locum illum non accurate sed memoriter, commixtis Matthaei et Marci verbis, recitari. Atque sic saepissime allegationes minus accuratae sive dubiae iudicari possunt ex aliis, quas observationes nostrae certas atque diligenter factas esse evincunt. En aliud exemplum. Tomo 10. in Ioh. §. 18. ubi narrationes quatuor Evangelistarum de iis, quos Iesus e templo eiecit, inter se conferuntur, omittitur Luc. 19, 45. *εν αυτω και τους αγοραζοντας*, quod desideratur etiam §. 14 et 17, et in codicibus L. 1. quibusdam aliis, atque copta versione. Absuit procul dubio a codice Origeniano. Omittitur quoque in latina homil. 38. in Luc. translatione. Sed hic ad *πωλουντας* additur *τας πιστευτας*, adiecta etiam columbarum allegorica expositione. Potuit sane assumentum hoc exstare in codice eo, quo tum usus est Origenes; idem enim in versione armena, cum Adamantii allegationibus saepissime conspirante, occurrit: sed in eo libro, quem ante oculos positum habebat, cum commentarium in Iohannem conscriberet, neutiquam legebatur. Quae

verol. c. tomi 10. in Ioh. de loco Ioh. 2, 15. traduntur, satis confusasunt atque depravata. Nam §. 15. ubi Ioh. 2, 13 — 17. recitatur, commate 14 deest *και προβατα*, et v. 15. omittitur *παντας*. Cum vero allegorica ovium significatio §. 16. enarretur, atque in comparatione Evangelistarum, §. 18. instituta, *παντας* legatur: dubitari nequit, quin duplici omissione allegatio ista §. 15. corrupta sit. Praeterea §. 17. Origenes sive oculorum errore deceptus, sive memoriae lapsu abreptus, scribit: *εν τω κατα Ιωαννην, εκβαλλει τους αγοραζοντας. ο δε Μαρθαριος φησιν, οτι εξεβαλε παντας τους πωλουντας και αγοραζοντας*. Perperam haec dicta sunt. Ioannes enim neque *των πωλουντων*, neque *των αγοραζοντων* mentionem fecit, sed scripsit simpliciter *παντας εξεβαλε*, testibus codicibus ac versionibus omnibus, adstipulante quoque, ut modo diximus, Origene ipso, §. 18. Ex hoc enim paragrapho, in quo 4 Evangelistarum verba inter se conferuntur, lectio vere Origeniana elici, caeteraque loca emendari debent.

§. XVII. V. Si oraculum aliquod saepius eodem modo excitatum legitur in scriptis Patris cuiusdam, allegationis fides in dubium vocanda non est. v. c. Marc. 1, 1. ter praetermisit Origenes verba: *υιου του θεου*. Ioh. 11, 54. pro *κακει διετριβε* ter posuit *και εκει εμεινε*. cap. 13, 26. post *βαψας ουν* (sive *και βαψας*) το ψωμιον quinquies addidit *λαμβανει και*. Sin vero alio atque alio modo eundem S. S. locum profert Origenes, ea lectio e codice, quo plerumque usus est, et qui nomen ab ipso nactus est, hausta, ideoque ve-

re Origeniana esse videtur, quae in allegationibus plerisque occurrit. e. gr. Matth. 5, 44. quater omittitur: τῶν ἐπηρεάζοντων ὑμᾶς, semel vero (c. Cels. L. 8. §. 35.) legitur, atque eius loco praetermittitur: καὶ διωκόντων ὑμᾶς. Cum lectio utraque apud alios quoque occurrat, probabile est, Origenem aliter in aliis libris legisse. Prior illa, Origeni usitatior, confirmatur auctoritate codicum L. 11. 22. vers. copt. et aeth. et Patrum quorundam antiquissimorum, v. c. Athenagorae, Cypriani, (teste Cotelerio in not. ad libr. 1. constit. apost.) auctoris dialogi c. Marcion, etc. Matth. 13, 26. ter legit φεσσον, semel (tom. 13. in Ioh. 9 43) διασαφηνον. Glossema, apud neminem recurrens, in codice Origeniano neutiquam existisse opinamur. Cap. 27, 4. pro ἁδων, (quod semel tantum legitur tomo 32. in Ioh. §. 12.) ter posuit δικαιον, quam lectionem expresserunt quoque interpretes latini tract. in Matth. et Comment. in ep. ad Rom. 14, 10. Eandem habent codices DL. et vers. syr. et lat. A librario ἁδων profectum esse arbitror. Cum enim eodem loco, quo lectio haec occurrit, paucis tantum interiectis lineis altera (δικαιον) exstet, probabile non est, diversam interea codicem nactam fuisse Origenem. Sed in allegationibus saepe recurrentibus iudicandis, cautione quadam opus est. Nam breviores nonnullae scripturae sententiae tam familiares fuerunt Patribus, ut dubium omnino sit, utrum codicem, antequam in libros eas suas transferrent, unquam inspexerint, an vero memoriter eas semper recitaverint. Huius generis est illud: αὐτὸς ἀγαθος, εἰ μὴ εἰς, ὁ

9805, Matth. 19, 17. Marc. 10, 18. Luc. 18, 19. cui Origenes saepissime subiunxit: ὁ πατήρ. Sed in comment. in locum Matthaei glossema hoc neque ad Matthaeum, cuius textus recensetur, neque ad Marcum et Lucam, quorum verba afferuntur, adiectum est. Exstat in graeco codice nullo, neque in versionibus antiquis, si codices quosdam vetustae translationis latinae excipias. Ergo nec Origenes e libris scriptis habuit glossam, declarando sensui verborum scripturae destinata, quam inde a primis Christianismi temporibus multi doctores atque interpretes ad verba Evangelistarum apponere consueverant; sed e traditione magistrorum eam accepit. Eadem apud Iustinum M. Clementem Alex. Ptolemaeum, aliosque occurrit. Sic etiam locum Ioh. 14, 18. quater excitavit Origenes hoc modo: ὁ πατήρ, ὁ πέμψας με, μερίζων μου ἔστιν. Sed verba ὁ πέμψας με, quae alibi, quod sciam, nusquam reperiuntur, ad illustrandum dicti difficilioris sensum de suo adiecit. E crebra talium glossematum repetitione, codices olim fuisse, in quibus exstarent, colligi non potest.

§. XVIII. VI. Si allegationes consonant libris graecis vetustis hodie superstitibus, dubitari, caeteris paribus, nequit, quin codices olim etiam exstiterint, e quibus fideliter expressae sint. Idem valet de allegationibus cum aliorum Patrum citatis atque cum versionibus antiquis conspirantibus. Atque cum singuli fere Patres habeant certos quosdam codices antiquos, atque versiones quasdam, paene in cunctis lectionibus locorum N. T. sibi assentientes, eo maior est con-

sensus huius ad probandum vis, in locis singulis, quo frequentior est in aliis eorundem codicum et Patrum, earundemque versionum consonantia. Hinc, si Origenes locum aliquem eodem modo excitavit, quo exstat in codicibus CDKL. 1. 13. 17. 22. 28. 33. 69. 102. 106. et in versionibus copt. aeth. arm. syr. post. atque apud Clementem alex. Eusebium, Cyrillum etc. ridendum se praeberet, qui Origenem memoria lapsum esse contendere, aut eius in allegandis scripturae locis negligentiam variantis lectionis causam praetextare vellet. In codice igitur Origeniano omittebatur Ioh. 1, 29. ὁ Ἰωαννης. v. 44. ὁ Ἰησους. v. 52. ἀπ' ἀγ-
τι. cap. 11, 41. οὐ ἦν ὁ τεθνηκως κειμενος. Addebatur cap. 2, 14. ὡς ante Φραγελλιον. Marc. 11, 2. οὐπω. Legebatur Ioh. 8, 38. ἃ ἠκουσατε pro ὁ ἔωρακατε cap. 13, 24. καὶ λέγει αὐτῷ εἰπε τις ἐστὶ pro πῦρ σε θασ τις ἂν εἴη. cap. 14, 30. in quibusdam codicibus exstabat εὐρίσκεσθαι, Origenianus vero, κατ' ἐξόχην sic dictus, habebat οὐκ ἔχει. Utamque enim lectionem invenimus in allegationibus Adamantii; posteriorem tamen maior numerus eorum codicum exhibet, qui alias Origenianas lectiones sectantur.

§. XIX. Haec de allegationibus generatim, earumque diiudicandarum modo, dicta sunt; caetera, quae de hac re tradi solent, aut leviora sunt, aut a consilio nostro remotiora. Observant v. e. viri docti, maximam esse in re critica auctoritatem allegationum earum, quae in scriptis Patrum exegeticis occurrunt; minorem vero fructum incertiolemque e libris dogmaticis atque polemicis ad criticum redire;

nullum fere e homiliis. Sed de omnibus scriptoribus ecclesiasticis hoc non aequè valet; alii enim alios in describendis S. S. locis diligentia atque *ἀκριβείας* studio superarunt. Origenem certe in usurpandis N. T. oraculis nemo probabit negligentiorē fuisse in libris de martyrio, de oratione, contra Celsū etc. quā fuit in exegeticis scriptis. Praeterea textus, quem tractat interpres, sedulo distinguendus est a testimoniis, e S. S. petitis, varisque consilio prolatis. Certissime quidem constare nobis potest de lectione eorum locorum, in quorum enarratione versatur commentarii auctor; cetera vero scripturae loca, exegesi admixta, lectionibus, quas exhibent, praesidium afferunt neque certius neque firmitus, eo, quò allegationes, in libris alijs argumenti occurrentes, eas quas repraesentant lectiones tuentur. In homiliis autem ex tempore pronuntiatis, nullam esse allegationum auctoritatem, nisi aliunde confirmentur, facile largimur. Quod praeterea praecipere solent viri docti, de distinguendis allegationibus, quas seriem orationis integram retinent, ab iis allusionibus, ut vocant, quibus aliquid phrasibus quidem scripturae, sed mutato constructionis verborumque ordine, describitur, aut sententiarum a scriptoribus sacris, prolatarum epitome tantum exhibetur: id, licet iusto fundamento non destituatur, multam tamen, si ad usum res deducatur, circumspectionem requirit. Scriptores quidem ecclesiastici pressimè codices suos sequi solent in allegationibus proprie sic dictis, quā in allusionibus, synonymarum phrasium permutatione, addidamentis

varii generis, inprimis vero omissionibus, saepissime interpolatis: sed effraenis librariorum atque editorum audacia in illas magis quam in has grassata est. Igitur ne has quidem penitus negligere debet criticus; praesertim si ita comparatae sint, ut lectione mutata scribentis consilio repugnarent. Si lectio, in allusione quadam occurrens, dubia sit, primum videndum est, utrum auctor alibi eandem repetat, nec ne; deinde consulendi sunt codices antiqui, cum allegationibus eius frequenter consentientes, quorum suffragia rem plerumque conficiunt, atque iudicium nostrum optime dirigunt, v. c. contra Cels. L. 1. §. 63. *γυναικες τινες*, inquit Origenes, *ἐν αἰς ἣν καὶ Σαρσάννα, παρισχόν ταις μαθηταῖς ἐκ τῶν ὑπαρχουσῶν αὐταῖς τροφᾶς*. Igitur Luc. 8, 3. *προ διηκονοῦν αὐτῶν*, legit omnino *διηκονοῦν αὐτοῖς*, ut codices DK. 28-69. et alii multi. Sed utrum Matth. 5. 22. *εἰς* legerit, an vero omiserit, dubium fere est, licet de Princ. L. 3. c. 1. §. 6. *εἰς* praetermittatur; codices enim qui a partibus Origenianis stare solent omnes vocabulum hoc habent. Tandem, negligenda non est criticorum quorundam utilissima observatio de ea locorum parallelorum confusione, qua nonnunquam, quae alterius Evangelistae sunt, a Patribus tribuuntur alteri. v. c. Origenes Tomo 6. in Ioh. §. 14. Marcum scripsisse tradit: *εὐθὺς αὖτε τὴν ὁδὸν κυρίου*, quod tamen Iohannis est. Ibidem ad verba: *ἐξέπορευετο πρὸς αὐτὸν πᾶσα ἡ Ἰουδαία χώρα κ. τ. λ.* Lucam laudat, ubi Marcum laudare debuisset. Utrumque *παρορμα* Huetius iam notavit. Huic observationi aliam addi-

mus. Patres nonnunquam de codicum suorum lectionibus tam vage loquuntur, ut hariolando vix assequi possimus, ad quemnam Scripturae locum eorum disputatio pertineat. Luculentum exemplum e libro 1. c. Cels. §. 62. proferemus. Postquam negasset Origenes, praeter Matthaeum quemquam publicanum fuisse in coetu apostolorum, addit: ἔστω δὲ καὶ Λεβηθὶς τελωνῆς ἀκολουθήσας τῷ Ἰησοῦ. ἀλλ' οὐτὶ γὰρ τοῦ ἀριθμοῦ τῶν ἀποστόλων αὐτοῦ ἦν, εἰ μὴ κατὰ τινὰ τῶν ἀντιγράφων τοῦ κατὰ Μάρκον εὐαγγελίου. Haec ab aliis ad Marci 2, 14. ab aliis vero ad cap. 3, 18. trahuntur. Posteriori loco apostolorum nomina recensentur; ibique loco Θαδδαίου Cantabrigiensis liber Λεββαίου nominat. Qui cum Grotio, Millio, Moshemio, aliisque huc Origenem respexisse, atque ἀντιγράφα, de quibus loquitur, codici D. similia fuisse putant, statuere debent, 1) Λεβηθὶς sive Λευὶς cap. 2, 14. et Λεββαίος cap. 3, 18. (in codice D.) Origeni non esse nomina diversa; quod non facile probare poterunt iis, qui eius in indagandis nominum priorum significationibus ἀκριβολογίαν perspectam habent. 2) Ignorasse Adamantium verba ista Matthaei, cap. 10, 3. Λεββαίος ὁ ἐπικληθεὶς, quae in vers. vulg. copt. saxon. et apud Augustinum desiderantur; in graecis vero libris quos novimus omnibus, excepto uno codice * 17. Lebbaei nomen exstat. Nam si Matthaei testimonium de Lebbaei apostolatu cognitum habuisset, virum hunc non nisi in quibusdam Marci exemplaribus apostolis accenseri, scribere non potuisset. Quis vero Origenem, cuius diligen-

tem investigationem (ex hypothesi) non effugit singularis illa lectio Marci 3, 18. quis itaque hunc nescivisse credat, in nonnullis saltem, ne dicam plerisque, Matthaei codicibus, Lebbaei nomen in catalogo apostolorum exstare? Si vero Adamantii tempore tam rari fuere libri, qui nomen hoc haberent, quomodo in omnia, uno tantum excepto, Matthaei exemplaria, etiam in CDL. 1. 13. etc. irrepere id potuit? Nolo tamen ad stabiliendam sententiam huic oppositam praefatione comment. in ep. ad Rom. uti, in qua non solum docetur, Matthaei Lebbaeum, Marci Thaddaeum, et Lucae Iudam Iacobi hominem esse unum eundemque; verum etiam locus Matth. 10, 3. ita excitatur, ut non Lebbaei nomen, sed verba: ὁ ἐπικληθεὶς Θαδδαῖος (quae absunt a cod. D.) omittantur. Nam haec praefationis pars Origenem auctorem non habet, sed manifeste a Rufino adiecta est; id quod Moshemium fugies miror. Vid. ej. not. ad l.c. libr. c. Cels. Equidem locum Origenis supra laudatum referre malim, cum Wetstenio, ad Marc. 2, 14. ubi Christus Ἀσὶν τοῦ τοῦ ἀλφαίου, καὶ θημενου ἐπὶ τοῦ τρωτίου, vocasse traditur. Scilicet codices D. 13. 69. pro Ἀσὶν hic habent Ἰακώβον, cuius lectionis Victor quoque Antiochenus meminit, perquam tamen absurde hunc Iacobum Alphaei ipsum Matthaeum portitorem esse contendens. Nempe Matthaeus in catalogo apostolorum bis se nominavit! Igitur Origenem sic interpretamur; „Apostolorum collegio unus tantum adscriptus fuit portitor, Matthaeus. Nam Levis, portitor illé, cuius vocationem Lucas atque (secundum

vulgares codices) Marcus describunt, apostolus non fuit. Sunt tamen codices nonnulli, (similes nostris D. 13. 69.) in quibus Marc. 2. 14. Iacobus in locum Levis substituitur; qua lectione admissa, cum nemo de Iacobi apostolatū dubitet, fatendum utique erit, duos portitores in apostolorum numerum adscitos fuisse. Quamvis autem lectio haec (*Ιακωβου*) Origene ipso antiquior sit, genuina tamen non est. Nulla sane fingi potest ratio probabilis, cur Lucas eundem hominem Levim nominaverit, cum eius vocationem cap. 5, 27. narraret; Iacobum vero, cum, paucis tantum interiectis, in recensione apostolorum cap. 6, 14. et iterum Act. 1, 13. mentionem eius faceret. Praeterea Iacobus Alphaei librariis notior erat, quam Levis Alphaei; quae res errorem peperisse videtur.

§. XX. Iam aditum nobis paravimus ad fontes, e quibus certa atque iusta lectionum Origenianarum notitia peti potest. *Principatum* inter eas tenent scripta Origenis quae hodiernum graece supersunt, caute usurpata, tam exegetica, quam dogmatica, apologetica etc. e quibus plerumque certo perspicui, nonnumquam vero probabili tantum ratione, quid Origenes in codice suo legerit, colligi posse demonstravimus. *Secundum* locum assignamus testimoniis auctorum fide dignorum, ad exemplaria Adamantii provocantium, atque lectiones Origenianas ex ipsius scriptis afferentium. v. c. e Hieronymo discimus, Matth. 24, 36. in codicibus Orig. et Pierii non exstitisse οὐδὲ ὁ ὁ. Nec obstat huic testimonio latina commentarii in h. l.

translatio, in qua *nec filius* additur atque copiose enarratur; nulla enim est eius auctoritas. Si quis tamen Origenis libros h. l. variasse dicere malit, facile assentientem me habebit. Exstat enim additamentum, e Marce desumptum, in codd. D. 13. 86. et apud Aeth. quos Origeniana vestigia premere scimus ⁴⁵). *Tertio* loco veniunt fragmenta catenis graecis inserta et Origeni attributa, quae a caeteris eius scriptis graece exstantibus sedulo distinguere debent. Constat enim, huiusmodi opusculorum collectores in adponendis auctorum nominibus non raro hallucinatos fuisse, horumque errores librariorum oscitantia praeter modum auctos esse atque multiplicatos. Nisi igitur universus cogitandi modus et ipsum scribendi genus Origenem aspiet, atque convenientia locorum Scripturae ibi excitatorum cum aliis allegationibus Origenianis, aut codicibus cum his consentientibus, eundem auctorem prodat, nulla talibus fragmentis concedi potest auctoritas. *Quarto* petuntur Origenianae lectiones e libris Adamantii, quorum latinae tantum translationes ad nos pervenerunt. Sed contigit Origeni,

45) Lectiones, quas Origenes non e suis, sed ex aliis quos inspexerat libris, laudat, saepe in codice D. inveniuntur. e. gr. Matth. 16, 20. Origenes *δασταλατο*, codices quidam apud eundem *ἐπιτιμησας*, consentiente D. Luc. 9, 48. Origenes aliquoties et codd. C. E. 1. Ev. 2. 19. *ἐστιν*, sed codices nostri plerique, inter quos D. etiam est, et *ἀλλα ἀντιγραφα* apud Origenem, *ἐσται*. Ioh. 1, 4. Origenes *ἦν*. D. vero et *ἀλλα τῶν ἀντιγραφῶν*, *ἐστιν*.

quod aliis graecis scriptoribus non paucis, ut nancisceretur interpretes parum fidos, qui saepe latine redderent, non quae graece scripserat libri auctor, sed quae nasutuli homines ipsum scripsisse cupiebant, aut scribere debuisse opinabantur. Neque translatoreſ hi loca tantum Scripturae sacrae e versione biblicorum latina, quae tum in usu erat, desumserunt, nulla ratione habita lectionum graecarum Origenianarum: sed eo etiam interdum progressi sunt, ut totum orationis contextum immutarent, Origenique invito suos sensus audacter tribuerent. Sic ignotus commentariorum in Matthaeum interpres alia praetermisit, v. c. ad cap. 20. 19. 20. 21. 11. 23. alia prorsus mutavit, e. gr. ad cap. 19. 16. immo, contra exempli graeci fidem, multa de suo addidit, v. c. ad cap. 19. 19. 22. 21. Huius igitur hominis suffragia, lectiones Origenianas indagaturus ne tum quidem admittere debet, ubi subiecta explicatio atque contextus lectionem interpretis confirmant. Rufinus vero quantum in vertendis opusculis Origenis ingenio suo indulerit, nemo ignorat. Qui graeca librorum *περὶ ἀρχῶν* et commentariorum in epistolam ad Romanos fragmenta comparare velit cum translatione Rufini, fatebitur profecto, ita ab hoc homine interpolata esse omnia, ut quid ipsius sit, quid Origenis, vix ac ne vix quidem discerni queat. Multa Scripturae testimonia, quibus auctor usus non erat, interpres adiecit; alia contra, quae ille exciderat, hic omisit. Ne iis quidem librorum Origenis versionibus tuto inniti possumus, quas Rufinus accurate ad graeci textus fidem confecisse se te-

statutur, in perorat. in ep. ad Rom. Nam si maxime hominis asseverationi fidem haberemus, pertinet ea tamen magis ad tractationem ipsam, quam ad ea, quae huic inserta sunt Scripturae testimonia. Quid vero sentiendum sit de textu, quem in transferendo commentario in ep. ad Rom. secutus est, utrum scilicet Rufinus Origenianum retinuerit, an vero alium substituerit e latino codice desumptum; quae quaestio nec inutilis est nec iniucunda: alio loco commodius dicitur. Maiorem quidem quam Rufinus fidem adhibuisse videtur, qui homiliarum in Lucam interpres fertur, Hieronymus, ipse tamen in reddendis S. S. testimoniis iusto negligentior. E. gr. Luc. 2, 14. transtulit: *hominibus bonae voluntatis*; Origenes vero alibi ter: ἐν ἀνθρώποις εὐδοκία scripsit. Cap. 3, 9. interpres *fructum bonum* vertit; sed Origenes tom. 6. in Ioh. §. 14. Lucam καλὸν scripsisse negat. Ne quis vero huiusmodi discrepantias natas esse existimet e codice, quos Origenes diverso tempore adhibuit, varietate, exempla e homiliis in Ieremiam, quarum nonnullae graece supersunt, proferemus. Homil. 4. quae apud Hieronymum est decima quarta, locus Act. 13, 46. sic exstat: ὑμῖν ἦν ἐξαπισταλμενος ὁ λόγος τῆς σωτηρίας; (homil. 5. pro τῆς σωτηρίας legitur τοῦ θεοῦ) ἐπεὶ δὲ ἀναξίους κρινεῖτε ἑαυτοὺς, ἰδοὺ κ. τ. λ. Interpres vero posuit: *Ad vos erat missus sermo; sed quia indignos vos iudicatis aeternae vitae, ecce etc.* Verba τῆς αἰωνίου ζωῆς alibi (v. c. hom. 5.) Origenes aliquoties praetermisit. Homil. 11. (iuxta Hier. 7.) e Matth. 10, 34. excitatur μὴ νομίζετε ὅτι ἦλθον βαλεῖν εἰρη-

γην, ἀλλὰ μάχαιραν, quod Hieronymus vertit: *quid putatis, quia veni pacem mittere super terram? Non veni pacem mittere, sed gladium.* Vid. etiam homil. 16. iuxta Hieron. 12. de loco Lucae 12, 47.

Haec cum ita sint, cunctas istas operum Origenis translationes latinas instrumentis, quibus lectiones Origenianae erui possint, tum demum annumerari velim, si vel in graecis eius scriptionibus idem S. S. locus eodem modo excitatus legatur, vel graecorum codicum, versionum, atque Patrum graecorum assensio dubiae lectioni praesidium afferat, atque fidem interpretis ab omni suspicione vindicet. v. c. Hom. 13. in Luc. e Ioh. 14, 27. haec afferuntur: *Pacem meam do vobis, pacem meam relinquo vobis, non sicut mundus iste dat PACEM, ego do PACEM.* Similiter vocabulum εἰρηνην bis additur Libr. 8. c. Cels. Semel vero, tomo 6. in Ioh. praef. omisso scilicet quarto. Additamento igitur adsuetus fuit Origenes. cf. supra §. 18. Homil. 32. in Lucam locus Matth. 10, 19 sic laudatur: *in LAQUEUM non cadit passer, sine voluntate patris.* Similiter εἰς τὴν παγίδα occurrit libr. 8. c. Cels. §. 70. et tom. 20. in Ioh. §. 29. eademque lectio habetur in homiliis Clementinis et apud Chrysostomum. Altera vero, ἐπὶ, sive εἰς, τὴν γην occurrit in Adhort. ad Martyr. §. 34. in Select. in Thren. c. 3, v. 52. (e catenis) in libro 3. de Princ. c. 2. §. 7. et in Comment. in ep. ad Rom. c. 3, v. 7. Sed in cod. * L. utraque lectione omīssa, simpliciter positum est οὐ πείσεται, quod equidem librarii negligentiae tribuere nolim, tum quod calligraphus, qui librum hunc exaravit, temere omitten-

do rariissime peccaverit, tum quod non solum Auctor operis imperf. in Matth. similiter: *non cadet ꝑe voluntate patris vestri*, legerit, verum etiam catena quaedam Coislin. in Ps. 49, 10. hanc lectionem Origeni tribuat. Nec quicquam est in verborum contextu, quod occasionem praebere potuerit huic omissioni, quae praeterea neque sensum reddit imperfectum, neque sermonem impeditum. Saepe enim *πῖπτειν* ponitur simpliciter pro *interire*, *mori*, ut Ps. 82, 7. Ierem. 8, 12. 25, 34. Ezech. 27, 27. et Hiob 14, 10. ubi hebraeo *יָא* respondet. Nobis quidem lectio utraque, *εἰς τὴν καγίδα* et *ἐπὶ τὴν γην*, admodum suspecta est. Utraque sane glossema redolet. Porro, hom. 39. in Luc. pro *θηναρίον* Luc. 20, 14. legitur *nummus*, *νομισμα*, annuente codice D. De Princip. l. 2. c. 5. §. 3. omittitur *ἀγατς καὶ* quod abest quoque a codd. L. 1, * 13. 69. et verss. vulg. syr. arab. aeth. pers. wheloc. copt. immo etiam a tomō 28. in Ioh. §. 7.

§. XXI. Superest, ut fontem, e quo Origenianarum lectionum notitia peti possit, aperiamus, longe quidem ab iis quos hactenus commonstravimus dissitum, veruntamen uberrimum; quem plane praeteritis solent, qui in allegationibus Patrum colligendis indicandisque operam suam collocant. Supra iam diximus, esse codices quosdam, qui mirifice cum allegationibus Origenianis conspirent, et lectiones in his obvias assensu suo confirment certioresque efficiant. Quinam ii libri sint, et quonam affinitatis gradu codices Origenianos attingant, secunda huius dissertationis parte accuratius dicetur. Ut tamen sententiam

nostram distincte exponere, eamque idoneis exemplis illustrare lectoribusque probare possimus, paucula, quae ad Evangelium Iohannis pertinent, hic anticipare lubet. Versanti mihi exemplar N. T. in quo allegationes Origenis universas e scriptis eius graecis collectas accurate adnotavi, ac lectionum Orig. varietatem margini illevi, vix ulla occurrit lectio, quae non similiter exstet in uno alterove e codicibus AC. (praecipue a prima manu) DKLM. 1. 13. 38. 69. Sed ut rei huius rationem paullo luculentius lectorum oculis exponam, summam quasi collationis institutae breviter hic colligam. Neque vereor, ne diligentiam hanc inutilem aut nimis minutam existiment aequiperitique arbitri. Cum enim in delectu lectionum non modo bonitas earum interna, sed antiquitas etiam spectanda sit; haec vero ab antiquitate et auctoritate testium, codicum acilicet versionum et Patrum, potissimum pendeat: sequitur, ut dimidia adminiculorum parte destituatur, qui testium quasi conspirationes et secessiones non satis perspectas habet. Parum sane acuti sunt, qui antiquitatem lectionis alicuius ex anno, quo codex exaratus fuit, indicant. Etenim non tam membranarum quam textus quem continent aetas definienda est; quod sine diligentissima testium inter se comparatione fieri nequit, quae ad ipsa lectionis cuiusque incunabula nos tandem deducit, glossemata et additamenta seriora dignoscere docet, librarii sive critici, qui textum recensuit, cuiusque in addendo resecando mutandove consuetudinem ante oculos exponit, codicumque singulorum et ingenium de-

clarat et pondus definit. Quanam quaeso via tutius citiusque ad hunc quem petimus finem pervenitur, quam collatione librorum manuscriptorum cum allegationibus antiquissimorum Patrum accuratissime instituta? Ut igitur de dissensu consensuve vetustorum codicum (quoad Iohannis Evangelium) cum exemplari Origeniano nobis constaret, sequentes pericopas, quarum textus integer, paucis versiculis exceptis, ex allegationibus Adamantii graecis componi potest, excusimus: Ioh. 1, 1 — 40. cap. 2, 12 — 25. cap. 4, 10 — 46. cap. 6, 49 — 58. cap. 13, 1 — 30. In his locis Origenes a textu recepto recedit nonagies et quater. Atque in his lectionibus a textu vulgari dissidentibus, consentientem habet codicem A. vicies et bis, (hiat capite 6.) codicem C. quinquagies novies, (hiat capite 2. et cap. 13, 1 — 8.) D. vicies novies, (truncatus est capite 1, inde a v. 16. et capite 2) H. duodecies, L. (quem nos Parisiis denuo contulimus) sexagies novies, M. undecies, codicem r. tricies, 13 (perquam negligenter collatum) quinquies, 33 (non satis accurate excerptum) vicies septies, 69. vicies et quater, et versionem Coptam plerumque. Discrepantiarum vero ratio haec est: si numerum quemque hic indicatum auferas a summa lectionum Origenianarum, (nempe 94.) invenies numerum lectionum eiusdem codicis, quae ita ab Origenianis dissident, ut cum receptis concinant; in qua tamen supputatione tum lacunarum ratio habenda est, tum lectionum earum, in quibus Adamantius sibi ipse non constat. Codex C. verbi causa quinquies tantum aut sexies cum textu vulgari

contra Origenem facit, earumque discrepantiarum ple-
raque exigui momenti sunt; L. vero sic dissentit
quaterdecies. His adiungimus enumerationem earum
lectionum, quibus codices illi a textu Origeniano ae-
que discedunt atque a vulgari; cuius generis lectio-
nes observavimus in codice A. tredecim, C. decem,
D. septuaginta septem, K. quinque, L. quindecim,
M. quinque, in codice R. viginti quatuor, 13. quin-
decim, in cod. 33 tredecim, tandem in cod. 69. qua-
draginta novem. Iam quid ex his omnibus effici pos-
sit, quod ad causam nostram pertineat, age videamus.
Codex A. magis consentit cum vulgaribus li-
bris, quam cum exemplari Origenis, aliisque codici-
bus vetustissimis. Textum receptum deserit tantum
35ies, Origenianum vero 70ies; earumque lectionum,
quae a vulgari recedunt, fere dimidia tantum pars
cum Origeniano facit. Est igitur e recensione minus
vetusta quam CDL. alique, nec tanti (in Evangelio
certe Iohannis, de quo solo hic loquimur) faciendus,
quanti Bengelius eum aestimavit. Interdum tamen
lectiones retinuit antiquas atque probas, quas in vul-
garibus libris frustra quaeres; neque tot lectiones in-
eptas spuriasque additiones continet, quam D. et 69.
Codex D. a caeteris omnibus mirifice differt, et recen-
sionem sacri textus aequae ab Origeniana atque a vul-
gari diversam exhibet. Ab illa dissentit 115ies, ab
haec 106ies. Lectionum a libris editis discordantium
quarta circiter pars Origenianis consonat. Tantum
vero abest, ut lectiones, ab Origeniana et recepta si-
mul discrepantes, statim spernendas esse putemus, ut

potius non paucas vel Origenianis ipsis praefereudas esse censeamus. Multae enim, si ad eas leges examinentur, ad quarum normam iudicium nostrum de interna lectionum bonitate conformandum est, quae ab antiquitate et auctoritate testium non pendet, sed ex ingenio lectionis ipsius, atque e nativa eius simplicitate, ab ornatu quidem aliena, sed calamo scriptorum sacrorum non indigna, et gratae negligentiae veluti umbra perspicuitatem ac perfectionem orationis obscurante; ut et e convenientia tam cum scopo quam cum stilo auctoris, iudicatur; quo sequentes spectant canones: lectio exquisitior atque graecantior non facile praeferatur alteri minus eleganti aut hebraismum redolenti; lectio planior atque phrasin multo usu tritam ac saepius in N. T. recurrentem exhibens, postponatur difficiliori, duriusculae et inusitatae etc.: ad huiusmodi inquam leges si exigantur lectiones codicis D, multae profecto optimae notae esse invenientur. Cum itaque vetustissimus hic liber, licet saepe cum Origene conspiret, tamen a recepta Origenianaque simul recedat saepius, quam posteriori huic sese adiungat; lectiones vero ipsi peculiare, si ita se spectentur, partim optimae sint, partim pessimae: consentaneum esse videtur, ut statuamus 1) ductum eum esse e codice eiusdem recensionis sive familiae, ad quam Origenianus cum sectatoribus suis pertinet; 2) exemplum, e quo ductus fuit D. purum adhuc fuisse ab interpolationibus et additamentis quibusdam, qui Origenianum eiusque aemulos iam invaserant; sed 3) hominis audacissimi in-

epta sedulitate antiquissimo illi textui innumeras illatas fuisse additiones aliasque lectiones, non solum e codicibus perquam vetustis, e quorum familia nullus ad nos pervenit integer, desumptas, verum etiam (quod multo magis dolendum est) ex aliis fontibus impuris, immo e latina quoque N. T. translatione haustas; 4) hinc factum esse, ut duplicis recensitionis antiquae, variis additamentis tum graecis tum latinis exornatae laciniae miris modis in hoc codice consarcinarentur. Eadem fere ratio est codicis 69. Multo saepius tamen dissentit ab Origene (scil. 139ies) quam a textu typis vulgato, a quo ter et 70ies recedit. Lectionum, quibus a recepto textu seiungitur, tertia fere pars in Origeniano invenitur; caeterae maxima quidem ex parte ipsi peculiariae sunt et recentioris criticae diligentiam atque stilum produunt, pauciores tamen, ipsi cum D. aliisque communes, antiquae sunt, immo nonnullae genuinae videntur. Codex 1 satis propinqua cognatione codicem 69. contingens, sed castior illo, vetustissimis, quoad lectionum antiquarum numerum, vix cedit, et optimo cuique aequiparandus esset, nisi interpolationibus recentioribus passim depravatus esset. Lectionum a vulgaribus libris dissidentium (scilicet 55.) pars dimidia apud Origenem reperitur, a quo tamen 87ies discedit, receptam lectionem saepe exhibens, ubi Adamantius aliam sequitur. Sed de hoc libro, atque eius gemello, Marshiano 24, ut et de codd. 13 et 33, in Iohanne perquam negligenter collatis, alio loco uberius disputabimus. Cod. 13, quantum de lectionibus eius nobis

constat, plerumque a partibus librorum vulgarium stat, a quibus non nisi 20ies differre videtur. Lectionum variantium ex ipso collectarum pars quarta Origeni favet. Codex 33, lectiones a recepta editione discrepantes habet 40, e quibus $\frac{2}{3}$ Origeni adstipulantur; codices autem K et M, quorum illum decies septies, hunc 16ies a vulgari textu abhorreere tradit Wetstenius, plus quam dimidia lectionum harum parte cum Origeniano consentiunt. Omnium vero proxime ad exemplar Adamantii laudatissimum accedit codex C, et qui huic suppar est atque aemulus, L. quos bonarum antiquissimarumque lectionum copia omnes fere libros manuscriptos superare tum ostendemus, ubi recensio Orig. pretium definiemus. Quam propinqua cognatione codex C. attingat exemplar Origenis, inde facile intelligitur, quod ab eo non nisi 16ies discrepat, atque e.69 variis lectionibus, quas Wetstenianus margo ex hoc libro desumptas repraesentat, 59 ad Origenianum textum pertinent. Codex vero L. a recensione Orig. 29ies tantum discedit, et inter lectiones 84 a recepta diversas exhibet Origenianas 69. Calculis studiose iam subducendis operam non damus, quia nec spatii angustia hoc permittit, neque consilium nostrum summam ἀκριβειαν postulat. Accuratius tradentur in altera disertationis parte. Nobis iam generatim indicare sufficit, quota pars lectionum cuiusque codicis, a recepto textu dissidentium, cum Adamantio faciat. Hinc enim patere arbitror, in tres classes commodè dispesci posse libros illos. Primas partes tenent C et L. secundum locum occupant AKM.

33. tertium vero assignamus codicibus D. 13. 69.

§. XXII. Horum igitur codicum usum in indagandis lectionibus Origenianis tam late patere existimamus, ut ex iis probabili coniectura saepissime, quid Adamantius legerit, erui possit, licet eum scripturae locum nunquam in libris qui (graece) supersunt, excitaverit. Cum enim codices hi in iis S. S. oraculis, quae in scriptis Adamantii laudata sunt, vix unquam in lectione aliqua conspirent, quin eandem in allegatione Origenis reperiamus *6): verisimile est

46) Rarissime observatio haec fallit. In pericopis supra indicatis bis tantum C. a prima manu et L. in lectione conveniunt ab Origeniana diversa; sed dissensus nallius momenti est. Nimirum Ioh. 1, 27. *ἐγώ* omittitur in C. L, 13. et aliis. Origenes autem quinquies profert prænomen, sed modo ante, modo post *ἐξ*. Semel tamen, tomo 16. in Matth. §. 32 plane praetermisit, et tomo 6. in Ioh. §. 23. e Heracleonis commentariis locum absque *ἐγώ* laudat. Altera discrepantia occurrit cap. 4, 17. ubi in CD * L *ἀνδρα οὐκ ἐχῶ*, apud Origenem vero, ordine inverso, *οὐκ ἐχῶ ἀνδρα* legitur. Praeterea, cap. 1, 19. AC 13. 33 69. aliique addunt *πρὸς αὐτόν*, quod nec Origenes agnoscit nec codex L. Cap. 4, 46. codd. DL. 33. habent: *ἦν δέ*, Adamantius vero stat a partibus lectionis receptae: *καὶ ἦν*. Vers. 51. DKL. 13. 33. cum aliis quibusdam pro *καὶ* habeat *ὅς*, Origenes, vero v. 50. constanter *ὅς*, sed v. 51. semper *καὶ* legit, erratque Wetstenius ad lectionem *ὅς* v. 51. Origenem laudans. Sed paucissimae hae exceptiones veritatem observationis nostrae non convellunt. Neque adversantur ei lectiones nonnullae, Origeni plane peculiare, nec in ullo codice hactenus reperiatae, quales in pericopis saepe laudatis occurrunt sedecim. Nam si ab hoc numero demas partim ea loca, quae diversimode excitantur, ita ut alibi cum codicibus consentiant, alibi vero singularem lectionem exhibeant: partim ea le-

iis etiam in locis Evangelii Iohannis, quae Noster nunquam laudavit, exemplar Origenianum eandem habu-
 —————

ctionum figmenta, quae non e codicibus manuscriptis desumpta, sed e negligentia excitantis orta sunt: duae tantum restabunt lectiones Origenianae ab omnibus codicibus graecis abhorrentes; altera leviuscula cap. 4, 15. διερχωμαι pro ερχωμαι; altera cap. 13, 10. omissio verborum ἡ τοὺς ποταμούς, de qua supra diximus. Cavendum etiam est, ne librarium, qui opera Origenis descripserunt, aberrationes in exarandis S. S. locis Origeni ipsi tribuamus, et ex iis lectiones a codicum CL. etc. lectionibus discrepantes exsculparamus. E. gr. Ioh. 1, 24. codices C. a prima manu L. et versio copta omittunt οἱ ante ἀπεσταλμένοι. Exstat quidem articulus tomo 6. §. 13. ubi comm. 24 et 25. explicationi praefixa leguntur; sed delendus est omnino. Non solum enim §. 14. pag. 126. non exstat, sed ipsa etiam enarratio loci satis docet, Origenem ignorasse τοὺς οἱ, (quò admissio versus 24. de iisdem legatis accipiendus esset, de quibus v. 19. Iohannes locutus erat;) atque subintellexisse τινες. Aperte enim §. 5. duas legationes, (alteram v. 19. alteram v. 24.) distinguit. Similiter v. 27. αὐτός ἐστι deest in C a prima manu, L. et Copt. atque apud Origenem per. Nihil igitur contra sententiam nostram effici potest e tom. 6. in Ioh. §. 15, ubi verba haec textui sacro, explicationi praemisso, a librariis adiecta sunt. Uti vero huiusmodi allegationes a scribis corruptae nobis non obstant, ita etiam unius loci diversae allegationes, utpote e diversis codicibus desumptae, causae nostrae officere nequeunt. E. gr. Ioh. 13, 26. Pro ἐπιδώσω Origenes alibi καὶ δώσω, alibi καὶ δώσω αὐτῷ legit, alibi verbum hoc plane omisit. Cum vero codices C. a prima manu, LM. 33. habeant καὶ δώσω αὐτῷ, dubitari non potest, quin haec lectio vere sit Origeniana, lectionis autem varietas vel festinationi Origenis, vel codicum, quos vidit,

se lectionem, quam in his codicibus, sed apte coniunctis, invenimus.

Primi ordinis codices, praesertim si de lectione inter ipsos conveniat, tantum non semper lectionem produunt Origenianam. Libri secundi ordinis plures, contra lectionem receptam conspirantes, suspicionem movent haud levem, eam in qua consentiunt Origenianam esse. Quos vero ad tertiam classem retulimus, ii in se spectati iusta quidem carent auctoritate; attamen libris secundi ordinis multum ponderis assensu suo addunt. Si vero codicibus C. et L., in lectione quadam a textu vulgari discrepante, unus et alter e secunda aut tertia classe sese adiungat, atque versionis coptae, et Cyrilli aut Clementis Alex. auctoritas accedat, summa oritur probabilitas, in exemplari Origenis eandem exstitisse. Cum enim mirabilis ille codicum et inter se et cum Origene consensus, non fortuito quodam casu ortus, sed e communi, ex archetypo eiusdem recensitionis, origine repetendus sit: quin ab eadem causa aliis in locis eundem effectum exspectamus? Cur quaeso codices CL saepius cum

dissonantiae debeat. Quid? quod utraque lectio, quam Origenes diversis in locis sequitur, nonnumquam in codicibus, qui ad familiam Origenianam pertinent, invenitur. Sic Ioh. 6. 52. *ἢ ἐγὼ ἴσμεν* desit in CDL. Vulg. Aeth. et apud Athanas. et Cyrillum; similiterque apud Origenem bis, scilicet tomo 10. in Ioh. 5. 23. et tomo 20. 5. 33. contra vero habentur haec verba tum apud Origenem de Orat. 5. 27 bis, tum in codd. 1. 23. 33. (silet saltem Wetsanii margo) vers. syr. copt. pers. et apud Clem. Alex.

Origene conspirare putemus in locis S. S. quae in libellis Adamantii laudata leguntur, quam in aliis ab eo non excitatis? Potest igitur ingens omnino pars textus Origeniani isto artificio restitui; fructus autem hinc sperandi insignes sunt. Tanto enim exactius atque verius erit iudicium de universa recensione istius antiquissimae indole, quanto maiorem lectionum numerum excuseris atque sub examen vocaveris; eoque accuratiorem instituere poteris librorum manuscriptorum, qui supersunt, atque versionum cum exemplari Origenis (omnium quorum notitia ad nos pervenit et antiquissimo et celebratissimo,) comparationem, quo hoc ipsum plenius atque penitus cognitum habueris atque perspectum. Caeteram modus lectionum Orig. e coniectura restituendarum hic propositus cautiones quasdam habet; scilicet primo, ne ad codices lacunosos aut negligenter collatos temere provocemus, nec e silentio marginis Wetsteniani (v. c. de codice C.) consensum cum recepta lectione perperam eliciamus; deinde, ne ex una codicis cuiusdam particula, e. gr. ex uno Evangelio, aut ex uno cuiusque libri biblici capite, textus universi indolem atque totius codicis affinitatem cum Origeniano aestimemus. Saepe enim, ut luculento Bodlejani cuiusdam codicis exemplo in sequentibus demonstrabimus, librarii et pluribus codicibus apographum suum, modo hoc modo alio exemplo usi, compilarunt. Tandem coronidis loco lectiones quorundam locorum Evangelii Iohannis ab Origene non excitatorum, apponimus, quas, ob codicum supra indicatorum con-

sensum, Origenianis accensendas esse putamus. Cap. 6, 69. του ζωντος — CDL. 1. 33. copt. arm. vulg. Cyr. v. 40. πατρος μου pro πεμψαντος με. CDL. 1. copt. aeth. arm. syr. utr. Clem. cap. 9, 6. ἐπεχρίσεν † αὐτου. ACL. 1. 33. Cyr. v. 8. προσαιτης pro τυφλος ACDLK 1. 33. versiones, Cyr. Chrys. cap. 11, 21. ἀπεθανε pro ἐτεθνηκει. CDKL. 1. 33. Cyr. alii. cap. 17, 4. τελειώσας, pro ἐτελειώσα ACL. 1. 33. copt. aeth. latt. Cyr. v. 12. ἐν τῷ κόσμῳ — CDL. 1. Copt. Vulg. Cyr. Hier. v. 17. σου — ACDL. 1. Vulg. Goth. Cyr. Quibus sequentes etiam lectiones addi posse videntur: cap. 3, 2. αὐτον pro τον ἰησουν AK * L. 1. 33 arm. aeth. latt. Cyr. Chrys. v. 5. † και ειπεν αὐτῷ K * L. 13. Syr. prior et post. in marg. copt. arm. aeth. saxon. cap. 6, 39. πατρος — ADL. 1. copt. latt. Cyr. Chrys. Athan. v. 69. ἅγιος pro χριστος ὁ υἱος CDE. copt. aeth. cap. 7, 9. αὐτος pro αὐτοις. DL. 1. copt. syr. latt. Cyr. v. 8. ταυτην prius — DKL. 1. copt. latt. Chrys. Cyr. cap. 9, 11. και ειπεν prius — CDL. 33. ibid. κολυμβηθραν του — DL. 1. copt. syr. arm. latt. Cyr. v. 25. και ειπεν — ADL. 1. 33. Vulg. Goth. Cyr. ibid. ἡμην και pro ὦν DL. 1. latt. Cyr. cap. 10, 12. ἐστιν pro εἰσι. AL. 1. 69. Euseb. Cyr. ibid. τα προβατα postea. — DL. 1. 33. copt. arm. aeth. v. 13. ὁ δε μισθωτος φευγει — ADL. 1. copt. arm. aeth. Nec improbabile est, sequentes etiam lectiones ad Origenianas pertinere: cap. 3, 15. μη ἀποληται ἀλλ' — L. 1. copt. aeth. Cyr. cap. 7, 8. οὐκ pro οὐπω DK. copt. aeth. Cyrill. Chrys. Hieron. Sed consilio nostro haec sufficere possunt.

C o r o l l a r i a.

1. Novum Testamentum pluribus scatet glossematibus, additamentis atque interpolationibus de consulto illatis, quam ullus alius liber.

2. Graecos codices omnes, haecenus inspectos, occupare potest lectio prava. Coniecturali igitur emendationi in crisi sacra locus relinquendus est. Emendationes tamen huius generis in textum recipiendae non sunt, praesertim, si de lectione inter omnes codices et versiones conveniat.

3. Interdum unius codicis auctoritate lectio quaedam affatim defenditur.

4. Lectio, quam exhibent testes antiquissimi, non semper genuina est.

5. Codices graeco-latini, licet hic ibi ad latinam versionem reficti sint, plerumque tamen lectiones exhibent vetustissimas, saepe genuinas.

6. Consensus latinae translationis cum codicibus graeco-latinis nondum efficit, lectionem esse mere latinam, h. e. in versione latina primum ortam.

IV.

*De historiae ecclesiasticae nostri seculi
usibus sapienter accommodatae utilitate
praefatus ad audiendam orationem sus-
cepti in academia Jenensi publici mune-
ris causa a. d. Julii VI. MDCCLXXVI
recitandam*

invitat

*Ioannes Iacobus Griesbach,
Theologiae Professor ordinarius.*

Memoria repetentibus nobis verae religionis inde
ab ipsis mundi primordiis fata atque propagationem,
non solum facile patet, verissima esse quae Paulus
testatur, πολυμερως και πολυτροπως Deum homini-
bus voluntatem suam patefecisse; verum etiam nullo
negotio intelligitur, causam, cur Deus alio tempore
alio institutionis modo usus sit, positam esse in eo,
quod, mutata saepe humani generis conditione, mox
hoc mox alio παιδειας τροπον opus esset. Sapientis-
simam hanc Dei ipsius Optimi Maximi οικονομiam

imitati sunt religionis ministri atque doctores omnium seculorum probatissimi atque fidelissimi, suoque exemplo confirmarunt id, quod rei ipsius consideratio paullo accuratior edocere nos similiter poterat: oportere verbi divini ministrum, in exponendis ac inculcandis religionis veritatibus, promovendoque christianae sapientiae atque virtutis studio, rationem habere suorum temporum atque hominum. Etsi enim vera Iesu Christi religio nulli mutationi obnoxia esse potest, sed una eademque semper manet: tamen caelestis huius doctrinae ministri, tum in rerum praecipue tractandarum dilectu, tum in ipso tractationis modo, sedulo perpendere debent, quid suis temporibus sit convenientissimum et iis hominibus, quorum cura ipsis demandata est, utilissimum. Hinc vera sua sponte porro consequitur, academici doctoris esse, disciplinas, quibus eruditionis theologiae ambitus continetur, ita auditoribus suis propinare, ut studiose Inventus, in qua patriae atque ecclesiae spes posita est, mature discernere discat, quid nostrae aetatis hominibus imprimis necessarium sit, quid minus. Sic Baumgartenius, Heilmannus, alique magni nominis theologi recentiores, in tradendis Christianorum dogmatibus viam ingressi sunt paulo aliam et huius seculi usibus magis accommodatam, quam Melancthon, Chemnitius, Hutterus, et alii anteriorum temporum theologi meritissimi. In tractandis controversiis, quae inter Christianos agitatae fuerunt, antiquiores id potissimum sibi proposuerant, ut refellerent errores Pontificiorum, Anabaptistarum, aliorumque, qui publi-

cam ecclesiae nostrae doctrinam tum temporis impugnabant; nos vero minorem hodie operam istis controversiis; utpote minus iam frugiferis impendere solemus, aut saltem aliter, quam primis post sacrorum reformationem temporibus, earum tractationem informamus; magis intenti obiectionibus Naturalistarum, Socinianorum etc. Similiter in tradenda historia ecclesiastica antiquiorum vestigia deserenda esse, recentiores ipsa re atque facto demonstrarunt. Qui primi inter nostrates reipublicae Christianorum sacrae historiam copiose enarraverunt, Centuriatores Magdeburgenses, sui temporis hominibus potissimum consulere voluerunt, eamque ob causam universam suam narrationem ita instituerunt, ut pateret, falsa esse, quae Pontificii de doctrinae suae antiquitate Pontificumque Romanorum iuribus iactarent; antiquissimam contra esse eam, quam Lutherus instauraverat, doctrinae et religionis formam. Sed ab hoc Magdeburgensium consilio, isto tempore longe utilissimo, alii postea historiae ecclesiasticae scriptores recte discesserunt, probe perspicientes, minus iam opus esse nostris hominibus historico isto contra Papatum apparatu. Sic Gothofredus Arnoldus, animo a Magdeburgensium instituto valde alieno, nec tamen absque omni utilitatis fructu, opus suum historicum, suo tempori inservire cupiens, conscripsit. An inadvertenter scilicet Arnoldus, viris piis atque doctis non paucis temere inustam fuisse haereseos notam; multos contra orthodoxiae propugnatores laudatissimos saepe atque graviter, licet impune plerumque, peccasse. Hac

re incensus, animum induxit, ut haeticorum atque fanaticorum fere omnium causam ageret, eosque exculparet et ab haereseos infamia liberaret; orthodoxiae vero defensores publico odio atque contemtni, magno, licet impotenti plerumque, conatu, exponeret. Nos quidem hominem hunc fanaticismi labe infectum et partium studio saepe numero abreptum fuisse ultro fatemur, nec contra istas multorum accusationes defendere eum cupimus: sed hoc tamen concedendum nobis esse existimamus, isto tempore, quo Theologi non pauci ex orthodoxae doctrinae a patribus acceptae ad posteros propagatione, et omnium qui haetici ipsis videbantur debellatone laudem unice quaerebant, parum solliciti quo eos iure haereseos accuserent, aut quo armorum genere eos aggrederentur atque opprimerent; hoc inquam tempore, quo multi rei sacrae antistites longe maiorem operam impendebant adversariis suis quovis modo reprimendis, quam internis atque domesticis societatis christianae vitiis medendis, neutiquam intempestivam fuisse historiam ecclesiasticam, eo consilio, quod Arnoldus animo quidem conceperat, cui vero exsequendo variis ob causas idoneus non erat, conscriptam. Quin ne ipsa quidem Arnoldi opera, quantumvis vitiosa, prorsus fuit infrugifera. Negari saltem non potest, Arnoldi librum occasionem praebuisse novis et accuratioribus indagationibus in res gestas Christianorum antiquiorum, et praesertim in concertationes catholicorum cum haeticis; et factum hinc esse, ut iam, post Arnoldum, rectius inter nostros infirmaretur historia ecclesiastica, ut

imbelle illud contra omnes qui haeretici appellantur odium minus late regnet, quam ante Arnoldi tempora, et ut imminueretur sensim nimia et superstitiosa fere antiquitatis priscorumque doctorum, eorum praecipue qui haeticos strenue oppugnaverant, veneratio. Funesto igitur huius viri exemplo admoniti sedulo nobiscum reputabimus, non posse insigni usu carere historiae ecclesiasticae tractationem, dummodo ita instituat, ut in rerum narrandarum delectu et narrationis modo temporis quo vivimus ratio habeatur, et omnia in hunc finem dirigantur, ut ex ipsa rerum gestarum expositione perspicue elucescat, qua ratione certissime atque facillime nostrae aetatis hominibus genuinam atque puram Iesu Christi religionem commendare, virtutis et veritatis studium acnere, pacis et concordiae amorem promovere, a vera doctrina aberrantes in rectam viam deducere, religionis sanctissimae hostes convincere aut refutare, et varia nostri seculi vitia emendare possimus. Sed cavebimus etiam summa cura, ne ad metam hanc laudabili studio tendentes Arnolde similes fiamus, et perversa cupiditate incensi a rerum gestarum veritate in narrando deflectamus, aut iudiciis perversis et partium studium redolentibus nos aliosve in errores reipublicae sacrae perniciosos implicemus. Atque hac de re paulo enucleatius disputare, ac utilitatem historiae ecclesiasticae, nostri seculi usibus sapienter accommodatae, exemplis nonnullis in medium prolatis, declarare constitutum mihi est.

Duo vero hic consideranda veniunt. Primum

dispiciendum est, quaenam sit hoc tempore rerum, si religionem spectes, conditio, et quid haec postulet a ministro religionis publico. Deinde videndum est, qua ratione ope historiae ecclesiasticae his subvenire queamus christianorum necessitatibus. His rite expensis simul patecet, quid in historia hac tum docenda tum discenda inprimis spectari debeat ab eo, qui omnes utilitatis ex ea decerpere cupit fructus, quos ex iusta rerum inter Christianos bene aut male olim gestarum narratione nostrae aetatis homines percipere posse videbimus.

Ad prius quod attinet, haberemus hic campum satis amplum in quem excurrere possemus, nisi brevitati studendum esset. Cum vero omnia quae huc referri possent complecti nequeant schediasmatis huius angusti limites, duo tantum breviter attingemus, quae, consentientibus ut putamus omaibus, hoc tempore praecipue necessaria existimamus publicis religionis administris, nedum Christianis, omnibus. *Alterum*, de quo alia opportunitate, quam infra indicabimus, dicetur, hoc est, ut contra hostium christianae religionis sive insidias sive insultus satis sint praeparati atque muniti, nec solum de veritate et origine religionis nostrae divina ipsi firmiter sint convicti et persuasi, verum etiam adversariorum tela, quae magnam partem ex historia ipsa ecclesiastica perperam informata depromi solent, fortiter excipere, immo retorquere valeant. *Alterum*, quod publicis religionis praeconibus hoc tempore inprimis necessarium esse putamus, paullo copiosius hoc libello illustrare lubet,

Nempe auctis indies subsidiis ad faciliorem et accuratiorem theologicarum rerum cognitionem, concessaque maiore sentiendi scribendique de rebus ad religionem pertinentibus libertate, fieri non potuit, quin multa dogmata, quae per longam annorum seriem pro indubiis verae doctrinae partibus habita fuerant, novo et severo examini subicerentur, et a multis vel impugnarentur aperte, vel in dubium saltem vocarentur, ac incertis et scitu minus necessariis accenserentur. Contra hos insurrexerunt alii, numero multi, sibi invicem admodum dissimiles, qui doctrinae praeae patribus acceptae et, ut ipsis quidem videtur, purioris defensores videri volunt, et vario armorum genere adversarios suos, quos Christi ipsius et religionis hostes esse contendunt, adoriuntur. Lis haec composita nondum est, nec, si ex antiquiorum temporum historia rem iudicamus, facile dirimi poterit. In tanta enim animorum exacerbatione disputandique fervore, sperare nondum licet, dissidentes *sua sponte* manus sibi praebituros amicas, et viam ingressuros esse mediam, quae tutissima esse et a veritate proxime abesse solet. Pacificis vero colloquiis nemo quicquam tribuet, qui tot colloquiorum de controversiis theologicis frustra institutorum historiam non ignorat. Neque *novae doctrinae formulae*, publica auctoritate praescribendae, litibus istis finiendis aptae videntur. Nam non solum elitigantibus permulti tales formulas iusta auctoritate carere contendunt, adeoque nec satisfieri sibi hac ratione patientur; sed ipsa etiam sacrae civitatis historia docet, bella civium intestina publicis

cuiusmodi decretis vix unquam feliciter composita fuisse. Quid quaeso effectum fuit nicaenis aliisque contra Arianos decretis, aut ephesinis contra Nestorianos placitis? quid edicta Chalcedonensium, henoticon Zenonis, ecthesis Heraclii et typus Constantii valuerunt contra Eutychianos Monophysitas atque Monothetas? Exacerbati sunt animi, turbata et in partes scissa ecclesia, fractum atque debilitatum Imperium; lites vero neutiquam cessarunt. Similia exempla per multa ex historia antiquiorum et recentiorum temporum colligi possent, si eis locus hic esset. Quid? quod ipsa formula Bergensis conciliandis dissentientium animis impar forte faisset, nisi aliae accessissent isto tempore opportunitates, quarum ope pax ecclesiae evangelicae uterunque restituta tunc fuit. Sed si fortasse et metu ad unitatem fidei compelli poterunt, qui ab antiqua doctrinae publicae forma discedunt? Ita nonnullis forte videri posset; nobis tamen secus sentire licebit. Summorum quidem Principum sapientissimis auspiciis paci tranquillitaeque coetuum christianorum externae prospicitur, ac sedulo cavetur, ne homines a verae christianae doctrinae indubia norma aperte aberrantes, terrarum dominis et ecclesiis invitis, doctores plebis seegerant publicos, et novum doctrinae typum privata auctoritate Christianis obtrudant; aut errores proponant, quibus admissis vel societas civilis detrimenti quid capere posset, vel a sincero verae virtutis studio avocarentur hominum animi. Sed ipsae theologorum disceptationes, dummodo nec indubiis atque manifestis scripturae sacrae effla-

tis contrariae, neque virtuti atque pietati periculosae, neque societati sive ecclesiasticae sive civili exitiosae sint, vi dirimi, salvo Protestantium iuribus, haud possunt. Nempe res universa reducta ad modestam veri indagacionem, placidum argumentorum utrinque propositorum examen, accuratam ac solidam scripturae interpretationem, et perspicuam atque manifestam errorum refutationem; quae omnia re nulla magis quam vi et coactionis metu impediuntur. Quare, cum omnia quae hactenus enumeravimus minus idonea sint componendis litibus inter theologos hodie agitis, res omnis divinae permittenda videtur providentiae, quae, teste historia, christianae ecclesiae atque doctrinae nunquam non invigilavit, eamque a periculis imminentibus saepe numero liberavit. Interim tamen nos nihil omittere decet, quod, in hac quasi theologiarum rerum crisi, nostrarum partium est. Summa scilicet animi contentione, quantum in nobis est, id agere debemus, ut absque omni partium studio, abiectis omnibus opinionibus praëconceptis, verum unice quaeratur, ad scripturae normam excutatur, stabiliatur, vindicetur; ut porro sentiendi libertas, quae auro carior nobis esse debet, intacta atque illibata conservetur, ac, ne sub iugum humanae in rebus divinis auctoritatis Christiani mittantur, caveatur, effraenis vero audacia et nihil non tentandi licentia iustis limitibus circumscribatur; denique ut pacis atque concordiae amor dissidentium animis instilletur, ut inimicitias candide positae alteri alterum, quamvis secus nonnullis de rebus sentientem, fraterno

amore, ut Christianos deceat, prosequatur. Sed si in alia re ulla, in hac profecto summa opus est prudentia. Cum igitur historia prudentiae sit magistra omnium optima, hac etiam in causa uberrimos fructus pollicetur historia ecclesiastica rite tractata. Atque sic devenimus ad id de quo distinctius disserere constitutum nobis est, qua scilicet ratione rerum inter Christianos gestarum narratio eius quo vivimus temporis utilitatibus inservire commodum queat.

I. Inter fructus, qui e iusta factorum ecclesiae christianae cognitione ad nos redire possunt, primo loco commemoramus hunc, quod praecipitem noyandi libidinem reprimat, qua tum ingenia fervidiora tum homines gloriae nimis cupidi saepe ita ducuntur, ut egressi e recta, sed solita et a multis calcata, via, novo tramite soli aut primi incedere gestiant; non quod is ad metam citius aut tutius perducere videatur, sed quod novus sit, a nemine antehac tentatus. Huius generis homines historia omnium fere seculorum ecclesiastica ob oculos nobis ponit; sed talia eorum fata enarrat, quae ab ipsorum imitatione facile absterre nos possunt. Ut enim aliqui interdum sint, qui novarum rerum amore capiantur, longe tamen maximam hominum partem, in rebus praecipue sacris, antiquis et a maioribus acceptis unice delestari, et pro his, tanquam pro aris et focis, pertinacissime pugnare cernimus. Hinc ausis suis plerumque exciderunt novatores, nisi forte singulari quodam divini Numinis auxilio adjuvarentur. Ac notatu sane dignissimum est, nonnumquam facillimo negotio emendata

esse ea, quae anterioribus seculis nulla arte nullaque virium intentione corrigi potuerant. Lutherus v. c. seculo XIV. nullo modo id praestare potuisset, quod seculo XVI. feliciter, Deo annuente, perfecit. Patienter igitur expectandum est illud temporis momentum, quod divina sapientia magnis atque utilibus rerum ecclesiasticarum conversionibus assignavit. Hoc non solum consolari nos potest, si corrigendis eis, quae vitiosa nobis videntur, impares nos esse sentiamus; sed coercere etiam debet intemperantiores novandi cupidinem. Novatores enim nimis calidi, qui temporum opportunitates expectare haud voluerunt, tam sibi quam reipublicae sacrae mala attulerunt gravissima, et vitiis, quibus eradicandis operam dabant, firmitus stabiliendis ansam saepe dederunt inviti. Novatianus, ut rem exemplo illustremus, rectus procul dubio de poenitentia sensit quam catholici eius temporis doctores. Distinxit enim *μετανοειν*, quam Christus commendavit, ab ecclesiastica illa poenitentiae sacramenta, quae necessaria putabatur lapsis, publicam peccati veniam quaerentibus. Hinc, licet lapsis absolutionem solemnem denegaret, eosque a communione ecclesiae in perpetuum arcendos esse statueret; tamen ut *μετανοειν* agerent et lacrymis gratiam Dei ac peccatorum remissionem quaererent, sedulo hortatus, et hoc ipso planissime professus est, peccatorum in divino iudicio remissionem non pendere ab externo illo absolutionis ecclesiasticae ritu, sed a *μετανοειν* seriae indole iusta. Catholici contra, illam ecclesiasticae disciplinae solemnem ritum, quo publice poeni-

tentibus publice peccatorum venia concedebatur, ab interna animi poenitentia sive *μετανοια* et remissione peccatorum divina non satis discernentes, (nam hanc absque illo locum non posse habere existimabant: *)

*) Rectius de *μετανοια* sensisse Novatianum quam adversarios eius, e sequentibus intelligi potest: Cyprianus non quidem eo usque progrediebatur, ut eos omnes, quibus sacerdos pacem s. absolutionem concessit, aeternam salutem indubie ac necessario consecuturos esse statueret; fieri enim posse putabat, ut peccator poenitentiam falso simulet sacerdotemque fallat, et tales hypocritas, non obstante pace ipsis concessa, divino iudicio poenaeque subiectos manere fatebatur. At enim vero in universa illa contra Novatianum disputatione fundamenti loco a Cypriano semper ponebatur hoc: *poenitentes, quibus ecclesia pacem non concessit, a beatitudine aeterna fore exclusos*. Ritus igitur absolutionis ecclesiasticae plane necessarius putabatur, nec *μετανοια* ac fides in Christum sufficiens Cypriano ceterisque videbatur, ad consequendam salutem. Ordo igitur salutis ab hisce hominibus non parum immutabatur atque pervertebatur. Cyprianus praeterea ipse fatetur, (Epist. 35. edit. Pearsonianae) Novatianum exhortari lapsos ut poenitentiam agant, et ecclesiasticae quoque poenitentiae caerimoniis sese submittant; ac nihilo tamen secius idem Cyprianus Novatianum adpellat misericordiae hostem, poenitentiae interfectorem, doctorem superbiae, veritatis corruptorem, perditoremque caritatis; (Epist. 60.) et alibi addit (Ep. 68.) auctorem cum esse, ut servis Dei poenitentibus et ecclesiam pulsantibus claudantur divinae pietatis et lenitatis paternae solatia et subsidia, nec ad fovenda vulnera admittantur vulnerati, sed, sine spe pacis et communicationis relictis, ad luporum rapinam et praedam diaboli proiciantur. Simili-

ut a Novatianorum, si placet, haeresi eo luculentius abhorrere se testarentur, universum locum de poenitentia et de peccatorum remissione indies magis ma-

ter auctor libri ad Novatianum: *sanciatum*, inquit, occidit Novatianus, *adimendo spem salutis, denegando misericordiam patris*, respuendo poenitentiam fratris. Dionysius item alexandrinus (apud Eusebium libr. 7. cap. 8.) eum doctrinam de Deo nefariam invexisse et clementissimum *Domini nostrum I. C. quasi implacabilem* calumniatum esse tradit. Eusebius etiam H. E. Libr. 6, cap. 43 *salutis (σωτηρίας) spem* Novatianum lapsis denegasse narrat. Tandem Vincentius Lirin. in *Commonitione* c. 24. Quis, inquit, ante crudelissimum Novatianum *crudelem Deum* dixit, eo quod *mallet mortem morientis quam ut revertatur et vivat?* Satis ex his patet catholicos necessariam putasse, ad salutem consequendam, illam absolutionis caerimoniam, qua poenitenti pax dabatur. Longe rectius Novatianus remissionem peccatorum talibus caerimoniis alligatam esse negabat. Ac generatim paullo longius quam catholici Novatianus abfuisse videtur a superstitione illa persuasionem, qua externis eiusmodi ritibus ecclesiasticis internae quaedam et spiritualis efficacia divinaque vis tribuitur. Hanc forsitan ob causam, si coniecturam in re obscura proferre licet, Novatianus, qui aegrotans ac in lectulo (decumbens clinici baptismum acceperat, noluit, cum convalesceret, episcopum adire, ut manuum impositione ab ipso consignaretur, et caeterae caerimoniae (in baptismo clinici omisae) more ecclesiastico peragerentur. Nempe in baptismo peccata quidem remitti, sed per impositionem demum manuum ab *episcopo* factam *Spiritum Sanctum* conferri baptizatis existimabant catholici. Novatianus vero intellexisse videtur, apostolorum fuisse illam praerogativam, ut manuum suarum impositione Spiritum S. impertirent christianis; manus autem episcoporum

gisque corruerunt, et horrendis illis erroribus, qui postea totam latinam ecclesiam invaserunt, viam quasi straverunt. Nempelapsis quibuscunque non solum poenitentiam dabant, h. e. ad poenitentium ordinem et classes varias eos admittebant, sed etiam, transacto tempore legibus praescripto, pacem i. e. solemnem absolutionem eis concedebant; eos vero, qui pacem hoc ordine nacti non essent, adeoque nec fideles, h. e. ecclesiae catholicae membra, essent, aeternae damnationi addicebant. Quo factum est, tum ut genuina de interna *μυσταγο* doctrina mirum in modum obscuraretur et oblivioni fere traderetur, externis vero poenitentiae ecclesiasticae actibus, qui confessione ac satisfactionibus potissimum solvebantur, maius indies pretium statueretur, ac prava hominum persuasio confirmaretur, qua talibus caerimoniis vaniam peccatorum consequi se posse autuma-

destitutas esse vi ista atque efficacia apostolica. Atque hinc sine dubio derivandus etiam est Novatianorum mos, baptismum celebrandi absque chrismatis collatione. Nempe *physicam* illam gratiam, quam episcopus suis *manibus* impertire putabatur, ignorasse aut negasse videtur Novatianus. Vid. Dionys. alex. apud Eusebium H. E. l. 7. cap. 8. coll. Theodoret. haeret. fabul. libr. 3. c. 5. Quicquid sit, turbis quidem rempublicam christianam replevit Novatianus, nimis profecto erga lapsos *omnes* durus, et in coetus catholicorum, quos a vera ecclesia descivisse contendebat, iniurius; sed adversariorum suorum erroneas opiniones corrigere haud potuit, licet rectius quam catholici nonnullis de rebus sentiret.

bant; tum ut pudendus error, extra ecclesiam catholicam non dari salutem, consecraretur ac in numerum orthodoxorum dogmatum, quibus catholici ab haereticis seiunguntur, referretur.

Praeterea ideo etiam ad restinguendam praecipitem novandi libidinem conducit historia ecclesiastica, quia, dum alios eadem dudum protulisse testatur, id quasi aufert, quo fastus novaturientium praecipue pascitur. Quae enim ab aliis ante multa secula excogitata atque proposita iam fuisse scimus, ea, amissa novitatis gratia, minus vehementer animum nostrum abripiunt, nec fastui nostro tantopere blandiuntur, quam quae ipsi invenisse nobis videmur. Nostri enim ingenii foetus, eo ipso quod nostri sunt, nimis nobis placere, nec examini satis severo sublici a nobis solent; inventa vero aliorum, qui nullo propioris cognitionis genere nos attingunt, accuratius diutiusque ante trutinamus, quam eorum defensionem in nos suscipimus. Denique eo quoque historia ecclesiastica nimiam nova sectandi cupidinem coercet, quod multos viros graves, pios, doctos verique amantes ob oculos nobis ponit, qui ea, quae e mentita novitatis specie nobis sese commendant, utpote ipsorum aetate ab aliis iam prolata, non ignorarunt, et nihilo tamen minus ea repudiarunt. Cautos saltem ac circumspectos hoc facere nos debet, ne praepropere h. e. sine serio diuturnoque examine amplectamur opiniones, ab idoneis et incorruptis iudicibus iam ponderatas, sed reiectas.

II. Historia rerum in ecclesia christiana gestarum admonere nos potest, ne antiquiorum doctorum vestigiis nunquam non inhaerendum esse arbitremur, novaque omnia, hanc ipsam ob causam quia nova sunt et a priscis discrepantia, spernamus aut aversemur. Etsi enim attemeratis novarum opinionum studio nos revocat atque absterret penitior ecclesiasticae historiae cognitio; eadem tamen nos invitat atque excitat, ut indefesso studio et continua omnium virium intentione audeamus et ipsi in commune consulere, et eo emiti, ut liberalis solida atque nostris temporibus et hominibus sapienter accommodata rerum theologicarum cognitio promoveatur, fidei nostrae dogmata in clariore luce magis magisque ponantur, et iustis objectionibus ansa relinquatur nulla.

Primum enim, cum evidentissime ex historia ecclesiastica pateat, acroamaticam theologiam novis mutationibus quovis fere seculo obnoxiam fuisse, et, licet doctores anteriores optime, habita suorum temporum ratione, de systemate theologico meriti iam fuissent, semper tamen superfuisse aliquid posteriorum cura addendum, resecandum, expoliendum, et ad maiorem perfectionis gradum evehendum: valide inde colligitur, theologiae eandem esse rationem ac humanarum disciplinarum omnium, quae nova incrementa nunquam non admittunt; adeoque nec hodie deesse posse novorum et utilium studiorum in rebus theologiceis opportunitatem. Sicut enim ii, qui, historiae ignari, idem hoc systema theologicum, quod in scholis hodiernis tradi solet, primo aut secundo

seculo iam exstitisse existimant, tam perfectum id esse credent, ut sine sacrilegio et impietate manifesta nihil in eo quicquam mutari possit: ita e contrario is, qui ex historia dogmatum, nobilissima ecclesiasticae historiae parte, fata et vicissitudines eruditionis theologicae cognitae habet, non facile desperabit; fore ut novis studiis novae utilitatis aliquid afferri queat cognitioni rerum ad religionem pertinentium doctae.

Deinde historia subindicat, quatenus sint eae eruditionis sacrae et systematis theologici partes, quae prae caeteris nova luce indigere videantur. Nam si e causarum indole intelligi potest effectuum conditio, historia profecto, dum causas enarrat ob quas maiorem minoremve perfectionis gradum attigerit quaelibet theologicae eruditionis particula, non potest non eas quasi campi latissime patentis regiones designare, quae diligentiores adhuc culturam desiderant. Accedit, quod non solum eas systematis partes ope historiae ecclesiasticae dignoscere discamus, quae objectionibus praecipue ab adversariis quovis tempore impugnatae fuerint; verum etiam causas, cur adversariis istis non potuerit plenissime satisfieri, perspiciamus; id quod admonere nos potest, quam in re diligentiam nostram utilissime collocare queamus.

Denique eo etiam historia ecclesiastica ad candidam et liberalem veri inquisitionem nos reddit aptiores promptioresque, quod ab innumeris nos liberat opinionibus praeiudicatis. Neque enim fieri potest, ut praepostera antiquitatis admiratione abripi se patia-

tur, qui non ignorat, tum quam mature ab apostolicae doctrinae simplicitate recesserint Christiani, tum etiam quam exiguis antiquiorum seculorum doctores subsidiis, sive ad sacrarum literarum interpretationem, sive ad philosophiam naturaeque humanae solidam cognitionem spectes, fuerint instructi. Neque magnorum nominum auctoritate nimis commovebitur et a proprii iudicii usu absterrebitur, qui istorum hominum imagines, quas historia ad vivum delineatas ob oculos nobis ponit, attento animo perlustravit. Sic v. c. conciliorum, oecumenicorum etiam, auctoritatem ullam admittet nemo, qui eorum aeta et historiam diligenter perlegit, nisi forte omnem rationis iudiciiique usum in rebus ad religionem pertinentibus penitus eiuraverit. Dudum quidem Protestantes abiecerunt vanam istam Patrum conciliorumque auctoritatem; sed vel hodie supersunt, nisi egregie fallor, haud pauci, qui, licet Pontificios ob admissam auctoritatem istam humanam acriter vituperare soleant, ipsi tamen auctoritatibus magis quam argumentis et rationibus iudicium suum regi patiuntur, et hanc potissimum ob causam nihil prorsus in disciplinis sanctioribus innovandum esse existimant, quia nefas sit a placitis tot magnorum hominum, sanctitatis doctrinaeque laude clarissimorum, discedere.

Tandem docet historia ecclesiastica, nihil debere Christianis esse pretiosius ac carius, libertate de rebus ad religionem spectantibus pro conscientiae suae sensu cogitandi ac statuendi. Haec libertas (quam ab effraeni licentia, contra religionem publice sancitam

quævis moliendi, toto coelo differre nemo non intelligit) summæ felicitatis, non privatae solum, verum etiam publicæ, nunquam non parens fuit. Quid enim excogitari potest miserius servitute, illa omnium teterrima, quæ hominum intellectum et conscientiam aliorum arbitrio olim subiciebat, et omnes ab unius ore pendere cogebat, nec quemquam sentire, aut loqui permittebat secus, ac clericorum quorundam decretis definitum et antiquiorum doctorum auctoritate sancitum esset? Quid tristius esse, potest sorte hominis, qui, quoties de rebus theologicis animisui sensû candide, licet modeste nec coram imperita plebe, eloquitur, inquisitorem hæreticæ pravitatis et anathemata, verbera, carceres, exilium, imo ferrum et ignem timere debet? Quid vero ex indigna ista servitute consequatur, historia mediæ ævi abunde docet. Nempe enascuntur inde ignorantia, ignavia, stupor, superstitiones abominabiles et errores horrendi, efficiturque ut ingenia erectiora, cum omnia clericorum oracula credere aut nolint aut nequeant, credant nihil, et religionem christianam universam figmentis et piis fraudibus, annumerent. Contra vero, si Christianis, eo iure uti licet quod Paulus, eis concessit, cum eos omnia quidem examinare, e cunctis vero optimum eligere ac retinere iuberet: studium veritatis indagandæ perpetuo acuitur et novia semper disquisitionibus, utilitate nunquam carentibus, locus datur. Hac via eo tandem pervenitur, ut publicæ doctrinæ formula ab omnibus, levioribus etiam, naevis libera existat, et nihil omnino complectatur,

quod, sive ad thesium argumentum sive ad earum probationes spectes, veritati non sit prorsus consentaneum. Nec ulla res argumenta, quibus doctrinae nostras veritatem comprobamus, luculentius confirmare potest, quam assensus tot virorum, vel ingenii acumine vel iudicii sagacitate praestantium, qui praevio severo examine et re multum cauteque pensitata, doctrinam hanc veram esse *ultra* suaque sponte fatentur. Imo paci etiam tam ecclesiae quam reipublicae, historia teste, optime consulitur, si ea de qua loquimur libertas, iustis cancellis sapienter limitata, hominibus concedatur. Nam si in causas inquirimus, cur bella atque dissidia, ob sententiarum de rebus sacris discrepantiam olim exorta, diuturna fuerint et utrique civitati funesta, deprehendemus profecto, culpam tantum non semper coniiciendam esse in nimiam et imprudentem eorum severitatem, qui ferre non possent, ut quisquam ulla in re ab ipsorum dissentiret opinione. Nimum studium conservandi promovendique fidei unitatem, saepissime novorum dissidiorum et schismatum causa fuit.

III. Historia ecclesiastica inservire potest moliminibus eorum, qui novatores et reformatores novelli vulgo audiunt, sobrie ac moderate indicandis. Primum enim, ut supra iam indigitavimus, pro novis et inauditis multa habentur perperam, quae dudum ab aliis in medium prolata fuisse, historia docet. Qui v. c. controversiam de modo, quo a Patre essentiam divinam habeat Filius, exigui ad religionem ipsam momenti esse existimant, sententiae suae patronum in

ipso litis arianæ principio iam habuerunt Constantinum Magnum, qui in epistola ad Alexandrum Alexandriæ episcopum et ad Arium scripta totus in eo est, ut ostendat, quaestionem inter utrumque agitatam admodum esse levem nec tanta contentione dignam; apud Euseb. vita Constant. M. Libr. 2. cap. 64. sqq. „Mihi quidem, inquit, de harum rerum (rixarum inter Arium et Alexandrum) initio atque origine accuratius cogitanti, levis admodum causa esse visa est, nec tanta animorum contentione digna. — Tales quaestiones (de aeterna Filii generatione, homousia etc.), quas nullius legis necessitas praescribit, sed inutilis otii altercatio proponit; licet ingenii exercendi causa instituantur, tamen intra mentis nostrae penetralia continere debemus, nec eas facile in publicos efferre conventus nec auribus vulgi inconsulte committere. Quotusquisque enim est, qui tantarum rerum tamque difficilium vim atque naturam aut accurate comprehendere aut pro dignitate explicare sufficiat? Quod si quis id facile consequi posse existimetur, quotae tandem parti vulgi id persuasurus est? Aut quis in eiusmodi quaestionum subtili et accurata disputatione citra periculum gravissimi lapsus possit consistere? — Neque de praecipuo et summo legis nostrae mandato inter vos est orta contentio; neque nova a vobis de Dei cultu introducta est *aiçeîs*. Sed unam eandemque sententiam (nempe de rebus ad ipsam religionis summam pertinentibus) tenetis, adeo ut ad communionis societatem coire facile possitis. — De rebus parvis atque levissimis contenditis — Sci-

tis ipsos etiam philosophos unius sectae professione inter sese omnes foederari; eosdem tamen in aliqua assertionum parte interdum discrepare. — Plebeia sunt haec (dissidia etrixae ὑπερ μικρῶν οὕτω καὶ μηδαμῶς ἀναγκαιῶν) et quae puerili magis inscitiae, quam sacerdotum et prudentium virorum sapientiae congruant. — Haec non eo dico, ut vos de inepta (λίαν εὐήθει) et qualiscunque demum vocanda est quaestione, idem omnino sentire cogam. Potest enim — una eademque inter omnes communio retineri, quamvis invicem de re aliqua minimi momenti dissentiat. etc. “ Aliud addimus exemplum, huic haud absimile. Cum Eutychianae lites de naturarum in Christo unione per decreta concilii chalconensis componi hand potuissent, sed essent nonnulli qui doctrinam in concilio stabilitam reproarent, et novis controversiis ac tumultibus, Alexandriae praecipue, occasionem praeberent: Leo Imp. literis ad maiorum urbium episcopos datis, iussit ut suarum dioecesium episcopos convocarent, rescriberentque quid de concilii chalconensis abrogatione aut confirmatione, et de turbis Alexandriae exortis, ipsis videretur. Pamphiliae igitur episcopi quatuordecim (in Actis Concil. edit. Harduini tom. 2. p. 731.) respondent Imperatori, suscipere se definitiones concilii chalconensis veluti scutum contra haereticos, non vero tanquam fidei regulam, quae, velut μαθημα quoddam sive symbolum, baptizandis omnibus tradi debeat, et a qua nemini Christiano, sub poena anathematis, recedere liceat; celeberrimam enim Leonis M. ad Fla-

vianum epistolam a chalcedonensibus patribus approbatam, immo ipsa synodalia chalcedonensium decreta, non spectare ad *plebem* christianam, sed tantum ad sacerdotes et *clericos*, et polemicis contra adversarios usibus destinata esse; nihil differre, sive Christus existere dicatur in duabus sive ex duabus naturis; perinde etiam esse, sive duarum naturarum unitio inconfusa asseratur, sive una dicatur Verbi natura, scilicet incarnata; retinenda igitur sibi videri quidem statuta chalcedonensia, sed optare se tamen, ut publice a Leone caeterisque chalcedonensium formularum auctoribus declaretur, decreta illa non habere vim atque auctoritatem symboli sive *μαρτυριος* (i. e. non esse ea omnibus omnino Christianis inculcanda, quasi ad ipsam christianae religionis summam pertinerent;) esse ea haereticae tantum pravitate increpationem etc. Quod de arianis litibus Constantinus, et de eutychianis Pamphilienses iudicarunt, idem ferre de pelagianae controversiae momento sensit Zosimus, Ep. Röm. Postquam enim Pelagius et Caelestius non solum a tribus africanis conciliis dudum, sed nuper etiam ab Innocentio romano episcopo damnati essent, Zosimus Innocentii successor Caelestii causam novo examini subiiciendam esse, epistola ad Africanos data, indicabat, et simul quid de quaestionum inter Pelagii assecclas atque Africanos disceptatarum pondere sentiret, declarabat. Caelestium, inquit, et quoscunque qui eo tempore ex diversis regionibus aderant sacerdotes admonui, has *tendiculas* quaestionum et *inepta certamina*, quae non aedificant sed magis de-

struunt, ex illa curiositatis contagione profluere, dum unusquisque ingenio suo et intemperanti eloquentia seu scriptura abutitur etc. — Qui tales sententias isto tempore latae iam fuisse non ignorat de momento controversiarum, quae de divinitate Iesu Christi naturarumque eius unione aliisque rebus inter Christianos agitantur, ia haudquaquam rei quasi novitate, si forte a nonnullis similia fere hodie proferri audiat, percellitur, sed absque ulla vehementiori commotione aut animi perturbatione verum pacatè placideque investigabit. De plerisque autem, quae hodie inter theologos controversa sunt, olim ia utramque partem disputatum iam fuisse, norunt omnes qui in historia sacrarum contentionum non prorsus hospites sunt. Nolo iam ad lites provocare cum Socini et Arminii asecclia agitatae, cum exemplis ex antiquiore Christianorum historia desumptis assertio nostra abunde illustrari queat. Valde v. c. displicuerunt viris doctis nonnullis, quae de beatitudine ethnicis nentiquam abiudicanda a theologis nonnullis nostra aetate disputatae sunt. Sed Clemens, doctissimus ille alexandrinae ecclesiae presbyter, iam sub finem secundi seculi non solum eadem de aeterna paganorum salute docuit, verum longe etiam magnificentius, quam recentiores gentilium defensores, de philosophia ethnicis locutus est. Stromatum libro I. p. m. 282 (edit. Paria. 1629.) Sicut Hebraeos, inquit, lex, ita Graecos philosophia *ἐπαίδευσις εἰς χριστόν*. Libro 6. p. 637. et libr. 7. p. 702. et 705. a Deo Graecis s. gentilibus philosophiam, Iudaeis vero legem datam fuisse docet. Libro autem 6. pag. 635.

sqq. coll. p. 648. Graeci, inquit, norant Deum non κατ' ἐπιγνώσιν sed κατὰ περιφασίν; Graecis proprium *testamentum* (διαθήκην οἰκείαν, nimirum philosophiam,) dedit Deus; sed testamenta, Graecis et Iudaeis olim data, iam sunt παλαιά, novumque datum est Christianis, καινὴς καὶ ΤΡΙΤΗ γένει Deum colentibus; unus igitur solus Deus a Graecis græce (s. ab ethnicis ἐθνικῶς) a Iudaeis iudaice, et a Christianis novo ac spirituali modo cognoscitur et colitur; quemadmodum Iudaeos salvos facere (σωζεῖσαι) voluit Deus, mittens eis prophetas: ita etiam ἑλλήνων τοὺς δοκιμωτάτους, οἰκείους αὐτῶν τῇ διαλεκτῇ ΠΡΟΦΗΤΑΣ ἀναστήσας. — τῶν χυδαίων ἀνθρώπων διέκρινεν. Similia fere habet Iustinus Martyr. apolog. I, 46. Christus, inquit, est ratio illa (λόγος), cuius universum genus humanum particeps est. Qui rationi convenienter (μετὰ λόγου) vixerunt, Christiani sunt, etiamsi athei existimati sint; quales apud Graecos fuere Socrates et Heraclitus etc. Mitto alia vetustiorum Patrum eiusdem generis et argumenti loca, ut luculentiori adhuc exemplo ostendere possim, quam antiqua interdum sint ea, quae inaudita plane et nostro seculo propria multis videntur. Multi novum hominum genus nuper exortum esse sibi persuadent, religioni christianae longe nocentissimum. Naturalistas christianos appellitare solent. Hos ipsa Christianismi fundamenta evertere, et vix, praeter nomen, quicquam quod christianum sit, retinerearrant. In primis vero vitio vertitur istis Naturalistis (si placet nomen) christianis, quod omnia religionis

nostrae divinitus revelatae dogmata ad normam rationis humanae exigere conentur, et nihil, quamvis manifeste in sacris litteris traditum videatur, admittere velint, nisi ipsi etiam rationi pervium sit atque platum. Sed quaecunque demum illud hominum genus sit, (eius enim rei indagatio huius loci non est) sua salim *novitate* nemini terrorem iniicere debet. Nam ineunte tertio post Christum natum seculo extiterunt inter doctores Christianorum celeberrimos nonnulli, qui non solum eadem fere docerent, quae ab his, quos christianos Naturalistas dictitari audio, hodie proferuntur, verum longe etiam ulterius in revocandis ad rationis normam dogmatibus christianis progredierentur. Omnium instar esse potest Origenes, qui, si quis unquam, universam non solum Scripturae S. interpretationem, sed ipsam etiam dogmatum christianorum expositionem, rationis ac philosophiae iudicio permisit, et omnes intendit nervos, ut haberemus (ut ipse ait apud Hieronymum comment. in Gal. 5.) *fidem rationabiliorem*, nec dubitavit, quin omnes sacram literarum loci, sive historici sive morales ac dogmatici, quorum sensus literalis non satis cum rationis humanae placitis convenire aut inutilis Deoque minus dignus videbatur, nullum omnino habeant sensum literalem, sed mystice s. allegorice explicandi sint. Huius generis locos innumeros fere invenisse sibi videbatur Origenes, non in Veteri tantum Testamento, verum in Novo etiam, immo in ipsis Salvatoris nostri effatis apostolorumque epistolis. Sed brevitatis causa provocq tantum ad homil. 7. in Levitic. ubi

§. 6. de lege mosaica: si adsideamus, inquit, literae, et — (literaliter) — accipiamus quae in lege scripta sunt, erubesco dicere et confiteri, quia tales leges dederit Deus. *Videbuntur enim magis elegantes et rationabiles hominum leges v. gr. vel Romanorum vel Atheniensium vel Laedæmoniorum etc.* Allegorice igitur hasce leges explicandas esse putabat. Quid vero generatim de historicis S. S. libris existimaverit Origenes, malumus, ne rem exaggerare forte videamur. Moshemii verbis quam nostris exponere. „Existimavit Origenes 1) multas quidem historiae sacrae partes meras esse fabulas; at eas tamen non unius, verum duplicis esse generis: alias omni prorsus veri et verisimilitudinis specie carente, seu ex illis esse, quae fieri nullo modo possunt; alias veri quidem habere speciem et fieri propterea potuisse, nec tamen unquam contigisse. 2) Quasdam historiae sacrae partes, si generatim spectentur, veras esse; at his tamen interserta esse nonnulla veris nescia seu ficta.“ Commentar. de rebus Christ. ante Const. M. p. 650. Et paulo ante p. 635. dixerat Moshemius: „Philosophiae suae praeceptis quam multa sacri codicis enuntiata et facta repugnare videret, necesse erat, ut rationem quaereret lucem et vim eorum effugiendi; neque aptiorem et facillorem inveniebat quam hanc: Quicquid in divinis libris a ratione, à e. a philosophiae meae lege abhorret, id secus intelligi debet, quam verborum potestas poscit, et in allegoriam convertendum.“ Quibusnam vero fundamentis dogmaticam theologiam superstruxerit Origenes, iterum Moshemii potius verbis quam nostris narrare lubet.

„Omnia Origenis in christianam religionem peccata veluti e capite suo ab hoc manant praecepto, quod extra disceptationem positum putat: *religionis christianae et rationis sive verae philosophiae tanta est cognatio et necessitudo*, ut OMNIUM dogmatum Christianorum non modo RATIO reddi possit ex philosophiae decretis, verum etiam MODUS determinari.“ ibid. p. 622. Atque sic profecto res sese habet. Qui Origenis scripta (praesertim libros *περὶ ἀρχῶν*, homilias in libros mosaicos, et libros adversus Celsum) attento animo perlustravit et quo omnia tendant sedulo animadvertit, is vix novi quicquam inveniet, si finita Origenis lectione ad famosissimum illum librum: *Philosophia scripturae interpres*, aut alios huic similes, accedat.*)

*) Ne quis existimet, Origenem isto tempore solum talia tradidisse, monendum est, scriptores christianos seculi 2. 3. et 4. plerosque eundem fere calcasse tramite. Non enim ex ipso sacrarum literarum fonte hauriebant fidei nostrae dogmata, sed, perceptis ex ecclesiastica traditione (et cum Origene loquamur) doctrinarum maxime palmariarum elementis, caetera e philosophiae suae decretis supplebant; Scripturam autem sacram extensi tantum in auxilium adhibere solebant, ut formulas modosque loquendi tantum inde acciperent, suaeque placita sacri codicis testimoniis, miserè plerumque detortis, utique confirmarent. Sic v. c. Christum esse Deum, uno ore omnes profitebantur; sed Deitatem eius sibi fingeat quisque pro philosophiae suae ratione, et ad philosophiae huius placita Scripturae effata, quantum poterat, accommodabat; donec, exortis super hoc dogmate variis controversiis, paulo curatius quid ea de re sacrae literae decernerent, indagari coepit. Sed redeamus

Verissimum igitur est, multa satis esse antiqua, quae ficta novitatis specie plerorumque animos tam vehe-

ad Origenem. Quantae lites de orthodoxia huius viri motae fuerint, et quam feroces nactus sit ac immites adversarios, omnibus notum est. Nihil intentatum hi reliquerunt, ut optimo viro, dudum defuncto, odium conflarent, haereseque maculam ei adaspergerent, eiusque libros pestilentissimorum errorum plenissimos esse, aliis persuaderent. Super sunt satis multi catalogi errorum origenianorum Sec. 3. 4. 5. et 6. a variis hominibus confecti. Sed in nullo horum catalogorum Naturalismi (ut hoc utar vocabulo) sive Rationalismi accusatur. Damnabant quidem haud pauci allegoricam eius interpretandi rationem; unde Pamphilus iam in apologia sua Origenem defendendum esse censuit contra reprehensionem eorum, qui *universam* Scripturam in allegoriam ab eo converti clamabant. Erant etiam nonnulli, qui recte intelligerent, errores origenianos manasse e philosophicis ipsius placitis; et hanc ipsam ob causam Plato (a quo errores suos mutuò accepisse putabatur Origenes) e scholis theologorum inde a sexto seculo senaim exulare iussus, eiusque in locum Aristoteles surrogatus est. Itaque philosophiam *Origenis* damnabant quidem istorum seculorum doctores; ipsum vero philosophiae in enucleandis dogmatibus theologicis usum neutiquam reprobarunt, nec arcem causae origenianae oppugnarunt. Refutandum nimirum in primis fuisset hoc Origenis placitum: dogmatum christianae religionis omnium e philosophia et rationem reddi et modum determinari posse. Cum vero hanc thesaurum ex innumeris istis Origenis adversariis, quod sciamus, impugnaverit nemo, non sine ratione dixisse videmur, hanc dogmata christiana tractandi methodum aliis etiam praeter Origenem isto tempore avisisse, quamvis *singulares* quasdam Origenis opiniones

menter percellunt, ut omnem fere placidi candidique examinis facultatem ipsis adimant.

Praeterea eximiam historia ecclesiastica utilitatem praebet in indicando dogmatum *συστηματι* publice

vituperarent et *nimum* allegoriarum amorem in eo reprehenderent. Hoc autem si concedere nolimus, fateri cogemur, omnes doctores Sec. 3. 4. 5. et 6. adeo hebetes fuisse, ut fontem errorum Origenis omnium detegere non possent, licet vix quemquam libros origenianos, immo solam praefationem librorum *περι ἀρχων*, legentem latere queat. Mihi quidem, ut mentem meam ingenue profitear, certissime persuasum est, plerosque Origenis adversarios fuisse homines ineptos atque plumbeos; atque hos totius controversiae cardinem ignorasse facile credo. Sed fuerunt etiam nonnulli, quamquam pauci, Origenis adversarii, quos eruditos et sagaces fuisse nemo negabit. Hiigitur, cum rationalismum nunquam obiecerint viro, quem quovis modo opprimere et exosum reddere studebant; consequi hinc videtur, hos ipsos vel non immunes fuisse ab hac rationalismi labe, vel errorem hunc annumerasse levioribus, reprehensione vix dignis. Idem, ni fallor, dicendum erit de multis viris doctissimis, caeteros coaevos suos eruditione longissime superantibus, qui Origenis libellos supra omnem modum admirati sunt, eosque cunctis fere aliis libris post apostolorum tempora scriptis anteposuerunt. Nam credibile non est, ignorasse doctiores hos Origenis sive sectatores sive adversarios, cuinam fundamento superstructum sit universum systema origenianum. Multo enim plura, quam nos, Origenis scripta graece legere poterant; horum sensum plenius ac facilius perspiciebant quam nostri homines; eidem philosophiae generi adsueta erant; imo multi vel Origene ipso vel auditoribus eius usi fuerant magistris.

inter nos recepto; quae res maximi momenti est ad rite aestimandos eorum conatus, qui ab isto doctrinae typo aliqua ex parte discedunt. Historia enim magistra discimus

1) praecipua quidem religionis christianae capita, si rem ipsam spectes, inde a primis post restitutam hominibus salutem seculis sat nota fuisse, et, inter catholicos saltem, absque notabili mutatione fideliter propagata esse: accuratiores autem istarum rerum descriptiones mirifice pro temporum ac locorum diversitate, variasse. Inde a primordiis Christianismi, ut hoc utar exemplo, omnes magno consensu, praeunte scriptura sacra, profitentur, peccata hominibus a Deo condonari propter Christum, et quidem propter mortem quam pro nobis subiit cruentam. Sed in definiendo rei huius modo, in exponenda redemptionis officiique mediatorii, quo Christus functus est, idole, et in determinanda ea ratione, quam habuerit mors Christi ad peccatorum nostrorum remissionem felicitatisque amissae instaurationem, tam segnes fuerunt trium priorum seculorum doctores, ut plerumque sola scripturae a. verba, nulla adiecta explicatione, repeterent. Interim tamen non solum ex ijs locis in quibus paulo fusius hac de re loquuntur, sed etiam e libris posteriorum doctorum, manifestum est, varias olim fuisse et admodum inter se discrepantes variorum ex ipso catholicorum numero sententias. Nonnulli per Christum ab aeterna mortis duratione liberatos nos esse putarunt, alii peccatorum tantum ante baptismum commissorum, alii solius peccati origina-

lis veniam per Christi mortem partam esse autumant; erant, qui diabolis etiam, aliisque creaturis salutarem fuisse Christi mortem opinarentur; quidam sanguinem martyrum effundi suspicati sunt ad expiandum aliqua ex parte populum redimendosque homines; absque dolorum sensu Christum subiisse mortem statuerunt nonnulli, a nostra doctrina profecto alieni; multi post mortem omnes, quamvis pios, homines igne a peccatis purgandos expiandosque esse statuerunt; alii alia commenti sunt. Nec defuerunt inter veteris ecclesiae doctores, qui a Socinianorum placitis propius abessent, et provinciam Christi vix ultra doctrinae coelestis plenior declarationem, immortalitatis spem restitutam, atque exemplum perfectae virtutis hominibus exhibitum extenderent. In primis vero commemoratione digna est mirabilis illa quam plurimorum patrum orthodoxiae laude clarissimorum tam graecorum quam latinorum opinio, quae plura per secula longe lateque, paulo aliter tamen ab aliis exornata, regnavit: Christum non Deo Patri, sed diabolo, cuius imperio iusto ac quasi legitimo homines subiecti essent, redemptionis pretium solvisse; non solum victum esse diabolum et regnum eius (qua de victoria multi scriptores vetustiores mirum quantum ineptiunt,) verum deceptum etiam et circumventum esse a Christo diabolum, Salvatoris personam ac provinciam ignorantem, quadam quassi fraude pia hominibusque saluari. *) Figmentum hoc vix ac ne vix

*) Uberius hanc rem explicuimus in diss. quam inscri-

quidem conciliari posse cum veriori nostra de peccatis hominum Salvatori imputatis et satisfactione Deo praestita, sententia, nemo est quin intelligat. Et hoc tamen commentum aperte traditum legimus in scriptis (ut e multis aliquos saltim eosque celebriores nominatim excitemus) Origenis, Basilii, Gregorii nyss. Hilarii pict. Paciani, Augustini, Leonis M. Ambrosiastri s. Hilarii et Isidori hispalensis; quibus addi possunt, ex parte saltim cum his consentientes, Ignatius, Irenaeus, Gregorius naz. Epiphanius, Athanasius (sen quisquis auctor est sermonis perquam invenusti, quamquam a nonnullis nostra etiam aetate laudati, de passionis et cruce Domini,) et Gobarus, qui teste Photio ex instituto tractavit quaestionem, utrum Christus *Ἀντὶ τοῦ* Deo Patri an diabolo persolverit. Equidem neminem Chrysostomo et Augustino (qui tamen non ubique sibi constat, et libr. 13. de trinit. aperte scribit: In redemptione tanquam *pretium* pro nobis datus est sanguis Christi, *quo accepto* diabolus non ditatus est, sed ligatus etc.) antiquiorem novi, qui meliorem nostram doctrinam paulo enucleatius exposuerit; satis accurate autem vix ante Scholasticorum (varios tamen dogmati huic errores admiscendum) tempora a quoquam delineatam invenies. Ego vero satis mirari vix possum, quid sit, quod per tot

psimus: Loci theologici e Leone M. collecti. Halae 1768. p. 71. - 83. Confer etiam S. R. Doederlein dissertt. 2. de redemptione a potestate diaboli. Altdorfi. 1774. praesertim part. 2. p. II.

secula tot hominibus impune nemineque intercedente licuerit, praecipuum hoc fidei nostrae, de officio Christi mediatorio et partis per eum humano generi beneficiis, dogma variis ac gravibus sane erroribus obscurare atque commaculare, cum eodem tempore nemo de *persona* et *naturis* Salvatoris, imo de aliis etiam doctrinis cum fidei fundamento minus arcte coniunctis, vel latum unguem ab orthodoxa fide recedere posset, quin haereseos statim accusaretur et anathematibus undequaque configeretur. Pelagianis quidem vitio vertitur ab Augustino, quod ideo naturam humanam dicant liberam et salvam, ut superfluum iudicent liberatorem et salvatorem; sed accusationem hanc leviter tantum tangit acerrimus Pelagianorum adversarius. Ac verum quidem est, Pelagianos non potuisse non doctrinam de redemptione, praesertim parvulorum, paulo aliter informare quam solebant ipsorum adversarii; cum enim parvulos omni, tam proprio quam alieno, peccato carere statuerent, Christum poenas pro peccatis infantum luisse aut parvulos ex potestate diaboli redemisse, negare omnino debebant. At ipse tamen Pelagius expiatis esse homines per sanguinem Christi firmiter tenuit, et ad infantes quoque redemptionem pertinere, quamvis alio quam ad adultos modo, docuit. Primum nobis occurrat Abaelardus Seculo 12, cui haereseos nota inusta fuit ob hanc (sed non solam; aliorum enim errorum atrocium simul accusabatur) causam, quod docuerit: Christum non ideo assumuisse carnem, ut a diaboli

iugo nos liberaret. *) Quo vero cumque modo res esse habeat cum Pelagianis et Abaelardo, ex eis quas

*) Abaelardus quidem in Apologia s. Confessione sua aperte profitetur: *incarnatum esse filium Dei, ut nos a servitute peccati et a iugo diaboli liberaret, et supernae aditum vitae morte sua nobis reseraret*; et Berengarius, Apologetico pro Abaelardo scripto, hunc non solum defendere conatus est, sed in adversarios etiam eius, praesertim Bernardum, sanctulum sycophantam, false atque perquam acerbe invehctus est; nec aliae desunt causae, cur iniuste eum damnatum fuisse opinari liceat. Ac mihi quidem duabus potissimum rebus, quod ad hanc accusationis partem attinet, Abaelardus ab aliis dissemisisse videtur atque statuisse: a) nec opus esse, nec fieri posse, ut redemptionis per sanguinem Christi *necessitas* demonstretur; potuisse enim Deum alium etiam redemptionis modum, si ita sapientiae ipsius visum fuisset, reperire; atque hac in re vel ipse Bernardus ei assentitur; b) vanam esse istam plerorumque doctorum opinionem de iusto quodam diaboli in homines dominio, et redemptione ex hac servitute per *λυτρεν* diabolo solutum; nec veritati consentaneam esse vulgarem illam, de pugna Christi cum caecodæmone inita, plerorumque Patrum insipidam narrationem. „Sciendum est, ait Abaelardus, quod omnes doctores nostri post apostolos in hoc conveniunt, quod diabolus *dominium* et potestatem habebat super hominem et iure eum possidebat. — Ideo, sicut dicunt doctores, hac *necessitate* incarnatus et filius Dei, ut homo, *qui aliter liberari non poterat*, per mortem innocentis iure liberaretur a iugo diaboli. Sed ut nobis videtur, nec diabolus unquam ius aliquod in homine habuit, nisi forte Deo permitte, ut carcerarius; nec filius Dei ut homines liberaret (sc. ab hoc iugo) carnem assumpsit.“ His potissimum verbis nititur accusatio Bernardi in epistola ad Innocentium

hactenus diximus satis superque constare arbitramur, sententias antiquiorum doctorum de redemptionis et

P. R; hisque prolatis, pergit Bernardus, celebratissimum illud sanctitatis pietatisque exemplar: *Annon iustius os loquens talia FUSTIBUS tunderetur, quam rationibus refelleretur?* (digna tali sancto vox!) Ac deinceps, Abaelardum refutaturus, eam quæ verior ipsi videbatur sententiam ita exponit: „Hoc diaboli quoddam in hominem ius, etsi non iure acquisitum sed nequiter usurpatum, iuste tamen permissum. — Iuste igitur homo addictus, sed misericorditer liberatus. Sic tamen misericorditer, ut non defuerit iustitia quaedam et in ipsa liberatione; quoniam hoc quoque fuit de misericordia liberantis, ut — *IUSTITIA magis CONTRA INVASOREM (diabolum) quam potentia uteretur.* Quid namque ex se agere poterat, ut semel amissam iustitiam recuperaret homo servus peccati, victus diaboli? Assignata est ei proinde aliena qui caruit sua, et ipsa sic est. Venit princeps huius mundi, et in Salvatore non invenit quicquam, et cum nihilominus *Innocenti manus iniecit*, iustissime quos tenebat omisit. — Qua enim iustitia id secundo exigeretur homo? — Nam si unus pro omnibus mortuus est, ergo omnes mortui sunt: ut videlicet *satisfactio unius omnibus imputetur*, sicut omnium peccata unus ille portavit etc.“ Ex his, ni fallor, tam Bernardi quam Abaelardi de redemptione hominum sententia facili negotio erui potest; praesertim si addantur quæ ibidem narrat Bernardus: docere Abaelardum, potuisse Deum iure ac *sine diaboli iniuria* profugum suum, (i. e. hominem) si misereri vellet, repetere et *solo verbo* eripere. Caeterum, utrum recte omnino de redemptione senserit Abaelardus, an revera docuerit, quod Bernardus et Gaufridus antissiodor. eum docuisse tradunt, „redemptionem in hoc solo constare, quod exemplum nobis exhibitum sit usque ad mortem pro veritate et iusti-

satisfactionis modo tum varias fuisse et inter se dissidentes, tum ab accuratiore nostrae ecclesiae doctrina haud parum discrepantes; licet phrases, quibus Scriptura Sacra redemptionem per Christum factam describere solet, in scriptis Patrum antiquiorum omnium satis frequenter occurrant. Sed nos non ex auctorum, qui fidei aliquod caput luculentius tractare coeperunt, aetate aut numero aut fama dogmatis veritatem metimur, sed ex solius Scripturae effatis eam iudicamus. Interim tamen illustratio ex historia dogmatum petita eo conducit, ut facilius et rectius pronuntiare possimus de eorum sententiis, qui vel certum quendam explicandi aliquod dogma modum impugnant, vel hunc cogitandi modum liberum esse, nec ad christianae religionis fundamenta pertinere, contendunt. Nempe vel contra manifestum historiae testimonium sta-

tia certandi, adhibitumque sit velut quoddam incentivum amoris, cum ex impenso amore occasio daretur redamandi; id quidem altioris est indaginis et ab instituti nostri ratione nimis remotum. Sed dubitare saltim licet. Conferenti enim Abaelardi Introductionem in theologiam cum Bernardi accusationibus nullum dubium superesse potest, errores saltim circa Trinitatem Abaelardo imputatos et verbosè declamatione a Bernardo exagitatos debellatosque putidas esse nugas atque calumnias. Sed erat ex isto hominum genere Bernardus, qui eo longius latiusque diffusuros se esse sperant sanctitatis suae odorem, quo studiosius larvam induunt propugnatorum orthodoxiae et instauratorum fissurarum Sionis, quoque impudentius aliorum, praesertim eruditione praestantium, virorum famae detrahunt.

tuendum erit, orthodoxos antiquiorum temporum doctores eundem omnes tenuisse in explicandis palmaris dogmatibus modum; vel fateri nos oportebit, *inde a secundo século* usque ad sacrorum per Lutherum instaurationem; veram salvificamque Christi doctrinam, quoad multas nobilissimas maximique momenti partes eius, penitus fere ignoratam et inter ipsos catholicos doctores vix uni et alteri cognitam fuisse; vel denique concedere debemus, rei summam salvam saepe posse manere atque eandem, quamvis modus eam informandi aut causas eius reddendi non sit unus idemque. Attamen aliud eam cogitandi modus praestantior est et Scripturae S. convenientior, hinc verior, alio. Quare in his etiam rebus summa quantum possumus cura errores omnes evitare studebimus; errantes vero non statim ipsam christianam religionem evertere aut aeternae salutis suae indubiam iacturam facere, audacter pronuntiabimus. Pluribus exemplis quae hactenus dicta fuerunt, porro illustrari possent atque confirmari; e multis unum addere licebit. Corruptos esse homines atque in vetita niti, nec absque divino auxilio ad virtutis culmen, christianam pietatem, pervenire eos posse, nemo negavit unquam. Sed corruptionis modum, originem, gradum et ambitum, (utrum, et quo sensu, infantes etiam corrupti sint,) ac gratiae qua hominibus opus sit divinae indolem, non uno modo descripserunt doctores christiani inde ab antiquissimis temporibus. Luce saepe meridiana clarius est, sub ipsa Pelagianismi initia divisas iam fuisse ecclesiasticorum virorum

356 *IV. De histor. eccles. nostri sec. usib.*

sententias. In Africa dudum floruerat ille doctrinae typus, quem Augustinus Pelagii placitis postea opposuit. Graecorum contra permulti parum aberant a Pelagii sententiâ, a qua etiam alii latini, graecarum literarum haud rudes, v. c. Hilarius pictaviensis, Rufinus etc. non abhorruerant. Roma denique mediam quasi viam tenuisse videtur. Hinc Pelagio Romae degenti ac docenti nemo Romanorum se opposuit; ut primum vero cum Caelestio in Africam venisset, et talia in medium protulisset, quae dissiderent ab ea doctrina cui Africani assueverant, gravissimorum errorum accusatus fuit. Zosimus, episcopus romanus, Pelagium absolvit, licet hic in libello Papae oblato clavis verbis peccatum cum homine nasci negasset, doctrinamque de traduce peccati tanquam longe a catholica fide alienam reprobasset. Tandem, cum iam ab Imperatore leges contra Pelagianos latae essent, vix, iteratis Africanorum admonitionibus et instigationibus, persuaderi Zosimo potuit, ut Pelagium damnet. Graeci vero ne post pelagianas quidem lites eo adduci potuerunt, ut omnia Africanorum placita, a latinis publicè recepta, in eorum dogmatum numerum referrent, quibus orthodoxa fides aestimatur. Immo ipse etiam Augustinus in libris suis ante pelagianas turbas exaratis, e. gr. de libero arbitrio, de duabus animis, aliisque nonnullis, haud pauca scripsit, quae Pelagiani postea non sine magna specie in suos usus contra-Augustinum ipsum converterunt; quam ob causam primo Retractionum libro commoda interpretatione variisque distinctioni-

bus subveniendum esse censuit istis suis sententiis, ne pelagianò dogmati quodammodo favere viderentur. Severo autem arbitro istas excusationes satis esse facturas vix credimus.

2) Postquam plura per secula haec de rebus theologicis arbitrandi libertas ita locum habuisset, ut non solum in eadem provincia, diverso tempore, diversae sententiae valerent, sed etiam eodem tempore contrariae opiniones, diversis in locis, receptae essent: tandem de plerisque doctrinae capitibus leges sensim promulgatae sunt ecclesiasticae, quae, quid credendum et quaenam phrases ac descriptionis formulae a catholicis Christianis omnibus adhibendae sint, definiabant. Latae hae sunt, sub auspiciis maiorum episcoporum, in conciliis, per suffragia clericorum ad synodum evocatorum, hominum maxima ex parte indoctorum et servilium, qui ab ore atque nutu maiorum quorundam episcoporum pendebant. Synodalia vero decreta ab Imperatoribus rata haberi ac legibus civilibus confirmari solebant. Quo facto tanta eorum erat vis atque auctoritas, ut nemini a norma fidei, a patribus concilii praescripta, discedere liceret. Ut primum enim secus aliquem sentire compertum erat, haereticis accensebatur, et poenis tam ecclesiasticis quam civilibus subiectus erat. Quoniam vero conciliis convocandis et dogmatibus definiendis occasionem tantum non semper praebebant lites dogmaticae nuper exortae; hae autem non raro spectarent ad res levioris momenti nec cum fundamento et summa christianae religionis coniunctas: fieri non potuit quin

haereseos rei agerentur interdum ii, qui non nisi in rebus admodum exiguis a doctrina publicè stabilita abhorrerent. Quicquid enim ecclesiastica auctoritate definitum erat, id, qualecunque esset, sacrosanctum putabatur atque immutabile. Interim de doctrinis est multis atque gravibus nihil praeceperat conciliorum auctoritas. De his igitur unicuique liberum erat, prout vellet, statuere; quo iure liberaliter usos esse scimus Scholasticos plerosque. Cavere tamen sibi solebant prudentiores, (nisi forte gratia aut potentia tantum pollerent, ut vanam episcoporum iram, aliis metuemdam, contemnere possent,) ne vel nimis confidenter quicquam contra unanimem eorum Patrum, quorum maxima erat auctoritas, sententiam decernerent, vel contra geographiam, ut ita dicam, dogmaticam peccarent. Fieri nempe poterat, ut in altera dioecesi inaudita essent et heterodoxa viderentur, quae in altera satis usitata essent. Si quis igitur ex altera provincia in alteram inferre auderet opiniones illic quidem receptas, sed hic loci inusitatas, horrenda bella ciebantur et novis episcoporum definitionibus occasio praebatur. Exemplo res fiet clarior. In decretis concilii nicaeni sancitum quidem erat, Iesum Christum, Dei filium, esse Deum verum, aeternum, Patri consubstantialem, et ex huius essentia genitum. De his igitur omnibus consentire oportebat catholicos omnes. Sed de duabus Salvatoris nostri naturis, de quibus nulla hactenus mota fuerat controversia, nihil decreverant Patres nicaeni. Hinc in alexandrina aliisque dioecesibus multi solebant *unam tantum*

Φυσιν seu naturam Christo tribuere. Alibi vero, e. gr. Constantinopoli, dogma de duabus Servatoris Φύσεσι communi usu receptum erat. Diu locum habuit hoc sententiarum discrimen, quarum neutra haeretica putabatur; utriusque enim patroni nicaenis et aliis contra Photinianos et Apollinaristas decretis assentiebantur, et Christum *verum Deum* esse atque *verum hominem* profitebantur; sed *modum* quo divinitas humanitatem sibi iunxerit, varie, nec iisdem phrasibus, describebant. Alii ἐνωσιν, alii συναφειαν nominare solebant. Φυσιν ab ὑποστάσει discernebant nonnulli; sed alii utramque confundebant. Tandem vocabulum θεοτόκος diris atque cruentis bellis locum dedit. Nonnulli constantinopolitani utebantur hoc vocabulo; alii eiusdem urbis clerici, quibus ipse urbis Patriarcha, Nestorius, sese adiungebat, vocabuli usum reprobabant, quia Ariani ac Apollinaristae ad stabilandos suos errores eo facile abuti posse ipsis videbantur. Cum vero Nestorius sententiam suam satis bene declarasset, potuisset, ni fallimur, intestinum istud dissidium satis facile ac cito componi, nisi *aliarum dioecesium* patriarchae, contra ius fas, constantinopolitanorum litibus intempestive sese immiscuissent; politicis procul omni dubio rationibus ducti, ne scilicet Novae Romae patriarcha ad summum ecclesiasticae auctoritatis fastigium sensim assurgeret. Itaque, favente Romano episcopo, alexandrinus patriarcha, Cyrillus, (ferocis ingenii homo et doctrinae de naturarum ἐνωσει, immo de una Φύσει assuetus.) Nestorium, quasi duo πρὸςωπα et duos Filios statue-

ret, aggressus est eumque, nefandis profecto artibus, vicit, atque effecit ut in concilio ephesino damnaretur. Sed hic Cyrilli, sive *Alexandrinorum* de *Constantinopolitanis* triumphus novis et atrocioribus fere bellis locum dedit. Etsi enim Catholici omnes eos errores, quorum, licet falso, Nestorium insimulaverat Cyrillus, damnabant, pristina tamen opinionum diversitas perdurabat. Nempe Patres ephesini nondum distincte satis pronuntiaverant, quatenam de naturarum unione phrases vel orthodoxae essent vel haereticae. Inde factum est, ut multi, *orientales* praecipue, a phraseologia Cyrilliana sive *alexandrina* vehementer abhorrerent, et Cyrillum cum asseclis suis heterodoxiae suspectum reddere conarentur. Alii autem, nimii Cyrilli admiratores, *alexandrinum* hunc *παίδειας τροπον* pertinaciter defendebant, eundemque caeteris omnibus *aliarum dioecesium episcopis* obtrudere vehementer cupiebant. Nimirum *constantinopolitanus* clerus, si a monachis et forte aliis paucis discedas, a sentiis cyrillianis sive *alexandrinis* alienior erat, et *orientalibus* episcopis, Cyrilli adversariis, haud obscure favebat; haud immemor, ut videtur, iniuriae a Cyrillo nuper patriarchae suo, Nestorio, illatae. Eutyches vero, monachus, cyrillianis partibus deditus, perquam intempestive Cyrillianas sive *alexandrinas* formulas *Constantinopoli* publice frequentare solebat. In ius igitur vocabatur atque condemnabatur. Sed *alexandrini* hunc suum clientem neutiquam destituebant. Dioscurus, *Alexandrinorum* patriarcha, favente Theodosio Imperatore, in synodo ephesina illa quae *Αγ-*

εὐτυχη vulgo appellatur, Eutychen absolvit, et iudicem qui hunc condemnaverat, Flavianum patriarcham constantinopolitanum, anathemate percussit. Sed constantinopolitano suppetias fert romanus, qui aemulum suum, *Novae Romae* praesulem, quantum satis esset depressum nunc esse autumabat et timere incipiebat, ne alexandrinus totum christianarum terrarum orbem suo imperio subiiceret. Itaque Leo Magnus, ep. romanus, annuente Marciano post opportunam Theodosii mortem Imperatore, Dioscuri alexandrini condemnationem procuravit in concilio chalcedonensi. Atque in hoc concilio oecumenico doctrina de duarum Christi naturarum unionē personali satis accurate, ex mente occidentalium et constantinopolitanorum, (quorum iunctis viribus alexandrini resistere haud poterant,) exposita atque definita est. Sed ne sic quidem pax restituta fuit. Sufficere tamen possunt ea, quae hactenus narravimus, consilio nostro. Nam vel paucula haec luculenter demonstrant, quomodo de dogmatibus atque phrasibus, doctorum arbitrio antea permissis, leges procedente tempore latae fuerint ecclesiasticae, per quas unicus rem cogitandi atque explicandi modus christianis omnibus, sublata pristina libertate, praescriberetur. Simul vero ex iis quae diximus patet, partim quoniam consilio quibusque artibus istae leges dogmaticae a potentioribus episcopis procuratae fuerint; partim tam exiguam habitam fuisse veritatis rationem, ut neutiquam istorum hominum φιλαλήθεια, sed unice divinae providen-

tiae tribuendum sit, si forte in istis conciliis veritas victoriam de errore reportaverit.

3) Ex historia ecclesiastica discimus, quomodo illud dogmatum *συστημα*, quod in ecclesiis evangelicis publice receptum est, sensim coaluerit, et eam auctoritatem, qua apud nos pollet, consecutum sit. *Initio* superstructum id erat, tanquam fundamento, conciliorum, praecipue oecumenicorum, decretis atque patrum orthodoxorum effatis, collatis tamen scripturae sacrae oraculis. Etsi enim negari non potest, ecclesiastica auctoritate definita esse pleraque omnia, (de iis enim doctrinis quae ipsum christianae religionis fundamentum constituunt, et claris verbis in Scriptura S. continentur, hic non loquimur, sed de iis tantum, quae ad systematicam s. acroamaticam theologiam pertinent, verba facimus) ultro tamen fatemur, ad Scripturam S. catholicos, data occasione quavis, provocasse. Sed quoniam plerique admodum imperiti erant sacrarum literarum interpretes, non tam ad Scripturae normam examinabantur conciliorum atque patrum placita, quam potius ita explicabatur Scriptura, ut cum his nunquam non consentiret. Scholastici *deinceps* hoc systema dogmaticum, ex conciliorum et patrum decretis coagmentatum, denuo excusserunt atque in formam artis redegerunt, admistis inanibus subtilitatibus permultis, immo etiam erroribus nonnullis; de una tamen alterave doctrinae publicae parte bene, pro istorum temporum ratione, meriti sunt. Haec erat dogmaticae theologiae forma *eo tempore*, quo Lutherus purgandorum sacrorum initium faciebat.

Abiecta humana auctoritate omni, ac instaurata meliori Scripturae interpretatione, Vir immortalis, aliorum nonnullorum auxilio adiutus, systema istud ecclesiasticum summa qua potuit diligentia cum Scripturae oraculis rectius iam intellectis contulit, et, licet immutata retineret quaecumque retineri posse viderentur, resequebat omnia quae vel erronea vel prorsus inutilia esse intelligebat, rectiusque informavit quae contorta, depravata et Scripturae S. non satis consentanea esse deprehendebat. Ortis *post obitum eius* novis inter theologos nostros controversiis, genuinam Lutheri doctrinam ita repetiit atque declaravit Formula concordiae, ut omnibus dissidentium partibus nonnihil, si fieri id posset, pacis causa concederetur. *Post ista vero tempora*, iusta quidem Scripturae S. interpretatio studiosius exculta, historia ecclesiastica luculentius illustrata, ac philosophia a multis vitiis et ineptiis purgata fuit; sed in systemate dogmatum nihil, si methodi variam indolem et argumentorum s. probationum dilectum paulo curatiorem excipias, immutatum est ab iis quibus doctrinae Lutheranae puritas curae cordique fuit, donec, ut supra diximus, *recentioribus temporibus* viri docti nonnulli summam atque prorsus absolutam huius systematis perfectionem in dubium vocarent. Horum igitur conamina ope historiae ecclesiasticae rite tractatae, (quae dogmatici systematis tum ortum, tum vicissitudines earumque causas enarrat,) facilius iudicari posse, ex iis quae hactenus disputavimus patere arbitramur.

IV. Historia ecclesiastica porro docet, quomodo adversus eos, qui a doctrina, quae orthodoxa inter nos censetur, aberrare videntur, gerere nos debeamus. Qui enim tot sacrorum dissidiorum historiam attento oculo perlustrat, et causas sedulo investigat, cur alia mox atque feliciter composita, alia vero, non sine rei publicae christianae detrimento insigni, per plura secula continuata fuerint, aliorum exemplo atque periculo sapere, ac quid sequi, quid fugere oporteat verae doctrinae defensorem, discernere discit. Quotiescunque enim armis, vi, calumniis, convitiis, fraudibus aliisque huius generis artibus usi sunt orthodoxiae propugnatores, nihil, quod christiano nomine dignum et ecclesiae salutare esset, effectum fuit. Quin haereses huiusmodi armis oppugnatae interdum ne extingui quidem potuerunt. Numerosi tam Nestorianorum quam Eutychianorum coetus hodiernum sub orientem solem supersunt, qui nulla neque vi neque arte eo adduci potuerunt, ut ad catholicae ecclesiae communionem redirent. Vitari vero potuisset funestum istud dissidium, si iudices ineunte controversia mitiores ac aequiores se praebuissent Nestorio et Eutychi. Eutyches v. c. cui, ut omnes norunt, crimini dabatur, quod humanam Christi naturam nostrae consubstantiali esse negaret, et duarum in Christo naturarum discrimen ita tolleretur, ut unam tantum, ex divinae humanaeque quadam quasi commixtione ortam, Christo naturam tribueret, publice coram iudicibus in concilio Constantinopoli habito (ap. Harduino tom. 2. pag. 162. sqq.) professus est: Confiteor filium

Dei carnem assumpsisse ex carne sanctae virginis, et hominem eum factum esse perfectum, *τελειως*. Cum instarent nonnulli, ut Christum quoad carnem nobis consubstantialiorem esse fateretur, respondit Eutyches: Quoniam vos iam dicitis, *omnibus consentio*. Usque ad hodiernum diem sic locutus non eram; si autem oportet ut dicatur: ex virgine et consubstantiali nobis; etiam hoc dico; hac tamen addita cautione, ne quis το ὁμοουσιον ita interpretetur, quasi negem Christum esse Filium Dei unigenitum. Interrogatus porro, antrum coactus, an vero ex animi sui sententia veram hanc fidem profiteretur? respondit: ad hanc usque horam talia dicere metuebam, quia Dominum nostrum sciebam Deum esse, et de naturis eius disputare (Φυσιολογισιν) non audebam; sed quia vestra sanctitas permittit ac docet, et ipse iam dico. Denuo interrogatus, confiteor, inquit, ex duabus naturis fuisse Dominum nostrum apte unionem, post unionem autem unam naturam (nempe ἐνσαρκωμένην; plane uti Cyfillus) confiteor. Tunc sancta synodus dixit: oportet te clare confiteri, et anathematizare omne dogma quod contrarium est his quae modo lecta sunt. Eutyches, dixi, inquit, sanctitati vestrae, quod antehac non dixerim talia; nunc autem, quoniam hoc docet sanctitas vestra, dico, et sequor patres. Attamen in Scripturis non inveni hoc manifeste explanatum, neque omnes patres dixerunt. Si vero anathematizavero, vae mihi! quod patres meos anathematizo. *) Exsur-

*) Iam antea professus erat Eutyches, si quid forte a

gens sancta synodus clamavit: Anathema ipsi! Praeses concilii dixit: Si quidem confitens proprium peccatum (το οἰκτιρον πτασμα) persuaderetur anathematizare propriam doctrinam, et consentire nobis, sequentibus traditiones sanctorum patrum, merito dignus esset venia. Sed quoniam *permanet* in sua malignitate, subiacebit vindictae canonicae. Eutyches dixit: Dico quidem ista, quoniam et vos nunc iussistis; non autem anathematizo. Legi scripta b. Cyrilli et sanctorum patrum et sancti Athanasii, qui ex duabus quidem naturis dixerunt ante adunationem, post ἐνωσιν autem et incarnationem non iam duas naturas, sed unam naturam dixerunt. Legi iubete S. Athanasii scripta, ut advertatis, quoniam nil tale dicit. Tunc, paucis interiectis, condemnationis sententia lata fuit sequentem in modum: *) Per omnia Eutyches, quondam presbyter et archimandrita, et ex his quae antea acta sunt, et nunc propriis eius confessionibus, Va-

Patribus minus recte dictum sit aut erratum, id se *neque reprehendere ac damnare, neque recipere*, sed solas scrutari Scripturas, tanquam Patrum expositionibus firmiores. Harduin p. 142. coll. 186. 187.

*) Quanti fuerint, cum damnationis haec sententia publicaretur, tumultus quantaeque episcoporum vociferationes, patet ex iis quae in Actis leguntur apud Harduinum p. 203. sqq. Praeterea Silentiarinus Magnus, iussu Imperatoris solemniter interrogatus, professus est, se vidiisse depositionis formulam in charta iam conscriptam ante synedum. ibid. p. 211.

lentini et Apollinaris perversitate repertus est aegrotare, et eorum blasphemias *incommutabiliter* sequi; qui *nec nostram, reverens persuasionem* atque doctrinam, *rectis voluit consentire* dogmatibus. Unde, lacrymantes et gementes perfectam eius perditionem, decrevimus per Dominum nostrum I. C. ab eo *blasphematum*, extraneum cum esse ab omni officio sacerdotali, et a nostra communione, et primatu monasterii etc. — Verbosius haec ex ipsis actis concilii describere non piguit. Quis enim est qui non perspiciat, Eutychem, senem nonagenarium, satis se praeuisse facilem atque morigerum? Nulla in re non cessit synodi mandatis; sed quia nolebat in ipsissima hominum istorum verba iurare, neque eos *exsecrari omnes* qui paulo aliter sive sentirent sive loquerentur, condemnatus est. Atque ex hac praecipiti adversus Eutychem sententia enatum est funestum illud dissidium, quod hodienum orientalem ecclesiam in varias partes scindit, postquam diuturnarum persecutionum, bellorum, caedum, incendiorum et innumerorum scelerum et malorum Sec. V. VI. VII. causa fuisset, ac felices Sarcenorum contra graecos Imperatores progressus haud parum adiuvisset. — Neque ariana haeresis tam late propagata nec tantas eundo vires nacta fuisset, nisi partim clericorum litigiosorum culpa, partim Imperatorum, qui ab episcopis regi sese patiebantur, vitio, dissentientium animi magis magisque exasperati atque mutuo odio incensi fuissent. Generatim vero observare licet, eas haereses difficillime extinctas esse, quibus opprimendis Imperatores intempestive sese im-

miscuerunt. Putidissimae theologastrorum rixae largam infortuniorum segetem fere semper cum ecclesiae tum reipublicae intulerunt, ut primum animum suum induxerunt Principes, ut subditos suos omnes alterutri parti per omnia consentire cogerent, neque permetterent, ut secus sentientes (quamquam publicam utriusque civitatis tranquillitatem neutiquam turbarent) suas res sibi haberent et suo modo ac pro suae conscientiae sensu Deum colerent. Contra vero eae controversiae dogmaticae felicius compositae sunt, aut saltem novarum sectarum causae non fuerunt, nec reipublicae exitiosae evaserunt, in quibus soli theologi cum theologis decertarunt, et argumentis ac libris nil praeter argumenta et libros opposuerunt. Hanc ob causam semipelagiana olim, et recentioribus temporibus pleraeque controversiae theologicae quietem publicam labefactare non potuerunt. Sed antiquior historia ecclesiastica perpaucae ob oculos nobis sistit controversias, sic disceptatas, ut exemplum nobis exinde sumere, et quid rectum ac utile sit, vel ad inveniendum verum vel ad conservandam publicam pacem, discere queamus. Sed cum doceat nos, quid veritatis investigationi officiat, societatem christianam in partes scindat, et reipublicae salutem labefactet; adeoque quid in tractandis controversiis evitandum sit: hac tamen ratione sacrorum istorum bellorum accuratior cognitio admodum utilis est ei, qui scire cupit, quid deceat virum prudentem, pacis aeque ac veri amantem, in oppugnandis prave sentien-

tium erroribus, defendendaque ab adversariorum insultibus puriori doctrina.

Neque tamen hoc tantum praestat historia ecclesiastica, ut quid imitandum vitandumne sit luculenter demonstraret, verum etiam animum ipsum salubriter commovet, eumque tam pacis, concordiae, mutuaeque tolerantiae studio imbuunt, quam violentiae omnis horrore replet. Qui enim tot hominum, ob levissimas circa res theologicas dissensiones, fratribus suis infensissimorum, eorum perniciem meditantium, durissimeque eos tractantium exempla sedulo perlustravit, non potest non abhorrere a pravis istorum monstrorum, christiano nomine indignorum, moribus. Quis est, qui sacrorum bellorum a S. Cyrillo gestorum historiam perlegere possit, nec aversari incipiat hominis contra adversarios suos nihil non sibi permittentis detestabilem ferociam? Quis est, quin Dionysio alexandrino, Chiliastas in veram viam amice deducendi, similis esse malit, quam Hieronymo, contra Helvidium Iovinianum et Vigilantium inepte atque vehementer decertanti? Digna est Dionysii de controversia cum Chiliastis agitata narratio, apud Euseb. H. E. Libr. VII. cap. 24. quae ab omnibus legatur. Tam altas dogma illud radices egerat, ut schismata et integrarum ecclesiarum defectiones iam fierent. Dionysius igitur presbyteros caeterosque populi doctores convocavit, et tres continuos dies impendit excutiendo libello Nepotis, quem isti homines praecipuum atque invincibile praesidium suae opinionis esse putabant. „Tum vero (ita, ex

Valesii interpretatione, pergît Dionysius) fratrum (adversariorum) constantiam, et ardentissimum cognoscendae veritatis studium et docilitatem atque intelligentiam magnopere sum admiratus. Adeo moderate et ordine interrogationes rationesque dubitandi et assensiones a nobis fiebant. Ac studiose quidem cavebamus, ne ea quae semel nobis placuissent, tametsi falsa esse deprehenderentur, pertinaciter defendere-mus: nec aliorum obiectiones subterfugiebamus. Sed, quoad fieri poterat, ad ea de quibus instituta erat disputatio eniti eaque stabilire conabamur: sin autem rationibus convicti essemus, non pudebat nos mutare sententiam et alijs assentiri. Quin potius cum bona animi conscientia, absque ulla simulatione, expansis ad Deum cordibus, quaecunque certissimis argumentis et auctoritate S. Scripturae confirmata essent, suscipiebamus." Hac ratione effecit Dionysius, ut Coracion, Chiliastarum antesignanus, publice coram omnibus convictum se esse profiteretur, atque polliceretur, se in posterum opinionem illam amplexurum non esse, nec de ea disputaturum. Iam cum Dionysio comparemus Hieronymum. Vigilantius, presbyter, ineptiis sui saeculi nonnullis atque superstitionibus fortiter sese opponebat, atque eos praesertim reprehendebat, qui martyrum reliquias venerarentur ac adorarent, itinera religiosa ad sepulcra eorum susci-perent, cereos in honorem defunctorum in coemeteriis accenderent sole lucente, nocturnas vigiliis ad martyrum sepulcra celebrarent solemnes, Sanctos defunctos invocarent etc. Praeterea monasticam vitam

vituperabat et errorem eorum mascole impugnabat, qui caelibatum coniugio longe anteponendum esse censebant, eique vim ad summum sanctitatis gradum homines evehendi tribuebant. In hunc igitur eximium et optime meritum virum, tamquam in pessimum et pestilentissimum haereticum, calumniis atque convitiis ita debacchatus est Hieronymus, ut hominis, alioquin doctissimi, petulantiam vix mirari satis possis. Paucula speciminis loco dabimus. Hieronymus Ripario: „De his rebus interrogas, quas et proferre et audire sacrilegium est. Ais Vigilantium, qui κατ' ἀντιφρασιν hoc vocatur nomine, nam Dormitantius recte diceretur, os foetidum rursus aperire et putorem spurcissimum contra s. martyrum proferre reliquias, et nos, qui eas suspicimus, appellare cinerarios et idololatrias, qui mortuorum hominum ossa veneremur. — Haec dicens non se intelligit esse Samaritanum et Iudaeum, qui corpora mortuorum pro immundis habent. — Dicam, quod addundet in auctoris caput, et insanum cerebrum vel sanet quando vel debeat, ne tantis sacrilegiis simplicium animae subvertantur. Ergo et Domini corpus in sepulcro positum immundum fuit? et angeli mortuo cadaveri atque polluto praebebant excubias, ut post multa secula Dormitantius somniaret, immo eructaret immundissimam crapulam, et cum Iuliano persecutore sanctorum basilicas aut destrueret, aut in templa converteret? Miror sanctum episcopum, in cuius parochia esse presbyter dicitur, acquiescere furori eius, et non virga apostolica virgaque ferosa confringere vas inutile — nec meminerit il-

lius dicti : — in matutino *interficiebam* omnes peccatores terrae — *O praecidendam linguam* a medicis, immo *insanum* curandum caput, ut, qui loqui nescit, discat aliquando reticere — *Sacrilegium tantum* patienter audire non possum. Legi enim Syromasten Phinees, et Petri severitatem, Ananiam et Sapphiram *trucidantis* etc, *Non est crudelitas pro Deo, sed pietas.* Unde et in lege dicitur: Si frater tuus et amicus et uxor, quae est in sinu tuo, depravare te *) voluerit a veritate, sit manus tua super eos, et *effunde sanguinem eorum.* — Cum dicis, eum vigiliis execrari, facit et hoc contra vocabulum suum, ut velit dormire *Vigilantius* — *Dormiat itaque Vigilantius, et ab exterminatore Aegypti cum Aegyptiis dormiens suffocetur!*“ Per multa his prorsus similia, immo indigniora etiam ac atrociora transcribere possemus tam ex libello adversus Vigilantium hunc, quam e polemicis Hieronymi scriptionibus adversus Helvidium et contra Iovinianum. Sed sufficere ista possunt. Talibus igitur exemplis, quorum plena est historia ecclesiastica, a simili ferocia absterrentur animi, et, ut turpissimas has adversarios opprimendi artes ne cogitare quidem absque honesta generosaque indignatione possint, sensim adsuescunt; modo is, qui ista antiquioris recentiorisque aetatis tragoedias enarrat, rei indignitatem ipse sentiat eamque coloribus satis vivis depingat.

*) i. e. ad idololatriam seducere. — Caeterum novi ego hodiernum nonnullos Hieronymo, si eruditionem excipias, simillimos.

Alia, quae huc referenda essent, paucis tantum indigitamus. Primum igitur, teste historia, intelligimus, vehementer errare eos, qui omnes a doctrina orthodoxa recedentes levitatis impietatisque accusant, fontesque errorum in pravo errantium animo malisque eorum consiliis positos esse arbitrantur. Tot tantosque errores in doctrinis gravissimis admisit Origenes, ut, si hodie viveret, procul dubio heterodoxorum omnium immo haereticorum pestilentissimorum antesignanum nominaturi eum essent vehementiores purioris doctrinae propugnatores. Nam Naturalistis, quos vocant, christianis facem, ut supra vidimus, praetulit; historiae sacrae veritatem ac certitudinem labefactavit; de trinitate, divinitate Christi, naturarumque in ΘεανΘρωπων unionem minus recte sensit; animam Iesu Christi diu ante incarnationem τῷ Λογῷ iunctam fuisse putavit; satisfactionem Deo pro peccatis nostris a Christo praestitam ignoravit taliaque docuit, quae cum doctrina hac, prout nos recte eam describere solemus, consistere nequeunt; animas humanas ante nativitatem peccasse suisque peccatis, ut in corporis ergastulum detruderentur, meruisse existimavit, et innumera alia protulit longissime a doctrina orthodoxa abhorrentia. Neque tamen ista omnia malum Origenis animum produnt. Nolumus nostrum de incomparabili hoc viro iudicium proferre, ne forte partium studio ducti ita iudicasse videamur; Mosheimium, satis severum errorum Origenianorum censorem, testem producere iuvabit. „Omnia sunt, inquit, in Origene, quae homini christiano maximae

laudi et ornamento esse possunt: summa erga Deum a teneris pietas, et sanctissimae religionis, quam profitebatur, incredibilis amor, incomparabilis laborum et inprimis eorum, qui rem christianam iuvare possent, patientia, inexhaustum boni publici atque finium civitatis christianae proferendum studium, magnus et excelsus animus et supra omnia, quae mortales vel cupiunt vel metuunt, elatus, constantissimus opum, honorum, voluptatum, mortis ipsius contemptus, purissima in Christum fides, cuius causa senex iam et laboribus malisque varii generis attritus, gravissimos cruciatus aequo animo diu sustinebat. — Certe si quis alius, hic homo principe inter sanctos et martyres loco collocari, et in exemplum Christianis quotannis proponi debebat: nam si Apostolos Iesu Christi eorumque comites tollas, neminem inter omnes, qui sanctorum nomine honorantur et coluntur, novi, qui cum eo de virtutis et sanctimoniae principatu contendere queat." Haec Moshemius *Comm. de reb. Christ. ante Const. M.* p. 610. Amabilis sane hominis perquam heterodoxi imago! Utinam omnes purioris doctrinae defensores optimo huic viro similes fuissent! Sed ad alios fructus, e rerum christianarum historia percipiendos, iam deproperamus. Nemo qui cognoscendae ecclesiasticae historiae liberalem impendit operam, ad haereseos vocabulum vel haeretici appellationem trepidabit, aut sacro quasi horrore contremiscet. Ignorare enim non potest, vano istius nominis terribilamento saepenumero abusos olim esse clericos ad stabiliendam suam in conscien-

tias hominum tyrannidem, et ad opprimendos omnes qui vel minimam receptarum opinionum particulam novo ac liberali examini subiicere auderent. Non debet itaque iudicium nostrum de eo, quod verum falsumve sit, corrumpi aut regi quasi praecipiti quodam timore, ne forte accuratior huius illiusve dogmatis investigatio eo nos perducatur, ut iusto propius absumus ab opinionibus hominis cuiusdam, cui haereses nota, ex decreto concilii alicuius, inusta olim fuit. Quomodo enim a studio partium liber esse et incorrupte iudicare potest, qui, dum argumenta ab utraque parte prolata ponderat, metu angitur, ne imprudens ac invitatus eo ducatur, quo venire nefas est. Excutiendus igitur est, ope historiae ecclesiasticae, omnis iste metus. Non ideo quidquam a Protestantibus reprobatur, quia haereticum id esse declararunt conciliorum decreta nimis praecipitanter plexumque facta, aut patrum ecclesiasticorum iudicia; sed hanc solam ob causam reiicitur, quia Scripturae Sacrae repugnans esse intelligitur. Fieri praeterea solet, ut odium, quoadversus haereses et haereticos omnes imbuimur, gignat zelum pro orthodoxae doctrinae puritate, qui neutiquam est κατ' ἐπιγνώσιν, nec ad convincendos falsarum opinionum patronos quidquam iuvat, sed potius errorum iustam refutationem aequè impedit ac veri indagatiōnem et solidam confirmationem. Pertinere huc, inter alia, videtur mos, qui mirum in modum olim invaluerat, eos qui a doctrina recepta ulla in re dissentirent insigniendi nomine haeretici cuiusdam dudum condemnati et omnibus

exosi. Sic Eutyches, ut supra vidimus, Valentinianus vocabatur et Apollinarista; medio autem aevo omnes fere, qui Pontificum Romanorum tyrannidi subtrahere sese vellent, Manichaeorum titulo mactabantur. Nec desunt nostris temporibus, qui talia nomina invidiae, apud plebem certe, plena eis imponant, quos a vera doctrina aberrare existimant. Desisterent ni fallimur ab ista consuetudine, si, historia magistra, didicissent. tum quinam ii sint, quos hac in re imitantur, tum etiam quam inutilis semper fuerit haec errantes corrigendi ratio.

Possent quidem non ea solum, quae hactenus velut in transcurso leviter attigimus, uberius illustrari, verum alia etiam addi nec levia nec pauca; inprimis vero demonstrare possemus, qua ratione quove modo tractari debeat historia ecclesiastica, ut fructus omnes supra enumerati percipi ex eius studio queant: sed quoniam schediasmatis academici limites fere transgressi iam sumus, ac ea, quae reliqua sunt, ex his quae disputavimus colligi facile possunt, finis dissertationiunculae imponendus et ad id deveniendum esse videtur, cuius causa isthaec omnia prolusimus. Nimirum sapienter a maioribus institutum est, ut ii, quibus Professoris Theologi provincia in alma hac musarum sede clementissimo SERENISSIMORUM SAXONIAE DUCUM iussu demandatur, sub ipsa muneris suscepti auspicia, habita oratione publica, animum erga MUNIFICENTISSIMOS Academiae NUTRITORES gratissimum devotissimumque solemniter declarent, et pia vota pro celeberrimae huius Rei-

publicae literatae perpetua salute nuncupent. Huic instituto laudabili ut morem gereremus, diem constituimus Iulii VI. quo, hora XI. in theologorum auditorio *de eximio historiae ecclesiasticae in repellendis Naturalistarum, quos vocant, adversus sanctissimam Iesu Christi religionem conatibus usu nonnulla praefati, pietatis nostrae erga DOMINOS NOSTROS LONGE CLEMENTISSIMOS* documenta publice edemus, simulque bonarum literarum huic officinae fausta quaeque apprecabimur. Quam solemnitatem ut praesentia sua nobis honorificentissima atque exoptatissima condecorare et benevolas nobis aures praebere velint, MAGNIFICUM ACADEMIAE PRORECTOREM, ILLUSTRISSIMUM S. R. I. COMITEM, VENERANDOS ACADEMIAE PATRES CONSCRIPTOS, DIVINAE HUMANAQUE SAPIENTIAE DOCTORES CELEBERRIMOS, UTRIUSQUE REIPUBLICAE PROCERES MERITISSIMOS, GENEROSISSIMOS denique atque HUMANISSIMOS COMMILITONES NOSTROS, ea, quae quemque decet, observantia etiam atque etiam rogamus.

P. P. Domin. IV. post Festum Trinit.

MDCCLXXVI.

V.

*De vera notione vocabuli πνευμα in cap. VIII
epist. ad romanos commentatio prima
qua dies pentecostes pie sancteque cele-
brandos indicit academia Jenensis.*

MDCCLXXVI.

Quod in multorum vocabulorum πωλυστημων si-
gnificationibus definiendis usu nobis venire solet, ut
dubii nonnunquam haereamus, quatenus eis potestas
eo quem tractamus loco subiecta sit: id etiam in
eruenda iudicandaque notione, quae vocabulo spiri-
tus, sexcenties in N. T. obvio, tribuenda sit, saepe-

numero sacrarum literarum interpretibus accidit. Et si enim extra omnem omnino dubitationem positum est, πνευμα in N. T. interdum significare tertiam Deitatis personam, cum Patre et Filio aeternum adorandam; (v. c. Ioh. 14. 26. et alibi saepe) interdum Sancti huius Spiritus effectus et operationes, tum miraculosas naturaeque vires et ordinem superantes, tum alias etiam atque ordinarias; saepe omne id quod oppositum est *carni*, ex hebraeorum more loquendi intellectae; nonnunquam etiam id quod *litterae* opponitur: tamen, si ad singulos locos deveniendum, ac, quid hoc vocabulo quovis loco denotetur, indicandum est, vehementer inter se dissentiunt praestantissimi sacri codicis interpretes. Cuius generis dissensus cum eos etiam, qui enarrando octavo epistolae ad Romanos capiti operam dederunt, in varias partes distrahat; eaque pericopa in primis digna sit, quae per festos hosce dies pia et seria meditatione recolatur: illustrationem eorum capitis huius commatum, in quibus τοῦ πνεύματος mentio iniicitur, haud inutilem futuram esse existimavimus. Abstinebimus vero ab enumerandis examinandisque aliorum interpretationibus, et, missis caeteris quae explicationem accuratorem desiderare videntur omnibus, id unice agemus, ut ex contextu orationisque συναφεια atque e diligenti phrasium a Paulo adhibitarum inter se comparatione, vim atque potestatem vocabuli πνευμα, saepe in hoc capite recurrentis, eruamus et quantum fieri potest brevissime declaremus.

In universo hoc capite apostolus insignes illas praerogativas, quibus veri genuinique christiani gaudent, eo consilio recenset, ut ex earum enumeratione beneficiorum, quae *iustificatio per fidem* (uberius cap. 3. et 4. explicata et contra Iudaeos vindicata,) in Christianos confert, magnitudo patescat. Coeperat quidem apostolus iam capite 5. felicissimam iustificationis sortem describere; sed, ad alia mox delapsus, telam ad finem nondum perductam pertexere iam pergit. Occasionem vero redeundi ad huius rei tractationem ei praebebant ea, quae capite antecedente comm. 14 — 25. de misera hominis *carnalis* conditione scripserat. Isti carnali iam capite 8. opponit hominem *spiritualem*. Carnalem autem dixerat Iudaeum (conf. cap. 8, 1. γινωσκουσιν νομον λαλῶν) qui nondum est ὑπο χάριν sed ὑπο νομον, cap. 6, 14. qui per opera legis iustificari Deoque acceptus fieri vult, eam autem ad iustitiam perveniendi viam quam Evangelium demonstrat, nempe sinceram in Iesum Christum fidem, spernit. Hic mancipatus est peccato cap. 7, 14. et servus peccati cap. 6, 17. 20. Non ignorat quidem quid lex divina ab homine postulet; quin ipsa ratio (θεὸς sive ἐ ἐσω ἀνθρώπος, cap. 7, 22. 23.) non potest non intelligere, bona esse hominique utilissima, quae lex praescribit (συμφημι τῷ νομῷ, ὅτι καλός, cap. 7, 16. et σὺνηδομαι τῷ νομῷ vs. 22.) Videt igitur meliora, probatque; et nihilo tamen secius deteriora sequitur. Tanta est enim peccati in ipso regnantis vis, ut obtorto quasi collo, frustra reluctante ratione et conscientia, homo abripiatur ad ea quae sensibus grata

sunt perpetranda, licet absque legum divinarum violatione fieri nequeant, cap. 7. 15. 19. 23. Hanc hominis carnalis pravitatem, qua ad peccandum propensus est, nominat apostolus peccatum in nobis s. in carne nostra habitans, cap. 7. 17. 18. 20. legem quae est in membris nostris, s. legem peccati in membris quae sibimet nos reddit captivos vs. 23. item corpus mortis vs. 24.

Iam facilis nobis patet aditus ad capituli octavi intelligentiam. Nempe quotusquisque est ἐν Χριστῷ Ἰησοῦ cap. 8, 1. hoc est, quicumque vera fide in Christum credit, liberatus est a tyrannide peccati (cap. 7. 25.) quod, quamdiu regnabat, hominem invitum ad committenda varii generis peccata pertrahabat; iam vero ἀμαρτία αὐτοῦ οὐ κυριεύσει, ἔστι γὰρ ὑπὸ χάριν cap. 6, 14. et ἡλευθερώσῃ ἀπο τῆς ἀμαρτίας cap. 6, 18. Insigne hoc beneficium describitur in priore capituli nostri parte. Rem universam paucis verbis complectitur comma I. οὐδὲν ἄρα νυν κατακριμα τοῖς ἐν Χριστῷ Ἰησοῦ. Verba haec in se spectata possent sic intelligi: fideles non damnari, quia Christus peccata nostra sua morte expiaverit eorumque reatum atque poenas abstulerit. Sed licet verissima sit haec sententia et luculentissime in permultis sacrarum paginarum locis tradita legatur, universa tamen orationis series aliam interpretationem hic postulare videtur. Primum enim το ἄρα νυν manifeste indicat, ex antecedentibus explicanda haec esse. Iam vero capite 7. Paulus non egerat de morte Christi expiatoria, sed de peccato, quod in hominibus regnat

αἰς το καρποφορησαι τῷ θανάτῳ vs. 5. eosque morti obnoxios reddit vs. 13. adeoque causa est condemnationis. Hanc igitur mortis damnationisque causam, hoc κατακριμα procul a fidelibus abesse tradit. Paulus in nostro commate. Deinde ea, quae proxime sequuntur, hanc nostram interpretationem mirifice confirmant. Comma secundum cum primo necitur per particulam γὰρ. Eam igitur ob rem κατακριμα, agnitionis Christianis abesse docet Paulus, quia liberati sunt ἀπο τοῦ ΝΟΜΟΥ τῆς ἁμαρτίας καὶ τοῦ θανάτου, h. e. quia non in ipsis regnat peccatum, quod cum morte summaque hominis infelicitate non potest non esse coniunctum. Etsi enim ne regeniti quidem penitus ab omni peccato immunes sunt, (nam hi quoque ἔχουσι ἁμαρτίαν 1 Io. 1, 8.) tamen, cum a peccato regi sese non patiantur, id quod superest pravitatis naturalis propter Christum a Deo benignissime ipsis condonatur, nec damnantur qui summa cura atque constanter evitare student omnia, quaecunque damnationi eos obnoxios reddere possent. Quod ad reliqua primi commatis verba attinet: μὴ κατασκαφεῖσιν, ἀλλὰ κατὰ πνεῦμα, e versu 4. perperam huc translata esse videntur. Abest enim vel totus hic στίχος, vel saltem posterior eius particula: ἀλλὰ κατὰ πνεῦμα, ab omnibus codicibus graecis literis maiusculis exaratis, i. e. vetustissimis, *) nec

*) Sangermanensis enim liber in censum hic venire non debet. Descriptus enim est e Claromontano, postquam hic duorum correctorum manus expertus iam fuisset. Nempe

non a duobus aliis eximiae bonitatis libris manu scriptis, scilicet cod. Roë. 2. et Lambecii 34; deest in antiquis versionibus omnibus, si ab una discedas arabica, quae in polyglottis bibliis habetur, satis recenti et interpolata; omittunt etiam verba haec Patres tam graeci quam latini non pauci, v. c. Origenes, Athanasius, Cyrillus alex. Basilus, Chrysostomus, Hieronymus, Augustinus; aliique. Praeterea, temere ac fortuito in tot monumentis vetustis verba haec vix ac ne vix quidem omissa videri possunt; nihil enim hic apparet earum rerum, quae librariis negligentibus aut festinantibus occasionem verba nonnulla transiliendi dare solent. Sed nec de industria omissa fuerunt. Si quis enim cavere voluisset, ne eorundem verborum repetitio vs. 1. et 4. lectoris auribus molesta esset, sine dubio commate 4. non autem commate 1. ea delevisset. Porro suspicari facile possumus, quamnam re commotus aliquis haec adiecerit. Nempe istud οὐδὲν κατανόημα vs. 1. interpretabatur de expiatione peccatorum nostrorum per Christum, ac, cum non perspiceret quomodo comma secundum cum primo ita intellecto cohaereret, e commate 4. supplevit, quae ad sensum atque nexum orationis plenius declarandum necessaria videbantur. Tandem additamentum eo etiam se pròdit, quod manifesta extant

in claromontano primum aberat totus στίχος: postea alia manus tam graece quam latine addidit: *non secundum carnem ambulantes*; tandem tertia manus adiecit etiam, sed graece tantum: *sed secundum spiritum*.

successivae additionis indicia. Non enim eodem tempore totum illud: *non secundum carnem ambulantes, sed secundum spiritum*, additum fuit, sed initio prior tantum horum verborum pars (quae, eam quam diximus ob causam, necessaria ad sensum putabatur) adiciebatur; posterior vero pars non nisi tempore aliquo interiecto accessit. Nam *non secundum carnem ambulantes* extat iam in cod. alexandrino et claromontano post primam correctionem, in versionibus syriaca, arabica Erpenii, armenica et latina vulgata, atque in allegationibus Basilii, Chrysostomi. Hieronymi, Ambrosiastri aliorumque; quamquam in his omnibus nondum legatur *sed secundum spiritum*; seriori demum tempore adiectum. Quae cum ita sint, verborum horum explicationem commati quarto reservamus et ad versum II. pergimus, ubi νόμος του πνευματος της ζωης commemoratur. Per hanc legem spiritus intelligimus Evangelium, quod eam ob causam legis nomine hic insignitur, quoniam ab iis qui beneficiorum per Christum partorum participes esse volunt, resipiscentiam atque fidem per bona opera sese exerentem postulat, regenitorumque actiones universas velut norma et regula dirigit. Nec inusitatum est scriptoribus sacris Evangelium appellare νόμον. Iacobus v. c. Ep. 1, 25. loquitur de νόμῳ τελειῶ τῷ της ἐλευθερίας, et ipse Paulus Rom. 3, 28. τῷ νόμῳ των ἐργων, i. e. mosaicae legi, opponit νόμον πιστεως, h. e. Evangelium sive eam doctrinam, quae δικαιοσυνην θεου χωρις (ἐργων) νόμου cap. 3, 21. ἐκ πιστεως εἰς πιστιν cap. 1, 16. 17. manifestat. Atque eidem legi

mosaicae nostro etiam loco opponitur ὁ νόμος τοῦ πνεύματος. Ita enim ratiocinatur Paulus: *Evangelium* liberavit nos a dominio peccati vs. 2; quoniam enim *lex mosaica* praestare hoc non poterat, misit Deus filium suum etc. vs. 3. ut praecepta legis servare iam possitis vs. 4. Repetit igitur Paulus id, quod cap. 6, 14. aliis verbis ita elocutus erat: peccatum iam non potest tyrannida suam in vos quasi invitos exercere, quia vivitis ὑπὲρ χάριν, sub foedere gratiae, si-ve sub oeconomia evangelicā. Dicitur autem νόμος hic evangelicus νόμος τοῦ πνεύματος τῆς ζωῆς, spiritualis lex vitae, h. e. doctrina s. religionis institutio perfectissima (hebraeos enim πνεύμα saepe ponere, ubi perfectionem atque eximiam rei alicuius praestantiam describere volunt, omnibus notum est) quae ad summam felicitatem (ζωήν) beatissimamque vitam homines perducit. Cum enim (Com. III.) ob summam humanae naturae corruptionem lex mosaica hominibus emendandis beandisque minus pufferet, unigenitus Dei Filius, iussu Patris, hanc ipsam naturam, tantopere in caeteris hominibus depravatam, ab omni tamen peccati labe ipse purus, induit, eo quidem consilio, ut (καὶ περὶ ἁμαρτίας) a peccato nos liberaret; atque sic Deus κατέκρινε τὴν ἁμαρτίαν (τὴν) ἐν τῇ σαρκὶ (οἰκουσαν *) i. e. privavit Deus peccatam

*) Conf. cap. 7, 25. ὁ νόμος τῆς ἁμαρτίας, ὃ ὦν ἐν τοῖς μέλεσι μου. Per Christum abrogatus est iste νόμος in eis omnibus, qui in optimum hunc Salvatorem credunt. Conf. etiam ibid. vs. 17. 18. ἡ οἰκουσα ἐν ἐμοὶ ἁμαρτία: οὐ γὰρ οἶκτι ἐν ἐμοὶ, τοῦτέστι ἐν τῇ σαρκὶ μου, ἀγαθόν.

tyrannica ista vi, qua homines opprimebantur, eique per Christum istud quasi ius, quo homines, qui sua sponte sese servos tradiderant peccato, cap. 6. 16. 19. in miserrima servitute detinebat, ademit, *ἵνα καταργησῇ τὸ σῶμα τῆς ἁμαρτίας, τοῦ μηκέτι δουλεύειν ἡμᾶς τῇ ἁμαρτίᾳ* cap. 6. 6. sive, ut Paulus pergit commate nostro IV. ut id quod lex divina a nobis postulat (*τὸ δίκαιωμα τοῦ νόμου*) praestare possimus. (non impediti iam a nimia ista peccati vi, qua antehac ad facienda ea quae ipsi improbabamus absripiebamur) quippe qui non secundum carnem, sed *κατὰ πνεῦμα* ambulamus. Facilis quidem est phrasis: secundum spiritum ambulare, intelligentia; sed quoniam sequentium commatum sensus ex ea pendet, intactam eam praetermittere non possumus. *Caro* est universa illa, sive connata sive acquisita et diuturna consuetudine roborata, pravitas animi in res mundanas ac sensibus gratas inordinate ac perversae propensae, quae in homine nondum renato regnat; e qua singula peccata, tanquam ex fonte rivuli, profluunt, eaque ob causam opera carnis Gal. 5, 19. appellantur. Est igitur caro illud ipsum peccatum in nobis habitans, cap. 7. 17. 20. sive lex peccati cap. 7. 23. et cap. 8. 2. *Secundum carnem* ambulant, qui actiones suas ad instinctum et ductum carnis sive ad normam *τοῦ νόμου τῆς ἁμαρτίας* dirigere, pravis cupiditatibus obtemperare et opera carnis, longo ordine Gal. 5, 19. 20. 21. enumerata, perpetrare solent. *Spiritus* igitur, vi oppositionis, est principium actionum bonarum in homine christiano, quae fructus spiritus nominantur Gal. 5, 22. sive est

complexus omnium propensionum, inclinationum et habituum legi divinae consentaneorum, per doctrinam Evangelii, quacum coniunctae sunt Spiritus S. operationes, in homine procreatorum. *Ambulant* vero *secundum spiritum*, qui novam hanc animi vere christiani indolem in universa sua agendi ratione exprimunt, eumque pietatis studium factis probant. Commate V. causam indicat apostolus, cur eos, qui secundum spiritum ambulant, praecepta legis servare dixerit. Quemadmodum, inquit, *οἱ κατὰ σὰρκα ὄντες* id est *οἱ σαρκικοί*, in quibus animi ista pravitas emendata nondum est, rebus terrestribus et sensibus iucundis unice delectantur, et his ita student, ut legis divinae nullam habeant rationem (*τὰ τῆς σαρκὸς φρονεῖν*, coll. Phil. 3. 19. *τὰ ἐπιγεια φρονεῖν*): ita e contrario *οἱ κατὰ πνεῦμα ὄντες*, *τὰ τοῦ πνεύματος φρονεῖν*, i. e. ii, quibus nova illa animi inest indoles christiana, rebus spiritualibus, virtuti scilicet atque pietati, operam dant ingenuam atque continuam. Hoc igitur *φρονεῖν* τοῦ πνεύματος legi divinae obtemperat (coll. vs. 7. *τὸ φρονεῖν τῆς σαρκὸς legi non obtemperat*.) Atque sic patet, verissimum esse quod Paulus dixerat vs. 4, *τὸ δίκαιωμα τοῦ νόμου πληροῦσθαι* in eis, qui secundum spiritum ambulant, Qui enim *τὰ τοῦ πνεύματος φρονεῖν*, et toto mentis affectu ad pietatem virtutemque christianam feruntur, ii sine dubio ambulant etiam secundum spiritum, et animum suum virtutis amore impletum in omnibus actionibus suis produnt. Huius vero rei fructus est (comm. VI.) *ζῶη καὶ σιγή*, summa atque perfectio-

sima quae in hominem cadere potest felicitas. Ponitur vero ζῶν καὶ εἰρηνῇ per metonymiam pro eo, ex quo haec felicitas oritur, ut in priori commatis hemistichio θανάτος infelicitatis causam designat. Paulo clarius eadem traduntur cap. 6, 23.

Hactenus generatim de duplici hominum genere, altero τῶν κατὰ σὰρκα, altero τῶν κατὰ πνεῦμα ὄντων, egerat apostolus, atque utriusque generis tum criteria, tum etiam sortem longe diversam descripsit. Iam vero a versu 9. usque ad 17. propius ad Romanos suos orationem convertit, eosque docet partim, quatenus sint indicia, e quibus constare ipsis queat, quod generi hominum κατὰ πνεῦμα ὄντων iure meritoque accensere sese possint, vs. 9. partim commemorat non solum officia, quae ipsis tanquam πνευματικοῖς incumbant, vs. 12. 13. verum etiam fructus uberrimos inde in ipsos redundantes vs. 10. 11. 13. 14-17. describit. Cum igitur nihil aliud Paulus in hac peritopa agat, quam ut demonstret, quomodo ea, quae generatim antea enunciaverat, ad ipsos etiam Romanos spectent: hinc iam suspicari licet, vocabulo πνεῦμα eandem subiectam esse significationem insequentibus versibus, quam in antecedentibus tribuendam ei esse vidimus. Cōm. IX. vos, ait, non estis ἐν σαρκί, sed ἐν πνεύματι. Esse ἐν πνεύματι, non differt ἀπὸ κατὰ πνεῦμα esse vs. 5. Sensus est: „vos Romani, qui Iesum Christum vera fide amplexi estis, non e numero estis eorum, quos Deo displicere, imo morti atque poenis divinis obnoxios esse modo dixi; sed estis ex eo hominum felicissimorum genere, qui-

bus per Christum ζωὴν καὶ εἰρήνην partem esse docui. Ita quidem ego, tenerrimo in vos amore ductus, statuere, aperare saltim, audeq; sed ne ipsi vos decipiatis et perperam spiritualibus hominibus vos accenseatis, accipite certissimum rei indicium atque criterium hoc: non estis ἐν πνεύματι, nisi πνεῦμα Θεοῦ οἴκει ἐν ὑμῖν, hoc est, nisi τὰ τοῦ πνεύματος φρονεῖτε. Has duas loquendi formulas: *spiritus Dei habitat in vobis*, et: *ea quae spiritus sunt sapitis*, synonymas esse, haud levibus ducti rationibus, statuimus. Primum enim parallelismus commatis quinti hanc interpretationem postulat. Commate 5 Paulus hanc generalem normam proposuerat: quicumque est κατὰ πνεῦμα sive ἐν πνεύματι, ille ea quae spiritus sunt sapit; quae regula, per ipsam rei naturam, necessario etiam valet si ita invertatur: quicumque ea quae spiritus sunt sapit, ille est ἐν πνεύματι. Iam comm. 9. istam regulam ad Romanos adplicat: vos estis ἐν πνεύματι, siquidem (πνεῦμα Θεοῦ οἴκει ἐν ὑμῖν) ea sapitis quae spiritus sunt. Nulla sane superest commatis huius cum antecedentibus cohaerentia, nec ea quae generatim disputata erant vs. 1-8. quadrant ad adplicationem eorum ad Romanos vs. 9. seqq. nisi *inhabitatō spiritus Dei* ita ut diximus intelligatur. Deinde *spiritus Dei* (sive spiritus eius qui Christum e mortuis suscitavit vs. 11.) *habitat in vobis*, prorsus idem est ac *spiritum Christi habetis* comm. 9. fine. Quid vero sit, Christi spiritum habere, Paulus ipse declarat, commate 10. ita pergens: *Si vera Christus in vobis est* etc. Atque hinc non solum colligere possumus

mus, phrasin: spiritus Dei habitat in vobis, non magis h. l. ad tertiam sacro sanctae τριαδης personam referendam esse quam ad Patrem aut Filium; verum etiam, alia loca v. c. Gal. 2. 20. Eph. 3. 17. confertentes et ad orationis in istis locis συναφισται prope attendentes, edocemur, Christum atque spiritum Christi inesse nobis tunc, si fides in Christum ac amor Christi sincerus cogitationes actionesque nostras ita dirigat, ut ea tantum amemus ac velimus, quae Christus vult et quae doctrinae eius consentanea sunt; hoc est, si φρονημα του ανωματος nobis inest *).

*) Ne quis forte repugnare existimet interpretationem nostram caeteris locis, in quibus eadem haec loquendi formula occurrit, obiter monemus, ne in his quidem omnibus sermonem esse de inhabitatione Spiritus S. sive tertiae in Deo personae. v. c. Gal. 4. 6. misit Deus spiritum Filii sui in corda nostra, commode interpretari possumus: dedit nobis animi sensum simillimum ei qui inerat Filio suo unigenito, coll. Phil. 2. 5. et de vocabulo εἰσπνευστα Indic. 9. 23. apud LXX. Sic etiam 2 Tim. 1. 14. spiritus sanctus in nobis habitans optime explicatur e commate 7. de spiritu δυναμεις και αγαπης και συμφρονισμον, qui opponitur πνευματι δειλιας, coll. vs. 6. fides habitavit in matre tua. Alio sensu eadem formula legitur 1 Cor. 3. 16. Hoc enim locis apostolus non de singulis Corinthiis, sed de universo eorum coetu loquitur, (coll. vs. 9.) atque ex operationibus Spiritus S. quae Corinthi erant frequentissimae, probat, numen divinum ipsis esse praesentissimum, eorumque ecclesiam recte haberi pro templo Dei, quod nemo sine sacrilegio ac impune possit, in varias partes illud quasi dissecando, diruere. Quatenam igitur vis ac potestas subie-

Præterea loquendi formula: spiritus Dei *habitat* (*οἰκεῖ*) in vobis, tantum abest ut huic interpretationi officiat, ut potius eam egregie confirmet. In antecedentibus enim sæpius dixerat apostolus: *peccatum habitat* (*οἰκεῖ*) in me, 7, 17. 20. *non habitat* in carne mea hominum, vs. 18. *lex peccati est* in membris meis vs. 23. Hanc prosopopoeiam porro continuat apostolus et animum christianæ pietatis studiosum (qui e diametro oppositus est τῇ ὁμαρτίᾳ in eis, qui pravis cupiditatibus regi sese patiuntur, *οἰκονομῶν*) habitare, et *φρονεῖν* τὸν *χριστόν* inesse dicit iis, qui ea mente voluntatisque indole præditi sunt, qua Christus ipse præditus erat Phil. 2, 5. Confer præterea 2 Tim. 1, 6. et Sapient. 1, 4. His præmissis, sensum comm. 9. 10. et 11. paucis ita reddimus: „Vos, Romani dilectissimi, non estis e numero carnalium hominum, mortis atque poenis subiectorum; spiritualibus potius, quorum sors est æmperque exita felicissima, ego quidem lætabundus vos accenseo, aliquidem, ut spero, mente vere christiana præditi estis. Si quis vero hæc mentis indole caret, iam Christianus dici nequitquam metetur, nec beneficiorum, quæ Christus nobis procuravit, particeps esse potest. Comm. 10. Quodsi vero ita, ut genuinos Christianos decet, animati estis, non quidem a morte corporis immunæ eritis,

ita sit huic formulæ, in tanta eius πολυμαθείᾳ, quovis loco sigillatim disquirendum est; neq. obstant interpretationi nostræ loci *nonnulli*, in quibus personæ Spiritus S. tribuitur habitatio in cordibus fidelium.

cum propter peccatum omnes homines mortis necessitate teneantur; sed nihilo tamen secius lactissima erit in posterum conditio vestra. Nam immortalia vestra anima non solum post corporis interitum superstes erit, sed felicissimam etiam atque beatissimam vitam aget, siquidem aeterna praemia Deus sperare iussit eos, qui (sicut vos) iustificati per fidem in Christum pie sancte atque iuste in hoc mundo vixerunt. Comm. II. Quid? quod ipsa etiam corpora vestra in vitam revocabuntur. Nam si, quod ad animi voluntatisque indolem, Deo atque Christo similes fieri in hac vita studuistis, idem ille Deus, qui Iesum Christum e mortuis suscitavit, corpora etiam vestra iterum vivificabit; quandoquidem ne corpora quidem eorum, qui mente vere christiana praediti sunt et τα τοῦ πνεύματος φρονέουσιν, felicioris illius sortis, qua post mortem animae ipsorum gaudebunt, expertia esse Deus voluit, quoniam τα φρονήματα τοῦ πνεύματος etiam ad corpus eorum pertingit, eius motus regit, et membris eius utitur quasi instrumentis ad actiones legi divinae consentaneas. cap. 6, 13.

Supersunt nonnulla comm. 10. et 11. paulo enucleatius exponenda uberiusque declaranda. Difficultate non carent vs. 10. verba: τα πνεύμα ζωὴ δια δυνάμεως. Animam hominis per πνεύμα significari, dubitare nemo potest, cum πνεύματι discrete opponatur corpus morti subiectum. Eodem sensu πνεύμα recurrit vs. 16. et alibi. Ζωὴ ponitur pro ὕπαισι ζωῆ. Vitam innui beatam, tam e collatione commatis 6. quam ex universa argumentandi ratione, qua utitur

Paulus, efficitur. Quid vero sit *δια δικαιοσύνην*, colligi potest ex opposito δι' ἁμαρτίαν. Corpus mortuū obnoxium est *propter peccatum*, anima vero vita fruētur beatissima *propter iustitiam*, h. e. propter sinceram virtutis christianae studium, sive propter *Φρόνημα τοῦ πνεύματος*, quod *ζῶν καὶ εἰρην* afferre vs. 6. vidimus. Idem aliis verbis repetit Paulus vs. 13. atque interpretationem nostram corroborat. Neque tamen iustificationem propter meritum Christi hac nostra vocabuli *δικαιοσύνης* explicatione excludimus. Non enim de virtutibus infidelium apostolus loquitur, sed de sanctitate hominum per fidem iam iam iustificatorum. Conf. cap. 5, 1. coll. vs. 4. 10. ubi *το σωθῆναι* eandem rem describit, quae in nostro textu per *ζῶν* innuitur. Quodsi vero *δια δικαιοσύνην* recte exponitur per *δια το Φρόνημα τοῦ πνεύματος*, atque hoc *Φρόνημα*, ut supra vidimus, idem ille spiritus Dei est qui in fidelibus habitat: facillima erit commatis II. explicatio; praesertim si animadvertamus, simillimam esse structuram commatum 10. et II. eundemque in utroque commatē argumentationis modum. Comm. 10. dixerat apostolus: Si Christus est in vobis (h. e. si spiritus Christi atque Dei habitat in vobis) anima vestra fruētur vita beatissima propter iustitiam (sive propter spiritum Dei in vobis habitantem). Iam pergit com. II. Si spiritus Dei in vobis habitat, corpora vestra resuscitabuntur propter spiritum Dei in vobis habitantem. Manifestus hic membrorum utriusque commatis parallelismus dubitare nos non sinit, quin verba: *spiritus Dei in vobis habitans* eodem sensu

commate 11. accipienda sint, quo com. 9. accipi ea debere demonstravimus. Significatur nimirum το *πνευμα* του *πνευματος* aive *τὸ δυνάμεον*. Nec difficile est intellectu, quomodo Paulus corporum resurrectionem sperare iubeat Romanos suos *propterea* quod spirita Christi animati sint, ΔΙΑ το *ἐννοου* *πνευμα*. Rei huius rationem facile perspicimus, si partim perpendamus, loqui apostolum de felici *fideli*um sorte, adeoque de resurrectione corporum hominum *beatorum*; partim animum advertamus ad discrimen quod intercedit, quod ad usum corporis, inter homines carnales atque spirituales. Illi corpore suo ad implendas animi sui nefarias libidines perpetrandaque varii generis flagitia abutuntur, ac praeterea ad peccandum saepe numero incitantur per inordinatos corporis motus, quibus ita abripi se patiuntur, ut Paulus peccatum in *mortali eorum corpore regnare* contendat cap. 6, 12. Contra vero hi, qui sanctitatem animi ita ut Christianos decet sectantur, pravos etiam corporis motus reprimunt ac domant vs. 13. *corporis sui membra* exhibent Deo *ἐν τῷ δυνάμεον* iisque tanquam instrumentis iustitiae et virtutis utuntur ad serviendum Deo, cap. 6, 13. purificant se ab omni contaminatione *carnis* non minus quam spiritus, 2 Cor. 7, 1. et glorificant Deum tam corpore suo, quam spiritu; 1 Cor. 6, 20. ita ut corpora etiam ipsorum *membra Christi* appellari possint 1 Cor. 6, 15. Quae cum ita sint, corpus etiam ipsum in societatem veniet illius felicitatis, qua fidelium animae olim a Deo benignissime cumulabuntur. Hi enim animi defe-

etio a Deo corpus ita contaminavit, ut innumeris miseris et morti ipsi merito subiiceretur: (vs. 10.) ita vicissim, animo ad Deum converso, corpus quoque, a pristina peccati servitute liberatum, in novae felicitatis consortium admittitur; et quemadmodum corpus eorum qui *τα τοῦ πνεύματος Θεοῦ*, quodammodo in societatem quasi venit certaminis adversus pravos motus carnisque illecebras, ita etiam praemia victoriae non immerito una cum anima percipiet. Recte igitur *propter* spiritum Dei in nobis habitantem corpora nostra in vitam longe felicissimam revocaturum esse Deum, praesente Paulo, credimus.

Praeterire hic non possumus insignem illam lectionis varietatem, quae non solum libros manuscriptos, verum etiam editiones tam antiquiores quam recentiores in varias partes distrahit. Editiones Erasmi, Stephani, Millii, Schoetgenii, Bengelii aliaeque habent *διὰ τοῦ ἐννοῦντος αὐτοῦ πνεύματος*. In editionibus vero Complutensi, Bezae et recentioribus plerisque legitur *διὰ τοῦ ἐννοῦντος αὐτοῦ πνεύματος*, quae lectionis discrepantia ad definiendum effati Paulini sensum, si significatio particulae *διὰ* in N. T. usitatior spectetur, non minimi momenti est. Quis enim est quin intelligat, quantum resuscitari *per* spiritum (*διὰ τοῦ πνεύματος*) differat a resurrectione *propter* spiritum (*διὰ τοῦ πνεύματος*). Utraque lectio aequae fere antiqua est. Nam *διὰ τοῦ πνεύματος* legitur apud Origenem saepe, et in codice vetustissimo claromontano, nec non apud Irenaeum, Tertullianum etc. Contra vero *διὰ τοῦ πνεύματος* occurrit apud Cle-

mentem alex. et in antiquissimis codicibus alexandrino et Regio Ephraemi. Quod ad numerum attinet codicum et Patrum alterutram lectionem tuentium, pro utraque satis multi excitantur testes. Wetstenius pro lectione *δια το πνευμα* laudat, praeter libros graecolatinos DEF et G, codices 14; quibus addendi sunt non solum codex 3. et 21. quorum lectiones Wetstenius ipse profert, (*δια το ενοικου εν αυτω πνευμα*, 3. et *δια το ενοικου αυτω πνευμα*, 21.) una cum aliis tribus a Wetstenio, quidem excerptis sed h. l. perperam silentio praetermissis, scilicet cod. 17. 36. et 47. verum etiam alii septem post Wetstenii tempora demum collati, nimirum harleian. 5552. et 5613. colbertin. 771. et Lambecii 34. 35. 36. 37. Hancigitur lectionem asserit auctoritas triginta codicum, de quibus certo nobis constat; eandemque sine dubio alii plures exhibent. Cum enim plerique codices collati sint cum editione erasmica aut stephaniana, (quae *δια το πνευμα* habent) ii qui collationem instituerunt nihil notare potuerunt in schedis suis, quoties librum manuscriptum cum edito suo consentientem viderent in lectione *δια το πνευμα*. Hoc autem cum vel nescirent vel non attenderent ii, qui lectionum variationum collectionem adaptarent textui ab erasmico et stephanico discrepanti e. gr. elzeviriano, fieri non potuit, quin nonnulli codices non laudarentur ad lectionem *δια το πν.* in quibus ea tamen deprehensa fuerat a collatore. Pro altera vero lectione *δια ταυ πν.* excitat Wetstenius, praeter cod. alexandrinum et cod. Ephraemi (qui tamen legit *δια ταυ ενοικουτας αυτω*

πνεύματος, quod αὐτῷ vel ad Patrem vel ad Christum referendum esset ac sensum valde mutaret) non nisi codices quinque, e quibus unus, scil. 22, iam laudatus fuerat ad lectionem priorem, adeoque vel hic vel ibi omitti debet. His addi possunt e Millio et Bengelio duo alii, covellianus secundus et seidelianus, atque e Treschovio lambecianus primus. Si igitur codicum numerum spectes, lectio *δια το πνευμα* sine dubio potior est. Sin vero Patrum testimonia numeres, neutra alteri cedit. Sed auctoritates non tam numerandae sunt quam ponderandae. Itaque ad vindicandam lectionem *δια το ἐνοικουν αὐτο πνευμα*, cui commatis huius interpretatio supra prolata superstructa est, sequentibus utimur rationibus: 1) „Magnum, inquit Bengelius, est h. l. pondus versionum; eae accusativum referunt.“ 2) Consensus Origenis cum codicibus graecolatinis et translatione latina, tam antehieronymiana quam vulgata, eo magis confirmat hanc lectionem, quo saepius alibi Origenis textus ab hisce codicibus et hac versione discrepare solet. Idem valet de consensione Origenis cum Chrysostomo et Theodoro. Ex omnibus codicum familiis sive textus sacri recensionebus supersunt testes nonnulli, fidemque praestantiores, qui in hanc lectionem conspirant. Praestantissimis sane codicibus accensendi sunt codd. 17. 46. 47. 3) Magna quidem auctoritas, in textu epistolarum Paulinarum iudicando, esse solet codicum A. et C. qui alteram lectionem tuentur; sed h. l. pondus eorum elevatur per dissensum Origenis, cuius textum alias fere semper hi libri praese-

quantur. 4) Solemne erat librariis, imo commentatoribus quoque, vocabulum πνευμα, ubicunque in N. T. ipsis occurreret, de Spiritu S. intelligere; unde sexcenties ἀγίου additum cernimus in codicibus et versionibus, ubi meliores libri πνευμα tantum exhibent. Cum igitur nostrum etiam locum nonnulli de Spiritu S. explicarent, atque existimarent, resurrectionem corporis per Spiritum S. faciliorem esse intellecta quam resurrectionem corporis propter Spiritum S. mutarunt lectionem difficiliorem in faciliorem, eodem manente, ut ipsis videbatur, sensu. Nam δια, licet accusativo iunctum, tamen verti interdum debet per. Atque sic δια το πνευμα intellexisse videntur. Itaque loco constructionis rarioris atque ambiguae posuerunt usitatiorē; qua mutatione hoc simul obtineri existimabant, ut caveretur, ne lectores apostolum eandem rem eodem commate bis dixisse autumarent. Sed hac cautione opus profecto non erat. Tautologiae vitio hoc δια το ἐνεικουν αὐτου πνευμα non magis sane laborat, quam illud δια δικαιωσιν vs. 10. 5) Lectio, hoc modo orta, deinceps ab aliis sedulo propagata atque defensa est, ut Macedonios eo fortius optugnare possent. Scimus enim e dialogis de trinitate, qui tam inter Athanasii quam Theodoretī opera excudi solent et a plerisque Maximo auctori tribuuntur, controversiam ortam fuisse de hoc loco eiusque lectione inter catholicos et Macedonios Dial. III. in editione operum Theodoretī halensi tom. 5. p. 1018. Postulabat haereticus macedonianus, ut catholicus adversarius probaret, Spiritum S. aequē

ac Patrem et Filium suscitare mortuos. Provocabat catholicus ad locum nostrum, excitabatque *δια τοῦ πνεύματος*: Macedonianus vero regerebat, non ita scriptum esse, sed *δια τοῦ πνεύματος*, nisi forte in uno aut altero mendoso catholicorum exemplari genitivus extet. Ad haec catholicus: ostendere possumus in cunctis veteribus exemplaribus ita scriptum esse: (falsum hoc esse patet ex antiquissimis versionibus et Patrum qui ante haeresin macedonianam scripserunt, allegationibus.) Sed quoniam existimas id in controversia positum esse, alium scripturae locum afferam: — *littera occidit, spiritus autem vivificat* — Nonnullis interiectis haeticum p. 1027 ita increpat: Vos Macedoniani et epistolam ad Hebraeos reliquistis, et *epistolam ad Romanos adulterastis*, dum scriptum esse dicitis: *δια τοῦ ἐνοικίου αὐτοῦ πνεύματος*. — Cum igitur polemi- ci de loci huius lectione inter se decertare, sibi- que adulterationem textus s. vicissim exprobrare coepissent: facile intelligitur, eam lectionem quae orthodoxis magis favere videretur, librariis prae altera placuisse atque studiose codicibus insertam esse. Extat rei huius indicium in codice 2. qui ineptissime legit: *δια τοῦ ἐνοικίου αὐτοῦ πνεύματος*. Nempe in exemplari quod librarins describendum sibi sumserat, ex- ceptabat: *δια τοῦ ἐνοικίου αὐτοῦ πνεύματος*. Priora verba fideliter transcripserat; cum vero ad vocabulum *πνεύματος* pervenisset, atque hanc lectionem haeticis depravationibus vulgo annumerari recordaretur, audacter *πνεύματος* mutavit in *πνεύματος*, ac prae nimia festinatione ea, quae iam scripserat, intacta reliquit.

6) Ea quae de vera significatione formulae το ἐνοικουν ἐν ὑμιν πνευμα supra disputata atque ex universa orationis συναφεια comprobata sunt, lectionem δια τοῦ πνευματος falsitatis arguunt. 7) Illud δια δικαιοσυνη vs. 10. ob evidentem membrorum commatis 10. et 11. parallelismum supra indicatum, postulat δια το πνευμα. 8) Scriptura S. resurrectionem mortuorum non solet Spiritui S. sed Filio vel Patri, per Filium mortuos in vitam revocanti, tribuere. Igitur analogia etiam Scripturae lectioni nostrae favet. Sed haec haec tenus. Quae vero explananda supersunt capitis nostri commata, in quibus τοῦ πνευματος mentio fit, praesertim difficiliora illa 14. - 16. et 26. 27. ea in aliud tempus reservamus.

Vos vero, CIVES CARISSIMI, omnem date operam, ut id quod descripsimus πνευμα Θεου καὶ Χριστου in Vobis habeatis habitans: Lubenter admittite salutem Spiritus Sancti, quem huius πνευματος sive novae emendataeque animi indolis auctorem esse scriptura s. testatur, virtutem. Cum vero Spiritus S. operetur per verbum divinum, quo tanquam instrumento suo utitur; per festos hosce dies non solum privatim oracula divina apud animum Vestrum perpendite diligenter, verum etiam publicis eorum interpretibus auditores Vos praebete tum attentos, tum etiam gratos.

P. P. ipso die Pontecostes MDCCLXXVI.

VI.

*De vera notione vocabuli πνευμα in cap. VIII
epist. ad Romanos commentatio altera,
qua dies pentecostes pie sancteque cele-
brandos indicit academia Jenensis.*

MDCCLXXVII.

In eruenda declarandaque notione, quae voca-
bulo *spiritus* in octavo epistolae ad Romanos capite
subiecta sit, progressi sumus anno praeterito usque
ad comma segmenti huius decimum tertium. Vici-
mus autem iustis argumentis, in ea capituli huius parte,
quam explicatam iam dedimus, ubique, si a comm.
secundo atque a decimo discedas, πνευμα significare no-
vam illam atque ad legis divinae praescriptum confor-
matam mentis indolem, quae per Evangelium, quo
tanquam instrumento suo in emendandis hominum ani-
mis utitur Spiritus Sanctus, procreatur. Hanc esse
vocabuli huius potestatem comm. I. VIII, nemo facile
erit, qui in dubium vocare ausit. Cum vero comm.
IX. XVII. nihil aliud propositum sit Apostolo, quam
ut ad Romanos suos lectores transferat ea, quae de ho-
minibus vel κατὰ σαρκά vel κατὰ πνεύμα οὖσι gene-
ratim antea disseruerat; efficitur, eandem vim vo-

cabulo tribuendam esse in posteriori hac pericopa, quam in priori illa commentatores admittunt tantum non omnes. Quam ob rem, aliisque de causis suo loco indicatis, formulas: *spiritus Dei habitat in vobis*, vs. 9. *Christi spiritum habetis*, ibid. et, *spiritus eius, qui Iesum e mortuis suscitavit, habitat in vobis*, vs. 11. ita interpretati sumus, ut synonymas eas esse statueremus cum phrasi comm. 5. obvia, τα του πνευματος φρονεϊτε, sive, ea mente voluntatisque indole praediti estis, quae homines Christianos decet, et qua Christus ipse affectus erat. Iam age videamus, quonam sensu vocabulum *spiritus* in iis commatibus, quae examinanda nobis restant, a divo Paulo usurpatum sit.

Ut Romanorum animos eo vehementius ad sanctitatis studium incitaret, eosque a prisina illa peccandi consuetudine abstraheret, eximia praemia, quae omnes τα του πνευματος φρονουντας nec κατα σαρκια, verum κατα πνευμα ζωντας manent, in animum eis comm. XIII-XVII. revocavit. Ει κατα σαρκια ζητε, inquit Comm. XIII. μελλετε αποθνησκειν ει δε πνευματι τας πραξεις του σωματος θανατουτε, ζησεσθε. Opponuntur sibi invicem κατα σαρκια ζην (quod idem est ac κατα σαρκια περιπατειν vs. 4.) et πνευματι τας πραξεις του σωματος θανατου. Hoc itaque recte explicabimus per κατα πνευμα ζην sive περιπατειν. Actus seu opera corporis*) sunt actiones

*) Pro σωματος legunt σαρκος codices graecolatini quatuor et Patres latini post Tertullianum plerique. Sed graeci omnes, inde a Clemente alexandrino et Origene, constan-

pravae, tum eae, quae membris corporis perpetrantur, tum etiam eae, ad quas incitant nos corporis motus perversi; cuius generis sunt actiones libidinosae. quibus supra omnem modum deditos olim fuisse Romanos, tam aliunde quam e cap. I, 24-27. constat. Ad has Paulum h. l. praecipue respexisse, a veri similitudine nequaquam abhorret. Conferri meretur locus ad Coloss. 3, 5. *νεκρωσατε* (ut nostro loco *θανατοῦτε*) *τα μέλη ὑμῶν τα ἐπὶ τῆς γῆς, πορνείαν, ἀκαθαρσίαν, πᾶθος* etc. ubi paulo post additur vs. 9. exuite veterem hominem, cum *πραξίς* eius. Hae *πραξεις τοῦ σώματος* perimuntur, novus cum induitur homo, sive, ut ad nostrum locum redeamus, *enecantur spiritus*; hoc est, illa animi indoles, qua veri nominis Christiani cernuntur et qua a carnalibus hominibus differunt, efficit, ut istis ad peccandum illecebris non succumbant, sed turbulentas illas et inordinatas sive corporis sive animi commotiones compescere atque reprimere valeant, nec in actus erumpere eas patiantur, quo fit ut sensim stimulorum istorum vis atque impetus frangatur ac imminuat, adeo ut incitamenta ad peccandum in dies

ter habent *σώματα*. Quare dubitari vix potest, *carnis esse* glossema antiquissimum hominis interlatinos viventis, quod vel graeco textui codicum occidentalium insertum, atque hinc in translationem latinam illatum sit, vel ab interprete latino vetustissimo in versione sua ad sensum declarandum positum fuerit, ac postea, ut alia nonnulla, licet pauca, eiusdem generis glossemata in textum graecum codicum graecolatino-*rum* irreperit.

fiant et rariora et debiliora. *Πνευμα* enim quod fidelibus inest, tum rationes moventes tum etiam vires suppetit, ad irrita reddenda omnia cupiditatum ad peccandum lenocinia. Continetur enim *spiritus* ille, sive nova hominis christiani indoles (novus homo, Col. 3. 10.) vera et viva in Deum et Salvatorem nostrum optimum fide, sincero erga Deum amore, grata ac perpetua beneficiorum, quibus Deus per Christum nos cumulavit, recordatione, assiduo pietatis sanctitatisque studio, implacabili adversus omne id, quod legi divinae adversatur, odio etc. Tali qui praeditus est *animo*, is profecto consentire nequit peccato, sed omnibus *πρᾶξεις του σωματος* bellum indicit perpetuum, easque enecat. Nam *spiritus* hic, teste Paulo Gal. 5, 17. *ἐπιθυμει κατὰ τῆς σαρκος*; h. e. ea, quae *spiritus* cupit, prorsus contraria sunt cupiditatibus carnis; quamobrem, si homo *πνεύματι περιπατει*, si ea, quae *spiritus* cupit, facit et huius dictaminis obtemperat, nequaquam *τὴν ἐπιθυμίαν σαρκος* perficiet: (ibid. 16.) sed carnem una cum *καθήματι* et *ἐπιθυμίαις* eius (i. e. cum *πρᾶξεις του σωματος*) crucifiget. (ibid. vs. 24.) Quicumque, ait Ioannes epist. I. cap. 3. 9. ex Deo natus est, peccatum non committit, (sed *τὰς πρᾶξεις του σωματος σωταται*), quia semen Dei in eo manet (sive, ut cum Paulo nostro loquamur, quia *spiritus Dei et Christi* in ipso habitat;) immo ne peccare quidem potest, ideo quod ex Deo natus est. Atque huius generis homines, ut Paulus in fine commatis nostri testatur, *veniunt*, i. e. felicissimi erunt et aeternis praemiis a Deo afficientur.

Hac autem futurorum praeiorum spe, ut eo maiorem alacritatem Apostolus adderet Romanorum animis, tum certissimam futurae felicitatis rationem tum immensam eius magnitudinem inde comprobatur Comm. XIV. quod homines *πνευματικοί*, haecenus descripti, sint filii Dei. Ita enim argumentatur Paulus: Si ope spiritus, qui vobis inest, a quibuscunque peccatis vos abstinere, *ζησεσθε*, comm. 13. Quicumque enim spiritu Dei aguntur, filii Dei sunt, comm. 14. 15. 16. Si autem filii estis, haeredes etiam estis; haeredes scilicet Dei, et cohaeredes Christi, comm. 17. Ergo *ζησεσθε*, comm. 13. et *ἀρξασθησεσθε συν τῷ Χριστῷ*, comm. 17.

Quid sit spiritu Dei agi, intelligitur primum e phrasi *ἀγεσθαι ἐπιθυμiais ποικίλαις*, 2 Tim. 3, 6. pravis cupiditatibus agi; deinde e loco parallelo Gal. 5, 16. 17. 18. *εἰ πνεύματι ἀγεσθε, οὐκ ἐστε ὑπο νόμον*, ubi spiritus carni sive vitiositati morali in hominibus impia regnanti opponitur, et, per contextum, spirituale hominis regniti indolem denotat, quae sese manifestat per bona opera, quippe quae sunt fructus spiritus, ibid. vs. 22. coll. opera carnis, vs. 19. Haec phraseos significatio porro confirmatur e loco Ioanneo, ubi hoc filiorum Dei criterium proponitur: *πας ὁ ποιῶν τὴν δικαιοσύνην*, e Deo natus est, 1 Epist. 2, 29, et cap. 3, 10. Hac re dignosci possunt filii Dei et filii diaboli: *πας ὁ μὴ ποιῶν τὴν δικαιοσύνην*, non est e Deo natus. Itaque, spiritu Dei agi, interprete Ioanne apostolo, est *ποιεῖν τὴν δικαιοσύνην*, seu animum genuino Christi discipulo dignum facis probare et ee-

rio pietatis studio duci, sive, ut Paulinas formulas adhibeamus, *κατὰ πνεῦμα περιπατεῖν* s. *ἔχειν*. Idem docet phrasium a Paulo adhibitum inter se comparatio. Nam ad ducium seu normam spiritus (*ΚΑΤΑ πνεῦμα*) vitam actionesque omnes dirigere. (*περιπατεῖν*) quid quaeso hoc est aliud, quam Dei spiritu agi atque duci? Quid, nisi *ὕπακουσιν τῷ πνεύματι*? Nam quemadmodum Paulus cap. 6. 12. in hominibus *σαρκικοῖς* regnare innuit *τὴν ἁμαρτίαν εἰς τὸ ὑπακούειν αὐτῇ*, ita simili ratione dicere licet, in *πνευματικοῖς* sive regnatis *βασιλεύει τὸ πνεῦμα, εἰς τὸ ὑπακούειν αὐτῷ*, id est, *πνεύματι ἄγονται*. Omnem vero dubitationem tollit orationis contextus et continuatio. Felicissimos futuros esse eos, qui spiritu actus corporis enecant, inde probat Apostolus, quia Dei filii (adeoque haeredes quoque, hinc felicissimi) sunt, *quicunque* Dei spiritu aguntur. Manifestum est, nervo atque vi carere argumentationem Pauli, nisi spiritu Dei agi, et spiritu actus corporis coercere phraes sint synonymae. Hinc vero perspicue colligitur, id quod aliis argumentis iam evicinus, vocabulo *spiritus* in utraque formula eandem subesse vim atque potestatem. Sed conferamus etiam cōmnia sequens XV, in quo apostolus docet, recte procedere istam argumentationem comm. 13. et 14. verumque esse axiōma illud, quod filiorum Dei dignitatem asserit fide omnibus, qui spiritu Dei aguntur. Probat hoc ex ipsa indole eius spiritus, quo aguntur. Spiritus, inquit, quem accepistis (et quo agimini) nōn est spiritus *humilis* (*πνεῦμα δουλείας παλιν εἰς φόβον*)

sed est *spiritus filialis* (πνευμα υιοθεσιας). Cum igitur arctissimo nexu cohaereat comma 14. cum comm. 15, eadem notio necesse est subiecta sit vocabulo *spiritus* in utroque commate, novumque e commate 15. robur accedit nostrae commatis 14. interpretationi. Quid sit πνευμα δουλειας, intelligitur ex aliis phrasibus, haud absimilibus in sacro codice obviis v. c. πνευμα πορνειας εν αυτοις εστι, Hoa. 5, 4. πνευμα κατανυξης, Rom. 11, 8. πνευμα πραοτητος, 1 Cor. 4, 21. Gal. 6, 1. πνευμα δεσπιας et πνευμα δυναμews και αγαπης και σωφρονισμου 2 Tim. 1, 7. in quibus omnibus πνευμα denotat eum, quo quis adfectus est, animi sensum; scilicet animum libidinosum, torpentem atque stupidum, mansuetum, timidum, ac formidolosum, fortem, sive intrepidum, benevolentem, sobrium. Absque dubio igitur *spiritus servitutis in timorem* designat animum servili metu praeditum. Veram esse hanc interpretationem valide colligitur ex adiuncto παλιν. Olim, ait Apostolus, servorum more Deum timebatis, atque vel iram numinis, cuius sanctissimas leges peccando violaveratis, vestro iure ac merito expavebatis, vel solo poenarum metu a peccando absterrebamini; nunc vero longe alia atque praestantior vestra est et indoles et conditio. Vos enim, qui Iesum Christum vera fide amplexi estis, servilis iste metus iam non angit, sed ita erga Deum, ut filii bonae indolis erga parentes suos indulgentissimos, adfecti estis. Accepistis πνευμα υιοθεσιας, quod (ut clarissime iam patet ex opposito) continetur tum obedientia tali, quae non ex metu poenarum, sed e sin-

cero erga Deum, benignissimum Patrem nostrum, amore proficiscitur, tum fiducia in Deo collocata plenissima, quae tanta est, ut Deum O. M. patrem nostrum compellere haud vereamur, ac quaevis bonorum genera confidenter ab eo et poscere et expectare audeamus. Atque hoc πνευμα υιοθεσίας est idem spiritus Dei vs. 14. quo qui aguntur, certissime Dei sunt filii. Nam ipsa huius, quo fideles reguntur, spiritus, quippe a Deo ipsis dati (ἐλάβετε) et per verbum Dei coelitus revelatum procreati, filialis indoles, indubium est indicium et locupletissimus quasi testis, Deum nos habere pro filiis suis. Hinc Paulus commate sequente XVI. pergit: αὐτο το πνευμα συμμαρτυρεῖ τῷ πνευματι ἡμῶν, ὅτι ἐσμὲν τέκνα Θεοῦ. Sententiae huius, a multis perperam intellectae, verum sensum facili negotio indagabimus, si ad ratiocinationis Paulinae seriem atque consecutionem animum advertere velimus. Est vero, ut brevissime eam repetamus, haec: Si peccatum vincetis, ope spiritus in vobis habitantis, felices eritis, vs. 13. Nam Dei filii (hinc vs. 17. felices) sunt, quotique divino spiritu animantur, vs. 14. Nam filialis est ille, quo per Dei gratiam praediti estis, spiritus vs. 15. Igitur ipse hic spiritus abunde docet, filia vos esse annumerandos, vs. 16. Optime hunc ratiocinationis nexum atque ordinem perspexit auctor interpretamenti, sensum egregie illustrantis, quod in textu graeco codicis Claromontani legitur. In hoc scilicet libro commatis nostri initio ὥστε praefigitur: ὥστε αὐτο το πνευμα συμμαρτυρεῖ κ. τ. λ. Satis

bene, si ad consecutionis declarationem spectes; licet perperam in textum irrèpsisse hoc interpretamentum ultro fateamur. Postquam enim Paulus enunciationem, quam vs. 14. perscripserat, perspicuo quodam argumento confirmasset v. 15. iam vs. 16. *infert*, veram atque certam esse illam enunciationem. Quae si ita sunt, το πνευμα συμμαρτυρου non potest non idem ille spiritus sive animi sensus esse, quo fideles aguntur vs. 14. hoc est, quo filii erga parentes suos affecti esse solent. Eo autem magis retinenda est haec vocabuli significatio, quod in antecedentibus, quibuscum comma nostrum indissolubili vinculo connectitur, constanter ea obtinet, nec ulla apparet causa, cur ab ea hoc loco discedamus. Nec si Spiritus Sancti personam indigitare hic voluisset Apostolus, scripsisset: αὐτο το πνευμα, quò ad antecedentia se respicere haud obscure innuit; verum κατὰ το πνευμα το άγιου vel πλην το πν. το άγιου συμμαρτυρει, ut intelligere possent lectores, aliam hic esse vocabuli πνευμα potestatem, novumque hoc commate et diversum ab eo, quod vs. 14. et 15. propositum vidimus, indicari criterium, e quo cognoscere possent Romani, Dei se esse filios. Συμμαρτυρει τῷ πνευματι ἡμῶν nihil significat aliud, quam συμμαρτυρει ἡμιν. Συμμαρτυρουν vero positum est pro μαρτυρουν, ut Rom 2. 15. cap. 9. 1. Apoc 22. 18. et Ierem. 11, 7. apud τοὺς ό, atque recte a vulgato interprete vertitur: testimonium reddit, h. e. certo nobis est indicio ac argumento. Ut enim tam in antecedente oratione quam aliis in locis saepe προσωπε-

410 VI. De vera notionē vocabuli πνεῦμα

πνεῦμα utitur Apostolus, atque tum de ἀμαρτία ἐν ἡμῖν
 κίκουσθ, tum de πνεύματι tales frequentat locutio-
 nes, quae proprie non nisi de rebus animatis usur-
 pati solent; ita hoc quoque loco pium illum regeni-
 torum sensum, cuius sibi consciī sunt, quemque fa-
 ctis etiam probant genuini Iesu Christi sectatores, te-
 stem quasi producit de υἰοθεσίᾳ ipsorum fide di-
 gnum. Eandem fere rem aliis verbis, paullo clario-
 ribus, Ioannes describit 1^a Epist. 3, 24. et cap. 4. 13.
 ἐν τούτῳ γινώσκομεν, ὅτι πνεῦμα ἐν ἡμῖν, ἐκ τοῦ πνευ-
 ματος, οὗ ἡμῖν ἐδόκεν, sive, ut loco posteriori legi-
 tur: ὅτι ἐκ τοῦ πνεύματος αὐτοῦ, δέδοκεν ἡμῖν. Πνευ-
 μα enim in his etiam locis accipi debere de animi
 sensu, et quidem de tenerrimo amoris erga fratres
 affectu, quo filii Dei coelestem Patrem suum imitan-
 tur, recte perspexerunt HAMMONDUS, BRAUSOBIUS et
 LENFANT, BENSONIUS ad cap. 4. 13. b. ZACHARIAS, alii-
 que. Conferri etiam possunt eiuſdem epistolae cap.
 2, 29. et cap. 3, 10.

A commate XVIII. usque ad comma XXV. voca-
 bulum πνεῦμα semel tantum occurrit, comm. XXIII.
 ubi τὴν ἀρχὴν τοῦ πνεύματος ἔχοντες commemo-
 rantur. Sed cum segmentum hoc cum reliquis capi-
 tis huius commatibus, in quibus spiritus mentio fit,
 arctiori nexu hand copuletur, atque loci istius intel-
 ligentia pendeat a significatione vocabulo κτίσις vs. 19.
 tribuenda; quae res altioris est indaginis quam
 ut paucis a nobis, aliud iam agentibus, expediri
 queat: praetereundum esse censemus locum hunc, et
 ad comm. XXVI. et XXVII. pedem promovemus.

Apostolus Christianos, variis miseriarum et aerumnarum generibus in hac vita pressos, erigit solatio inde desumpto, quod *spiritus* in afflictionibus istis opem nobis ferat, et, quanquam ipsi nesciamus dubique haereamus quid a Deo in hisce angustiis precibus expectere nos deceat, causam nostram apud Deum tacitis agat suspiriis, et deprecatoris quasi munere fungatur; Deum enim, qui intimos cordis recessus scrutatur, plenissime quid *spiritus* occulte suspirans efflagitet perspectum habere, piisque eius votis annuere elementer, quoniam *spiritus*, pro Christianis velut intercessoris vices agens, nihil postulet, quod sapientissimae divinae voluntati repugnet. Ut de sensu difficultioris huius loci, in quo plerique interpretes πνευμα vel de Spiritu S. persona vel de ea operatione eius, qua tum ad orandum nos incitat tum preces nobis suggerit atque dictat, accipiunt, eo certius constare nobis possit, monere iuvabit 1) veri admodum esse simile, Apostolum respicere hic ad ea quae supra Rom. 16. de spiritu testimonium nobis perhibente scripserat. Patentur hoc omnes fere commentatores, qui utrumque locum, cum nostrum tum illum, de Spiritu S. persona et operationibus interpretantur. Quidni mutuum hunc locorum inter se respectum nos quoque agnoscimus, licet priorem illum aliter intelligendum esse statuamus? Deinde 2) perquam probabile est, nisi graves in contrariam partem afferri queant rationes, eandem potestatem, quam vocabulo πνευμα, in priori capituli nostri parte toties recurrenti, firmis argumentis vindicavimus, hoc quoque loco

tribuendam ei esse. Iam 3) si comma 27. in se spectemus, nec pro concessio sumamus, explicandum ad esse e commate 26, id quid nullo modo in oraculi huius interpretatione fundamenti loco poni potest, cum aequo iure nos commatis 26. sensum e clariori commate 27. eruendum esse contendere queamus; si igitur verba ὁ ἐρευνῶν τὰς καρδίας οἶδε, τί το φρονήμα τοῦ πνεύματος, spectentur in se, dubitari non potest, commode το φρονήμα τοῦ πνεύματος explicari posse de desiderii animi regem *) , qui variis calamitatibus, quibus Christi discipuli obnoxii sunt, in angustias redactus quo se vertat haud invenit, et quid hac quidem rerum facie optimum sit ignorans, conceptis verbis preces ad Deum fundere, aut, ut ex angustiis illis eripiat, postulare non audent, sed occultis tantum suspiriis divinum implorat auxilium, modum vero et tempus auxilii Deo permittit **). Deus vero, cordium scrutator, tacita ista suspiria, utpote voluntati suae plane consentanea, audit. Οἶδε τί το φρονήμα τοῦ πνεύματος idem est ac οἶδε τί φρονεῖ το πνεύμα. Φρονεῖν autem est ζητεῖν, Col. 3, 2 coll. vs. 1. sive θελεῖν. Hinc Heychius φρονήμα in-

*) Hinc interpretes nonnulli, qui comma 26, de spiritu Sancto ejusque operationibus explicant, tamen comma 27. de animo hominis per Evangelium emendati exponunt; e quorum numero unum nominasse sufficit ERNESTIUM V. V. in *neueste theolog. Bibliothek* vol. 2. pag. 222.

**) Confer omnino egregiam THEODORETI explicatiōnem huius loci.

terpretatur *Βουλημα, Ξελημα*; et vulgatus interpres bene h. l. reddidit: *quid desideret spiritus*. Atque hanc significationem *συναφεια* orationis omnino postulat. Nam *Φρόνημα του πνευματος* continetur *στεναγμοις* illis *ἀλαλητοις* vs. 26. quibus spiritus intercedit pro nobis, *τι προσευξομεθα καθο δει* ignorantibus. *Αλαλητοι* vero dicuntur non quod verbis exprimi nequeant; sed quia voce non proferuntur et imo pectore studiosè occuluntur*), ne scilicet talia forte precemur, quae voluntati divinae adversentur. Hos *στεναγμους*, hoc *Φρόνημα του πνευματος* Deus oīds, non novit solum, verum, ut patet e contextu, audit etiam. Rei huius ratio, una cum uberiori loci nostri illustratione, peti potest e commate 5. 6. et 7. Homīnes *σαρκικοι* legi voluntatiq̄ue divinae non obtemperant nec res adversas patienter ferunt, sed, si forte precibus Deum adire dignentur, clamoribus eum quasi obtundunt, et, ut citissime omni eos liberet periculo, flagitant. Nam *Φρονουσι τα της σαρκος*, et ea quae sensibus grata sunt unice appetunt. Contra vero *οι κατα πνευμα οντες*, in quibus habitat quosque agit *το πνευμα Θεου και Χριστου*, hi *Φρονουσι τα του πνευματος*, et in rebus adversis aequè atque in secundis toto animo in ea feruntur, quae Dei voluntati consentanea sunt. Hinc, calamitatibus afflicti, Christi ad exemplum preces suas compōnunt:

*) Vid. LAMBERTI BOS. *exercitationes philologicae*. Francoerae 1713. pag. 111. atque conf. Exod. 14, 15.

414 VI. De vera notione vocabuli πνεῦμα

Pater, si fieri potest, transeat a me iste calix; verum tamen, non quod ego vo o, sed quod tu vis. Talis cum sit το Φρονημα του πνευματος, occultis suspiriis sese prodens ei qui absconditum animi desiderium novit, non potest non Deo gratum esse. (coll. vs. 8.) Quare, quemadmodum το Φρονημα του πνευματος generatim, fons est verae felicitatis, vs. 6. et non solum anima propter δικαιοσυνην vitam beatam aeternum vivet, vs. 10. verum corpus quoque propter πνευμα in nobis habitans olim resuscitabitur, vs 11. ita etiam suspiria fidelium, quae velut interpretes sunt του Φρονηματος του πνευματος, propter hoc πνευμα sive filialem animum gratiose a Deo audiuntur. Quid igitur mirum, Paulum elegantissima metaphora hoc πνευμα υιοθεσιας, ΕΝ ΩΙ ΚΡΑΖΟΜΕΝ ἀββα ὁ πατηρ vs. 15. intercessorem nostrum apud Deum appellare? Intercedit scilicet pro nobis, cum Deum movet, ut nostris precibus, immo tacitis etiam suspiriis, benignissime annuat, nobisque, calamitatibus paene oppressis, ea ratione, quam ipse optimam et nobis utilissimam esse scit, opem ferat ΔΙΑ το ἐννοικουν αὐτου πνευμα ἐν ἡμιν, vs. 11. Atque hinc porro intelligitur, quoniam sensu idem hic spiritus dici possit comm. 26. σὺν ἀντιλαμβανεσθαι (h. e. ἀντιλαμβάνεσθαι coll. vs. 16. Luc. 10, 40. et Ps. 88, 21. apud τοὺς ὁ) ταῖς ἀσθενείαις ἡμῶν, id est ἡμῶν. ἐν ταῖς ἀσθενείαις ἡμῶν: nempe intercedendo pro nobis, nostramque causam ea, qua mox dicebamus, ratione apud Deum agendo. Ad stabilienda ea, quae hactenus disputavimus, notamus 4) Paulum loqui cum

Christianis, qui variis παθήμασι et adversis casibus conflictantur vs. 17. 18-23. 25. (ὕπομονη) 28. (πάντα h. e. etiam τα παθήματα) et 35. 36 De miseriis igitur accipiendae sunt αἱ ἀσθενεῖαι commate nostro 26, non autem, ut multis visum fuit, de virium humanarum in rebus spiritualibus defectu; quae falsa interpretatio erroneis totius huius loci explicationibus ansam dedit. Saepissime in N. T. hoc sensu occurrere ἀσθενεῖαν, vel tironibus notum est. Conf. v. e. 2 Cor. 11, 30. cap. 12, 5. 9. 10. Sed non solum nihil obstat, quominus comma 27. eo quem indicavimus modo explicetur, verum etiam 5) idoneis de causis hanc eius expositionem, quam e comparatione cum comm. 5-16. satis iam confirmavimus, unice veram esse iudicamus. Nam si πνεῦμα intelligamus de Spiritus S. persona, fateri cogemur, parum apte et ad rem accommodate Apostolum scripsisse: Deus qui scrutatur corda (nempe corda hominum) novit quid desideret Spiritus Sanctus. Sin vero de Spiritus S. operatione, qua preces piis hominibus suggerit, πνεῦμα accipere velimus, infitias ire non poterimus, supra quam dici potest frigide rationem, cur Deus has preces audiat, adiectam esse hanc: quoniam κατὰ θεον h. e. κατὰ τὸ θελημα θεου (1 Io. 5. 14. 2 Cor. 7, 9. 10.) divinae voluntati consentienter deprecatur pro sanctis. Quasi vero preces ab ipso Spiritu S. fidelibus suppeditatae possent esse voluntati Dei non convenientes. Quin opus plane non erat, ut apostolus argumento quodam allato probaret id, quod nemini dubium videri poterat: Deum nosse et exaudire eas

preces, quas supernaturali modo Spiritus S. ipse sanctorum cordibus inspiret. Contra ea aptissime Apostolus, ex nostra sententia, monet, Deum certissime audire preces, immo tacita suspiria, fidelium, *quoniam homo spiritualis* (reduplicative, ut in scholis loquuntur,) ea tantum desideret, quae sint *κατα Θεον*: hancque novam animi per Evangelium emendati indolem, in precibus Christianorum conspicuam, tantopere placere Deo, ut commode intercessoris nomine insigniri ea possit, qua deprecatrice impetremus quae a Deo petimus. 6) Non est quod quisquam obiciat, duriusculam videri istam translationem, qua animi quaedam conditio deprecatoris aut intercessoris nomine veniat. Nam durior non est quam illa, qua vs. 16. eadem haec animi indoles testimonium dicere perhibebatur, aliaeque innumerae a scriptoribus tam sacris quam profanis usurpatae. 7) Si commate 27. πνευμα denotat animi regeneriti indolem, procul omni dubio haec vocabuli significatio obtinet etiam commate 26. *). Nam non solum το φρόνημα του πνευ-

*) Possemus nostram comm. 26. et 27. interpretationem plurium commentatorum, magna saltem ex parte nobiscum consentientium, suffragiis confirmare, si auctoritatibus quidquam tribuendum esse putaremus. Ne tamen tironibus prorsus nova et inaudita videatur, paucis monemus, e veteribus nobiscum facere THEODORETUM, et ex parte etiam CHRYSOSTOMUM, cuius scrinia, ut solet, compilavit IOANNES DAMASCENUS. E recentioribus laudamus tantum LIMBORCHIIUM, HARDUINUM, S. R. MOLDENHAVERUM, VEN. IUNCKHEMIUM in libello qui inscribitur *von den übernatür-*

ματος respicit, ut, docuimus, ad στεναγμούς, quibus πνεύμα pro nobis deprecatur, verum etiam eadem res iisdem verbis comm. 26. de πνεύματι praedicatur, quae simillime comm. 27. πνεύματι attribuitur: ~~καὶ~~ ~~το~~ ἐντυγχάνειν ὑπὲρ ἡμῶν. Si vero in posteriori hac commatis 26. parte locum habet haec τοῦ πνεύματος significatio; certe etiam in priori admittenda est, in formula το πνεύμα συναντιλαμβάνεται ταῖς ἀσθενείαις ἡμῶν: tum quia illud αὐτὰ in particula posteriori lectorem remittit ad πνεύμα proxime antecedens; tum quia pars segmenti posterior destinata est declarando modo, quo πνεύμα nobis succurrat, scilicet deprecando pro nobis apud Deum. Tandem 8) illustrari posset nostra oraculi huius Paulini interpretatio e locis Ioanneis duobus I Epist. cap. 3, 19-22. coll. vs. 24. et cap. 5, 14. 15. Sed spatii angustia ab accuratiore Pauli cum Ioanne comparatione intercludimur.

Atque sic excussimus loca huius capitis omnia, in quibus vocabulum πνεύμα reperitur. Vos vero, CIVES CARISSIMI, per festos hosce dies sedulo Vobiscum reputate, tum quam tristis sit conditio eorum, qui pravis cupiditatibus servos sese addicunt, tum etiam quam ingentia praemia proposita sint his, qui spiritu

lichen Gnadenwirkungen. Erlangae 1775. p. 680. seqq. Conf. etiam b. MOSHEMII Sittenlehre tom. 5. p. 340. Plures consulto praetermittimus.

Griesbachii O. a. I.

D d

418 VI. *De vera notione vocabuli πνευμα etc.*

Dei atque Christi agendos regendosque se tradunt. Frequentes confluite ad ea loca, ubi Evangelium, per quod spiritus ille, quem descripsimus, in animis Vestris et procreari et ali potest, publice proponitur; Vestrarumque partium esse mementote, gratam Vestram erga praecones huius Evangelii mentem re atque factis probare.

P. P. ipso die Pentecostes MDCCLXXVII.